




Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.164




Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.164



2. 6. 164.

2 H. 6

XXX
VAR. CON R



DE
BELLO CONTRA TUR-
CAS PRUDENTER GE-
RENDO

LIBRI VARI,
selecti & uno volumine editi

cura
HERMANNI CONRINGII.



HELMESTADI,
Typis & sumptibus HENNINGI MULLERI, Acad. Typ.
Anno MDCLXIV.

Cum privilegiis perpetuis Vic. S. R. I.

SVMMA PRIVILE-
GIORVM.

Proximo interregno cautum est privilegiis Serenissimorum Potentissimorumque S. R. I. Vicariorum, ne quis unquam libros Hermannii Conringii cura scriptos vel editos, citra ejus heredumque consensum, intra limites Vicariatuum inprimat, aut alibi impressos vendat: pœna delinquentibus dicta, amissionis omnium ejusmodi librorum, & solutionis decem marcarum auri. Prout latius definitur ipsis Privilegiorum tabulis.



ILL. ET EXCELLENTISS. VIRO

ROBERTO GRAVELL

Christianissimi Franciæ & Navarræ Regis
in Germaniam Legato.

HERMAN. CONRINGIUS

S. P. D.

SExcentos circiter annos est ex quo
Christianus orbis cum Turcarum po-
tentiâ collidi cœpit. Simulac nimi-
rum Tangrolypecis, sive ut sui illum
vocant Toghræ Selzuccij, felicibus auspicijs Sarra-
cenorum per Asiam vis destructa, & nova ibi Tur-
(:) 2 cica

tica longe lateque patens monarchia exorta est,
mox in Novæ Romæ Imperium non minus felici-
ter versa sunt Turcarum arma. Non dubita-
vit quidem Europa reponere illis bellum, in ipsam
Asiam plurimis sacris expeditionibus susceptis,
& ducentos propemodum annos cum armis Tur-
cicis, circa Palæstinam præcipuè, successu sæpe
non infaulsto confligit: tandem tamen omnia vi-
ctoribus Turcis cedere coacta fuit; innumerâ
Christianorum multitudine, & ipso flore fortis-
simorum quorumque universæ fere Europæ ho-
minum, per illum longi temporis tractum, mise-
rè perditâ & absumptâ. Quamvis autem illa Tur-
carum prima monarchia, cum intestinis diffi-
diis scissâ tum Tatarorum armis victa, fœde ad
ultimum interiit: mox tamen Aladino duce ex
Perside profugi Turcarum nobilissimi, occupa-
tis Iconio & Sebastia inclytis urbibus, novum per
minorem Asiam regnum condiderunt, & supe-
ratis Græci Imperij provincijs aliquot, feliciter
per nonaginta circiter annos, tenuere. Oguzij
quoque, alius Turcarum populus, sed vilior & ha-
ctenus in plaustis vagus, itidem profugi, initio
ob navatam strenuè Selzuccijs gentilibus suis o-
peram,

peram, prædiis & agris in Bithynia Phrygiaque
donati, paulatim vicinos Christianorum fines car-
pserunt, at Aladinijs deniq; regibus deficientibus,
Osmano duce non tantum omnem Turcarum
superstitem vim, sed antiquâ gentis fortunâ in se
versa, omnem ferè minorem Asiam in ditionem
suam transtulere. Hoc novum Osmanidarum
regnum illud est, quod inusitatâ dudum bellandi
felicitate & universum Novæ Romæ Imperium,
& tam multos alios Asiæ Africæ Europæque flo-
rentissimos populos, victricibus armis suam in po-
testatem redegit; quodque centum annis amplius
Germaniæ quoque intendit jugum, imò totius re-
liqui orbis dominatum certa spe animo suo jam
tum despondit. Sexaginta propè annos quieve-
runt quidem nonnihil adversa utrimque arma,
pace licet infidâ saltim aliquatenus tamen consti-
tuta: nunc verò pactis conventis insuper habi-
tis immanis illa bellua denuo nos aggreditur.
Ea res non patitur temere quenquam securum
esse: non prudentem sane quenquam, & quo
cum hoste nobis res sit gnarum. Et verò quod Ru-
dolphi Augusto Cæsare gestum nobis cum Tur-
ca bellum ultimum fuit, majoribus nostris mi-

nus periculi intentaverat, quod Transylvania omnis & Moldavia & Walachia validissimas copias unà nobiscum Turcæ objecissent, & sic Danubius nec commeatus nec armorum quidquam Constantinopoli submisisset, ab oriente etiam Persa tergo hostili imminuerit, imò haud parùm illius ferociam fregisset jam quo tempore bellum illud gericeptum est. Erant circa initia & Hungari omnes ad bellum prompti paratique: non leve profectò in victoriam momentum. Nunc adversa omnia experimur. Illi tum socij jam hosti militant: Ister totus Osmanidæ servit: imbelior jam Persa nec Turcæ facile metuendus, & dudum ibi alta pax est: nec terrestribus copijs aliquid pridem damni illatum à quoquam fuit: in Hungaris postremo, posteaquā eos diffidere ipsis præsidijs suis multiplices fecere sacræ injuriæ, plane illæ quæ Rudolphi olim omnem victoriam corruerunt, vel exiguum vel incertum præsidium est collocatum. Ad hoc Germania omnis diuturno bello domi exhausta, hinc luxu inops, neutiquam priscas vires adferre idonea est. Tantum vicinæ gentis periculum indubie movit Christianissimam Regiam Majestatem, ad tam prom-

prompta & valida auxilia submittenda & promittenda majora: sapientissime scilicet expenso, suam quoque rem agi, ardente ut ita loquar patriete proximo. Utinam parē laudem mererentur & alij, quorum haud dispar causa est! Nunc dum nonnulli otiosos agunt spectatores, alij & fovēt hostiles impetus modò quæstum faciant, verendum sane, ne dum singuli pugnant universi vincantur. Enimvero in communi incendio omnes accurrere, & pro virili juvare addecet, ne sprete flamma vim accipiens jam adaucta eludat restinguentium conatus. Hac sane de causa, & ego officij mei esse censui, non supine me tanto in discrimine gerere, nec tamen cum Diogene ^{XVIIII} dolium volvere aliis seriò laborantibus; quocirca, quod unum potui, saltem bona quæq; prudentum consilia quasi ex tenebris in lucem & ex situ in usum revocavi. Agnosco nimirum, quàm ipse ego bellicæ artis sim rudis; nec eam & Turcicorum & nostrorum armorum peritiam consecutum me, ut ipsemet consilio meo succurrere huic bello nostro aptus sim; itaq; aliena dudum prudentiæ laudem merita producere, satius fore existima-
vi, quàm vel nihil vel inter Annibales Phormio-
nem

nem agere. Neq; ego dubito, abs te etiā, Excellen-
tissime Legate, hoc meum institutum haud im-
probatum iri: conscius & sapientiæ tuæ pariter
& æquitatis. Tuo autem iudicio si absolvar à
culpa, potero equidem quamvis asperas aliorum
vocalas secure contemnere: tantum abest ut an-
xie mihi quærenda aliunde suffragia fuerint.
Quin igitur Deum potius obsecro, ut quæ hoc
volumine ex multo numero congeffi, illa armis
nostris felix suggerant consilium; nec nostris so-
lùm sed in universum omnibus, quæ sive mari si-
ve terra usquam locorum in Turcam expedien-
da veniunt. Et verò videor, me cum ex libellis
hisce tum quadamtenus & Veneti belli usu di-
dicisse, omnium felicissime Turcam mari expu-
gnari posse: nulla enim parte magis esse debilem
aut latere minus tecto. Eoque & illis maritimis
armis bene consulere utique oportet, non minus
quàm terrestribus; imo his potissimum prospera
quæque par est apprecari. Hinc sane soleo ego
Christianissimam Regiam Majestatem plurimis
passim laudibus prædicare, quod non conten-
ta lectissimum in Hungariam militem mittere,
classe etiam instructissima Africam ipsam, illam
Tur-

Tureicæ piraticæ sedē ipsam & receptaculum, ag-
gressa sit: idq; non quæstus captandi gratia, (quod
mercatoria solent ingenia, quæ etiam à piratica i-
stha lucrum expectant, modò sibi videlicet haud
noceat) non potentia ampliandæ ergo, sed in com-
munem Christiani orbis usum; quod vere est Re-
gium, vere dignum Rege Christianissimo. Secun-
det Deus hosce etiam conatus, faxitque ut prospe-
ritate suâ ad majora audenda sint incitamento.
Sane longe maxima à LVDOVICO expectat orbis,
postquã ita in illum ornandum omnigena jam tum
quali conspirat felicitas. Quæ inter profecto est
& illud, ut classe Christianissimâ expugnata Con-
stantini urbs desinat esse quod hodie est impuri
Mahumetis metropolis, sed Christo reddita hunc
solum rursus imposterum adoret ac veneretur.
Quidni verò tantus Rex præstiterit, quod Flander
olim Balduinus rei modicæ & Francico regno sub-
ditus Princeps effecit? Quidni nunc fiat quod in-
evitabile sibi esse, constituentibus ita fatis, ipsimet
Turcæ ejulabundi confitentur? Desinat in Ma-
humethe imperium quod in Mahumete cœpit,
Nemo Capetanæ familiæ Regum ad illas vires o-
pesq; hætenus ascendit: nemo ad nutum usque
(:) (:) adeo

adeo omnem habuit populum: nunquam milite
domestico bellis exercito ita instructa Francia ve-
stra fuit: nunquam perinde & classe valuit, quin
hoc unum præcipue visum est hætenus Francicæ
potentiæ defuisse. Iactentur Oceani fluctibus &
vagentur in remotis, quibus unice quæstus cordi
est: ad Mediterranei quod vocant maris imperiū
oportunos ipse situs Franciam quasi evocat. Nus-
quam melior, nusquam expeditior, parandæ glo-
riæ & Christiano orbi vindicando Christianis-
simo Principi campus patet. Hostis Christiani
nominis domi quærendus, in hostico vincendus
est, ubi bellum seipsum alit: velut Persas in Per-
sia Alexander, Pœnos in Africa & Carthagine Sci-
pio domuit. Habeat hæc nostra ætas LVDOVICVM
MAXIMVM, ut alia PIVM, alia SANCTVM, alia SAPI-
ENTEM, alia IYSTVM venerata est. Sentiant iterum
Turcæ in ipsis visceribus suis jam olim formidata
sibi Francorū arma: & eò feliciore quidem succes-
su, quo hæc bella iustiora sunt illis in Palæstinam
majorum expeditionibus. Sed quo prolabor? Hoc
volebam, Illustrissime GRAVELLE, doceri hisce li-
bellis, quī non terrā tantum sed mari etiam supe-
randus sit Turca, & quidem mari potissimum.
prom-

promptam victoriam illos polliceri: idque proinde à Christianissimo Rege merito orbem Christianum exspectare. Cæterum fefellerint ne nos libelli isti, an salutaria suaserint, Tu quidem rectissime omnium judicaveris, qui & rerum usu & nativa polles prudentia. Omnium quoque optime Christiani orbis de **LVDOVICO REGE** desiderium & mea vota expendere poteris, quem nihil fugit etiam arcanorum Franciæ penetralium. Cumque belli ejus, quod contra Turcas in Hungaria nunc Christianissimi quoque Regis felicissimis auxiliis geritur, cura Te tanti Regis Legatum indies occupet, utique non à munere, quo summa cum laude in Germania jam pridem fungeris, aliena fuerit hæc disceptatio; imo quotidianum hoc exercitium Te indubie aptissimum talium rerum judicem censoremque jam effecit. Enimvero in id præcipue Tibi præ omnibus hæc nunc publice offero, uti publice constet, quantum huic farra-
gini sit tribuendum fidei. Pauci scilicet salubria à noxiis, vana à seriis, recta ab iniquis norunt distinguere: quamvis promiscue omnes sibi hoc sumant, & in vulgo credantur omnes sapere, saltem illi qui à Principibus sapere jussi sunt. Quæ per-
(:) (:) 2 suasio

suasio summe tamen rebus publicis detrimentosa
est: cum soli Tui similes h. e. oppido pauci audiri
jure debeant. Itaque bene profecto de communi
salute Christiani orbis mereberis, Illustrissime
GRAVELLE, si quod Tu in paucis potes complures
alios doceas, quid hisce Consilijs in tam periculosi
momenti negotio tribuendum sit. Docebis vero
si vel abjeceris illa vel benigne exceperis, sepo-
sito illo quo offerentem me pridem favore es pro-
sequutus. Nequē verò velim censuram tuam,
adeo utilem benevolentiam mei flecti in mitiora:
sed æquam plane & sinceram expeto. Aliàs vim
affectus illius tui in me, quem & coram in aula
Nestoris nostri Germanici AVGVSTIQUE heri
mei, & per literas absens aliquot jam annis exhi-
buiſti, expromas licet (quin imo ut pergas patro-
cinio me tuo complecti, etiam atque etiam rogo,
perinde atque ego operam dabo, ut mea Tibi of-
ficia & debita reverentia nunquam non sibi
constent) nunc tamen quo ab affectu isto hoc fue-
ris liberior eo acceptius iudicium futurum est.

HER.

HERMANNUS CONRINGIUS
BENEVOLO LECTORI
S. P. D.

Raclare meritis quondam est de republi-
ca Nicolaus Reusnerus vir multiplici
praestans doctrina, collectis in volumina
aliquot cum Epistolis tum Orationibus
& Dissertationibus variis de eo quod Christiano orbi
cum Turcis est bello: quamvis non multo post sum-
ma ingratitude nomen ejus expunctum sit. Ea
nimirum belli illius est gravitas, illud inde discrimen
impendet, ut omni studio excitandi sint animi,
ne per ignaviam aut socordiam detrimenti quid-
quam salus communis patiatur, praesertim quum
error omnis damnum pariat tantum non irrepa-
rabile. Mihi tamen non est propositum, vel meo
quem calamo cohortari ad arma strenue gerenda,
vel aliorum adhortationes nunc edere (id enim a
Reusnero & aliis abunde actum est) sed tantum
nonnulla quae mihi omnium optima sunt visa, de bello
illo prudenter gerendo, a praestantissimis scriptoribus
suggerita Consilia in hoc unum volumen seligere. Neque
vero ipsemet ego par sum, qui hoc meopte Marte
agam; ut aliorum autem scrinia compilem ab animo

):():(3

meo

meo est alienissimum: nec tamen me tanto in commu-
ni periculo supine quiescere & nihil agere, permit-
tit patria & Christiano orbi debita pietas. Quam-
vis autem quæ hic edo non sint nova, aut in usum
hujus adeo temporis conscripta, sed vetera jam, non-
nulla quoque præterita ætati seorsim quasi consecrata,
non minus tamen nostris commodis profutura illa
judico. Haud multum scilicet & Turcarum &
nostra res mutavere à pristino, in plarisque fabula ut
sic dicam eadem est mutatis tantum personis. Ut
paucissimis exceptis eadem quæ olim & noxa &
usui hodieque sint. Quod si sane & Romana bellica rei
monumenta nunc quoque insignem utilitatem adferre
apta sunt, quanto plus fructuum expectare lice-
rit ab hisce adeo nobis & vicinis & plane affini-
bus?

Cæterum in hac nostra collectione primum lo-
cum mereri mihi visa sunt, quæ ex Italico ante hos
sexaginta amplius annos Latine vertit ediditque
Jacobus Gendrus inclytæ Norimbergensium civi-
tatis patricius. Et vero hac etiam inter, me qui-
dem iudice, eminet LAZARI SORANZII
Veneti opusculum: quod proinde reliquorum
agmen quasi hic ducit. Auctor libelli nobilissimæ
Superantiorum familia Venetiis editus, ille ipse
est,

est, quem anno seculi hujus secundo defunctum hoc
elogio ornavit princeps Historicorum nostri & vi Vir
Illustris Jacobus Augustus Thuanus libro 127: La-
zarus Superantius patricius Venetus, cujus ex-
stat de rebus Turcicis magni judicij ac pruden-
tiæ commentarius, hoc anno Aprili mensē ad
meliorem vitam in patria migravit. Est verò
& hic libellus is d Thuanus ita depredisatus com-
mentarius. Non est ille quidem ea qua par est exa-
ratus vel dictionis vel methodi elegantia; judicium
tamen & diligentiam in tradendis omnibus ad rem
militarem necessariis, ut & prudentiam in iis ex-
pendendis, non temere desideraveris. In nullo cer-
te hujus argumenti scripto tantam bonæ frugis
copiam reperias. Quod procul dubio debetur &
auctoris indoli ad rem publicam nata, & sapientis-
simis Venetæ civitatis institutis, & majo-
rum civiumque Superantii aliorum, quibus Tur-
carum omnia cura & cordi sunt, accura-
tissimis monumentis. Natus enim fuit Lazarus
Patre Benedicto Soranzio, qui in victoria Corzolaria
contra Turcas fortiter pugnans obiit, habuitque
patrum Jacobum Venetæ reipublicæ ad Portam
Osmannicam Legatum: & abundat respublica illa
sapientissimis rerumq; Turcicarū peritissimis viris:
à qui-

2 quibus sedula percunctatione accipi proinde talia
potuerunt. Meruit praestantia libri, ut simulac
Italice anno 1598 in lucem prodiret, biennio post &
Latine pariter & Germanice verteretur. Persequu-
tus vero est ille summa industria statum Turcici Im-
perii istum quidem precipue, qui fuit Mahomethe
tertio regnante anno 1597, quoniam vero ne nunc
quidem is omnis mutavit, audeo ex hujus libri ac-
curata lectione nostro quoque tempore fructus insi-
gnes polliceri.

ACHILLES TARDUCCIUS Italus
& ipse fuit: minore quidem Turcicarum rerum
notitia, at cetera Soranzo doctior & peritior
scribendi docendique, adhuc Tacticae artis scientia
plane insignis. Qua domo natus fuerit equidem
ignoro: eodem autem anno 1597 paulo post Agri-
ense praelium scripsisse hunc libellum, liquet ex non-
nullis quae parte tertia differuntur. Quum mul-
ta vero tradat quae non propria sunt bello Turcico,
sed in omni praelio observanda, communior potest
esse libelli usus atque extra etiam Turcica negotia.

ANONYMI Tertium opusculum longe est
infra priorum duorum laudem, fateor. Nec abs
me illo fuisset loco collocatum, nisi Geuderianas o-
peras dividere religioni habuissem. Tanti tamen
jam

jam olim fuit factum, ut & Philippus Honorius
& Nicolaus Bellus & Casparus Ens suis illud Disserta-
tionum voluminibus inseruerint. Nec vero fortas-
sis imprudenter disseruit auctor de maritimo con-
tra Turcam bello: quoniam & Soranzus illud omni-
bus aliis expeditionibus pratulit, quasi hac parte mi-
nime omnium valeat Turcica potentia: id quod &
nostra isthac aetas decemnovali hoc Cretico bello faci-
le didicit. Caterum libellum hunc exaratum esse cir-
citer annum superioris seculi octuagesimum quin-
tum, paulo ante quam Amurathes in Hungariam
arma verteret, manifestum est.

AVGERIVS GISLENIUS BVSBECQVIVS
neq; ingenii elegantia, neq; varia doctrina, neq; pru-
dentia & agendarum rerum dexteritate, neque po-
stremo Turcicarum sui & virerum peritia cuiquam
fuit secundus. Perfunctus quippe semel iterumq; est
summa cum laude, Ferdinando Imperatore (quo
tempore florentissima Turcarum sub Solymanno,
Hungaria autem afflictissima res erant) ad Portam
Legationibus: posteritatem quoq; nitidissimis &
lectu jucundissimis epistolis plenius & rectius solito
multa docuit Turcici status, quæ scire interest: neq;
ex eo illorū qui ipsi successerunt quisquam paria fa-
cere vel conatus est. Quem hinc exhibemus libellum
Maximiliano imperante videtur conscriptus; cum
(:) (:) (:) ipse

ipse Busbequius demum anno seculi antegressi nonagesimo secundo in Gallis decesserit. Vtilissima illud suasse, & quæ nunc etiam debeant observari, nemo temere prudentior negaverit. Si sane talem militem, qualem ille voluit nostrum esse, hosti opposuissimus hactenus, non in illas angustias, quibuscum nunc conflictamur, pervenissent fortè res nostræ. Utinam vel tandem prudentissimis viri monitis aures praebeamus!

Magnum quondam rebus pace belloque praeclare in Polonia gestis nactus est JOANNES TARNOVIUS COMES: habuit quoque ille Turcicam militiam regni patrii archistrategus penitissime cognitam. Igitur & illius de hoc argumento prudentes sane sermones, quales ipsimet Carolo V Imperatori offerre non dubitavit Joannes Strassius, heic inserte duxi operæ futurum pretium. Et vero quidni audiatur in hoc quasi militari senatu magnus belli dux etiam ex Sarmatia advocatus, post tres Italos & unum Germanum?

Quæ LAZARUS SVENDIVS in medium attulit, Hungariæ cum primis & Germaniæ tutanda faciunt. Cujus ille rei rationes omnes & usu exploratissimas habuit pariter, & quæ valuit exacta bellandi scientia acri judicio perspexit intime; non consilio minus quam manu felix. Multa fateor
jam

jam tum ex ipsius monito in Hungaria sunt constituta,
quibus fere solis servata haecenus fuerunt illa quae ibi
superant: at cum multa neglecta fuerint non sine magno
damno & majore etiam in futurum periculo, denuo for-
tem illum & sapientem heroem attente audire, ex usu
fuerit. In id sane à me libellus illius huc allatus est.

FELIX PETANCIVS nunc sero nimis au-
diatur. Non enim ille est rerum status, ut de istis iti-
neribus nunc simus solliciti; pridem perdita maximam
partem Hungaria, quae Vladislao Rege integra persta-
bat. Adjunxi igitur hoc opusculum, saltem ut appa-
reat, quam generosi olim fuerint Hungarorum cona-
tus, & quo nunc omnia reciderint. Utinam vero ea
sit armorum nostrorum hoc bello felicitas, ut isthoc
via monstratore nobis opus sit! Interim discere tamen
hinc licebit viarum omnium, quibus Turcis longius dis-
sit in Hungariam eundum, conditionem: quod
haud nescire itidem utile est.

CHRISTIANI FRANCI fictum nomen
est, mihiq; proinde ignoratus scriptor. Vixisse quo tem-
pore Rudolphi Caesaris auspiciis gestum cum Turca bel-
lum, nemo non videt. Neq; illum ad laudem aliorum
accedere, ultro fateor: eoq; volui ut agmen clauderet.
Quadam tamen satis oportuna loqui visus est, ac pro-
inde in isthoc sapientum militari conventu saltem ex-
tremum locum dignus qui occupet.

Qui

Qua HENRICI TOVRENNII COMITIS nomine exstat oratio, omnibus jam editis in manus meas pervenit: nec adhuc satis sum certus, an ipsiusmet fortissimi Herois sermo sit, an vero ex persona illius conficta ab alio dissertatio. Quicquid sit, & prudentia, & eloquentia, & generosi pariter piq; animi nitidum est speculum: nec par quidquam haecenus huius argumenti in lucem prodiit, quod equidem sciam. Digna certe quam Christianissimus Rex audiat, & usq; adeo vetus bellandi dux habeat oratio, dignissima vero qua ad omnem posteritatem perenni cum laude transferatur.

Hac illi sunt, BENEVOLE LECTOR, qua hoc Tibi volumine exhibeo. Aliena quidem omnia; in quibus tamen edendis plurimum mihi molestiae sustinendum fuit, quod nihil non infinitis mendis laboravit, à quibus ut liberarentur omnia sedulam ego operam dedi. Indignum scilicet judicavi, tam praeclaros libellos adeo foede sordideq; haecenus habitos à librariis, passimque vix intelligi potuisse, cum lectu essent dignissimi. Vt habere igitur iterum possis, qua manibus dudum exciderant magno reipublicae malo, utq; pura emendataque cum fructu versare queas adeo utilia, hoc demum debetur mihi. Quod si & pia arma Christiani orbis hinc commodi aliquid acceperint, magnum me pretium operae cepisse existimabo. Id certe uti eveniat Deum veneror obsecroq;. Helmestadij Kal. Septembr. Anno clō lō c lxiiv.

LAZARI

LAZARI SORANZII
Patricii Veneri
OTTOMANNVS
five
DE IMPERIO TVRCICO.

Ex Italico vertit Jacob. Geuderus
ab Heroltzbergâ,


A

ILLVSTRIBVS ET GENERO-
SISS. BB.

D. ALBERTO A LIMBURG,
S. ROM. IMPERII PINCERNÆ HÆ-
REDITARIO, SEMPER LIBERO:
ET

D. WEICKARDO LIBERO
BARONI IN POLHAIM, DN. IN
BVCHAIM ET VVARTENBERG;
S. CÆS. MAI. ACON-
SILIIS,

DD. suis plurimum observandis.

 IUBUS virtutibus, & animi corporisque dotibus, Illu-
stris & Magnanimus heros JOACHIMUS antiquioris
prosapia COMES IN ORTENBURG, præditus fuerit,
multis jam antea satis notum est; pluribus verò ex alio-
rum, me longè doctiorum, scriptis & commentariis in-
notescet. Mira sanè & rara fuit E. G. in vera & orthodoxa religio-
ne constantia, quam ardentissimo Zelo & indefesso studio ita coluit,
ut nullis honorum & præmiorum pollicitationibus, nullis ærumnis
aut miseriis, quibus longo satis vitæ spatio variè jactatus & afflictus
fuit, ab ea divelli alioque flecti potuerit. Quid justitiam dicam? ejus
in privatis æque ac publicis rebus & negotiis omni vitæ tempore fuit
observantissimus. Quid prudentiam? Quid temperantiam? Quid
magnanimitatem, juxta patientiam vere Christianam? qua infinitos
adversæ fortunæ casus & insultus fortiter superavit; tum facultatum
quoque jacturam non sanè exiguam animo æquo pertulit. Ea porro
Illustris hujus viri humanitas extitit, ut non modo suæ aut lautioris
quoque conditionis homines, sed quosvis etiam alios, viri modo bo-

A 2

ni &

EPISTOLA

ni & honesti, nec à sana doctrina abhorrentes essent, animo benevolò complexus, omnique officiorum genere prosequutus fuerit: ita ut nulli, cui prodesse modò se posse existimabat, operam suam unquam denegaverit. Hanc benevolentiam etiam me quotidie expertum esse libenter & ultro fateor, ac ni facerem, ingratitude criminem, à quotamen semper abhorui, meo merito incurrerem. Doctorum virorum, ipse non mediocriter omni eleganti doctrina imbutus, & vir *ὀμιλητικός*, colloquio, conversatione, literis & scriptis plurimum delectatus fuit, nec ullas accepit literas (quotidie autem plurimæ è diversis Europæ regionibus ad eum fuerunt perlatæ) ad quas non è vestigio ipse suo autographo responderit. Nec rei bellicæ imperitus fuit, cujus cum historia veteriatque recenti exactam cognitionem tenuit. Patriæ salute & prosperitate, ad quam omnia referenda, nihil prius, nihil antiquius habuit, eamque omni ratione promovere & procurare pro viribus semper est adnexus. Scio equidem his, quæ à me summam stricimque & vix uno verbo dicta sunt, non omnes æque fidem adjuncturos: vera tamen me dixisse, multi Principes alique magni nominis viri non diffitebuntur. Vos, Barones Generosissimi, ejus rei testes laudo omni exceptione majores. Partem tantum minimam laudum & virtutum hujus herois me attigisse ipsemet fateor, quas doctioribus persequendas libens relinquo,

Biennium verò jam agitur, quo E. G. in libellum Lazari Soranzii de Ottomannico Imperio scriptum, incidit; quo sæpius perlecto, de Turcico Imperio, deque attritis jam ipsius viribus & exhausta potentia, deque ejus exstirpandi ratione, nihil unquam elegantius in lucem prodiiisse, rectè judicavit, dignumque ob id censuit, ut omnibus Germanis, quibus patriæ salus & libertas cordi est, innotesceret. Ejus igitur ex Italico idiomate in Latinum transferendi negotium viris aliquot eruditione & linguarum cognitione præstantibus, commisit; sed illi gravioribus occupationibus impediti, voti compotem E. G. reddere nequiverunt. Quod cum videret, mihi tandem ejus rei provinciam delegavit, mihi inquam omnium indignissimo, qui Italicæ linguæ studium vix primis, quod dici solet, labiis attigi: Latini verò sermonis, etsi eo velis remisque contendam, exactam cognitionem hætenus mihi vindicare non possim. Obsequendum tamen erat tanti viri de me meisque omnibus optimè meriti, voluntati ac jussui: unde non invitatus ad hoc onus suscipiendum me accinxi, etsi obtre-

datorum

DEDICATORIA.

Autorum & invidorum reprehensionibus & calumniis me expositum non nesciebam, quas tamen hujus viri respectu parvi faciendas semper exstimavi. Ut autem elegantiora & magis concinna singula prodirent, rectiusque mens auctoris à lectoribus percipi posset, à Cl. viro Scip. Gentile Jcto, quem honoris causa nomino, precibus obtinui, ut ipse emendationem susceperet, & sicubi videretur, interpolaret. Quanquam verò jam ante sesquiannum finem huic labori, imposueram, liber tamen ob quædam impedimenta, quæ intervenerunt, vivo Illustriss. Comite imprimi non potuit. Quo factum, ut ego spe Domino Comiti gratificandi, ipse verò laborum meorum, licet exiguorum, optatis fructibus, temporis injuria fraudatus fuerit. Ne tamen interea labor iste omnino vanus esset amicorumque flagitationibus aliquo modo satisfaceret, eum cum aliis in lucem dare, & publici juris facere visum est. Vobis autem Illustres & Generosiss. Barones, qui defuncti Comitis ultimæ voluntatis executores, ut vocant, constituti estis dignissimi & vigilantissimi, eum dedicandum censui, quo palam omnibus constaret, eodem me defuncti memoriam, totamque Illustr. Ortenburgicam & vestras quoque Generosissimas familias honore & observantia prosequi, qua jam antea vivum semper colui & observavi: obnixè rogans, meum ut hoc erga vos studium animo & fronte serena accipiat, meque vobis semper commendatum habere dignemini. DEUS opt. max. quàm diutissime vos salvos & incolumes conservet. Valete. Per scriptum Heroltzbergæ, ipsis Kal. Januariis, anni 1601. cujus ingressum vobis Illustribusque familiis vestris, atque adeo toti Christianæ reipubl. faustum salutaremque exopto.

VV. Generos.

studiosiss.

IACOBVS GEVDER
ab Heroltzberga.

A 3

PRO-

LAZARI SORANZII

In Ottomannum suum

PROOEMIUM.



I Principes viri rectissime suo officio in regendo Principatu & iustitia administranda fungantur, duo ipsis imprimis necessaria esse videntur: quorum alterum in eo consistit, ut rerum suarum perfectam cognitionem habeant: alterum verò vicinorum imperiorum statum & conditionem respicit. Quod omnium Politicorum & rerum agendarum iudicio & ipsamet experientia comprobatur. Verum in utroque assequendo, maxima ipsis cura atque diligentia adhibenda est, ut a falso verum perfecte discernere discant. Nam, ut de priori taceam, si in posterioris, quod aliorum imperia considerat, investigatione nostra opinio & cognitio veritati non est consentanea, nunquam salutaria consilia, ea de re habita, proferuntur successum & eventum optatum sortiri poterunt. Constat enim falsam inquisitionem vel informationem de dicto aliquo, re gesta, vel loco habitam, idem prorsus damnum atque periculum secum trahere, quod consiliarius minus prudens, & mendax, vel dux belli imperitus & inexpertus inducere potest. Magna igitur laude eos Principes dignos iudicamus, qui non modo ingenia & fidem suorum ministrorum pernoscere & explorare student: verum etiam primum in ipsa aula, deinde in peregrinis quoque & exteris regionibus consiliarios suos habent, aliasque viros prudentes & expertos alant: quorum illi quidem in historiis & scientia civili egregie versati, hi verò in aliorum Principum actionibus, imperiorum inclinationibus, consiliis, negotiationibus, thesauris, armis, sedibus, apparatibus, & viribus investigandis, oculatissimi & perspicacissimi sint. Ad quam rem plurimum conducet, regionum cognitarum, aut recens inventarum, velque nondum in nostram notitiam pervenerunt, cognitio. Quam in re sempiterna laude & memoria Ioannes ille Lusitanie Rex, & Isabella Aragonum regina celebraverunt,

PROOEMIUM.

erunt, quod ipsorum auspiciis & opera India orientalis totusque novus orbis fuerit repertus.

Sed ut ad causas earum rerum, quas modo diximus, perveniamus: priores quidem, consiliarios scilicet, quod attinet, cum plurima dicantur aut scribantur adulandi animo, in favorem Principum excogitata, vel utilitatis spe, vel ex falsa aliorum relatione, vel ab ejusmodi personis, qui rebus non interfuerunt, aut qui metu percussis veritatem in lucem edere non audent: maxima cautione & judicio ejusmodi acta vel scripta ab ipsis legenda sunt & perspicienda. De posterioribus vero sic statuendum, oculata testimonia majoris esse ponderis & fidei, quam sunt illa quae ex solo auditu & aliorum relatione percipiuntur. Quod quam verum sit, illi cognoscunt, qui regiones ipsimet perlustrarunt, varios postea in libris cosmographicis, geographicis, & chorographicis errores de Principum imperiis, populorum consuetudinibus, locorum situ, vulgo receptos observant. Qui tamen passim in antiquorum & recentiorum libris sparsi sunt, quod auctores, qui de his rebus scripserunt, plurima affirmant, quorum nunquam perfectam cogitationem habuerunt, aliorum descriptiones imitantes, quae tamen hodie rei veritati parum respondent: neglecto eorum judicio, qui rebus ipsis interfuerunt, vel intelligentia praediti sunt, quo observare talia possunt. Homerus Ulysses prudentiae titulo ornatus (qui omnium pulcherrimus est, qui viro principi, vel belli duci conveniat) non modo quod aures praeberit ad percipienda quae alii referebant, sed quod ipsemet observaverit consuetudines populorum, varias perlustraverit regiones & urbes plurimas. In hunc finem Plato lege cavisse videtur, ne quis civium suorum peregre ad lustrandas externas provincias proficisceretur, nisi quadragesimum aetatis annum prius complevisset: ut nimirum annorum plurimorum decursu, animo ipsius prudentia confirmato, ad res, quae in hoc mundo occurrere solent, considerandas maturiori cum judicio accedere, easque ad communem patriae utilitatem conferre possit. Sed in aliorum facta non opus est ut inquirant Principes, qui peregrinos contra sui

LAZ. SORANZII.

gentium à suis limitibus arcent; ut incolæ Chinæ Mosci & Abyssini alios suo commercio privare solent; vel qui aditus suarum regionum praesidiis muniunt, ne quis suorum externos accedat: verentes cum Platone, ne peregrini mores & consuetudines patrias & usu jam receptas corrumpant. Verum qui majori humanitate praediti, omnes sine discrimine admittunt, cum omnibus conversantur & commercia tractant, quique à potentiorum vi se defendere coguntur, illi jure & merito vigilare debent in singulas horas & occasiones, non modo quæ in genere, sed quæ particulatim eventunt ponderare, & neglectis rebus privatis mercatorum, quid reipublicæ administrationem concernat, perpendere, ipsorum est officii.

Quemadmodum igitur historiarum lectio hanc nobis utilitatem conferre debet, ut ex præteritarum rerum eventu edocti in praesentibus & futuris prudenter nos geramus: sic praesentia rectè cognoscere & investigare debemus, ut in tempore periculis occurramus; generali nimirum cognitione instructi, particularia illa ad eandem cum judicio referamus. Hic enim verus nostræ scientiæ ordo est, ut à singularibus denique ad universalia descendamus. Hinc Veneta Respublica rationes & jura dominationis adprimè callens, non modo alios Principes imitans, legatos ad externos Principes, judicio & ingenio perspicaci præstantes, mittere solet, verum etiam lege sanxit, ut ubi quis legatorum domum redierit, verè & particulatim omnia ea in Senatu referat, quæ in aula Principis, apud quem Legati munus obit, tum quoad ipsum Principem, tum ipsius imperii statum & ordinem, observare potuit. Hujus legis sanctiendæ causa extitit, ut juvenis ad patriæ commodum in rebus Politicis à primis statim annis instituatur. Ejusmodi relationes in archivis diligentissimè asservantur, ut Reipublicæ in futurum exemplis rerum præteritarum melius consulatur, & nova informatione praesentium utiliter prospiciatur.

Hæc me quoque causa movit, ut cum viderem palàm, alios plurimum rebus Turcicis detrahere, alios contra veritatem eos attol-
lere,

PROOEMIUM

lere, quod vera informatione potius careant, quam ut studio alios decipere ipsis animus sit, publice plurimorum utili auti inservire laborans, statum Imperii Turcici examinare, & consilia ejus quae nunc exoptentur contra Christianum orbem excogitata, aperire & manifestare mecum statuerem, idq. modo convenienti, quatenus offitii ratio illud permittit. Et cum quotidie experiar, relationibus olim habitis non semper esse insistendum, licet vera sint: quod imperia vel propter Principum mutationem vel temporum successiones vel alias ob causas facillime mutari soleant: Venera quoque relationes, quibus plurimum fideendum, sub gravi poena nemini communicentur, veteres etiam parum ad propositum nostrum faciant: & quae de recentioribus Epitome circumferuntur falsa sint ut plurimum, & hominum potius imaginationes quam res gestas contineant. Ideoque de rebus etiam minimis, quae ad propositum hoc nostrum facere videntur, maxima diligentia & industria inquirere volui, cum bellum quod nunc geritur fere solum mundum universum suffensum teneat. Cum multis etiam viris judicio & experientia rerum praestantibus sapientissime ipse de rebus contuli, quos recentioris ex locis venisse noveram. Neq. mihi ipsi sisus sum, licet ibidem antehac plurimum viderim & observarim. Tandem rem totam in compendii formam redegi, ut usui Christianorum Principum, quorum illam scire refert, inserviret. Nam cum mihi exemplo Benedicti Sorani patris mei, qui in victoria Corzolaria contra Turcas fortiter pugnans obiit, in bellum propter valerudinem minus commodam proficisci minimè liceat, bonum tamen publicum & commune, ad quod omnes studia sua conferre tenentur, ut Polyxenus Macedonicus Antonino & Vero Imperatoribus rescripsit, pro animi viribus promovere potius conabor, quam privatam vitam egendo ociosus & nemini utilis domi desidere. Sic Diogenem legimus delitum suum in plateis sapius circumvoluisse, ne interea ociosus ipse conficeretur, dum alii cives in patria defendenda strenuam operam navabant.

B

Igi-

PROOEMIUM

Igitur in presenti nostro libello Turcicum Imperium describere, cuiusmodi sub Mahemete III status ejus usq. ad exitum anni 1597 fuerit, decrevi. Temporis vero mentionem feci, quod me non lateat belli eventum dubium esse & ancipitem, quo facile plurima immutari possunt, & Principum instabilitatem & necessitatem res novas indices inducere consideratu dignas. Eum vero scopum imprimis mihi propositum habeo, ut quae pertinent ad cognitionem belli, quod Turca cum Imperatore & Transylvano gerit, innorescant, vel quae belli praesentis occasione requiri possunt, aperiantur. Nam si alia mihi scribenda in hoc argumento sumpsissem, veritus sum, ne nimis longus aut alicui tadioforem. Tum etiam quod alii cuipiam scripto, & ad alias oportunitates, plurima studio reservavi. Interim plurima in medium adducam, quae Christiano Orbi quovis tempore utilissima sunt futura, ut qui nunc vivunt & eorum posterum aliquem ex his laboribus fructum percipiant.

Ordinis igitur commodioris causa in tres partes librum hunc dividam. Prima de capite membris & viribus Imperii Ottomanici agat. Secunda de consiliis Mahemetis III, de causa belli quod nunc geritur, ejus de origine & progressu, tractabit, sumto initio ab Amurathus imperio qui Mahemetis pater fuit. In Tertia parte quaestio decidetur: Nam Caesar & Transylvanus pacem à Turca oblatam acceptare debeant, nec ne? Simul etiam ostendetur, tum quid detrimenti eidem Turcico Imperatori inferre, si bellum continent: tum quemadmodum alii Christianorum Principes ipsi nocere possint, ut omni tempore periculis, quae Christiano orbi à Turcarum armis impendere videntur, obviam eatur.

LAZA-

I
LAZARI SORANZII

Ottomannus.

PRIMA PARS.

In qua agitur de capite, membris, & viribus
Imperii Ottomannici.

*Cur nomen Mahumetis Christiani detestentur, Tur-
ca illud tanquam fatale perhorrescant &
abominentur.*

MS qui nunc Ottomannico seu Turcarum
potitur Imperio, Mahumetes est ejus nominis
tertius. Quod nomen, ut omnium Christi
fidelium detestatione & execratione dignissi-
mum, propter duorum, qui hunc præcesserunt,
ejusdem nominis Imperatorum facinora hor-
renda & immanitates, quibus Christianum nomen perse-
cuti sunt: sic ipsi quoque Turcæ propter sinistras quasdam
& fatales opiniones, quas de eo mente conceperunt, illud per-
horrescunt. Anxii enim in eo versantur metu & sollicitu-
dine, ne, quod prius sæpe contigisse norunt, nunc quoque eveni-
at. Sciunt enim, Constantinopolim quæ caput est Imperii,
post priorem illam everisionem, secunda sua initia & incre-
menta Constantino Magno debere, eandem postea sub alio
Constantino Christianis ereptam & vi captam esse, quorum
uterque matrem habuit eodem Helenæ nomine. Plane ut
Romanum Imperium, quod cum ab Augusto initium cepis-
set sub Augustulo quodam extinctum fuit. Similiter ergo
& illi verentur, ne Mahumete Imperatoria dignitate fun-
gente,

B 2

gente, sedes regni Constantinopolitani iterum illis eripitur, quemadmodum à Mahumete II bello atq; armis in potestatem ejus redacta fuit.

I. Natura ingenium & mores Mahumetis III Turcarum Imperatoris.

Cur odio persecutus sit nanum Nasuf Agam.

Ijus mater & avia quam fuerint.

Suspicio sinistra, quam pater Amurathes de eo habuit.

Exempla crudelitatis & immanitatis ab ipso perpetrata.

MAhumetes igitur Turcarum Imperator, cujus præcipue in hac narratione facienda erit mentio, natura sagaci ingenio feroci præditus est; mollis tamen timidus & valde effœminatus, quod exempla quædam rerum ab ipso tum antequam ad imperium venisset, tum in ipso Imperio perpetratarum testantur. Cum adhuc valde juvenis in aula (quam illi Senalium quasi claustrum vocant) de more gentis inclusus teneretur, nanum Nasuf Agam acerrime odisse cœpit: quod in favore & gratia patris Amurathis plus ipsum quam quævis alium positum esse cerneret. Indagandis ejus actionibus diligenter incubuit, sensitque quotidie calathum floribus refertum ab eo ex aula emitti: inde dubio procul aliud quippiam magis preciosum sub istis floribus latere suspicatus est. Die igitur quadam cum summo mane de more calathum efferre videret, illum qui gestavit consistere coegit, & inverso calatho floribusque in terram sparsis auri copiam magnam absconditam reperit. Qua de causa ira & indignatione percitus gravissime cum patre exposulavit, quod mancipia in majori ab eo precio & favore haberentur quam filius, cui plerumque illud ipsum denegatum sit quo illi abundet; eo nomine patris accusans avaritiam quam minime probabat. Præterea tam elato & superbo erga suos fuit animo, ut ferre nequi-

quiverit, quod avia ipsius, (quæ, si modo vera sunt quæ vulgo dicuntur, nobilis Veneta ex familia Bafforum fuit) in aula dominaretur, neque regimen illud propriæ matri, quæ è pago quodam Rezi nomine (qui est in Albania ad montes Ducaginos) oriundæ erat, concedere voluit. Cum his de causis patrilites moveret crebriores, & majores indies causas & occasiones sinistri quæpiam de se suspicandi daret, iramque paterna magis magisque in se concitaret (ea enim æmulatione Imperatores Turcici de sua salute sunt solliciti: inducitur videlicet humana ambitione & efferata immanitate, quæ ipsis fere propria est, ut ne liberis quidem à se pronatis parcant) tandem circumcissione ejus ex lege Mahumerana perfecta: cui legatus Cæsaris Moscovitæ Persarum Regis & nomine reipub. Venetæ Jacobus Soranzius patruus meus interfuit, primasque partes inter Principes Christianos eo in negotio tenuit: à patre in Magnesium, ubi domicilium suum haberet, ablegatus est. Quo cum pervenisset, tantum abfuit ut de sua crudelitate & immanitate aliquid remitteret, ut specimina ejus singulis diebus ederet evidentiora. Nunc indignatione nunc alio perverso animi impetu raptus, forcipibus igni is mammas foeminis erueret. Ad 2000 scholasticorum (qui Softi ipsorum lingua vocantur) morte crudelissima mulctavit, propter nullam gravioris momenti causam, quam quod erga eum, significationem aliquam cogitationis minus pudicæ edidissent. Plurimos alios ob quamvis levissimam causam trucidavit: & ut breviter dicam, alienum se prorsus à Venereis delitiis & voluptatibus, unicè vero bellicis studiis & Martis actionibus animo deditum sese esse manifeste demonstravit. Hac sua vivendi ratione patris diffidentiam erga se confirmavit. Quam auxere non leves quædam suspiciones secretæ cujusdam conspirationis: quam in aula cum Sinano Bassa (illo qui Iaurinum occupavit & anno

præterito vivere defuit) sub specie amicitiae arctioris conflavisse verebatur. Vnde ipsum non modò septum arctiori custodia tenere, sed vita etiam privare, nisi protinus animum mutaret, Amurathes plane constituerat. Qua de re cum sæpius à matre certior factus & admonitus esset, ut suspiciones ejusmodi patris animo eximeret, mentemque ad voluptates & delectationes adplicaret, assensit tandem & parere monitis decrevit. Ab eo tempore omni illecebrarum genere ita fuit irretitus, ut natura ipsa vel mutata vel obducta, in Principem luxuriosissimum subito evaserit. Idque ex habitu quodam crebro usu comparato: vel arte quadam adiutus (ut quidam putant) cujus Græcæ Hebraicæ & Turcicæ mulieres peritissimæ habentur. Ipsa quoque vita iniucunda ipsi solet esse, nisi Veneris affluant deliciæ, etiam in ipsis castris & militia. Res quoque & consilia maxime secreta suis communicare solet pellicibus & amasiis; quare nihil quicquam est Principe viro indignius nihilque perniciosius. Veruntamen his qui putant illum mulierum corruptelis luxuria atque libidine impeditum fuisse, quo minus citius in bellum ipsemet profectus fuerit, non assentio: cum hæc mora graves & magis veras rationes habuerit, quas postea recensēbimus.

II. Cur Mahumetes serius in bellum profectus sit.

Cur unam ex amasiis propria manu occiderit.

Mortem matri minatus.

Autoritas primorum consiliariorum (quos Visirios vocant) quare diminuta.

Benevolentiam militum quomodo sibi conciliaris.

Quo nomine Turcæ suum Imperatorem insignire soleant.

VT primum regnum est auspicatus, opes ejus & vires cognoscere voluit. Non latebant ipsum similtates &

& contentiones mutuae quæ in Bassis vigeant, in Sinano & Ferato præcipue, qui tunc regni gubernacula fere soli tractabant, ut suo loco demonstrabimus. Constantinopolim urgebat annonæ & rerum omnium ad victum pertinentium, frumenti imprimis & panis, extrema caritas. Intelligebat subditos minime contentos propter plurima debita à patre nondum soluta; quibus ipse postea satisfecit. Quid Persarum Rex Mehemet Qudabenda moliturus esset, cum non ita pridem ipsius ex filio Emiro Hampsa nepos, Haidazus nomine, quem obsidis loco ad Turcas miserat, obliisset, certo non constabat: in primis cum oblato veneni suspicio ad eam mortem accederet. Præterea ipsi duces præcipui & insigniores belli confessionem ipso Mahumete etiam absente promittebant, quod eo ab ipsis fiebat animo, ut propriis emolumentis & commodis tanto melius consulere possent. Credebat præ omnibus aliis Sinani Bassæ consiliis: qui ut quam diutissime imperio reipublicæ supremo præesset, & nomen suum illustrius redderet, non modo persae Transylvaniæ Principis everisionem, sed ipsius etiam Cæsaris Romani ruinam illi pollicebatur. Illud porro verum est, à pacis studio & tractatione etiam tunc ipsum non fuisse alienum. Quæ enim naturâ ipsi insita erat ferocia, deliciarum & voluptatum velut ignibus emellita, paulatim diminuta & confecta fuit, ut nunc verius animi tyrannici impetus quam viri militaris fortitudo dici mereatur. Quod nunc maxime testatum fecit: cum à quadam sua pellice, quæ ipsi charissima erat, multis precibus & lachrymis rogatus esset, ne proficiscendo in bellum periculis sese objiceret, propter somnium infaustum & prodigiosum, quod nocte præcedente habuerat. Ille iratus quod gloria quam sibi promittebat, hoc modo se privari, & ipsiusmet Imperii Turcici stabilitatem & firmamentum in dubium vocari crederet, nulla interposita

mors

mora propria manu eam occidit. Idemque supplicii genus matri sæpius minatus est, licet aliis in rebus maxima apud illum polleat autoritate & gratia.

Hodie porro extra controversiam est, illum tanti non fieri à subditis, neque eam obedientiam illi præstari, quæ prædecessoribus ipsius exhibita fuit: ideo sanè necessitati & temporis sæpius cedere coactus est. Ea enim quæ solius & supremi Visirii Bassæ (qui sunt consiliarii intimi) antehac solebat esse autoritas, aliis etiam Visiriis Bassis, ipso connivente, attributa est. Ita beneficium vel decretum gratiosum, quod quis ab uno eorum abstulerit, ab aliis sæpe revocari contingit. Quæ re nihil quicquam est, quod amorem & benevolentiam subditorum magis imminuat, & contemptum eorum erga Principem pariat.

Quo nomine quoque à patre Amurathe multifariam peccatum est: qui ob quamvis levissimam causam Visirios Bassas officio suo privavit, aliosque spe lucris & pecuniæ aucupandæ substituit; quatuor prioribus quinque alios adiunxit, ut novem tandem essent qui illo honore præfulgerent. Hujus rei causam statuemus esse crebram primorum belli ducum mutationem. Quæ inde provenit, quod de statu sui regni tunc ipsi non bene constitit, nec ingenia ducum plane perspecta ipsi fuerint: vel etiam quod natura insitum Turcis sit, ut officia pro libitu sæpius mutant, & animi propositum ad fortunæ varios & incertos eventus accommodent. Variis enim cladibus acceptis semper exercitui novos duces præficiebat, ut (quod interdum evenisse scimus) capite mutato, reliqua membra promptiora & audaciora ad belli pericula subeunda redderet.

His rationibus omnibus sepositis, aliæ magis graves magisque seriæ fuerunt, quæ ipsius in castris præsentiam urgebant. Et requirebant milites scilicet (qui egeni, tyrones, &

& propter auaritiā eorum, qui prius bellum administrant, ab alienatis animis erant) præsentiā suī Principis veri & legitimi cupide desiderabant, idque vel maxime propter dona & congiaria quæ illis dari solent ubi ipsemet in castris versatur Turcicus Imperator. In iis cum Mahumetes tandem apparuisse maximam auctoritatem sibi conciliavit, extincta opinione minus honesta, quam multi de ipso conceperant, & suis quantum potuit satisfecit. Idque potissimum quod benevolentiam militum sibi conciliare in primis studuerit, non modo liberalitate erga eos usus commemoranda, verum etiam, quantum fieri potuit, omnīre ipsisquam commodissime prospectum & consultum esse volens. Sæpe pedes ipsorum tentoria & castra perambulans, cum à consiliariis propterea admonitus esset, ne contra majorum suorum consuetudinem nimis aperte se periculis obiceret in hæc Cyri verba ipsis respondit: Cum omnes, qui meum sequuntur Imperium mihi que inserviunt, fratrum loco mihi sint habendi, de ipsis quoque non aliter ac de me ipso sollicitum esse convenit. Militum quoque benevolentiam summopere sibi conciliavit. Cum in ipso itinere vespera quadam partem superiorem tentorii sui conscendisset, vidissetque equitum Spahioglanorum tentoria à reliquis castris remotius sita, ut insidiarentur his qui à castris aberrarent. Quod latrocinium cum deprehendisset Spahioglanos illos lanizariis suis diripiendos dedit, eorum vero corpora palis affigi curavit.

Hactenus (ut alia in locum magis opportunum reiiciamus) de natura, moribus, & vitæ ratione Turcarum Imperatoris diximus: quem illi *Sultan Alem*, id est dominum orbis terrarum, vel Regem regum nominant. Utuntur quoque vocabulo *Vlu Padischach*, quod idem valet ac summus Imperator. Hic caput est quod nunc Ottomannicum Imperium
C regit,

gerit. De ejus filiis, ut ordo requirere videbatur, studio lo-
qui supersedeo.

III. Filii Mahumetis Imperatoris.

Quando ipsius filii publice conspici possint.

Quam ex suis concubinis charissimam omnium habebat.

Hoc unicum adiiciam, duo ipsi cum fuerint filii, primo-
genitum non ita pridem mortuum esse. Inter hos etiam,
qui nunc vivunt, is qui natus est maximus decimum quartum
ætatis annum agit vel circiter, qui tamen nondum cuiquam
publice visus est. Prius enim quam circumcidantur Tur-
cicorum Imperatorum filii, in publicum prodire ipsis non per-
mittitur. Cum autem plurimarum mulierum commerci-
um habeat (inter quas charissima ipsi est Flatra quædam in
Cypro nata) dubium non est, quin ipso mortuo materiam
amplissimam post se relicturus sit successori, Tragœdiæ Ot-
tomannicæ in fratres de more gentis exercendæ.

Nunc membra hujus imperii aggrediar, & initio quidem
quæ in eo insigniora sunt recensebo.

*IV. Num Imperium Turcicum præclaris belli ducibus destina-
tur.*

*Quæ ratione Turcæ per gradus ad summos honores in militia
ascendere consueverint.*

Multi in hac versantur opinione, Turcicum Imperium
hoc nostro tempore præclaris ducibus, & rei bellicæ pe-
ritis carere. Evulgata enim est mors Piali Bassæ qui Cyprum
occupavit: Pertafi, Ali, Vlucchiali, Bassarum, qui in mari à
confœderatis Christianis Principibus anno 1551 victi, fu-
gatique fuere. Hos secuti sunt Osmanus, Feratus & Sinanus
Bassæ, quæ omnes & in Persia & passim alibi magna virtutis &
fortitudinis ediderunt documenta, quæ ubi vis locorum præ-
dicantur. His quos modo diximus, extinctis, viros fortes
&

OTTOMANNUS PARS I.

& strenuos in Turcia vivere desisse multi putant. Quod sane a vero non omnino alienum est. Constat enim diuturno illo & difficillimo quod contra Persas gestum est bello, quamplurimos interemptos esse belli duces, qui & autoritate & experientia plurimum valebant.

Veruntamen cum hoc imperium virtute bellica primum nasci & oriri, exinde per eandem crescere indies ceperit, & vi magis quam amore sustineatur, certum est cunctos qui aliqua nominis sui gloria tenentur militia sese tradere, per quam & divitias acquirere, & honores præ aliis consequi se possiderant. Hic enim mos in Turcico Imperio vulgo receptus est in honorum & munerum distributione, ut non is qui nobilitate generis alios superat (exceptis qui in aula serviunt vel cubiculo Imperatoris præficiuntur) sed qui fortitudine & experientia rei bellicæ reliquis præstat, ad supremas dignitates evehatur. Quas immensæ opes & divitiæ necessario sequuntur. Inde fit, ut nunquam huic Imperio duces spectata experientia & probata fortitudinis deesse possint, idque vel maxime, cum quivisetiam ex privatis militibus per gradus ad supremum belli imperium pervenire possit. Sed cum in omni militia res feliciter gestæ in gloriam & laudem summorum belli ducum, qui illud administrarunt, & non in alios redundare soleat: sic cum in Turcia pari modo illi, quorum nomina præ omnibus aliis nota & clara erant, quasi eodem momento extincti sint, vanus ille in vulgus rumor sparsus est: Imperium Turcicum viros non habere ad militare imperium idoneos, quibus illud tuto demandari possit.

Nomina eorum qui inter primos habentur in aula Turcica recensebo. Licet enim quidam eorum jam mortui, alii officiis suis spoliati fuerint, tamen propterea qua necessario a nobis recensenda sunt illorum mentio ad reliquorum cognitionem non parum proderit. C 2 F.

V. Affan Bassa Constantinopolim regis absente

Mahumete in Vngaria.

Quare Cairo illuc evocatus fuerit.

Cum Mahumeti Constantinopoli discedendum esset, regimen gravissimum ejus urbis (quæ variarum nationum & diversissimorum ingeniorum hominibus repleta) est hujus vastissimi Imperii sedes præcipua) Affano Bassæ eunucho demandavit. Hic natione Epirota (qui hodie Albani dicuntur) in pago Cicalessi, qui est in territorio Elbassano, natus est. Sub Bassæ nomine Cairum in Ægypto anno 1582 rexit, sed ad Portam (sic curiam illi & palatium Imperatoris vocant) citatus cum se multorum criminum accusatum sciret, diu quid faciendum sibi foret, dubius hæsit: num litigandum cum adversariis, an vero fuga versus Ormutzum & Indias ipsi capessenda esset. Tandem Constantinopoli comparuit, ubi captus ab eo, qui quondam magister ipsius aulae fuerat, 500 coronatis ex servitute emptus, iterum propter suam virtutem & ingenii dotes, ad eam qua non ita diu ipsum pollere vidimus, eminentiam & dignitatem evectus est. Qui, si diutius ipsi vivere contingat, ad altiora ni fallor aspirabit & pertinet. Prudentia enim singulari præditus est, & plerisque gratus & acceptus. Christianis favet, ludæos acerrime odit.

VI. De Hibraimo Bassa & ejus ineptiis.

Exercitus totius summum imperium, ante prælium ad Agriam commissum, penes Hibraimum Bassam fuit, qui in provincia Hertzecovina dicitur natus. Imperatori sanguine junctus est, parum judicii habet, ad imperandum plane ineptus, liberalis tamen & facetus est, ne dicam fatuus & ridicularius. Venetam & Raguseam (olim Epidamnum) Respubli-

spuicas suas vocat cognatas. Mediolanum classe, Melitam vero actis cuniculis infra insulam se occupaturum dicere solet. & huius generis plures ineptias effutire. Apparet ad pacem ipsum maxime inclinare, non modo quia omnium timidissimus est, verum potius ut Sultanae (quæ Imperatoris mater est) eidemque uxori suæ gratum faciat ac morigeretur.

VII. Sinan Cicala cur Hibraimo in officio ducis & Primo Visiratu successerit.

Cur ab iisdem officiis depositus & in Bursiam relegatus.

Cur Venetis non faveat.

De Meccha.

Ratio una præsentis belli Turcici declaratur.

Hibraimo successit in ducis officio Sinan Cicala. Nam cum in pugna ad Agriam non ita pridem commissâ, ille parum idoneus ad tam grave imperium gerendum adparuisset, hic vero contra, ipsius etiam Mahometis iudicio, illius defectum supplevisset, eoque magis strenuum se præstitisset, quam in ipsius diligentia fuisset iure requisitum (exercitum namque recollegit, Imperatoris personam in tutum redegit, prælii eventum dubium & ancipitem reliquit) igitur non modo primarii ducis officio dignus habitus, sed primus etiam Visir Bassa creatus est. Tandem utroque privatus fuit, quod Imperatori nimis audacter consulisset, ne Sultanae verbis fidem haberet, matris in primis: quæ ne iterum filius in bellum proficisceretur, omnem movebat lapidem, omnemque excogitavit modum quo ipsum effœminatam & imbellem redderet. In Bursiam igitur Asiae urbem quondam Turcicorum Principum sedem relegatus est, non citra periculum vitæ. Mater enim Mahometis (more mulierum, quæ conceptum vel amorem vel odium acerrime animo retinere solent) precibus filium fatigare non de-

finet, donec de ipsius morte certi quid ipsi à filio promissum fuerit. Ferre enim non poterit, mancipium eo audacia procedere, ut matrem in filii malam gratiam collocare conaretur. Hujus rei sollicitudo diu anxium ejus animum tenuit, non modo propter inconstantiam & mobilitatem Principis, insignemque erga mulieres affectum atque molliem, verum etiam quia cum Hibraimus, ad mandatum Sultanae & impulsus à conjuge, Constantinopolim recuperato primi Visirii officio (alias enim domum redire ipsi non licuisset) sit reversus, non sine causa suspicatur, fore ut omni insidiarum genere eum Sultana persequatur, accusationemque, quam non ita pridem demortui Ferrathi Bassae amici ipsi moverunt (qui ejus capitalis inimicus fuit) fovere & redintegrare conetur.

Sed his omnibus sepositis, cum Cicala sit opulentissimus, ingenio valeat, strenus, & rei militaris, terrestris in primis, cognitionem exactam teneat, utpote qui in Persicis bellis fere enutritus fuit, non est dubitandum, quin ubi hic primum Mahumetis furorem atque impetum effregerit, tela in se directa & coniecta ita elusus sit, ut facile quae amisit recuperare possit. Cujus rei jam antea specimen edidit, cum ab Architalassi officio remotus, non modo propter suspicionem quam de se dederat ejus frater proficiscendo Constantinopolim, quam ut ea ratione Reipublicae Venetae satisfaceret, cujus ipsemet Turcicus Imperator rationem habitam in eo removendo esse palam profitebatur, volebat. Odium quod in rempub. Venetam animo conceperat jam adolescens & Christianus, inde originem traxit, quod ejus reipub. triremes myoparonem, qui ipsius parentis fuerat, rapuissent nec restituisent. Patrem habuit Genuensem; mater Turca fuit Castellinovi nata: ipse vero Messinae procreatus. Injuriarum acerrimus vindex fuit. Uxorem duxit neptem filiae

Ra-

Rustemi Bassa, quam is ex filia Imperatoris Solymani suscepit. Hæc ipsa est, quæ non ita pridem immensis sumptibus aquæ ductum longissimum in deserto Arabia, ut peregrinantium ad Meccam commodis necessitatibusque subveniret, edificavit. Mecccha autem, vel Macca ut Arabes vocant, hæc est urbs, quam communi ipsorum vocabulo Medina Al-nabi, id est urbs Prophetæ, quo nomine seductorem illum Mahumetem intelligunt dicitur. Hæc Sinani Bassa socrus nostra memoria eo nomine clara est, quod causa non infima exitit belli Cæsari Rodolpho ab Amurathe moti, dolore incensa, quod ipsius filius unicus, isque charissimus in prælio ad Cobapim præteritis annis sub Assano Bassa commisso, cum aliis occisus fuerit.

VIII. De Giafer Bassa & cur ab officio fuerit remotus.

Dulcis officio vel vicarii potius anno præterito in Vngaria ad Belgradum (quæ Alba Græca dicitur) functus est Giafer Bassa eunuchus, natione Hungarus; quo tandem eandem ob causam qua & Hibraimus privatus est. In Persia sub Ofmano Sinano & Feratho Bassis militavit, donec Bassa Tabrili (quæ olim Eebatana nunc Tauris vocatur) creatus fuit, quæ cum à Persis obsideretur, acerrime ab ipso, insigni fortitudinis prudentiæ & liberalitatis specimine edito, defensa fuit.

IX. Assan filius Mahumetis Socolevichi.

Officium Beglerbegi Græciæ.

Heræopolina provincia.

Quo nomine Turcæ illum vocare soleant qui secundum ab Imperatore locum obtinet.

De Vidino vel Bidena urbe.

Beglerbegus Græciæ nunc est Assan Bassa. Græciæ autem à Turcis Rumelia ab ipsis Græcis Romania scilicet Europæ dicitur.

dicitur. Eo enim nomine, ut historiae testantur, translata Romani Imperii sede Constantinopolim, non modo Asia, sed ipsa etiam Europa imprimis vero Græcia vocata fuit.

Hic Assan Bassa oriundus est è regione Herzecovina, qui olim ducatus sanctæ Savæ dictus. Estq; Bosniæ provinciæ pars quæ versus Ragusiam protenditur, illo itinere quod Constantinopolim ducit. Patrem habuit Mahumetem Socolevichum, à loco quodam Socol, qui est in Herzecovina, sic nominatum: fuitque Vizir Azem, id est, Princeps consilii, & gubernator summus Imperii Ottomannici, sub tribus Imperatoribus: quod officium Diadar vel Devidar à Mamalucis in imperio Sultani Ægypti, à Græcis vero *πρωτόμβολον* vocatur. Militibus gratissimus est propter comitatem & humanitatem. In comitatu suo plerumq; mulieres plurimas secum circumducere solet, & propter sumptus immensos, quos facit, ferre non amplius est solvendo, bonis suis pene omnibus de-coctis. In Persia militem egit, & ultimis bellis Vngaricis interfuit. Cumque ipsius Imperium dignitate & autoritate præstantius sit reliquorum præfectorum, itaque ejus jurisdictio & dominium latissime se extendit: Bulgariam videlicet Serviam & Albaniam comprehendens, atque ideo multi cum sectantur. In Rosgrado Bulgariæ urbe cum exercitu aliquandiu commoratus est, ut Wallachos & Transylvanos transitu Danubii prohiberet, & rebus sic requirentibus cito ipsemet transfretare posset. Nunc subito Vidinum, olim Bidenam, missus est, qui Sangiachatus est, Græciæ Beglerbeggo (non Zezeborensi Bassæ, vulgo Temesuar, ut alii volunt) subiectus. Si vita ipsi diuturnior continget, dubio procul in virum præcipuum & primarium totius Imperii evadet.

X. Hafis Hæmar cur ab officio fuerit remotus.

Ipsum primum fuisse qui equitibus Turcis stipendium solvit.

Hafis

HAFIS Haematus Cairi quondam Bassa, eunuchus est, Vo-
nari Albaniae pago non procul à Cicalleso disito natus.
In Croatia & Bosnia bello praefuit, sed negligentiae accusatus
quod Petrinam non occupasset, ab officio deiectus est. In
gradam tamen rediit, & in Scopiis nunc degit. Iustitiam col-
lit, prudentia valet, ductus superstitione onus hoc suscepit.
Concionatorem Mahumetanum prius egerat, quod vox Hafis
denotat. Ille primus fuit, qui equitibus Turcis stipendium sol-
vit, & pecuniam mutuò dedit petentibus. Quam in re si Prin-
cipes Ottomanni nostrorum morem imitari vellent, immen-
sas copias tam equestres quam pedestres facile colligere pos-
sent.

XI. Sophi Sinan Bassa.

Mehemeto Saratzgi cur saveat Sultana mater.

Haidar Bassa.

Odaverti.

Velli.

IN exercitu ad Agriam erat etiam Sophi Sinan Bassa, Buden-
sis, Albanus natione, è montibus Ducaginis ortus, quem
Turcae propter prudentiam & fortitudinem plurimi faciunt.
Aderat quoque Mehmet Saratzgi Albanus & ipse. Praecipui e-
nim duces Turcici ex ea gente originem trahunt. Diu Cara-
maniae Bassa fuit, ubi prudentiae plurima edidit specimina.
Iam ut plurimum ingenio & voluntati Sultanae matris, (quae
ex eadem gente est) sese accommodat, & paci studere simulat,
inde officium Tzader Meester Bassi (quem magistrum tento-
riorum vocare possumus) adeptus est: quam si qua coepit
benevolentia prosequi perget, non dubitandum, quin am-
plissimis tandem praeficiatur muneribus. Perunt cum cum
adhuc in aula satellitem ageret in certamine quodam ludi-
cro, non procul à Castro veteri, ubi palatium regium est, ha-
bito,

D

bito,

bito, tam strenuum se gessisse, adversariis in fugam coniectis, aut conscissis ingentibus vulnerum plagis, quales inferre laniis solent, ut Satarzgi inde vocatus sit. Alii putant, revera ipsum lanium fuisse. Præter eos, quos modo recensui, in exercitu quoque fuit Haidar Bassa. Is Beglerbegus cum esset, ab Amurathe in Muldaviam missus, officio suo tam probe atque industrie functus est, ut aliquo modo illexisse videretur Polonos ad donum quoddam & munus annuum Turcæ quod mitterent decernendum, & res quæ in controversiam venire poterant amice componendas. Nunc in Persia versatur. Belgradi tunc consistebant Odaverdi & Velli Bassæ. Ille in bello, quod in Croatia & Bosniagestum est, claruit: Hic Muldaviam Serini Petro, qui eam cum turma Cofaccorum majori temeritate quam prudentia occupaverat, rursus eripuit. Adfuerunt insuper in castris plurimi alii Bassæ & Sangiacchi ordinarii, quorum nomina, cum sint novitii neque ita celebres, nobis nondum innotuerunt.

XII. Assan Bassa, quare concitavit reliquas Mudahari in Gemen.

PRæterea è Gemen seu Gimin, Arabiæ felicis urbe evocatum fuisse serunt Assan Albanum: qui seniori Sinan Bassæ sanguine junctus ab eoque nutritus erat. Hic artificiose reliquias familiæ Mudahari, quæ ab Osmano quoque defece-
rant, concitavit, & honestas de illis reportavit victorias. Affluit divitiis, unde facile militum favorem sibi conciliare potest.

XIII. Halil Bassa Archibalassus, & ejus ignavia. Giafer.

Halil Bassa classis præfectus, Turcico Imperatori cognatione junctus, Vngarus est, in Bosnia natus, homo novus, nec ulla re clarus quam quod donaria Imperatori suo, à piratis qui in mari Ægeo & circa Peloponnesum prædantur, exigit:

exigit. Hoc anno monasterium Callogerorum, quoderat in Strophadum insula (duæ sunt ejusdem nominis, hodie Strivali dictæ) exussit, quod classem Hispanicam recepissent. In nulla habetur existimatione. Putant quidam hoc officium ab illo in Giafer translatum iri. Qui in Calabria natus, ab Vluchiali illo, qui Anno 1571 è strage maritima evasit, enutritus fuit. Hunc rei maritimæ peritissimum esse prædicant.

XIV. Præfæti rei maritimæ.

Pirate.

Cur Solymannus opera Ariadini usus sit.

NON est ut quis dubitet, quin Turcico Imperio viri rei nauticæ periti & ad gerendum bellum maritimum idonei desint. Constat enim ab anno 1572 usque ad hunc diem perexiguam à Turca emissam esse classem. Deficiente igitur occasione, quantū valeat virtus militaris cognosci non potest: languescit potius & sæpe etiam omnis extinguitur. Verū necessitate sic urgente, ut classis valida ipsi paranda, instruenda & emittenda sit, antecessorum suorum consilio uti posset, mercede fortissimum quemvis è piratarum ducibus conducendo: quibus receptaculū præbere solet Thinissæ (quæ hodie Tunesum) Hypponis, quæ Bona olim, & Buscæ aliisque in portibus. Inter quos archipiratas celeberrimi hoc tempore habentur Cara Deli, Amurat Bei, Mehemet Bei, tres è familia Memorum, duo Albani, Cyrneus quidam (Cyrnus hodie Corsica vocatur) Sala Bei & alii, non minus celebres in hac arte quam periti. Gallus quidam Politicus scriptum reliquit, Solymannum Imp. præmiis splendidissimis & preciosissimis illustrem illum piratam Ariadinum Barbarossam ad se allicere studuisse, ipso etiam Archithalassi officio oblato. Idque propterea ab eo factum esse scribit, ut vires sui Imperii augeret, & ipsum Ariadinum ita sibi devinciret, ne amplius rebus Ottomanicis damnum inferret.

D 2

Et

Et hæc hætenus de ipsis belli ducibus. Nunc milites & membra minus principalia describere aggrediar. Horum duo sunt genera. Alii sunt proprii, auxiliares alii. Priores in equites & pedites distribuuntur. De illis priori loco nobis dicendum erit, cum in equitatu omne pene Turcarum robur bellicum consistat.

XV. De Spahis & duobus stipendiorum generibus, Timaro & Vlese.

De S. Theodoro Stratilato.

Turcici equitatus præstantia in *Spahis* consistit, qui stipendii loco certos habent redditus quos illi Timari vocant. *Timarum* proprie dici potest pensio quædam vel assignatio certorum reddituum, qui ex fundis percipiuntur bello acquisitis, qui certa proportionem distribuuntur militibus, quorum præ cæteris emicuit magnanimitas, quique strenuam in bello navarunt operam. Cum coloniis antiquis, vel feudis, vel quæ nostra ætate dicuntur Commendaturis, comparari possent. Premium quod Romani in milites bene de re repub. meritos conferre solebant, ut ad dies vitæ fruerentur, *beneficia* appellabant: *beneficiarios* verò qui illo premio fruebantur. Cum his convenit, quod Græcis *ῥηδαιο*, & *ῥηδαιῶται* personæ dicuntur. Etymologia à voce *ῥη* ducta, quæ honorem significat. Vnde de Theodoro (non eo qui Tiro, sed qui Stratilatus, id est, prætor vel militum ductor vocatus est) legimus, quod à Licinio Augusto arcem Heracleæ in vicem Timari accepit, idque diu antequam ad martyrium propter fidem Christianam tractus fuit: ut habet Philo poeta Græcus, Damascenus, Nicephorus Callistus. Sicut etiam in Menæo, quod est Officium Græcorum menstruum, legitur. *Vlese* dicitur ea merces, quæ de die in diem à quæstore militibus, qui stipendium accipiunt & reliquis

qui in aula Imperatoris serviunt, perfolvitur. Qui *Vlofezgi*, vel *Olophagi* dicuntur, quasi quibus de solo victu prospectum est, à Græco illo *ελοφάγιον* voce deducta.

Eorum qui pro timaro in Europa militant ad 1600 numerantur. Quilibet Spahorū, qui circiter 3000, ad 6000, aspros annuos habet in reditu, in bellum cum equo uno proficisci obstrictus est: qui circiter 5000 ad 1000 habet, cum duobus se sistere cogitur. Idem de reliquis, qui plus minusve habent in reditu, habita proportionē statuendum est. Nonnulli plures equos alere solent, prout quis vel dives est, vel honoris & gloriæ desiderio tenetur.

Horum Spahorum pars maxima Beglerbego subiecta est, quorum numerus ad 9000 Timarorum accedet. Reliqui Bosniæ, Budæ, & Zoroborensi (vulgo Temesvár dicitur) Bassæ parent.

XVI. De Spahoglanis, Selectariis, Vlofezgi & Guraaba.

Placet eos, quos modo commemoravi Spahos, sunt *Spahoglanis*: qui in aula nutriti delicatuli sunt, aut aulicorū more polite & splendide vestiuntur habitu Persico. Equitant more Asiatico, parvis urentes ephippiis, è quibus facile deturbari possunt. Quondam non tenebantur in bellū proficisci, nisi præsete Imperatore: sed non ita pridem eorum plurimi à Sinano & Glafer nolentes in militiam tracti sunt, quod aliis militibus destituerentur. Qui cum in Seruia & Bulgaria hybernassent, tam male extorsionibus & rapinis mulctarunt miseros rusticos, ut peius ne ab ipsis quoque Tartaris tractari potuissent: quorum etiam vestitum & personam sæpius induerunt, ut sub ea specie delicta sua facilius cooperire possent.

Horum quatuor sunt ordines in aula Imperatoria: videlicet *Selectarii*, *Vlofezgi*, *Guraaba* & *Spahoglanis*. Sed posteriorum numerus omnium maximus est. Igitur eorum nomen

sine discrimine omnibus attribui solet. Selectari & Spahoglani in duo agmina divisi sunt: videlicet in Selectaros dextri & sinistri lateris, & Spahoglanos dextri & sinistri lateris. Diversis signis invicem internoscuntur. Quibus si eos, qui Guraba & Vlefezgi nominantur, adicias, agmina sex efficient. *Guraba* autem nomen plurale est, à Carip ductum, quod pauperem & nudum denotat. *Vlefezgi* autem, ut supra diximus stipendiarii dicuntur. Horum ordinum quilibet proprium suum habet Agam, qui duobus vel tribus equitum millibus imperat.

XVII. De *Acanxis* & *Haiduchis*.

De provincia *Dobruccia*.

Qui *Acanxi* vocantur, ut plurimum agricolæ sunt. Sed falluntur, qui eos *Haiduchis* Hungarorum comparant, cum illi equites hipedites militare soleant. Nec recte eos à Iovio & aliis scriptoribus recentioribus voluntarios milites appellari puto, cum propter exemptiones ipsis concessas in bellum proficisci cogantur, sæpius tamen Zingarorum vel Tartarorum more integras regiones deprædando pervagentur & devastent. Non magna ipsorum ratio habetur: in *Dobruccia* *Bulgariæ* provincia ut plurimum ad Danubium desident & morantur.

XVIII. De iis qui *Gionli*, *Baratli*, & *Muteferaga* dicuntur.

Ii qui *Gionli* dicuntur vere sunt voluntarii milites, qui, sicut & hi, quos *Baratli* vocant & spe alicujus muneris consequendi militant, voluntarie sine stipendio in bellum proficiscuntur. Iis Christiani plurimi admixti sunt. Quemadmodum & reliquis, quos *Muteferaga* nominant, sese adjungere solent (qui sunt præcipui aulici) nec in bellum nisi Imperatorem comitandi causa ire coguntur, ab oneribus militiæ
exi-

eximuntur. Liberrime omnia devastant: exercitum præveniunt tanquam præcursores: ex præda acquisita partem quintam Imperatori offerunt. Reliqui *Barath* Bassarum & Sanguachorum familiis & Spahorum servitiis se immiscant.

XIX. Numerus Timarorum Asiae, Africae & Europae.

De voce Beglerbegi.

De Beglerbego Græciae & Anatoliae.

De Divano.

De Sophia, Tibisca, Nicopoli, Scopia, Sardica, Triadiza, Gurbegia, Sramboli seu Constantinopoli.

De Praefectomaris & ejus redditibus.

Timarorum in Asia numerus ad 50000 sese extendit: quæ subducta ratione 150000 tam equitum quam peditum, servis annumeratis, efficiunt. Multitudine Europæas duabus tertiis superant, sed armis non bene instructi parumque fortes sunt, nec ad bellum idonei: exceptis iis paucissimis, qui ad mare habitant & militiæ nauticæ addicti sunt.

Initio postremi belli Persici triginta fuere in Asia Beglerbegi, & exinde numerus eorû actus fuit. Africa tres habet. Fessæ & Marocci regna nullos habent, sed potius Turcæ tributaria dici possunt. Europa habet sex Beglerbegos. Quæ vocabuli explicatio mihi subiicienda erit; cum sapius ejus à me facta sit mentio.

Vox illa Turcica *Beglerbeg* idem valet, quod dux ducum, seu princeps principum. Hi enim supremi sunt duces & præfecti, quibus reliqui omnes, qui aliquo in provincia sibi commissæ imperio militari præsent, subiecti sunt. Hi eandem potestatem obtinent quam illi, qui *Melicul* *Imperialibus* Arabibus, & Græcis *ἀρχοντες* *ἀρχόντων* vocantur. Quorum tres autoritate & dignitate reliquos superant, & eundem cum Bassis Viziris locum obtinent. *Viziros* autem vocant Turcæ, qui in Divanum seu consilium regum admittuntur.

admittuntur, utibi in praesentia Imperatoris sententias dicant. *Divanum* autem non recte à quibusdam *Dovana* & *Ti-phanum* dicitur.

Rumeli Beglerbegus primus est, qui *Romania* seu *Græcia* imperat, & sedem habet in urbe *Sophia*, quæ olim *Tibisca* dicta est: metropolistamen *Bulgariæ*, vel *Volgarix* (à populis qui à *Volga* fluvio eo migrarunt sic nominata) non est, ut falso quidam opinantur. Neque eo loco habenda est *Nicopolis*, quæ propter victoriam, quam *Traianus* de rege *Dacorum* *Decebalo* reportavit, claret. Errant quoque qui *Sophiam* pro antiqua *Scopia* vel *Dardania* vel *Macedonia* sumunt. Neque etiam *Sardica* est, à qua *Synodus Sardicensis* sub filiis *Constantini* habita nomen accepit: hodie enim *Triadiza* nominatur.

Asia minoris seu *Anatoliæ* *Beglerbegus* inter primarios secundum locum obtinet. In *Cutheia* residet, quæ (*Cotyæum* quondam) in *Phrygia* sita: imperite à quibusdam in *Galatia* ponitur.

Denizi Beglerbegus, qui & *Supremus Bassa* dicitur, maris imperium habet: ut plurimum *Constantinopoli* moratur, quam *Turcæ* corrupto nomine *Stamboli* vocant. Hic armamentarii curam gessit, priusquam à *Solymano* ad honorem *Beglerbegi* evectus esset, & *Sangiaccio* di *Gallipoli* vocabatur. Ad sustentationem sui fruitur redditibus quos habet officium *Subassi* di *Galata*, seu *fiscus Peræ*, quod pro 16000 coronatis elocatur. Habet etiam vberimos proventus novem insularum, quarum præcipua est *Nixia*.

Atque hætenus de equitatu, sequitur de peditatu.

XX. De *Agiamoglanis* & *Ianizaris*.

*Vera Etymologia Ianizarorum, & qui apud Persas Fani-
zores fuerint.*

240.

Quomodo ducem præcipuum adpellare soleant.

De voce Aga & Agalari.

*Quæ de causâ Janizari superbiunt, & de pristina strenuitate
& fortitudine plurimum remiserint.*

De moneta Turcica.

De monte Hajon Heros.

De Dephterdaris.

Pedites præcipui apud Turcas sunt *Janizari* qui è numero *Agiamoglinorum* (qui sunt Christianorum liberi masculi, quos in decimis pendere coguntur) ad id vitæ genus à pueris seliguntur & enutriuntur. Reliqui in aula vilissima quævis subeunt munia. Cum navigiis (quæ *Caicchi* vocant) hinc inde navigant, vel hortos colunt, vel aliis ejusmodi rebus perficiendis adhibentur, salarium unius tantum aspri in dies singulos accipiunt. Asper seu Asprus (non, ut quidam volunt, Asperus) Græcis dicitur ea moneta, quam Arabes, Ottomanii, & Turcæ *Acse* vocant ab albedine, quia ex argento constat. Eorum species duæ sunt, majores & minores, horum ulus frequentior est, licet viliores, & minus pulchri sint: illi bonitate materiæ priores superant. Eo monetæ genere Turcicus Imperator militibus suis & aulicis satisfacere solet.

Scriptores quidam Syderocapsiam vocant, ab arce Syderocap'a, quæ in provincia Thassi ad Athon montem celebrem sita est. Hunc montem Græci *αἰγάιον ὄρος*, vel quod mari Ægeo imminet, vel quod capris pascenibus ubique sit refertus, appellant: aliis dicitur *ἅγιον ὄρος*, mons sanctus, quod Turcis sonat Seirdag. Nam 23. in eo sita sunt monasteria Calogerorum, qui sunt Monachi in solitudine viventes. Asper valet 24. manguris. *Manguris* moneta cuprea est, idem valens, quod numulus antiquus. Quinque aspri si boni sint, & iusti ponderis, drachmam: duodecim drachmæ thalerum efficiunt. Thaleri uno & medio constat *Cecchini* Venetus,

E

qui

qui ejusdem est valoris cum Sultanino Turcico aureo, quæ omnium præstantissima moneta Turcarum est, sedecim Paulinos Romanos valens. *Sultaninus*, quem alii Soldanum vocant, à Sultanis seu principibus Ottomanis nomen habet sicut Cecchini dicuntur ducati, quod Duces reipublicæ Venetæ eos ferire soleant. Et Byzantii vel Byzantini tempore Græcorum ab urbe Byzantio denominantur, & ejusdem fere cum prioribus erant pretii. Scriptores nonnulli diversè de hac computatione scripsere, præcui namque sui temporis considerabant. Asper constabat 8. tantum manguris. Drachma 4. aspris, 9. aspri thalerum efficiebant, Cecchinus vel Sultaninus valebat 54 aspris. Nunc monetarum ratio omnis mutata est. Thalerum efficiunt 70. vel 80. aspri, Cecchinum vero 110. 120. 125. aspri, quod propter varia tributa Constantinopoli & passim propter bellum Persicum imperata & imposita, factum est. Ejus monetæ, quæ quondam in Imperio Ottomannico currebat, usus nunc est prohibitus propter varias imagines, quibus signata erat, à quibus Mahumetana religio penitus abhorret. Verior tamen ejus rei causa potest allegari, quod videlicet ex ea moneta, quæ purissimo constat argento, si rursus cudatur, multum lucri & thesaurus Imperatoris, & thesaurarii ipsi percipere possunt. Sed ab eo zelo & superstitione nunc paululum remiserunt, eam pro legitima habentes, quæ materia constat perfectissima. Hæc eo à me animo scripta sunt, ut de stipendio, quo Imperatores Turcici suis militibus satisfacere solent, certi quid constet. De reliquis monetis Ægyptiaca videlicet, Arabica, Syriaca & Persica, quarum per universum regnum Turcicum usus est, videatur liber, ea de re non ita pridem scriptus, cujus lectio tamen à Magistratu interdicta est, quod nonnulla minus pia contineat, quo nisi laboraret vitio, cognitione omnium dignissimus esset, propter plurima secreta rerum Turcicarum quæ in eo continentur. la-

Janizari igitur pro optimis habentur militibus, qui in regno Turcico reperiuntur, quorum opera & ministeriacum iis conveniunt, quos milites prætorianos olim vocabant, & ut Mammalucci corpus sui principis circumstipant, vel ut iuvenes isti strenuissimi Persarum quos lanitores vocabant (quorum mentionem facitis, qui sub nomine Aristotelis librum de mundo composuit) Regem vel Imperatorem semper comitantur, & custodiunt. Putarunt nonnulli eos à ianua nomen ferre, alludentes ad nomen portæ, quæ est regia Imperatoris, verum qui opinioni huic innituntur, errant. Nam Turcis porta capi dicitur, non ianua. Vnde is qui supremam regie curam habet Capizi Bassa vocatur. Vox autem Janizari à Turcico vocabulo Ienigzeri derivata, novam militiam significat. Nova dicitur non propterea, quod recenter in usu esse cœperit, siquidem ab Osmano Gasi (quem alii Ottomannū vocant) instituta, ab Amurathe primo ex consilio Cara Rustem, quem Turcæ ut sanctum colabant, renovata & aucta fuit: Sed quod Janizari fere omnes Christianorum filii sunt.

Hi parentibus in juvenrute à ministris quibus illud commissum est negocium, quinto vel septimo quovis anno interdum etiam sæpius tributū nomine eripiuntur, cum octavum, vel decimum, etiam cum vigesimum ætatis impleverint annum. Postea in partes Anatoliæ diversas distribuuntur, ut in lege Mahumetana instituantur, consuetudines & linguam Turcicam addiscant, laboribus & ærumnis assuescant, vocanturque Agiamoglani, ut supra quoque ostendimus, ubi ætatem, quæ tractandis armis convenit, attigerunt, & exercitiis bellicis assuesciti sunt, ad portam remittuntur, ut in numerum Janizarorum ascribantur. Qui militiæ minus apti sunt, ad naves & triremes relegantur, ut rei maritimæ studeant. Qui bonitate indolis & ingenii præstantiā alios

E 2

lupe-

superant, illi in Seraliis, quæ sunt Adrianopoli, Constanti-
nopoli & Peræ includuntur. Inde pedetentim ad ministeria
aulæ & cubiculi Imperatoris adhibentur, certos suos præfe-
ctos habent quibus obedire coguntur. His stipendium 5. vel
6 asprorum in dies singulos solvitur. Tandem vero ha-
bent nonnulli ex Agiamoglanis qui diverso à lanizaris habi-
ru vestiuntur. Illis due vestes annuæ dantur, tormenta dex-
terrimè tractant, & verè tormentarii, seu pyrobolarii custo-
diæ Imperatoris dici possunt. honoris acquirendi causa ob-
stinatissimè certare & pugnare solent. Agiamoglani vero
unicum vestitum annuatim accipiunt.

Lanizarorum quidam ad limites Imperii in præsidiis ha-
bentur. Pauci ad mare habitant, & militiæ nauticæ addi-
cti sunt. Eorum pars maxima aulam & Imperatorem sequun-
tur, & plerumque Constantinopoli morantur, ubi fere omnes
creari solent. Nam qui Damasci, Cairi, vel alibi creantur,
ubi Constantinopolim pervenerint, & ibidem in eo officio
non confirmantur, reticulum illud quod Zercula vocant,
gestare non audent.

Cum ultimam in expeditionem sub ipsorum Aga pro-
fecti sunt, præter morem, ordinem potius militiæ turbant
quam ut strenue suo functi sint officio. Non enim libenter
obediunt primario duci, quem Serdar voce Persica vel Serds-
ker lingua Arabica nominant. Tum etiam quod nostra me-
moriam à disciplina & præceptis majorum ut plurimum decli-
marunt, neque in bello ea animi præsentia & fidelitate ser-
viunt, quæ quondam solebant eorum prædecessores.

Præfectus Lanizarorum Aga vocatur, qui primus est Aga-
lariorum, qui sunt equites præcipui, qui nunquam à latere
Imperatoris discedunt, ab Aga, id est, baculo sic dicti, qui
potestatis, quæ pollent, signum est. Chisarchas, Tribunos,
& Druncarios seu Truncarios imitantes, qui olim quoque
ejusmodi baculos vel truncos ferre solebant. la-

Ianizarorum maxima insolentia est, non modo erga privatos, qui eos vehementer timent, sed etiam erga ipsum Imperatorem. Sciunt enim robur omne Imperii & potentia Ottomannica ipsorum in manibus versari. Raro etiam vel leviter propter delicta castigantur, unde quanta sit ipsorum potentia, quoque in loco passim ab hominibus habeantur, persenserunt. Imperatori saepius indignissime minati sunt abrogationem Imperii, & filii in patris regnum substitutionem. Ab eodem interdum extorserunt furore quodam barbaro, & importunitate maxima res omnium iniquissimas. Cujus rei ut exempla vetustiora sileam, Amurathem proxime defunctum coegerunt, vel vivos vel mortuos sibi dedere Dephterdaros & Mehemetum Bassam Armenium, quem unice diligebat, accusantes eos, quod falsam ab ipsis monetam accepissent in solutione stipendii. Dephterdari enim thesaurarii seu quaestores sunt tres, quorum unus summus est, & praefidet arario, reliqui ejus Collegae fiscum curant. Superbiae & insolentiae causa quoque non minima extitit, numerus eorum paucis ab hinc annis valde auctus, idque culpa ministrorum, qui ad hoc constituti sunt, ut quos officio illo dignos aestimant, à reliquis Agiamoglanis secernant. Qui non optimum quemvis, & ad militiam aptissimum, ut quondam fieri solebat, sed quos modo nancisci potuerunt, militum inopia coacti, elegerunt, etiam Turcas naturales, & Ianizarorum filios: verum ut id faciant, pecunia corrumpendi sunt. Quod uberissime, praeteritis annis maxime, contigit, ubi corporis solius dispositionem, & annorum modò numerum in exercitus collectione respexerunt, quo subito magnas conscribere copias potuerint, inter veteranos assumptis iis qui militari disciplina omnino non erant imbuti.

XXI. *Spahi pedites.*

E 3

Spahi

Spathi quidam pedites sunt, qui Eubœæ Lacedæmone (hodie Misithra) & aliis locis maritimis commorantur, rei quæ maritimæ student, & Archithalasso parent præcipuoque usus in triremibus solent esse.

XXII. *De iis qui Asappi, Besli & Husarum dicuntur.*

Præfidiarii insuper pedites sub nomine Asappi & Besli comprehenduntur, qui falsò à Græco quodam autore Hussaris Hungaris comparantur, cum illi pedites sint stipendiarii, hi vero equites.

XXIII. *De iis qui Culcardasi vocantur.*

Tandem cum Amurathes postremus ipsa expertus esset, tantam sibi non esse militum copiam, quam quondam habuere ipsius majores, propter certas quasdam rationes, de quibus infra à nobis agetur, novam instituit militiam tam peditem, quam equitum, rusticorum videlicet, Turcarum. Quibus ampla privilegia, & honores plurimos decrevit, proprio ipsis indito nomine *Culcardasiorum*: quod fervorum sive mancipiorum fratres significat. Quæ adpellatio cum solis tribuitur Christianis in Mahumetanam superstitionem adscriptis ac degenerantibus, apud Turcas omnium est honorificentissima.

XXIV. *Milites Africani.*

In Africa Turca equitatum fere nullum aut sane per exiguum habent. Præfidiarii pedites Algerium, Tunetum, Tripolim, Gulettam, atque alia loca quæ in ea regione possident, metu Hispanorum serio custodiunt. Hispani enim propugnacula & arces munitissimas ijs in locis habent, quæ ne ipsi eripiantur diligentissime & firmissimis præfidiis munire solent.

At-

Atque hæ sunt Turcarum copiae militares equitum & peditum, quibus Imperator in omni bello tanquam mancipis uti potest. De quibus pauca quædam considerare convenit.

XXI. Observationes quædam authoris de exercitu Turcico.

NOtandum igitur, exercitum Turcicum quem modo descripsimus, & qui primo intuitu immensus apparet, fama potius & opinione hominum, quam revera tam magnum & validum esse. Militum enim perspectæ fortitudinis & experientiæ maxima est raritas, qui mediocriter in rebus bellicis sunt versati non magno constant numero. Qui vero ad res gerendas plane sunt inutiles, & quorum nulla habenda est ratio, ut sunt servi, calones, lixæ & his similes, horum ingens est copia. Constat etiam, equites Turcicos, in quibus robur atque opes illius Imperii potissimum consistunt, non ea animi alacritate, & promptitudine in bellum proficisci, neque ea patientia & tolerantia labores & incommoda sufferre posse ut quondam maxima cum laude solebant. Bellis enim in Persia gestis attenuati valde sunt. In primis vero Ungaricis hac tempestate; ubi hordei & rerum omnium ad sustentationem hominum æque atque equorum & camelorum necessariorum indigentia & caritas maxima fuit. Denique & illud observandum est, Spahos qui primarii sunt Turcarum equites, difficillime hoc tempore equos bellatores, ne oblato quidem precio nancisci posse; non modò propter equorum & rerum omnium caritatem maximam, ut modo diximus, verum etiam quod equi ut plurimum in bellis perire, & rarissime inveniuntur qui ad belli usum valeant: tum etiam quod Spahi, quibus alii reditus non sunt, nisi quod ex timaris percipiunt, amissis prioribus equis, destituantur fere rationibus quibus alios comparare sibi possint. Alii in
ocio

ocio vivere desides consueti, pecuniam fœnore accipiunt, quam timara potius emunt quam equos; vel apud alios pecuniam occupant, à quibus postea cedendo bonis ea defraudantur.

Et si vero præteritis annis equitatum habuerint copiosissimum, diversa tamen ejus rei causa fuit. Turcæ enim nunc multo molliores & effœminati è Persarum delitiis, quæ eosdem fere in ipsis, quos luxuria in Romanis quondam & Græcis effectus habuerunt, redditus, plurima impedimenta, quæ ad commoditates lectorum & rerum ad victum pertinentium conducunt, secum trahere solent, ut multis ad eam rem equis uti necesse sit. Neque quisquam est equitum, licet rusticus sit vel aliàs paupertate prematur, qui non plures uno secum in bellum ducat equum: qui tamen strigosi, male habitati & ad militiam plane inutiles sunt, quod eventus pugnae ad Agriam commissæ declaravit.

Cum diminutionis exercitus Ottomannici variæ à variis causis afferantur, non puto me abs re facturum, si ea in rem meum quoque interposuero iudicium.

XXVI. *Causæ diminutionis Imperii Ottomannici.*

De Caduleskieris & Cadis.

Cur Græcia non tam bene habitata & culta sit, ut olim.

Cur Turcarum regiones frequentia incolarum careant.

EXtra controversiam est, Ottomannicum Imperium ea militum copia carere, quam quondam in bellum post se trahere Imperatores solebant. Hujus defectus causæ sunt plurimæ, quas singulatim discutiemus. Prima est. Cum Turcarum potentia nunc valde aucta & amplificata sit, ii qui quondam propter angustiam regionis, quam tum incolebant locustarum instar in bellum, Tartarorum more, effundebantur, nunc majores commoditates delicias & regiones multo fertiliores nacti sunt. Inde fit, ut non nisi coacte & ægerime propria relin-

relinquant, & ad incerta acquirenda in bellum proficiscantur. Secundo, ipsæ Turcarum regiones & ditiones tam vagæ & spaciøsæ sunt, ut difficulter milites contrahi, & ad bellum congregari propter locorum distantias possint. Neque regiones omnes propter vastitatem incolis frequentari possunt, cum Turcarum Imperatores, provincia aliqua armis subacta, incolis & habitatores ejus vel extirpare penitus vel aliò transferre consueverint. Tertio, his causis etiam hæc addi potest, quod Imperio Turcico valde dilatato, & quam plurimis nobilissimis regnis & urbibus illi additis, Turcæ commoditates majores nacti sunt mercaturæ exercendæ, quam quondam fere negligere & contemnere solebant. Hæc quam plurimos ita velut oppignoratos tenet, ut statuere ipsi secum non possint quo eam rationem vitæ deserant. Quapropter sponte sua nunquam, sed coacti tantum militiæ nomina dare solent. Majori enim cum periculo, & incertitudine rerum suarum ad eas opes & divitias Martis alea pertingere queunt, quas per mercaturam facile possunt acquirere. Quarto, Turcarum exercitus fere totus ex mancipiis, quæ fidem Christianam ejurarunt, constat. Persas enim & Tartaros mancipiorum numero Turcæ non solent adscribere, ne bellicas functiones ac dignitates, in quibus præcipua autoritas & divitiæ consistunt cum illis parti cogantur. Quæ dignitates profecto tantæ sunt & tam expetendæ, ut sola hæc ratio opponatur ingenti illi periculo, quod imminere Turcico Imperio videtur ex tanta hujusmodi alienigenarum mancipiorum multitudine atque potentia. Illi qui Asiam incolunt, quibus quondam omnes belli functiones concedi solebant, nunc Turcæ nativi sunt, quorum plane nulla habetur ratio: æstuantur timidi, nulloque in precio sunt, nec minus effeminati & molles censentur, quam quondam antiquis Asiæ populi habiti sunt. Kadileskierorum & Cadorum honores il-

F

lis

lis solummodo attribuuntur; paucis exceptis, qui militiæ, & Sangiachis atque Bassis inservire solent. Sed & hi tamen plerique mancipia Europæ sunt, in Asiam ad certa munia obcunda missa.

Kadileskieri ab Arabibus *Kasaskeri* dicti, judices sunt in regno Turcico supremi & ordinarii, qui in rebus civilibus & criminalibus judicunt. Suntque duo: quorum alter Anatoliæ præsidet, alter Romanæ. Illi qui Cairi moratur, non recte à quibusdam nomen illud adtribuitur, cum rectius *Cadus* magnus dici mereatur, fuitque à Selimo institutus, cum Armenia, Ægypti, Syria & Arabiæ partem sibi subjecisset.

Hunc militum defectum nonnulli ad imminutionem incolarum & habitatorum in provinciis Turcicis referunt infrequentiam. Nam Ægæi maris Insulas & Macedoniam, & Græciæ provincias, ut plurimum cultoribus spoliatas vident, quæ tamen regiones omnium præstantissimæ sunt, quas Turca possidet. Sed his respondere possumus; ab eo usque tempore, quo Græcæ reipublicæ flos atque vigor extinctus est, multitudinem incolarum imminutam, nec unquam postea ad eam copiam qua prius pollebat pervenisse. Paulus Æmilii in Epiro una die septuaginta tam urbes quam oppida destruxit. In mari vicino plurimæ sunt insulæ, quæ propter sterilitatem incultæ relinquuntur. Sed & bella civilia à Romanis gesta, ipsa Græcorum imperatorum inertia atque desidia, infesta Saracenorum, Latinorum & Turcarum armis variis temporibus Græciæ illata, crebræ piratarum excursiones, nunquam quiescere & à damnis respirare insulas illas & regiones florentissimas sivere. Negari tamen non potest, multa milliaria in Turcico itinere faciendo peragrari, ubi nemo mortalium peregrinantibus obviam fiat, vel ædes ubi diverti possint appareant. Quoniam incolæ oppidis & pagis, qui plerumque ad vias regias & tritas ædificati sunt, re-

hæis,

licitis, loca remotiora & deserta magisque munita petunt, ut
rurus ipsis pateat receptus contra direptiones & depradati-
ones militum, qui suo ex arbitrio quosvis vivere cogunt,
vel caedibus & rapinis omnia miscent, eo ipsos instigante con-
tra veræ militiæ leges propria malitia. Quod utinam ne sæ-
pius à Christianis nostris quoque, cum jactura rerum maxi-
marum, & periculis maximis, experiri cogeremur; quemad-
modum fufius à me libello de militia Christiana demonstra-
tum fuit.

Hæ sunt, meo quidem iudicio & causæ & rationes mi-
nus dubiæ, ob quas imminuti & ad exiguum numerum reda-
ti exercitus Turcici videntur, itemque cur majori ex parte iis
constent militibus, quos extrema inopia, vel libido per inju-
riam alterius discedendi, aut desperatio rerum suarum, in
bellum ire compellit. Quod eo frequentius evenire solet,
quoniam ipsimet Spahi domi desidentes, ubi ad sumenda ar-
ma compellantur & citantur, servos suos inutilia terra pon-
dera in militiam mittunt; qui ut & alii plerique diutius ca-
stra non sequuntur, quam ubi aliquam adhuc prædæ spem
superesse norunt, qua deficiente continuo domum repetere
solent. Quod Sinan Bassa anno præterito in Walachia ex-
pertus est; ubi plerique ex militibus leviter & pessime vestiti,
alii indutus solum tecti, nec contra rigorem satis muniti, ne
frigore & fame perirent, ab initio statim, ubi prædæ nihil am-
plius superesse cognovissent, ipsum deseruerunt. Cum vero
Albâ Græcâ discedens Constantinopolim versus iter teneret,
omnes fere ipsum comitari voluerunt, & difficulter aducibus
in præsidio retenti sunt.

Dixi de militibus propriis, nunc de AUXILIARIIS nobis
dicendum erit. Omnium igitur quos Turci in auxilium e-
vocare solent, primi copiosissimi & fere unici sunt *Tartari*.
Quorum notitiam perfectam cum non omnes habeant, ego

eam ea fide tradam, quo & superiora à me proposita sunt, & quæ adhuc dicenda restant, proponentur. Quæ in re solummodo hominum fide dignissimorum, & qui diu inter ipsos versati sunt, sequar iudicium & relationem: omnibus fabulis, quas nonnulli de illis finxere, sepositis. Adiciam quoque de *Circassis*, qui ab ipsis aliquo modo dependent, ut & de *Curdis*, *Drusis* & *Arabibus* nonnulla scitu dignissima.

XXVII. De Tartaris Grimaïs; cur sic appellentur & cur dicantur Præcopit.

De vocabulo Han, Zar, Kiokai, Kzeret.

Cur Moscovita sibi à Tartaris metuat, & quam Tartarorum gens ipsi pareat.

De Sarmatis.

Tartari vel Tattari inde dicti putantur, quod reliquæ eorum Israelitarum, qui ultra Mediam, quæ tunc inculta jacebat, transportati fuerunt. Quod vox Tartari in lingua Syriaca apprimè denotare videtur. Gens autem populosissima est & varia. Nos de iis tantum loquemur, quos ad rem & propositum nostrum facere censebimus.

Hi regem habent cui parent, qui in Taurica Chersoneso moratur. Eorumque alii in Europa, alia intra Asiæ fines & Mæotidem paludem (Italisch hodie, mar delle Zabacche) Tanaim & Volgam (quæ ipsis Rha dicitur) habitant, Mengrellis & Circassis vicini, qui omnes Nagaienses vocantur. Alii vero, qui partem ulteriorem Volgæ intra Moscoviam mare Caspium (nunc mar di Baccu dictum) & Georgianos incolunt, partim Moscoviæ Duci subiecti sunt, partim sua fruuntur libertate. Nonnulli Turcico parent Imperio, ubi Demir Capi est, quondam portæ Caspiæ dictæ.

Tartarorum autem rex, cujus non ita pridem mentio-
nem

nem fecimus, Tartarus Cremii, quæ est metropolis imperii, adpellatur: quamquam alias ut plurimum in eo Tauricæ Chersonesi loco, qui illis Iegnibazca, Polonis autem & Russis Perocopska dicitur, resideat. *Cremum* vel *Crimæum* urbs extra Chersonesum sita est, ad eam fossam, quam quondam, cum Isthmum perfodere & Tauricam in insulæ formam redigere cogitabant, excavarunt. Vnde Poloni & Russi eos *Præcopitas*, à *Præcop*, quod fossionem significat, denominare solent; secus quæ alii statuunt, qui à rege quodam Procobio sic vocatos esse putant. Errant tamen qui eam fossam recentem factam esse asserunt; quod ex Herodoto liquet, qui Cremui emporii in sua Melpomene meminit.

Regum Tartarorum titulus est *Han*; quod herum seu dominum denotat. Minus recte à quibusdam Chan scribitur, nisi Italarum & Germanorum in aliquibus vocabulis pronuntiationem asperiores sequi velint. Poloni cum Zar seu Cæsarem vocant.

Ejus familia *Kirei* dicitur. Vnde nota sunt nomina Principum, qui non ita pridem adhuc vivebant; videlicet Mehemet Kirei Han. Rex qui nunc rebus præest Alip vocatur.

Ea pars Chersonesi, quam mare nigrum usque ad Bosphorum Cimmericum & introitum Mæotidis alluit, Turcæ subjecta est; quæ vero Mæotidem attingit & in medietullio sita est, ad Tartarorum Han spectat; licet multi Christiani Græcos ritus observantes ibi quoque habitent.

Hos quos modo recensui Tartaros pessime timer Moscovitarum Dux; propter subitas eorum & improvisas excursions & depredationes, quibus obvia quævis devastare, incolas captivos abducere, & Turcis aliisve vendere solent. Anno 1570 ipsam urbem Moscoviam combusserunt. In majori vero metu & periculo versaretur, si quando ipsi ex diti-

one sua aliò discedendum esset. Eos vero qui ad Asiæ oram sunt impedire potest, ne Christianis damnum inferant, impediendo eos ne Volgam transeant. Quare sæpius jam factum est, ut numero pauciores in bellum Vngaricum profecti sint, quam communis de ipso rumor & fama fuerit. Qui Moscovitæ obediunt Cæsari *Asdraban* & *Citraban* vocantur: hi nihil ad propositum nostrum faciunt. Illis, quos dixi in Europa intus & extra Tauricam & Mœotidem & ad Euxinum Pontum habitare, Moscovita sine Polonorum auxilio resistere non potest. Coguntur enim necessario horum ditionem attingere, si iter ad urbem Smolenscho, vel aliud ad Tunaim vel Mœotidem ducens, tenere volunt; quæ asperrima longinqua & propter fluvios & paludes difficillima sunt.

Hi ipsi quondam Sarmatæ Europæi & Asiatici ab antiquis dicebantur; qui tamen Scythiam cum Sarmatia ut plurimum confundere solebant.

XXIIX. *Quibus armis instructi Tartari in bellum proficiantur.*

Tartarorum arma sunt machæra & arcus. Sagittarum lignearum copia cum destituantur, eas ex calamis, quibus abundant, conficere solent. Acutissimæ sunt; quibus hosti nocere tum propellendo & invadendo, tum etiam à tergo ei aculando & fugam simulando, oprime norunt. Illorum belligerandi ratio latronum incursionibus, quam veræ & legitimæ militiæ est similior. Omnes equis vehuntur, qui exigui & parvi sunt, soleis carentes. In harum vicem clavum aduncum uni ipsorum pedi insigunt, ubi glacies, quæ istis in regionibus frequens, superanda est. Animosi sunt, laboribus assueti, & perferendis incommodis maxime idonei.

XXIX. *Tartarorum amicitiam cur Turcæ & alij Principes vicini expetant & ære comparent.* Sely-

IN bello Turcæ Tartarorum ope uti consuevere, quod eandem cum ipsis habeant originem, & ejusdem superstitionis Mahumetanæ sint affectæ. Verum alia causa subest, his gravior; ne scilicet contra Turcas societatem cum ipsorum hostibus incant. Quo nomine ipsos valde metuent: siquidem facillime Constantinopolim usque cum comitatu immenso excurrere possunt, priusquam fama ea de re ad Turcas pervenire, vel ipsi contra eorum impetum iustos defensionis apparatus facere possint. Idem Solymanum Imperatorem veritum esse ex eo constat, quod ipsemet in concilio quodam de iis principibus, qui damno aliquo Imperium Ottomannicum afficere possint, habito, id falsus esse dicatur. Hinc omnibus officiosis studiis & beneficiis eos sibi demereri & conciliare student, cognatione sibi eos jungunt (Solymanni enim mater Tartara fuit natione, Mehemetis Kirci filia) contributiones, multaque ipsis dona conferunt. Vnde belli tempore Turcis satis caro constat Tartarorum militia; quibus tantum donare coguntur, quo & ipsis eorumque conjugibus, & liberis quos domi relinquant, satis fieri queat. Verum ut majori cum securitate ipsis fidere possit, præter beneficia, quibus sibi eos obstringunt etiam nolentes sibi obedire cogunt. Tempore enim Solymanni eo adacti sunt Tartari sub Seda Kireo ipsorum Principe, ut aliquo modo Imperium Turcicum revereri & recognoscere cogantur.

His ipsis Tartaris etiam Moschorum Princeps & Polonus, ut ab ipsorum excursionibus & depredationibus, quas tempore messis facere consueverunt, securi atque immunes sint, dona quædam mittere solent. Moldaviæ Princeps, licet Turcæ tributum pendat, insuper tamen Tartarorum dominium aliquo modo respicere & venerari cogitur. Tan-

u.

ti igitur Tartarorum amicitia à Principibus vicinis fieri solet, quanti Helvetiorum confœderationes & societates à Principibus illis finitimis merito fieri videmus.

SED cum variis itineribus expeditiones suas posteriores in Vngariam susceperint, & in posterum suscepturi fortasse sint, non absurdum neque inutile futurum puto, si vias præcipuas, quæ illos ex patria in Vngariam ducant, ostendero. Vt Christiani proceres eos tanto facilius, vel impedire, vel ad minimum remoram quandam ac frænum ipsorum furori & repentinis incursionibus iniicere queant.

XXX. Itinera per quæ Tartari in Vngariam proficiscuntur, videlicet per Russiam, Podoliam, Premisliam, Sambar & Severinum.

VT Tartari Turcico sese exercitui conjungant, ditiones Polonicas necessario attingere coguntur. Quæ vel habitata & culta sunt, vel deserta. Inter habitatas refero Russiam & Podoliam, quæ ipsis ad latus dextrum sita sunt. Subita quadam irruptione infra Premisliam valles illas attingere possunt, quæ recta eos in Vngariam superiorem ducant. Sed hac via facillime Poloni Transylvani & exercitus Imperatoris illis, quo minus susceptum iter perficiant resistere possunt. Possunt etiam Sambur urbem petere, vel Transylvaniam propius attingere: verum hæc via omnium est difficilima.

Per regiones desertas duæ ipsius patent viæ: una quæ à mari est remota, altera quæ vicina. Si priorem tenent, fluminis Nestri cursum sequuntur in Moldaviam usque, inde per mediam Wallachiam proficiscentes, ad Severinum (quod ita à nostris ob memoriam Imperatoris Severi nominatur) perveniunt. Verum eo in itinere Poloni pariter & Moldavi cum Valachis eos impedire possunt. Priusquam Severinum cum ditione finitima infestum sibi atque alienum haberent, iter
multo

multò brevius secundo Danubii fluvio incedentes conficere poterant; verum quia Transylvanus jam & loco illi & regioni adiunctæ dominatur, si illius fluvii cursum sequi vellent, armis viam sibi aperire cogerentur; id quod æque ipsis foret difficile quàm si terra proficiscerentur.

Vbi *posterius* iter quod ad mare propius est sequi volunt, ad fluvium Nestrum (Tyram quondā vocatū) se conferunt; quem prope Achermanum trajiciunt. quæ Polonis Bialogrod, Moldavis Cittatalba, Vngaris vero Nester Alba dicitur. Estq; Sangiachatus Turcicus ad fluvium Nestrū (errant igitur, qui ad Istrū seu Danubium eum collocant) situs non procul distans à Sangiachatu Benderæ, quam Moldavi & Poloni Tegna vocant. Bendera urbs est in Moldavia sita, quā Arō ejus regionis Princeps Turcis concessit, quo se à rebellionis crimine, quod contra Turcas in bello quod etiam nū viget admiserat, purgaret.

Per hosce duos Sangiachatus Tartari b. fariam Vngariam attingere possunt. Aut enim Pruto & fluviiis trajectis in VValachiam irruunt; aut iis fluviiis relictis, in Bulgariam Turcæ provinciam copias ultra Danubium traducunt. Hæc posterior via licet omnium maxime secunda & commoda sit, difficultatibus tamen non caret: siquidem ipsimet Turcæ nunquam non gravate Tartaris per suas ditiones (quas ne devastent & deprædentur metuunt) transitum permittunt.

Prima vice qua in expeditionem in Vngariam profecti sunt, iter Præmisliam versus instituerunt: in reditu Severini cœnobium petierunt; sed cum à Valachis & Transylvanis damna sapius maxima in transitu accepissent, ut tanto commodius & facilius domum repetere possent, ultimam viam, quam dixi per Bulgariam esse, ingressi sunt.

XXXI. *De Tartaris Gibelis.*

De muro, quem Imperatores Græci ad latus Ponti Euxini construxerunt.

G

Cnr

*Cur Turca opera Tartarorum Gibelorum, & aliorum qui in Sangi-
achatu Achermanni & Bendera morantur, uti soleant.
Via, per quam Tartari Europaei in Persiam proficisci soleant.*

PRAETER eos, quos modo enumeravimus, Tartarorum populos, alii quoque eiusdem nationis reperiuntur, qui *Gibeli* vocantur. Quorum ad plurimum sunt 2000. Machara, arcu galea & lorica in bello utuntur, unde Gibeli, id est, armati dicuntur. In Dobrucia provincia ultra Danubium sita habitant ad ruinas muri, quæ in Sogdiana regione ab urbe Silistria Constantiam usque, quæ est ad Pontum Euxinum, pertingunt. Hic murus ab Imperatoribus Græcis quondam ædificatus dicitur.

Hosce Tartaros Turcæ sæpissime in bellum vocant, ut aliis persuadeant, Tartaros Crimæos sibi auxilio venisse. In eundem finem sæpius *paucos istos*, qui in ultima Moldaviæ parte, intra Nestrum & Danubium fluvios, in Sangiachatu Benderæ & Achermanni habitant, quorum superius mentionem fecimus, auxilio sibi venire compellunt; ut timorem in nostris, & rumorem de suis viribus augeant.

ET hæc quidem hætenus de Tartaris dicta sunt. De quibus hoc unicum adjiciam, quod memoria & consideratione dignissimum est. Videlicet Tartaros Europæos Romanorum tempore in Persiam per Demir capi (id est, per Portas ferreas per quas Alexander Magnus ad Georgianos transiit) copias traducere solitos esse. Quorum vestigiis nostra memoria Osman Bassa institit, & eadem via in Persiam tendit. Semper enim eò animi & virium omnes intendit nervos, ut Domitium Corbulonem & Pompeium Magnum (de quibus Tacitus & Dio prolixè scribunt) & alios viros bello claros, magnitudinerum gestarum non modò imitaretur, verum etiam superaret.

XXXII.

XXXII. *De Circassia.*

Osman Bassa à Cossacis caditur.

De Phasi fluvio.

CIRCASSII quondam Zigæ dicti à Polonis Pientzcorfchii. Cuius est incolæ quinque montium vel quinquemontani dicuntur. Horum ditio Cimmerico Bosphoro Mœotide & Euxino Ponto septa, Caspium mare non attingit; ut falso nonnulli opinati sunt. Quidam eorum sunt liberi, reliqui Tartaro Crimæo parent. Græcorum ritus, variis superstitionibus mixtos, observant. Turcis suam operam pecunia elocant, paupertate coacti: seque invicem vendunt, & in servitutem alius tradunt, tum quod Mengreliis vicini sint, & ipsis quoque Tartaris, quibuscum interdum quod agant habent: tum etiam propter Turcicum propugnaculum Afas, quod est in ostio Tanais. Srenui semper & ingeniosi habiti sunt. Tempore Sultanorum, qui in Ægypto regnarunt, plerique Mameluchorum ex ea gente originem trahebant, unde Mameluchi à Turcis Zercas vocati sunt.

In Circassia non ita pridem magna clade à Cossacis (qui hanc sunt, suo loco dicetur) affectus est Osman Bassa, cum redux à Persia Constantinopolim contenderet, & transisset Phasim fluvium Mengreliæ seu Colchidis, quæ est ad Pontum Euxinum, in Trapezuntis confinibus. Qui fluvius propter vellus aureum celebris habetur; quem Pompeius fugientem Mithridatem insequens transire, præ metu Tartarorum, Circassiorum, & populorum vicinorum, non est ausus.

Huc usque de Tartaris & Circassis.

XXXIII. *De Curdis, vel de Chaldeis.*

De Drusis & Arabum extorribus.

Num Turcicum Imperium merito de his sibi timeat?

Solet Turca non raro Curdos seu Curdos ad belli societatem evocare. Hi Mahumetani strenuissimi. Libertate fruentur,

G 2

untur. Babyloniae provinciae, quae hodie est Bagadat, eam partem incolunt, quae Curdistān seu Chaldaea Arabibus vero Kelden dicitur.

Hos maximo damno aliquando Turcico imperio futuros nonnulli arbitrantur. Quod periculum eidem à Drusis (qui milites sunt Libani montis accolae) & Arabum extorribus imminere existimant. Sed meo quidem iudicio Imperium hoc potentissimum parum sibi ab illis timere debet. Nam primi regiunculam perexiguam possident, secundi numero paucissimi sunt, tertii latrones sunt nullo ordine in militiam proficiscentes.

VLTIMO loco de viribus Imperii Turcici mihi differendum puto; qua videlicet ratione Imperator Turcicus comaeatu armis & munitionibus exercitui terrestri & classi prospicere possit. Cum nemo sit, cui non constet, irritos conatus futuros eius, qui instructus maximis copiis, rebus quibus & homines & pecudes sustentet & ad bellum instruat, destituatur, & frustra parari classem sine materia & militibus qui illi imponantur. Ostendendum quoque est, qua ratione illum vel spoliare, vel difficilem apparatus ac copiam rerum earum hosti reddere possimus. Vnde palam fiet, quantum hostis contra nos praestare valeat.

XXXIV. *Commeatus & cibaria, quae Turcae in Asia & Europa parare possunt.*

Error veterum de Macedonia & Servia regionibus.

Quomodo commeatus per Pontum Euxinum in Vngariam deferri possit.

Item per Thessalonicam Scythiam & Albam regalem.

Item per Ciabrum seu Morava Serviae fluvium.

De Cossovo seu Osse planitie.

Quomodo Turcis commeatus vel eripi, vel ne in Vngariam eum

eum transferant impediri possit.

De homagio, quo Sangiachi Spahi & Rustici Turca tenentur commeatum exercitus prospicere.

De pane biscocto qui Belgradi conficitur.

COMMEATVS cura prima & diligentissima debet esse omnium belli ducum, sine cuius subsidio exercitus diu sustentari atque haberi non potest. Turcis autem frumenti copia non deest.

Huius maximam copiam passim in Asia colligere, & variis itineribus in Vngariam comportare possunt. Per Euxinum Pontum ad Danubii ostia tutè id fieri non potest, metu Walachorum, qui à Transylvani imperio dependent. Constantinopoli usque in Vngariam ut deferatur, via nimis longa & remota est. Liberrima vero & facillima per mare patet, quo Thessalonicam usque (quæ Salonichi hodie dicitur) transportatur. Inde per Scopiam urbem Belgradum defertur. Indeque planissima patet regio, qua commodè quævis de loco in locum transferri possunt. Quod minori etiam cum difficultate fieret nisi carrorum & vehiculorum copia destituerentur.

Europa parùm commeatus Turcæ conferre potest. Moldavia & Walachia hordei & frumenti feracissimæ provinciæ, belli cladibus tam infœcundæ sunt redditæ, ut non modò parum colantur & arentur, sed & exiguum illud quod terra producit militibus in prædam cedit, vel ab equis conculcatur. Walachiæ & Moldaviæ Principes tanquam valalli homagio tenebantur, quantum possent rerum omnium ad bellum necessariarum Turcico exercitui subministrare & procurare, sed neuter suo nunc fungitur munere. Ille enim iugum Turcicum plane excussit: hic vero vix se suosque alere potest.

Per Macedoniam & Serviam, provincias fertilissimas, commeatus tuto & facile in Vngariam deferri potest; quod ex regionis planæ ut plurimum, & montes propter saxa & rupes non sint invii.

G 3

Patet

Patet & alia via non minus commoda. Si videlicet Thessalonica per Ciabri, seu Moravae Macedoniae fluvii, campos in Serviam non procul à fertilissima Cossovia planitie transvehatur; quam merularum campos, ab avium istarum copia, quæ ante pugnam, in qua Amurathes primus occisus est, comparuit, scriptores nostri vocare solent. Hinc errorem veterum quorundam videre licet, quibus persuasum erat, Macedoniae & Serviae montes vehiculis non patere. Sed non erat plane difficile itinera & vias illac emunire; iis tamen exceptis montibus, qui ex Epiro in Macedoniam tendunt, per quos vehicula duci non possunt.

Vt verò Turcis impedimentum quoddam Christiani inferant, quo minus comitatus in ea loca ubi belli sedes est transportare queant, maximas difficultates & incommoda illis obstitura puto, si maritima æque ac terrestria itinera spectes. Pars enim comitatus, quæ ex Asia atque adeo ex Ægypto transmittitur, Alexandriae Damiatæ atque in aliis portibus in naves imponitur, quibus cum instructissima classe occurrendum eaque pugnando superandæ & capiendæ essent. Tum etiam quod Ægeum mare, (quod maxime infestum reddere conveniret) plurimos canales haber, in quos tutus navibus receptus datur. Itinera terrestria si spectes, vnicus eos impediendi modus superest (nisi forte Turca regiones suas omni præsidio & militibus nudare velit) ut videlicet Transylvanus à Valachis adiutus traiecto Danubio, intra Bulgariam & Serviam, quæ quondam Misia dictæ sunt, castra metetur. Sed ad eam rem instructissimo, & ad pugnam paratissimo ipsi opus foret exercitu, cum citra periculum impedimentum inferre nequiret.

Omnes præterea Spahi aliquam cibariorum partem pro se suisque alendis in militiam secum ferre coguntur. Sangiachi farinae hordei & aliarum rerum, quantum maxime & quam
 (æ.

sapissime possunt, ad exercitum mittere tenentur. Rustici in pagis, quanta ipsis imperatur, frumenti copiam suppeditare militibus adiguntur. Albaregali maxima copia panis bis cocti ex frumento & hordeo ordinarie confici solet, qui postea inter milites dividitur

XXXV. Cur Turca expeditiones suas anni parte maiore elapsa suscipiant, & exercitum non diu sub signis retineant.

HOc insuper certissimum est, Turcam priusquam herba crescat & messis facta sit, in bellum proficisci Vagarium non posse. Tum quod frumentum & alia, quæ Spahâ exercitui præstare coguntur, ante illud tempus nullibi parari queant; tum etiam quod neque milites, si his destituantur rebus, diu castra sequi possint; maxime ubi exercitus copiosus sit; quales plerunque Turcarum sunt, qui hominum equorum & camelorum maximo numero constant. Inde quoque usuenit, quod eiusmodi exercitus diu in aliquo loco subsistere vel coniunctus manere non possit.

XXXVI. De Orizæ.

SCopia aliquantulum orizæ (cibus Turcis familiaris) supeditat. In Alexandria quoque eius copia haud vulgaris crescit; inde à mercatoribus ad nos deferitur.

XXXVII. De carnibus; & Torba pulmento.

TOta regio omni genere carnis abundat, maximè vero ubi exercitus subsistit vel sedes belli est. Veruecum, & boum in primis, ut ita dicam, copia innumerabilis reperitur in iis campis atque pascuis. E Moldavia pecudes mel & butyrum maxima quantitate in castra Turcica deferuntur, Principe id permittente, propter tributa, quæ ipsi hoc nomine penduntur. Verveces tamen ea copia nunc, qua solebant olim, nancisci non possunt; quòd multò plures hodie, quàm quondam in Poloniam abigantur. Quæ res Turcas pessime habet, cum ea carne in primis delectentur, bubulam vero tantum

non

non faciant. Circumferunt quoque secum carnem quandam sale conditam, quæ in pulverem redacta, nutrimentum illis optimum præbet: in primis ubi eam cum pulmento, quod *Tzarba* vocant, miscent & condiunt.

XXXVIII. De aqua, vino, & Tzarber, quod est potus genus apud Turcas.

De regno Tarsi.

Quomodo Mahumetes Pseudopropheta affectas suos in arte militari instruxit & ad eam idoneos reddidit.

AD potum quod attinet, nemo est qui dubitet, quin ubi vis locorum, ubi bellum hodie geritur, aquarum sint fontes perennes & fluvii. Nec Turcis hic potus vel rarus vel inusitatus est, quod ex lege Mahumetana eam bibere teneantur. Carthaginenses quoque eo potu olim utebantur. Ut etiam nunc illo uti, religionis causâ, feruntur incolæ Tarsi regni; quod est in Asia ad Cathaiæ confinia sita, cuius etiam literæ sacræ propter magos, qui inde ad adorandum Christum Bethlehemum profecti sunt, mentionem faciunt. Quantum iste aquæ potus Turcis conducatur, illi æstimare possunt, qui aliquamdiu Germanos frequentarunt; licet olim & hi aqua contenti vixere.

Et si quod res est fateri lubet, Mahumetes ille Turcarum Legislator affectis suis, ut à vini potu abstinerent, non aliam ob causam tam seriò edixit, quam quod armis suarum Legum observationem sancire cupiens, sobrietatem illis præcepit, quo ad belli munia obeunda semper parati promptique essent, ducibus parerent, & ad Martis aleam subeundam intrepidi impavidique adgrederentur. Legem quoque tulit, ut crebriori lotione utantur; ut videlicet mundi ipsi, munde in exercitu omnia tractentur, ne morbis, quos immundities & spurcicies generare solent, milites corripiantur, sed potius ad perferendas omnia aëris & cœli tempestates & incommoditates apti & idonei reddantur.

Potum

Potum insuper Turcæ, quem *Tzerlet* vocant, ex uvis passis & aqua conficiunt, admixto citrij succo & musco; quæ omnia saporem suavissimum efficiunt, tentare etiam caput solum uti vinum. Quod si vinum bibere Turcæ aliqui interdum cupiant, Ianizari in primis qui eo mirifice delectantur, magna eis copia est in Hungaria, præcipueque in superiori, ubi vinum *Toccaj* nobilissimum habetur.

XXXIX. *Materia sive ligna.*

De Bazca & Srema provinciis.

Lignis Turcæ non possunt destitui: quorum usus in exercitu, ut Cyrus rex Persarum dicere solebat, æque atque aliarum rerum necessarius est. Etsi vero in quibusdam Servæ locis, ea quæ toti exercitui sufficiat ligni copia non reperiatur, hunc tamen defectum suppleant reliqua loca, per quæ iter faciunt Constantinopoli Belgradum, atque inde cis Danubium Vesprium usque. In primis vero ligno abundant Bazca & Srema provinciæ. In hac urbs Sirmium, quæ propter Concilium quod ibi celebratum fuit celebris est. Ambæ Danubio Dravo & Savo fluvij cinctæ, quibus furor belli (quod exercitus Turcicus semel tantum sub Sinano Bassa illac transiit) cum pepercisset, omnibus rebus necessarijs plus quam aliæ Vngariæ provinciæ abundant.

POSTQUAM ea quæ ad hominum & animalium sustentationem pertinent discussimus: nunc considerandum est, quo armorum genere Turcæ utantur, & quomodo bellicas munitiones tam ad defensionem quam offensionem nancisci possint.

XL. *Arma offensiva & defensiva Turcarum.*

De Pusdogan machæra & alijs armis.

Spahi Europæi ut eminus hostem lædant, lancea pura & primo ferreo utuntur. Ut cominus feriant, clayum ferreum, quem

H

quem

quem *Pusdogan* vocant, & machæram gestant. Hoc armorum genus Persis quondam in usu fuisse Xenophon scribit. Turcæ illud *Cedare*, Arabes *Scde*, Germani *Sabel*, à voce Vngarica & Sclavonica *Sabla*, nominant. Alij etiam secures & sicas ferunt. Alij peltas & scuta. Reliqua corporis membra armis non cooperiunt. Tormentorum usum non habent; multi sagittas & tela tantum in hostem tendunt. Qui in Croatia & Vngariæ finibus militabant, plerique thoracibus ferreis & lorica induti fuerant. Sed hi fere omnes in militia periere. Qui his successerunt, nondum huic armorum generi assuefacti sunt. Iani-zari omnes & nonnulli Asappi tormenta tractant, sed non ea dexteritate qua nostri solent. Acanzij, Spahoglani, Chiaus-sij (qui Turcarum legati sunt) alijque equites aulae Turcicæ, arcu & sagittis, alij lanceis Asiaticis pugnant. Pedites fere omnes galeas non gestant, sed machæris & gladijs Græcorum more accinguntur. Equites Asiatici sarissis quoque utuntur: alij sagittarios agunt: ephippia exigua habent de quibus facile deturbari possunt.

XLI. De Giebegis, Topigis, Armenis, & quare hi Bocgi vocentur.

De Voinicis & Sachor.

IN exercitu Turcico diversi sunt ministri & officarij, qui varia obeunt munia. *Giebegi* sunt, qui arma componunt ac tergunt. *Topigi* vocantur machinarum & tormentorum magistri. E quibus nonnullis stipendia solvuntur, alij sine stipendijs aliunde multa corradunt. *Armeni* fossiores & munitores ut plurimum sunt, & apud Turcas ea præstant, quæ caminorum purgatoribus apud nos committuntur, unde per ludibrium *Bocgi* vocantur. Exercitum quoque sequuntur multi *Voinici*, quod lingua Sclavonica bellicosum significat, quod in bello quondam strenu-

strenuam operam navarint. Hi rustici sunt in Servia & Bulgaria habitantes, & Græco more viventes quosvis labores subeunt. Sunt & alij pariter qui sponte sua in exercitu vivunt, quos *Sarchor* nominant; fossores agunt, & vilissima atque abjectissima quæque perficiunt.

Ordo requireret, ut integrum nunc de *militari disciplina Turcarum* tractatum subijcerem, sed de eo multi alij doctissime scripserunt, ad quos lectores remitto. Pauca tamen quædam hic inseram non nota omnibus, ne lectorem hinc jejunum dimittam, cui in alijs me satisfecisse spero.

XLII. *Turcarum disciplina militaris.*

Quænam in milite Christiano requirantur.

Victoriæ Christianorum contra infideles.

Defectus quibus laborant exercitus Turcici.

De Scanderbeg.

Robur & vires Turcarum.

Qua ratione tormenta pilas & pulverem nanciscantur.

Turcarum milites à nostris, qui quidem exercitati sint, superari certissimum est. *Nostros* autem voco, non Italos modo, sed & Hispanos, Gallos, Hungaros, Germanos, atque aliarum nationum homines, qui sub nostris signis militant. *Exercitatos* verò intelligo non tam eos, qui artem tractandorum armorum probe & longa experientia didicerunt, quam qui sub Christi militia merere probe assuefacti sunt; ut videlicet eorum fortitudinem animi sinceritas & viræ inculpatæ probitas comiteretur, quo eo securius belli periculis sese obijcere, & victoria sub nostrorum Principum auspicijs potiri valeant, licet militum numero hosti longe cedant.

Nota sunt & clara insignium victoriarum exempla, quas Christiani sub Marco Aurelio, Constantino, duobus Theo-

dofijs, Honorio, Aëtio & alijs de infidelibus reportarunt; in primis vero de Saracenis sub Pelagio primo Castiliæ rege, qui cum mille suorum 20000 hostium delevit. Carolus Martellus unico prælio 375000 hostium devicit. Ut eas omitram, quibus sub Alfonso Casto Ranimirus; ut & Ferdinandus, & Walterus Teutonicorum Equitum magister, potiti sunt. Quorum hic 100000 Tartarorum una vice delevit, unico solo ex suis militibus desideraro. Corvinus, post quam maximarum pugnarum victor evasisset, octava vice cum 80000 Turcarum manus conferere non dubitavit, licet ejus exercitus ultra 15000 militum non constaret. De qua re diligentissime scripsit Thomas Bozius in libro suo contra Machiavellum edito.

Constat porro omnibus, quia quando contra Turcas bellum gesserunt, eorum militandi ratio. Castra latissime metantur. In expeditione nullo ordine & confuse incedunt, ut à tergo facile infestari possint. Quod animadvertens Georgius ille Castriotus (celeberrimus omnium qui unquam cum Turcis bella gesserunt, à quibus *Iskanderbegh*, id est, dominus Alexander vocatus, eo nomine ipsi in circumcissione ab Amurathe, apud quem obsidem agebat, indito: tunc enim Turcæ nomina mutare in usu habent, quemadmodum Christiani solent in baptismo) multarum horribilium & maximarum pugnarum victor, de hostibus suis triumphos egit. Insuper Turcæ spem victoriæ in numero & multitudine pugnantium potius, & in fato strepituque instrumentorum bellicorum, atque horribili sonitu barbararum vocum & clamore collocant, quam ut ordini decenti & veræ militiæ studeant.

Econtra res plurimas habent & observant quæ illis in maximum emolumentum cedunt. Quælis est autoritas summa & absoluta ejus, qui supremum caput est exercitus & dux generalis. Obedientia militum: quæ tamen hodie aliquantulum imminuta

minuta est. Auxilia promptissima, ubi necessitas ea requirit, Neque enim opus habent, ut hinc inde mendicando quasi colligant exercitum more nostrorum Principum. Qui sæpiissime aliorum viribus plus quam proprijs confidunt, & ut exercitum justum conscribant omnes exhaurire thesauros suos coguntur; præcipuumq; temporis spacium & rebus agendis utilissimum inutiliter plerumque & nihil agendo transigunt. Turcæ contrà thesauros suos ad res maxime serias, & donec necessitas requirat asseruant; vel militibus inde dona liberaliter conferunt, quibus acutissimi calcaris instar ad pugnas & pericula subeunda promptissimi paratissimiue redduntur. Bello finem nunquam aut raro imponunt, nisi hostem aliqua ratione debellarint. Vires suas in res parvi momenti nunquam collocant. Quæ in bello sibi expediunda sumunt, justo ordine & maximis apparatibus antea factis suscipiunt: prælio rarò de summa rei decertant, nisi commodissima illis affulgeat occasio.

Putant nonnulli, Turcis tormentorum & machinarum magistros, & quos ingegnieros Itali vocant, præstantes deesse; adparet tamen nihil esse tam validum nihilque tam probe munitum, quod ipsorum viribus non cedat. Propugnacula, quæ inexpugnabilia habita sunt, ipsi citra molestiam occupant: honoribus & vi pecuniæ promissâ atque stipulatâ duces & præsidarios, qui ea tuentur, corrumpunt. Nunc æneis machinis horrenda in muros fulmina noctes atque dies jaculando, locum expugnationi aperiunt: fossas materia replent, cuniculis subterraneis in urbes obsessas penetrare tentant: obsessis à laboribus requiem nunquam concedunt; à proposito suo nunquam recedunt.

Munitiones bellicæ ipsis undique suppetunt. Pisas ubi opus sibi fore putant, maximâ copiâ conficiunt. Machinarum

H 3

belli.

bellicarum ingens numerus Constantinopoli, Peræ, Alba Regali, Budæ asservatur. Majori ex parte Christianis ereptæ, partim ab ipsis Turcis fuscæ sunt. Sed ipsorum Christianorum culpa, quibus sat non fuit hostes tam immanes & feritate barbaros sub Amurathe ex Asia in Europam transportasse, nisi etiam præceptores ipsis in arte bellica extitissent. Sed utinam ne iisdem (iram Dei veriti, & suam propriam, quæ imminet, ruinam considerantes) arma quoque clam suppeditarent! Pulvis tormentarius Cairi, & prope Constantinopolim in loco qui Aquebianche dicitur, atque alibi conficitur.

Viribus suis Turcæ stratagemata admiscunt & fraudes, legi Mahumetanæ insistentes. Nec desunt fraudum & insidiarum magistri. Nam plerique omnes, qui semel militiæ nomen dederunt, eò studiose laborant, ut omnia quæ ad bellum scite & cum utilitate gerendum spectant, recte addiscant. Tum etiam quod Turcæ præ omnibus alijs fraudum optimi sint architecti.

His de rebus commode alia in medium adduci à nobis possent; verumtamen, qui plura cognoscere cupit, eos consulat, qui præmeditato studio de rebus Turcicis scripserunt; in primis vero Renatum de Lusinge, Dominum de Alimes, qui de origine conservatione & diminutione Imperij Turcici doctissime scripsit.

HACTENUS de potentia & viribus Imperij Ottomannici terrestribus: sequuntur maritimæ.

XLIII. De Turcarum navalibus, quæ in Asia Europa & Africa habent.

De Raislaris seu nauarchis.

Quomodo Turcæ ligna ad adificandas naves habere possint.

Tur.

Turcarum Imperator plurima habet navalia, quæ *Terfani* vocant. Præcipuum est Sinopoli non procul Trapezunte situm. Constantinopoli 137 concamerationes sunt navium usibus destinatæ. In Nicomedia & Anchiali Thraciæ urbe ad Euxinum Pontum sita, materia classis parandæ maxima abundantia asservatur.

Triremes & alia navium genera extruunt, ubi ligna & arbores abundant: ejusq; rei curam ut maxime nauarchis committunt, qui *Raïlari* vel Raïsi illis vocantur.

Malorum & ligni maximam copiam habent in sinu Nicomediæ.

In Asia, è regione Constantinopolis, è Ducaginorum montanis per Drinum fluvium in Albanæ urbem Lissum, quæ hodie Alexium dicitur, arbores transferri possunt. Pars quoque Velonæ conservatur, & Polonæ ejusdem provinciæ urbibus; quarum hæc propter Augustum Cæsarem, qui ibidem literis operam dedit, Cajo Cæsare à conjuratis occiso, celebris habetur.

In Africa navale habet Posidij, maris rubri urbe. Vbi triremes quædam in stationibus habentur, quæ quondam contra Lusitanos cum expeditionem contra Diu & Ormuz Indiæ urbes suscepissent, extructæ sunt: sed parum hoc navale conducit, quod regio ipsa lignis careat. Ut vero eò ex Bithynia & Caramania secundo Nili flumine Cairum usque atque inde Possidium (quæ hodie Suez dicitur) camelis transportetur, multis difficultatibus & sumptibus contat.

XLIV. *Turcarum triremes cur parum valeant.*

Vnde picem nancisci possint.

Vnde serum vela clavos habeant.

De myoparonibus Sultanarum.

Tur-

Trcarum in fabricandis navibus ea est negligentia, ut in cædenda materia neque anni tempus neque lunæ cursum observent, sed celeriter omnia & negligenter conficiant. Asserunt (quibus reguntur) structuras tam male inter se compingunt, ut vectores à pluvijs & imbribus ruti non sint. Vnde ipsæ triremes diu factæ tectæ manere non possunt.

Picem duram & mollem habent Velonæ, & Rhizinij urbe ad sinum Rhizonium (vulgo Golfo di Catharo dicitur) sita, Durior è terra effoditur, mollior ex arboribus colligitur.

Abundant sevo propter boum & vervecum maximam copiam, quæ ijs in locis reperitur.

Cannabis quod satis sit, non habent; unde velorum quoque copia destituuntur. Eum defectū augent Sultanarum myoparones triginta, & aliæ octodecim naves quas *maone* vocant. Solent eas Alexandriā varijs mercibus onustas mittere, quibus instruendis permisso Imperatoris, quantum libet velorū funium & aliarum rerum necessariarum ex navalibus depromunt. Tum etiam quod ij, qui harum rerum curam gerunt, parum diligenter eas asservant, & furtim alijs divendunt, ut aliquid lucri inde percipiant.

Clavos ferreos rarò nancisci possunt, in quorum vicem ligneis quibusdam peracutis utuntur.

XLV De navis Turcicæ & remigibus.

Avariz tributi genus, pro nautarum & remigum solutione impositum.

Nautarum quantum expedit conquirere possunt. Ad eam artem Asappos præcipue assuefaciunt. Vbi vero numerum eorum supplere non possunt, Cretensium opera utuntur (quorum plurimi semper versantur Constantinopoli) atque aliorum Græcorum qui hujus rei petiti sunt. Nolentes etiam & repugnantes ad remos compellunt. Exercent quoque in

ca re

ea recertum puerorum & servorum numerum, qui semper in navibus tam prædialijs, quam alijs asseruantur.

Sed quod maximi ponderis est, remigibus peritis destituntur. Navis enim sine naclero nullum esse usum constat. Neque ad ea munia Christiana mancipia idonea sunt, neque quæ ex Africa illis mittuntur. Tartaros vero Persas & Georgianos in mancipiorum numerum non recipiunt, ne imperium militare, quod totum penes mancipia est, ipsis committere cogantur, cujus rei superius etiam mentionem feci, & libro tertio de ea nobis dicendum erit. Imperant sæpius, ut remigum onera & labores subeant Asappi atque alij vilissimæ conditionis homines. Quibus ut stipendia solvantur, tributum Christianis Europæis, quod Avariz dicitur, impositum fuit, quod 300000 Cecchinorum summam faciebat: qui hodie in alios usus impenduntur. Vbi summa rerum sic exigit necessitas, Armenios Judæos & Christianos vi remis affigere solent. Quam consuetudinem Cicala ultimo imperij sui maritimi anno securus est.

Ad insularum Africæ, quæ Barbaria dicitur, custodiam, triribus militans Spahi nonnulli, qui aliud stipendium non habent, quam Timarorum reditus: propterea prædas undique & continuo agere solent. Vbi præter ordinarias trirèmes, aliæ quoque, puta ad 30 vel circiter, instruuntur & armantur. Ianiziarum præsidium illis imponi solet.

XLII. Commeatus navium.

Panem bis coctum maxima abundantia conficiunt Epidamni, Naupacti, in Eubœa, & ad sinum Thessalonicensem in loco qui Volo dicitur: eo per Axium fluvium, qui hodie Vardare dicitur, omne frumentum, quod in Macedonia & Servia crevit, ratibus deferitur.

ATQUE hæc de robore, & viribus regni Ottomanici

terrestribus æque atque maritimis dicta sufficiant. Sed cum ex mente præstantissimorum belli ducum, aurum & pecunia nervus sit validissimus belli, qui & spiritum & animum reficit, & motum dat exercitui; subijciam quædam de *divitijs Turcicis*, in quibus major pars virium hujus Imperij & aliorum Principatuum consistit.

XLVII. De Hasnad seu ærario Turcici Imperatoris.

Diversi modi, quibus ararium suum locupletare solent.

De avaritia Amurathus III.

Quare Cairus Egypti urbs vocetur Miszir.

SI initio consideremus, quantum usus Timarorum Regno Turcico prosit, quidve utilitatis conferat, intelligemus, non facile reperiri Principem vel Monarcham, cui Turcicus Imperator divitijs & potentia cedat. Siquidem ex solis Timaris ad 300000 hominum obstrictos sibi atque obligatos habet; ut, quoties ipsi libuerit, & quo terrarum loco eos ire jusserit, in bellum, nullo Imperatoris sumptu, sed proprijs impensis, proficiantur. Quod si tantam militum copiam alere, ipsisque justa stipendia solvere vellet, quot quantisque auri cumulis atque acervis opus haberet, facile quivis judicare potest.

Habet insuper Turca duo Gasnad (alii cum aspiratione Hasnad pronunciant) seu thesauros, quorum alterum ærarium exterius seu peregrinum, alterum domesticum seu interius vocant. *Illud* decem auri milliones annuos habet in redditu; qui in sumptus regni, & in stipendia eorum qui munera gerunt publica, atque alios usus, ad conservationem Imperij necessario impenduntur. *Hoc* imensos continet thesauros. Quia omnia dona & munera quæ Imperatori ab alijs Principibus, Christianis potissimum, dantur, tum & à suis subditis & servis, atque adeo à cunctis quibus aliqua coram ipso negotia sunt

sunt expedienda, hunc in locum conferri solent. Nemini enim vacuis, quod dicitur, manibus in ipsius conspectum venire conceditur. Magnificentiae id tribuunt; quod immensam se- cum trahit utilitatem. Quod si quis penitus in omnes Tur- carum actus oculos figere velit, cognosceret, eò ipsos unice in- tentos esse, quo aliunde cumulate rapiant, ut Imperatori quæ rapta sunt donent. Sic per eorum manus, tanquam per aquæ ductum quendam, omnes isti thesauri hujus Imperij dissuunt, seque in oceanum avaritiæ Imperatoris exonerant. In hoc quoque ærarium reditus Cairi, qui millionem auri excedunt, deponuntur. (Hanc urbem Turcæ & Arabes Miszir vocant, corrupta voce Hebraica Mizraim, quam quondam Memphin adpellare solebant.) Eodem congeritur precium vel æstima- tio hæreditatum ab opulentioribus relictarum. Quas pro suo arbitrio tractat, cum omnes mancipiorum omnium facultates in ipsius manu & potestate sint; non etiam eorum, qui Turcæ naturales sunt. Huc referuntur confiscationes, poenæ pecu- niariæ, quæ multæ & magnæ sunt: tributorum, vectigalium, atque salinarum reditus: decimæ omnium spoliiorum & præ- darum quæ terra marique acquiruntur, pecudum, & frugum pro- ventus, metalli fodinarum. Quæ multæ sunt & diversissimæ in Servia, unde argenti provincia dicitur: in Bosnia prope Iai- zam, in Macedonia & alijs in locis. Hi reditus omnes inæsti- mabilem auri vim faciunt: prout Imperatorem sua trahit ava- ritia, vel ministri diligentes se & avidos in extorsionibus & ex- actionibus præbent. Est & aliud tributi genus, quod soli Chri- stiani solvere coguntur, videlicet pro singulis capitibus, ubi decimum quartum ætatis annum attigerunt, Sultanium unū; instans tamen bellum Vngaricum fecit, ut tributum illud au- ctum sit. Turcæ ex lege Mahumetana ab ejusmodi tributis exi- muntur, sed in eorum vicē quilibet viginti quinque aspros sol- vit, quod donum vocant.

Reperit Mahumetes in suis ærarijs vim auri immensam à patre Amurathe congestam. Qui omnium avidissimus habendi & fere sordidus in corradenda pecunia, contra in expensis & largitionibus atque muneribus parcissimus semper fuerat. Unde etiam flores horti sui divendi, & pecuniam inde colligi volebat: debitoribus nunquam satisfaciebat: militibus dona & congiaria fere nulla, aut perexigua conferebat: quod institutum plane contra morem & consuetudinem hujus imperij eveniebat. Vt breviter dicam, in omnibus impensis quotidianis æque atque extraordinarijs restrictissimus & ad exactam rationem diligens erat; exceptis ijs, quas in suas pellices faciebat, quas nunquam è suo complexu, nisi insigni aliquo munere donatas, vel pretiosa gemma ornatas, discedere volebat.

His omnibus adjungi quoque possunt (horret animus dicere, & oculi vix lachrymas comprimunt) tributa, vel ut honestiori vocant titulo, recognitiones, quas Principes Christiani Turcico Imperatori pendunt. Quarum recordatio sola & memoria animos ipsorum justa ira & indignatione contra iniquum hunc & barbarum Tyrannum accendere & instigare deberet; quò tandem aliquando jugo hoc excusso conjunctis viribus & opibus ad gloriam Christi, ad suam ipsorum salutem, vigilarent, & sumptus hosce in ipsius Tyranni perniciem atque ruinam impenderent atque collocarent.

XLIX. Tributa & recognitiones, quæ varij Christianorum Principes Turcis & Tartaris solvunt.

Quantum valeat certa asporum quantitas.

Quæ munera Imperatori & ejus ministris donentur.

Quare eis munera publice in conspectu offerri soleant.

IN Vngaria Cæsar, ut pace fructetur, Turcæ ejus regni nomine,

mine, si recte memini, solvebat 45000 thalerorum. Waiwoda Moldaviæ solvit 31 sommas asprorum. Somma autem unica 100000 asprorum constabat; qui 2000 coronatos faciebant, eo tempore, quo tributum illud imperatum fuit. Coronatus enim tunc 50 aspros valebat; nunc plus 100 valet. Idem Tartaris solvit viginti carros, quorum quisque quatuor bobus trahitur, melle onustos, & quinquaginta equos: sed forsitan ex novis conventionibus & pactis hodie plus vel minus solvit, quod me latet. Waiwoda Walachiæ, priusquam Transylvano se conjunxit, quinquaginta sommas asprorum pendebat. Et hoc ex ipsis Moldaviæ & Walachiæ commentarijs excerpfi, quæ diversa esse ab aliorum quicquid de re scripserunt opinionibus scio. Transylvanus ante bellum quod nunc geritur 15000 cecchinos solvebat. Respublica Ragusea (quæ Epidaurus quondam dicta) 12500 cecchinos solvit. Respublica Veneta propter insulam Zantem (olim Zacynthum) 1000 cecchinos. Moscovita Tartaris qui in Taurica Chersoneso habitant munera quædam conferre solet, ut ipsorum excursions impediat: quas vel proprio motu vel instigati à Turca in ejus regiones facere solebant. Polonus misit Turcæ Anno 1591 pelles Scythicas (Zibellinæ vulgo dicuntur) quæ 25000 coronatis æstimatæ fuisse dicebantur. Sed non est census annuus, ut quidam referunt. Tartaris annuatim certam pecuniæ summā solvit Polonus, qua machæras & vestimenta comparent, idque ex veteribus quibusdam pactis, ut habent Polonorum annales. Hæc autem munera Tartaris, priusquam cum Turcis societatem inirent, solvi à Principibus quos nominavi consueverant. Eaque etiam hodie pendunt, quo ipsimet Turcæ gratum faciant.

Sunt porro etiam alia tributa & dona, quæ Principes Afri & Arabes atque Georgiani alijque Turcico Imperatori tribuunt:

buunt: sed ea exigui sunt momenti, & ad nostrum propositum nihil faciunt, ideoque silentio præterire volui.

Tandem & alia quamplurima dona sunt, quæ extra ordinem Principes, quorum superius memini, in ministros hujus Barbari Tyranni faciunt, ut eos sibi concilient: qui occasione & necessitate id requirente etiam ipsi Imperatori suo profuse & liberaliter donare coguntur, ut vel in ejus se gratiam insinuent, vel conceptum erga se odium & iram leniant.

Præterea omnes ij, qui aliquod ambiunt officium & munus, vel qui è provinciarum administratione vel expeditione domum redeunt, res preciosissimas Imperatori offerre, quasi ex debito quodam tenentur.

Hunc in finem omnia quæ donantur munera, publice & in conspectu omnium offerri vult: ut hoc barbaro fastu subditorum suorum & peregrinorum animos ad largiter donandum accendat.

PARTIS PRIMÆ FINIS.

PARS

PARS SECUNDA.

In qua consilia & deliberationes Principum Ottomannicorum erga Christianos Principes declarantur, & causa origo ac progressus belli quod nunc geritur in Hungaria. Ejus initium ab Amurathe patre Mahumetis repetitur, ut comelius omnia intelligi possint.



Ognita nunc & perspecta Mahumetis III Turcarum Imperatoris natura, & qui ipsius mores: tum quæ membra, quod robur, quæ vires immanis hujus corporis sunt: expedit ad plenam harum rerum omnium cognitionem, ut cogitationes ejus & machinationes, quas animo voluit, contra Principes Christianos in primis, investigemus. Ut inde belli, quod nunc Hungariam tam misere affligit, causæ certissimæ adpareant, & quod fuerit ipsius initium, quosque hactenus progressus habuerit, manifestum fiat.

Sed cum regnante adhuc Amurathe (qui Mahumetis III pater fuit) belli hujus sones erumpere cœperit, necessarium fore puto, ut de eo quadam hic inseramus, & originem belli ab ejus inde imperio deducamus. Hinc quid illi ut plurimum cum alijs Principibus orbis terrarum negotij, quoque animo erga eos affectus sit, aperietur.

XLIX. *Natura & mores Amurathis III.*

Quomodo Turca & Arabes nominent librum, qui continet ipsarum leges.

Cur Amurathes fuerit dictus Bongis.

Cur sæpius usus sit apio.

Vera cause belli Perfici, & cur tandem compositum & pax facta fuerit.

Quid.

Quid significet vox Mirisa.

Cur Ismael, Persarum rex Sophi dictus sit.

Cur Persæ appellantur Khiselbassi.

Cur Tartarij Zagataij vocentur Ieschilbassi.

Quid sit Turban, & cur sacris literis pomum appelletur,

& quæ sit ipsius significatio.

Expositio Oraculi Turcici.

De Zercola.

A Murathes Turcarum Imperator Mahumetis pater, moderate satis & modeste, quatenus Turca & infidelis fuit, regnavit. Librum quem Muschaphum nominant, in magno precio habuit. Nam is leges Mahumetis continet, & Arabibus Alkoran dicitur, quasi per excellentiam quis dicat *ḥaqīq*, quemadmodum & Hebræi literas sacras Kara nominant. Historias majorum suorum libenter legit, Selimum I imitatus, qui lectione historiarum Alexandri Magni & Julij Cæsaris mirre delectatus est. Philosophiæ quoque studuit, unde per ludibrium Bongi fuit adpellatus, quo nomine quondam Bajazetes II fuit insignitus. A vini potu abstinuit, secus quam Selimus ejus pater fecerat. Voluptates si spectes, in primis verò abominandam illam luxuriam, quæ Turcis aliàs familiaris esse solet, continentem se præbuit, maxime vero annis aliquot qui proxime ipsius mortem antecesserunt. Iuris & æqui (quoad in hominem barbarum eumque sordide avarum cadere potuit) fuit observantissimus. In eo valde sollicitum se gessit, ut omnia Principum aliorum secreta pernosceret. Ante omnia vero statum Imperij sui sibi quam perspectissimum esse volebat, & in hunc finem proprios commentarios omnium negotiorum quæ occurrebant, omnium reddituum qui quovismodo ad ipsum perveniebant, & sumptuum qui diebus singulis expendebantur, penes se in mensa quadam repositos habebat, qui

qui post ejus mortem in filii manus pervenerunt, qui eos diligenter asservat: sicuti Tiberium Augusti similes commentarios diligenter legisse historici tradunt.

His negociis aliquantulum gravioribus districtus & de-
tentus, vel naturæ inclinatione ductus, plerumque valde fu-
it melancholicus taciturnus & in omnibus rebus suspicacissi-
mus. Utigitur per vices animum ad hilaritatem traduceret,
opio uti solebat: de quo Turcarum est illa opinio, quod colo-
rem faciei egiegiam inducat, hominis animum recreet, qui-
que semel eo usus fuerit, nunquam eo non delectetur. Alebat
quoque in aula sua certum pygmæorum & mutorum nume-
rum, quos sæpius inter se committebat, quo se tam ludicro &
inani spectaculo oblectaret. Bella plus religionis causa, &
ut subditos continuo in arte & disciplina militari exerceret,
gessit, quam quod ingenio bellorum avido & pugnaci esset.
Cum Mahumethe Quudabenda Persarum rege (qui Tamas pa-
trem & Ismaelem avum habuit) & cum Abbas, qui nunc eo
imperio potitur (quem male quidam *Mirisa* vocant, quod
primogenitum regis, & proximum regni successorem deno-
tat) strenuissime per quindecim vel sedecim annos bella gef-
sit. Nec unquam pacem se initurum cum Persa jactavit,
priusquam Casbin, quæ est sedes regia, occupasset. Idque
duabus de causis: ut nimirum cineres Bajazetis filii Soly-
manni recuperaret, qui parentis iram fugiens ad Tamas re-
gem se receperat, à quo ingratiâ Solymanni, quem sibi Ta-
mas reconciliare cupiebat, interfectus fuit: deinde ut everte-
ret sepulchrum Arduelis, patris Ismaelis illius, qui sectæ Per-
sianæ primus author extitit.

Hic *Sophi* cognominatus est, vel à σοφός, quod originem
è gente magorum & sapientum Persarum duceret, vel quod
sapientiæ laudem apud Persas acquisivisset, vel à dictione A-
rabica *Sophi*, quæ lanam significat. Persæ enim pilei illud
K
genus

genus quod Tulpantem vocant, non ex tela subtilissima, ut solent Turcæ, sed ex lana rubro colore tinctagestant, quo majori zelo se erga religionem affectos esse simulent. Vnde *Kesibassi* seu rubra capita per jo. um à Turcis vocantur: ad differentiam Tartarorum, qui Zegatai hodie quondam Bactriani dicebantur, hi enim à Mahumethis prophetæ posteris se ortos gloriantur, viridi colore utentes *Ieschilbassi* dicti sunt. *Tulpante* vel *Tocca*, tiara illa Turcica est, quæ sphaera instar variiis circulis & voluminibus fasciarum linearum, quas hodie Græci *Φακιόλιον* vocant, constat, quo pilei vice utuntur. Rectius tamen Turbante à figura turbinata, quæ Græcis *κῆρυξ* dicitur, nominaretur. Ea nunc magis rotunda quàm quondam utuntur. Quid si forte quis conjiciat, propter eam formæ speciem tiaram illam in sacris literis sub pomi nomine intelligi? Vbi David Hierosolymæ ruinam deplorans, dicit: templum Domini in pomorum custodiam positum esse, quod non absre de Turcis interpretari posse videtur. In Oraculo Turcico, quod notum est omnibus, & à variis varie interpretatum fuit, inter alia hæc continentur: fore ut Imperator Turcicus pomum rubrum prius sibi subjiciat, quàm à Christianis imperium ejus evertatur. Quo pomo non Constantinopolim, sed regnum Persicum intelligi, nonnulli volunt. Alii tiaram hanc Turcicam in fortitudinis symbolum accipiunt. Quo admoneri volunt, eos qui eo cooperiuntur, ut in bellum proficiscentes de reditu non cogitent, sed gloriose mortem oppetere non dubitent, cum sindonem secum circumferant, qua defunctorum corpora involvuntur & sepeliuntur. Janizari Tulpante non utuntur, sed peculiare pilei genus, quod Zercola vocant ex penula alba factum, cujus forma passim depicta cernitur, alii rubram penulam, gerunt.

Sed ut ad rem redeamus; Amurathes tandem non minus quam ejus subditi diuturni istius belli laboribus & curis defati-

fatigatus, re cum Persis composita, pacem iniit. Tum quod regionem amplissimam maxima sua cum laude & gloria acquisivisset, qua merito contentus esse debebat: tum vero ut ea ratione regionem bello partam componeret, tutamque pace redderet, eamque in Timarorum formam redigeret, quibus inter subditos nuper sibi subiectos divisis eorum benevolentiam sibi conciliaret, propugnacula passim ad limites imperii construeret, quæ sibi invicem periculo imminente subsidio & auxilio esse possint.

L. Visiriorum consilia, quibus Amurathi persuadere conati sunt, ut novum bellum suscipiat.

Quinam sint Visirii, & quid sit Porta.

Interim dum Amurathes pace fruebatur, domi desidebat otiosus & melancholicus. Consiliarii ejus intimi multis rationibus ad novum bellum suscipiendum ipsum pertrahere conabantur. Hos *Visirios* nominant, qui de rebus bellicis & aliis ad regni statum pertinentibus deliberant. Concilium vero, quod ex his constat, *Divanum* nominant, ut superius quoque dictum, idque aliud est quam *Capi* seu *Porta*, quo aula ipsa significatur. Eaque in re, ut in plurimis aliis, Turcæ præcos imitati sunt Persas; qui ut habet Xenophon, eodem fere nomine Aulam Regiam appellabant.

Consulebant igitur Visirii, ut bellum renovaret: quod magna imperia sine armorum usu diu consistere non valeant: quia respublica Romana quoque cum Carthaginiensibus, & ipsi Romani Imperatores in Germania bellagesserunt, imperium firmum & stabile conservarint: quod, qui ante ipsum regnarunt Ottomannici Imperatores horum exempla secuti nunquam belli finem pacem (ut Principes Christiani, & qui suis viribus diffidunt, facere solent) sibi propositam habuerint, sed omni tempore bella foverint, quibus non modo Imperium ad eam in qua nunc est magnitudinem eve-

xerint, verum etiam subditos bellis occupatos & distentos, à rerum novarum studio & seditionibus, quæ ocium parere solent, distraxerint. Quod subditi tempore pacis alii de bellica fortitudine multum remittant, alii nimis avide mercaturæ se dedant, alii deprædationibus inhiant. Hinc verò usum militiæ nauticæ iam dudum intermissum omnino disperire: terrestrem vero militiam si diutius differatur bellum vilesce-
cere & pristino robore spoliari, neminem esse qui non videat. Hinc ducum atque militum, qui fortiter & audacter se belli periculis objiciant, inopiam necessario induci: cum solus belli usus atque exercitatio milites aptos & idoneos ad militiam reddat. Constat porro, iisdem quibus res acquiruntur medijs ut plurimum easdem conservari; quod verum esse plurima exempla & argumenta docent.

LI. Gallorum regis & Angliæ Regina legati Amurathem ad bellum exhortantur.

Amurathes tam subito, quid in hoc negotio sibi faciendum sit, statuere non potest.

BAssæ, qui eas quas dixi belli movendi rationes Amurathi Ballegarant, maxime suum commodum & utilitatem spectabant. In primis vero Sinan ille & Feratus, inter quos perpetua æmulatione, uter alteri honore præcederet, concertatum est. Hi non ignorabant, tanta autoritate se pacis tempore frui non posse, quanta in bello pollerent: nec ad eas se redire divitias, quas præ nimia avaritia immensa libidine sitiebant. Bellum igitur mordicus suadebant. Nec minus in id incumbabant Galliæ Angliæ & Principis in Geilan, legati, ut infra quoque dicetur.

Sed in re tam ardua & tam gravi, quid faciendum esset, Amurathes se se initio expedire non potuit. Non equidem quod animum non haberet armatum & ad bellum propendens; sed quod nondum ipsi certo constare videretur, in
quem

quem potius, & cum maiori suo commodo & absque maximis incommoditatibus & periculis, arma transferret; quod in hac re consilarii ipsius minime consentirent, à quibus diversa sententiæ dictæ & in medium allatæ fuerant.

Quæ sententiæ cum res gravissimasquæ in toto orbe tunc agitabantur contineant; inprimis vero utilitatem orbis Christiani spectent, non pigebit illas eo ordine referre, quo ex aliorum fidei relatione ad nos delatæ fuerunt. Continent insuper secreta quamplurima & res gravissimas, quæ non in quorumvis notitiam hætenus pervenerunt. Principibus vero Christianis, quæ in eos Turcici tyranni sunt machinationes, aperiet: ut quibus modis ipsi resistere possint, non modò consilium ineant, verum etiam, ut omnes privatas inimicitias reipublicæ condonent, & conjunctis viribus & opibus viriliter & generose ipsi bellum inferant, & Deo clementer annuente, tandem ipsum vincant, eiusque tyrannidem evertant.

Octo autem fuerunt consiliariorum Turcicorum de bello movendo opiniones.

1. Ut bellum contra Persas renovetur.
2. Ut arma inferantur Marochiensi & Fezensi regi.
3. Ut contra regem Hispaniarum bellum suscipiatur.
4. Ut Malta insula obsideatur.
5. Ut armis petatur Veneta Respublica.
6. Ut partiali cuius Italix bellum moveatur;
7. Vel regi Poloniæ;
8. Vel ipsi tandem Imperatori & Vngariæ regno.

*LII. Consilium de renovando bello Persico.
Turca Persiam sub Azemia nomine intelligunt.
De Pileghian & de Tartaris Kerzicbassis.
De Principe in Geilan,
De Gurgenis.*

K 3

RATIO-

RATIONES, quibus opiniones suas comprobare volebant Principi suo consilarii, hæfere erant.

Vt bellum contra Persiam, quod Turcæ sub Azemiæ nomine intelligunt, redintegretur, hæ causæ in medium adferebantur. Quòd omni tempore, quo Turcas alio bello implicatos nosceret Persarum rex, pacem rupturus sit, tum ut regionem suo cum dedecore maximo amissam recuperet; tum ut tot tantasque sibi iam dudum à Turcicis Imperatoribus illatas iniurias vindicet. Fore insuper, ut Christiani Principes eius rei suafores & impulsores ipsi existant: Hispanus in primis, qui propter Indiæ vicinitatem, illud absque rerum suarum dispendio procurare, & machinarum atque tormentorum magistros ipsi commodè suppeditare possit, quod non ita pridem factum esse constabat. Regionem nuper acquisitam in statum quietum & tranquillum nondum esse redactam: propugnacula recens extructa & eorum incolas in periculo versari: nec ipsis propter itineris difficultatem & diuturnitatem promptè subsidio veniri posse. Quod si Persæ nullum aliud inferunt damnum, quam ut prædæ prævincia illa agant, eamque depopulentur, dictos incolas in eas redactos iri angustias, ut regio acquisita rursus descenda, vel fame ipsis pereundum sit. Non tantum vincere, sed victoriæ uti atque eam persequi, veram tandem esse gloriam. Caveret sibi Amurathes, ne iram & indignationem Mahumetis in se concitet. Nam cum ipsius favore & auspiciis tot victorias, quot quisque maluit ex suis maioribus de hostibus suæ religionis reportarit; decere Principem pium & religiosum, ut iniurias Deo & hominibus illatas se vere vindicet.

His addebatur, quod Vsbeigh Han promptum subsidium & auxilium ad illud bellum offerret. Hic Princeps Tartarorum est, qui proxime Persiam attingunt. Eorum regio Bahera à Turcis dicitur, quondam Battræ vel Baëtræ vocata; ipsi Ketzie-

Ketziebassi, quod penula caput tegant, nominantur. Nec ita dudum Vsbeigh Han, de quo modo dixi, mortuus est, filio duodecim annorum relicto.

Idem quod Tartarus, offerebat etiam Princeps qui i Geilan dominatur; quæ provincia à mari Caspio magis versus orientem tendit.

De victoria, quam iam in manibus se habere putabant, ex successibus priorum bellorum Turcæ iudicium faciebant. Neque à Persarum equitibus, licet Arabibus utantur equis, sibi quicquam timendum rebantur, quod ex timiditate sapius iam in fugam versi fuissent. Neque etiam verendum, ut in Persarum gratiam Georgiani quos Gurgginos Turcæ vocant, quondam Iberi dicti sunt arma sumant; quod nonnulli eorum Turcis pareant, & Bassæ in Tiflis & aliis, postquam Bassalucchi à Mustapha facti fuerunt sint subiecti; alii vasalli sint Turcæ: reliqui suos habeant Principes Simonem & Alexandrum, quorum imperium haud gravate sequantur, nec ad altiore fortunam aspirent, sed sua regione licet parva, contenti eam tuerantur atque defendant; quæ natura loci & situ munitissima est, ut vix aditus ad eam pateat, propter montes sylvas & viarum angustias quibus passim cingitur.

LIII. Consilium de bello inferendo Seripho.

De portubus Agnero & Larace.

De rebellionem cuiusdam Marabur.

De quibusdam locis, quos Hispani in Africa tenent.

SECUNDA, quæ dicta fuit, sententia erat, ut bellum in Africam contra Seriphum transferatur, propter has fere causas.

Ottomannico Imperio magno probro & dedecori futurum, quod Mauros istos & Afros, qui numero paucissimi sunt, hætenus subjugare non valuerit. Nec minus turpe & inhonestum, quod in Africa, quæ tertia pars orbis tertiarum est, & propter vicinitatem Italiæ tam diu Romanos bello exagita-

exagitavit, exiguam adeo terræ particulam possideant. Algerium & Tunetum nunquam tutò possideri; neque subditos & piratas, quicquid urbes incolunt, contentos fore & quieturos, donec regnum illud integre libereque possideant. Occupandum esse promontorium Aguerò & portum Lixæ seu Larissæ (quæ loca extra fretum Herculeum sita sunt) quod Anglis & aliis Turcarum amicis, qui in eo mari prædatoriam exercent, multum commoditatis allatura sint, & eorum navigationem tutam redditura. Quamvis Seriphus Mahumetanae religioni sit addictus, & regnum suum in feudum ab Ottomannico imperio teneat, clam tamen cum Hispano & Equitibus Melitenis conspirasse dicitur; unde hi non ita pridem Tripolim ipso connivente ex improvviso fere occupassent. Quod rebellionem, quam movit Morabut & eius successor, clam promoverit: atque etsi hominum multitudine valeat, re tamen pecuniaria destituatur. Quamvis etiam Hispani in Africa possideant Maraschebin, Oran, Pegnon, Tangir, Arzillam, Mazagan, Ceutan, & Septam, atque adeo Mauros juvare illisque assistere queant, illorum tamen impetus & conatus instructa classe facile cohiberi, & ipsam Hispaniam infestari posse. Tum etiam quod expugnationem Tuneti & Golettæ (quæ ab Hispanis inexpugnabiles judicantur, à Sinano verò Bassa magna sua cum laude captæ sunt) tam recenti adhuc memoria Hispani teneant, ut non facile quid contra Turcas in gratiam Maurorum molituri videantur.

LIV. Consilium de bello Melitenis inferendo.

TERTIA de bello movendo sententia contra Melitam seu Maltam Insulam dicta fuit, quam classe obsideri & debellari volebant.

Quod equitum sacrorum triremes indies maximis damnis tum mercatores, tum qui religionis causa Mecham contendunt, afficerent. Non igitur religionis solummodo causa bel-

sa bellum eo transferendum, quo viam, quæ eo ducit, ab equitum incursionibus tutam reddat: verum etiam ut veteres iniurias, & damna iam dudum accepta ulciscatur; in primis vero ut dedecus atque infamiae notam, quam Solymanus incurrerat, cum frustra Melitam obsedisset, deleat, damnumque resarciat. Præterea etiam communes subditorum querelas in medium afferebant. Esse videlicet quamplurimos, qui amicorum; plures, qui cognatorum, quos miseram servitutem apud equites servire sciebant, arumnas & calamitates desceant, à quibus tandem eos liberari petebant. Querentes tantum abesse, ut sub eius maioribus talia Turcis perferenda fuerint, quin ipsos contra equites Rhodo insula & propugnaculo fortissimo, quod versus Orientem Christianum defendebat orbem, spoliarent. Pœna insuper equites multandos, quod Afros rebelles omnium munitionum genere iuverint, & Methonem, hodie Modon dictam, ex improvviso occupare tentarint.

LV. *Consilium de Hispano oppugnando.*

De Algerio Vrbe.

Quomodo Hispanus à Mauris Gallis & Anglis simul bello peti possit.

Qua ratione in Mari rubro & sinu Persico ipsi resistendum.

QVARTO loco eorum, qui Hispanum bello petendum esse rebantur, sententia nobis dicenda est.

Hi contendebant fieri non posse, ut Turcicum Imperium ad totius mundi monarchiam, tanquam ad scopum, ad quem omnes omnium Turcarum actiones & machinationes directæ semper fuerint, pertingat, nisi prius Hispani debilitentur vires & immensa potentia, qua omnes alios Christiani orbis Reges & Principes longe superare credatur. Nullum esse periculum, ut Hispanus Algerium obsideat;

L

quam

quam nunc longe melius munitam norit, atque fuerat tempore Caroli V Imperatoris; quem Turcæ Crai voce Selavonica nominare solent. Et quamvis Hispani sine intermissione Regē de ea expeditione sollicitent, quod nova indies damna & calamitates à piratis Afris accipiant: tamen quo minus illorū petitioni annuat, obstare periculum, quod ab hostili classe, quam eo modo in mare Hispanicum attracturus esset, sibi suisque imminere sciat. Prædiarias Hispanorum triremes, non facile regiones versus Orientem sitas, quas Turcæ incolunt, petituras esse: ne minus procul è patriæ conspectu, quæ ipsarum ope ut plurimum indiget, discedant. Hispaniæ regem vel multitudine negotiorum, vel aliis de causis retardari, quo minus quæ in concilio militari decreta sunt, subito exequatur. Et quantum ex eo judicare possumus, quod non ita pridem ad Nicopolim, quæ Proneza hodie, & Navarinum, quæ quondam Pylus dicta est, contigit, Hispani sibi ab armis Ottomannicis sedulo cavere videntur. Ipsum Regem cautissime in suis versari negociis certissimum est, ne cum Turca bello concurrere tandem aliquando invitatus cogatur: quod videre fuit, cum non ita pridem sub exitum belli Persici, auxilium Persarum regi denegarit, cui succurrere poterat & ante solitus fuerat. Quod si defensionem parare, & vim vi repellere omnino velit, vix tamen ipsi tantum virium superesse, ut præter ea, quæ nunc diversis in locis bella gerit, novum insuper suscipere, & quantum sat est militum & pecuniæ aliarumq; rerum ad bellum necessariarum, suppeditare possit. Instare ipsi Belgii defensionem, & amissarum provinciarum recuperationem, quæ propter fluxum maris & multitudinem fluviorum munitissimæ, & ab incolis mira animi præsentia & pertinacia, libertatis & religionis conservandæ causâ, defendantur. Hispanum capitali odio ab Angla dissidere, quæ bellum hoc multis modis iuvare possit, si in Lusitanæ regnum impe-

impetum faciat, vel navibus, quæ Indiæ thesauros advehunt, infidias struat: vel in alia eius regna incursiones tentet, quemadmodum non ita pridem Coronæ portum occupavit, qui locus commodissimus est ad infestandum Hispaniam, & impediendas navigationes Indicas, atque alias quæ in Oceano fieri solent. Bellum verò Gallicum tam implicatum & sollicitum tenere Hispanum, ut qua ratione citra honoris & bonorum iacturam se expediat, modum vix ullum reperire possit.

Quod si vero cum Principibus supra dictis pacem ineat, ut nullum inde in posterum periculum ipsi creari possit, alia tamen remedia quærenda & in manus sumenda esse: aromatum aliarumque mercium negotiationem, ex qua maximos ille percipit fructus, impediendam. Eius quoque naves, si opus fuerit, Persico sinu exturbandas ope illarum triremium, quæ Posidii (hodie Suez dicitur) in statione teneantur. Propugnacula, quæ in illis locis possidet, aggrediunda, & si fieri possit occupanda, quemadmodum contra Lusitanos in Diu & Ormuz tentatū fuit. Quod Alfonso Albuquerqueensis Lusitanæ prorex in India efficere studuit, cum celeribus equis regionē illam percurrere, Meham spoliare ex improvviso, & Mahumetis sepulchrum deprædare contendit. Idemq; sub Imperio Sultanorum quoque evenit: & Traianus Imperator iam olim eodem modo grassari conatus est. Ea quæ in Africâ possidet loca, adoriunda esse, & littus Hispaniæ quod est ad mare mediterraneum infestandum, Ut subditis Afriis qui indies illud sollicitè rogabant, aliquando gratificetur: quo secure negociari, & peregrinari possint: ipsique Mauri tandem aliquando ab Hispanorum dominio liberentur, quod Selimo proxime defuncto persuasum aliquando fuerat: verum id multo commodius hoc tempore fieri posse, quod Maurorum gens nunc valde aucta sit. invitique Hispanis pareant, ex mercaturis

L 2

maximas

maximas divitias acquisierint, naturæ vero ductu & religione moti, odium acerrimum contra Hispanos conceperint. Huc non parum conducere Africæ portus, in quos navibus semper tutus patebit aditus.

Porro maximi ad hoc bellum momenti rem esse, quod Galliarum rex & Angliæ regina sponte continuationem belli contra Hispanos offerant. Gallus Navarram invadat, & ius, quod ad illud regnum prætendit, armis repetat. Angliæ regina non modò ipsum in Indiis occidentalibus, in Oceano versus Septentrionem & occasum aggrediatur, sed & novos tumultus & motus in Portugalliæ regno exciter. Ibi quam plurimi subdito,um ægerrime Hispanorum imperium ferunt. Sibi enim ita persuadere, & vere quidem: cum postremo Portugalliæ rege, qui verus & legitimus ipsorum erat dominus, omnem prosperitatem & tranquillitatem se amisisse. Hic enim pacem cum Gallia & Angliæ regibus coluit, unde subditi maximas divitias negociando acquirere poterant: ubi vero in Hispanorum manus inciderunt, propter bella perpetua, nova indies sibi damna inferri & pericula creari conqueruntur.

Insuper magnam exulum Hispanorum copiam passim reperiri, qui male contenti & perterriti dominationis Hispanicæ, non modo ex Portugallia sed ex ipsa etiam Arragonia & aliis regni partibus profugerunt, nunc vero in Gallia & Constantinopoli degant, qui auxilia & subsidia plurima occulte ac palam liberaliter offerant. Eadem Mauros quam plurimos polliceri. Hosce vero omnes perfacilem expeditionem, & certissimam victoriam promittere, si ex improviso quis Hispaniam invaderet, quod fere nullus ibi sit militiæ usus, cum incolæ raro domi sese in armis exercent; neque in locis necessariis ordinaria præsidia sint disposita, & per pauci equi ad bellum idonei reperiantur.

Con-

Considerandum porro, Hispaniam viris, qui rem bellieam fortiter & strenue tractarint, valde exhaustam esse, propter crebros copiarum delectus, quæ in Indias Italiam atque Belgium fere quotidie transmittuntur. Inde haud leviter vires earum regionum attritas & extenuatas adeo esse, ut si valido & numeroso exercitu impetus in eas fieret, vix à suis defendi aut iuvari posse videantur, sed aliarum vicinarum ditionum huic regno subiectarum, præsidio & auxilio opus habituræ sint; quæ si vel impediuntur, vel in tempore adesse cessarent, tantò faciliorem parti adversæ victoriam sui relinquerent.

LXI. Consilium de bello Venetis inferendo, & oppugnanda insula Corcyra, Citharo, Corigo, Novigrado, Zara, Butrinto, & litoribus maris Adriatici devastando.

De Pola, Ragusa, & plurimis portibus Turcarum in eo mari sitis.

De Candia Insula.

De Sinano Bassa, & causis ipsius obitus.

De Ferat Cherilam, & cur odium Mahumetis incurrerit, cur Misul factus, id est, ab officio depositus fuerit.

De Bastia & Andromico.

De Emiris & cur Tulpantem viridem gerant.

Qua via vinum Maluaticum ex Creta in Germaniam, Poloniam, & Moscoviam transvehatur.

VT pax Venetæ Reipublicæ quondam concessa, discutatur, illi qui QUINTO loco sententiam suam dixerunt, Amurathi persuadere conati sunt; rationibus utentes verisimilibus potius quam veris, licet illæ Turcis minus dubiè videri poterant, quod ea facile & libenter credere solemus quæ cupimus.

Dicebant hi, nullam expeditionem minus difficilem

L 3

futuram

futuram hac ipsa: iudicio de rebus præsentibus è præteritorum bellorum eventibus sumpto, in quibus semper Turcæ Venetis aliquid eripuerunt, qui ut pacem obtinerent, multis nominibus Turcis satisfacere cogebantur. Rempublicam Venetam sibi à Turcis timere, & à bello alienam esse, inde patere; quod semper sibi finem actionum omnium pacem proposuerit, & nunquam ad arma maiorum insistens vestigiis nisi coacta pervenerit. Quid, si forte ad primum armorum strepitum locis aliquibus ultro cedat? ne maiori damno afficiatur vel penitus vincatur, quod in Cypri deditioe factum esse constat. Quid, si eius tanta non sit potentia & belli robur, ut sola resistere possit? Quod si cum aliis sese iungat moram haud brevem intercessuram propter difficultates, quæ in ieiendis fœderibus occurrere solent. Quod Hispano non æque iam ut olim iuncta sit, cuius etiam auxilio nuperime destituta, pacem cum Selimo inire coacta fuerit. Quod si omnino Venetis se iungere contra Turcas Hispano animus sit; fieri tamen nullo modo posse, ut quæ necessariò ad bella requirentur, quibus ille nunc est irretitus, suppeditare possit. Ipso vero absente, omnem aliam confœderationem ad bellum maritimum gerendum fore inutilem & inanem. Quæ Pontifex huc conferre possit, esse perexigua. Licet enim officio ille suo fungatur, alios Principes ad ferendum auxilium adhortando, & ad bellum instigando, præter subsidium tamen aliquod pecuniarium è suis thesauris vel Ecclesiasticorum redditibus depromptum, vix ipsum amplius quippiam præstiturum esse: vel ubi ad summum res conatum perveniet, cum Veneta classe quinque suas triremes coniuncturam; quæ cum Sabaudi, Melitenſium equitum, & Florentini navibus, classẽ 20 triremium solummodo efficiant, quod perexiguum esse videtur. Notandum & hoc: inter Venetam Remp. (ut sibi persuadent Turcæ) & reliquos

Christia-

Christianos Principes forsitan eam non esse animorum conjunctionem & familiaritatem, quam gravitas periculi, quod illi ex bello Turcico imminere potest, & ipsa necessitas exigit & requirit. Haftenus dissolvendis alienis nominibus proximo bello contractis, & construendis propugnaculis, eius thesauros exhaustos, forsitan nunc non ea auri copia instructos, quam belli moles efflagitat. Tandem cum Venetorum tota ditio passim propugnacula habeat quamplurima, fieri nullo modo posse, ut simul omnia milite aliisque munitionibus bellicis tam bene munita sint, quam ratio belli postulat & requirit.

IN hoc bellum fere omnes Visirii consenserunt, sed quo belli primus impetus dirigendus esset, variorum varia fuerunt opiniones quas particulatim recensēbo.

Sinan Bassa Albanus, natus in pago Topoiano, qui est in Sangiachatu Philippopolis, quæ Preserem hodie dicitur, anno præterito, vel ex languore quod bellum Vngaricum ex voto minime cessisset, vel veneno necatus occubuit. Hic primam expeditionem contra *Corcyram* insulam (quæ hodie Corfu dicitur) suscipiendam esse suadebat: quod ut iusta de causa fieri crederetur, 300 cecchinos prætendebat, quos Corcyrenses fisco Turcico ab Anno 1537 deberent, propter Bastiam quæ illis tunc temporis ea conditione concessa fuerat. Est autem Bastia desertus quidam in Epiro locus, pago cuidam Turcico contiguus, Corcyra 12000 passuum distans. Non procul inde absunt salinæ ad fluvium Calamattan, quas Turcæ possident. Illic merces, quæ ex Græciæ regionibus adferuntur, navibus imponuntur, ut in Corcyram transvehantur. Hanc ille suæ expeditioni prætexebat causam, sed aliam fuisse, certum est; nimiam videlicet ipsius ambitionem, qua titulum & laudem strenuissimi expugnatoris & debellatoris arcium acquirendi desiderio maximo flagrabat,

grabat. Quam certo se consequi posse sperabat, si Corcyram, quæ natura loci & arte munitissima & inexpugnabilis habetur, expugnaret: eundem sibi belli eventum promittens, quem expeditio eius qua Golettam cepit habuerat.

Feratus Bassa, Charailam seu niger serpens cognominatus, anno præterito vivere desiit; Mahumetis scilicet iussu (quam vero prudenter, alii iudicent) strangulatus. Accusatus enim fuerat, quod clam cum Tartaro Crymæo conspirasset, ne, ut debebat, in bellum Vngaricum proficisceretur, quia Ferat dux belli generalis non fuisset creatus: tum quod Michaellem Waiuodam cum Transylvano reconciliare tentarit. Quorum defectionis causam, non odium erga Turcas, sed indignationem contra Sinanum Bassam fuisse, in consilio Visiriorum dicebat. Verum hæc ficta ab eo fuerant, quo auctoritatem Sinani Bassæ imminueret, a quo capitali odio diffidebat, postquam propter tumultum, qui in circumcissione Mahometis inter Ianizaros, & Spahioglanos extitit, Masul factus, id est ab officio remotus, cum ignominia fuisset. Hic suadebat ut *Cartharo* (quæ Asciuvium Ptolomæo dicitur) occuparetur, quod eam obsidere putaret Castello novo, & clavis præcipua Dalmatiæ, maris Adriatici, & Veneti territorii esset. Nimis diu immoratus sum in Sinano & Ferato Bassa, quod eorum antehac mentionem fecerimus, & postea etiam facturi simus, quod primi fere & præcipui sint, qui clavum Reipublicæ tenuerint. Nunc ad reliquos pergo.

Sinan Cicala, Venetorum propter rationes supra allegatas hostis, *Cytheram* Insulam, Cerigo hodie dictam, invadendam esse suadebat, lucernam Archipelagi eam vocans, & exploratricem actionum Turcicarum, maxime vero, quod ex ea insula facillimus in Peloponnesum sit trajectus. Sic Demaratus Spartanorum rex in Persia exulans Xerxi suavit,

suasit, ut quantocyus possit, Cytheram insulam sibi subiceret, si quod affectabat, Græciæ imperitare vellet.

Aliorum Bassarum erat opinio, ut *Novigradum* & *Zaramiriz* urbes occuparentur, quo injuriæ multis jam annis ab Vescocchis illatæ vindicerentur, & eorum audacia reprimatur, vel saltem, ut Veneti ad ea damna, quæ terra marique Turcæ à piratis & latronibus istis quotidie patiuntur, resarcienda astringatur. Negabant enim Veneti, se eo nomine Turcico Imperatori ullo modo esse obligatos. Nec quicquam ea de re vel Constantinopoli vel alibi in commentarijs publicis scriptum reperiri. Volebant iidem Bassæ, ut Veneti à Buthroti piscationibus (hodie Buotintro dicitur) 10000 passuum à Bastia distans, è regione Coreyræ sita arcerentur. Non equidem, quod ejus loci possessionem jure quodam ad Turcas spectare putarent (cum Veneti multo antea illum tenuerint, quam Turcæ pedem in Albania fixerint): sed quod 100000 Cecchinorum in reditu piscationes illas habere, fama, sed falsa tamen, ferat, cum ultra sex millibus vel circiter nunquam locari soleat.

Alijs quibusdam videbatur commodum, ut classis Turcica in procinctu stans, ventum exoptatum & secundum expectaret, quo flante vel ex Peloponneso vel Naupactō (hodie Lepanto) vel Nicopoli, quæ Prevera, vel Orico quæ Velona dicitur, solveret, *maris Adriatici littus omnemque oram maritimam* deprædaretur: & qui ipsis omnium commodissimus visus fuerit locus, eum occuparet. Quod eo facilius se consecuturos confidebant, quin maritimæ oræ terrestribus etiam copijs à Turcis infestari possint, utpote qui omnes illas regiones fere obrineant.

Iidem Bassæ hoc in primis urgebant, quod absque difficultate, sed maximo cum commodo, *Pola* & *Ragusa* occupari possent. Illam incolis denudatam portum habere præstantissimum

M

mum

mam & in Istria sitam esse: quæ provincia militum & habitatorum multitudine, nec non etiam propugnaculis deliquatur, sed inprimis tamen, quia ultra 120 millia passuum Venetiis non distet. *Ragusa* vero post *Corcyram*, alterius quasi portæ instar sit, qua in Venetem ditionem per Adriaticum mare aditus pateat, & tam commode sita, ut rota inde Italia bello peti possit. Habere etiam portus tutissimos & capacissimos, quibus Turcæ ijsin oris destituantur. *Dyrrachij* (quæ *Durazzo* dicitur) portus ultra quatuor triremes non capit, & introitum minus tutum habet propter fyrtes. Inde ad 12 lapidem ad *Montorium*, *Capo di Lacchi* dictum, alius est portus 20 navium capax, sed nec hic tutus, nec aquam bonam habet. In sinu *Velonæ* seu *Orizi* alius est, totidem capax triremium. Hinc ad 3000 passum est portus *Ragusæus*, qui 20 navium stationem habet: versus septentrionem, occasum & meridiem à ventis tutus non est. Extra sinum Adriaticum, quem veteres montibus *Acrocerauniis* (hodie *Dichimara* vocantur) terminabant, primus qui occurrit ad Epirum, est portus di *Santi Quaranta*, ubi quædam triremes consistere possunt. Non procul distat *Nerho* olim *Oricum*: ubi primum Romani quondam appellere solebant, cum *Hydrunte* in Epirum navigarent, 40 triremium capax, sed non adeo securus est. Soli *Ragusæi* portus, quorum 5 vel 6 sunt, insigni capacitate præstant. Tres in primis, & ex his ille, qui de sancta cruce nomen habet, non Turcicam modo, sed quamvis maximam classem capere posset. Hæc urbs præter utilitates quas dixi, hanc insuper rebus Turcicis afferret, quod triremes aliaque naves ex materia, quæ è montibus *Ducaginis* eo transferetur, ibi construi possint, quod eâ commoditate in nullo alio ex portibus supra dictis fieri potest, ut alibi quoque à nobis demonstratum est.

Sed major pars Visiriorum in expeditionem *Cretæ insulæ* incli-

inclinabant: quam ideo expugnandam judicabant, quò navigatio Turcarum, qui vel Alexandriam negotiationis causa vel ex superstitione Mecham petunt, ab Hispanis Melitensibus & Florentinis trirēmibus, tuta reddatur: quod fieri non possit, nisi alterum ex his duobus remedijs, quæ præcipuus quidam ex Emiris proposuerat, observetur, ut videlicet Veneti non modo cò adigantur, ne ullum illis navibus in mari, cuius imperium habent, aditum præbeant, sed etiam ut damna resarciant, quæ ipsorum culpa navibus Turcicis ab hoste inferantur: vel ut eum in finem classem Turcicam in Candiam, ubi stationem habeat, recipiant. Emiri illi, quorum memini, profitentur se ex Mahumetis prophetæ descendisse profapia: ideoque tiamam seu Tulpantem viridi colore infectum gestant. Nec dubitandum, quin expeditio hæc felicem habitura sit exitum, siquidem insule illius regnum, propter discrepantes ritus, quos Græci & Latini in suis Ecclesijs observant, inter se divitum sit: Nobiles Veneti (in quo fortassis hallucinantur) à Cretensisibus dissideant: illis etiam, qui privilegijs atque imunitatibus fruuntur, cum reliquis, qui angarijs obnoxij sunt, pessime conveniat: Rusticorum animi à nobilibus valde sint alienati. Sed hoc maxime ad rem facere, quod nullo impedimento à Turcica classe quavis ex parte impetus in eam insulam fieri possit, cum Turcarum ditone fere undiquaque cingatur, Natolia scilicet, Caramania, Barbaria, Alexandria, Morea, & Archipelago, quæ regiones omnes Turcarum Imperio parent, è quibus subsidia & supplementum militum nullo negotio ad exercitum mitti possunt. Præterea si insula hæc, quæ omnis generis fructuum feracissima & fertilissima est, occuparetur, tum omne maritimum imperium in manibus Turcarum positum iri. Nam fere centrum non solum maris mediterranei sed totius orbis dici possit: quod æquali distantia ab Asia Africa & Europa distet.

at. Vnde non incommode à veteribus sedes mundi opportunitissima habita est. Hoc quoque observandum, quod occupata ea insula, Venetorum classis multarum triremium iacturam factura sit: Ottomannicum Imperium contra opportunitatem maximam adipiscatur, quam plurimas in ea insula construendi. Tandem cum Constantinopoli maximus sit Creten-sium numerus, illi de locorum opportunitatibus Turcas informare & juvare possent. Inter eos quam plurimi sunt exules, qui eo confugerunt, ut laborando in armentario vel Peræ victum acquirant: vel negotiationem exercent, vini in primis preciosissimi, quod insula profert. Inde enim per Pontum Euxinum ad Danubij ostia, & rursus ad urbem Chilia, Galaz Re-ne usque Flaz, quæ est in Valachia, transfertur, ubi carris impositum in Poloniam transportatur. In Germaniam vero non ea via, ut nonnulli scripserunt deportatur, sed per Oceanum Hamburgum Lubecam & Gedanum transmittitur. Pars quoque itinere quod Venetias ducit, in Germaniæ urbes præcipuas defertur.

LVII. Consilium de invadenda Italia.

De expeditionibus quas in Italiam fecerunt Hunni, Alani, Gothi, Vandali, Teutones, Galli, Hispani & Saraceni.

Laudes Italiae.

Quomodo Itali sibi de re frumentaria prospiciant.

Posthabitis prioribus de bello movendo consiliis, **SEXTA** successit sententia. Alij enim Bassæ, omnes imperij Ottomannici vires terrestres æque atque maritimas contra Italiam dirigi volebant.

Quod ad orbis terrarum monarchiam, quam Turcæ semper sibi, tanquam scopum suarum actionum, propositam habuerunt, nunquam perventuri sint, nisi prius Italiam in potestatem redegerint. Hæc enim tanquam centrum universi or-
bis

his consilia reliquis membris & auxilia suppeditare soleat, quibus aliorum machinationes impediuntur. Romanos tandem totius mundi dominos extitisse, quod hanc potissimum obtinerent. Huc omnes suas cogitationes direxisse, qui ex Ungaria per Dalmatiam eo profecti sunt. Alani & Gothi, qui utramvis Daubij ripam incoluerunt, postquam Græciam subjugarunt, per Bosniam & Croatiam in Italiam irruerunt. Vandali Hispania subacta, ex Africa classe eo solverunt. Teutones Galli & Hispani varias in Italiam expeditiones susceperunt. Saraceni (de quibus Romani quondam dicebant, eos vel in amicorum numero habendos, vel non tractandos ut inimicos) postquam totam Italiam devastarunt, diutissime illius imperij potiti sunt, ipsa dominatrice Roma capta. De qua stulte sane dicere solebat Solymannus, eam jure ad Imperium Ottomanicum pertinere, quod à Constantino in præjudicium successorum fuisset alienata.

Concludebant tandem, quod nulla tam honesta tamque fructuosa expeditio hac ipsa suscipi possit: quod Italia velut reginæ locum inter alias provincias obtineat, propter situs opportunitatem, æris temperiem, omnium rerum ad victum humanum necessariorum abundantiam, maximas pulcherrimas & ditissimas urbes, propter sedem primariam Ecclesiæ Christianæ, propter antiquam gloriam & majestatem Romani Imperij, aliasque causas.

Neque hanc expeditionem adeo difficile fore; quod Italia diversis Principibus pareat, quorum imperio quamplurimi ipsorum subditorum invire obsequantur: quod incolæ per multos jam annos in pace vixerint, ideoque ad bellum minus apti, sed timidi atque imbelles existerent. Quod si antequam segetes maturescant, expeditio illa, vel ex uno, vel pluribus locis incipiat, Turcis nunquam, quæ ad victum spectant defu-

tura: incolae vero, quorum magna est frequentia, earum rerum penuria laborantes, & inclusos suarum urbium muris & propugnaculis, in extremum famis periculum adductos iri. Id vero inde magis patere, quoniam hoc tempore, quo pace fruntur, frumentum, quantum sufficiat ad victum non habeant, sed aliunde, in primis vero ex Peloponneso Constantinopoli & urbibus Oceani maritimis, illis advehatur.

Considerandum porrò quod plerique Italorum non alia ratione, quam suis laboribus & manuum suarum operibus, vel negotiationibus victum sibi parent. Qua ratione si spolientur, brevi tempore eò illos redactos iri, ut conditionibus, quas victor propositurus sit, pareant, vel tributa solvant, Imperioque Ottomannico se subijciant.

Nec milites illubentes in bellum hoc profecturos, quod neque per steriles regiones neque glacie congelatas aut incultas, neque per sylvas vel montes inaccessos ipsis proficiscendum sit; sed in suarum ædium conspectu, & per proprias ditiores in bellum hoc ituri sint. Et siquidem Turæ, ut constat, sæpius eo penetrare potuerint, cum limites remotiores & itinera incommodiora haberent, multo facilius id nunc fieri posse, cum opportunitatem nacti sint, & hostem in propinquo habeant.

LVIII. Consilium de bello in Poloniam transferendo.

De Coslou.

SEPTIMA quæ dicta fuit sententia, eorum fuit, qui bellum in Poloniam primum, exinde in Ungariam & Germaniam transferendum esse putabant. Cujus rei rationes illi allegabant. Primum dignitati & majestati Ottomannicæ detrahi, quod Poloviz rex tributum debitum solvere aliquoties recusavit; illud ni & armis repetendum esse censebant, quod eò facilius imperaturos se sperabant, quoniam inter ipsos Polonorum præcipuos

puos inimicitia passim gliscerent. Nec difficile illud bellum futurum, quod Polonia cum Moldavia Tartaris & Sangiacharibus Achermani & Bandera & Vofia terminatur. Neque ruram & plenariam Moldavia & Valachia possessionem unquam Turcas habituros, nisi Polonorum audacia reprimatur: quod earum regionum Principes, quos Waiwodas vocant, ubi multis opibus se locupletarint, semper in Polonia regnum recurrere soleant. Fore insuper ut injuria à Cosaccis illata (qui Coslou Taurica Chersonesi urbem occupant) vindicentur: & mercatura in Moscoviam liberior & tutior reddatur. Moscovia Duci timorem incussum iri, propter regionis vicinitatem: qui Dux imperio Ottomannico impedimento fuerit, quo minus totius Persia regnum obtinuerit.

Et cum hoc modò Germania paulatim appropinquetur, forsitan eo rem deventuram, ut insigni aliqua clade Imperator afficiatur, eoque magis magisque Imperium ejus armis & praefidijs Turcicis exponatur & cingatur.

Poloniam planam & apertam esse regionem, neque propugnacula ad resistendum habere; incolas militia scientia non valere, quod diu jam pacem coluerint, & bellum cum Maximiliano Austriaco parum duraverit: Stephanus rex in bellis quæ contra Moscovitam gessit, ut plurimum militibus Ungaris usus sit, & obsidendo potius, quam pugnando ea bella conferit.

LIX. Consilium de bello Imperatori Romano inferendo.

Quomodo à Turcis Imperator & Vienna appelletur.

Solymani & Setymi consilia & deliberationes.

Quanta facilitate bellum Imperatori inferri possit.

Qui OCTAVAM & ultimam dixere sententiam, bellum Romano Imperatori inferri volebant: quem Turca regem Vienna (quæ illis Betz dicitur) nominant; olim Vindobona fuit.

Cau.

Causas belli movendi has proferebant. Quod Uscocchi eò insolentiae processerint, ut terra marique Turcas sine intermissione deprædarentur, unde non modo propter damna, quæ inferantur subditis, sed propter ipsam Imperij Ottomannici majestatem & honorem, eorum audacia diutius non perferenda. Horum injuriis præcipue factum esse, quod mercatores privato suo cum damno, & publico Imperatoris detrimento, Narenta seu Naronæ Turcici Imperij oppido relicto, emporium sibi constituerint Salonam (hodie Spalato) quæ ditionis Venetorum est. Sed ne sic quidem mercatorum securitati consultum esse, licet pax cum Imperatore & Venetis observetur. Nam & terrâ omnia deprædationibus ipsos miscere, animalia abigere, pagos exurere, liberos è matrum complexu & sinu abripere. Hinc quis animus ipsis sit, facile intelligi posse. Nec dubitandum, si occasio sese offerat, quin, si aliquod magni momenti propugnaculum occupare possint, omni conatu id tentaturi sint. Quod quantum dedecoris & ignominiae, ut damnum sileatur, toti Ottomannico Imperio allaturum sit, facile quemvis æstimate posse.

Nec obscurum est quam vilipenderit Imperator noster Turcam, eo quo bellum cum Persis gessit tempore serò nimis tributum persolvens, quod violandæ potius quam stabiliendæ pacis signum sit.

Nec adeo dubiam & difficilem fore victoriam, quod & versus Croatiam Vngariam & Austriam impressio fieri possit. Regionem omnibus rebus necessarijs abundare, exercitui sustentando commodam propter vicinitatem, & quod fere semper in Turcico territorio iter faciendum sit. Propugnacula præcipua Vngariæ, Belgradum, Budam, Albam regalem, aliaque loca munitissima Turcarum præsidij & milite custodiri, quo milites tanquam in tutum sese recipere possint, si clade aliqua affice-

retur

ceretur exercitus, vel etiam in amissi locum ex praesidiis vicinis alius substitui possit.

Imperatorem Romanum paci potius studere quam bello: quod non eo loco & honore à cunctis Germaniae Principibus forte haberi videatur, quem ipsius & dignitas & maiestas requirat. Germanorum proceres propter religionem & fines territorii acriter inter se dissidere. In primis vero propter novi Rom. regis electionem, pertasos Imperii domus Austriacæ, à qua contrariæ religionis Principes inprimis abhorrere videantur. Tum quod nimis anxie de cumulandis & asseruandis suis thesauris sint solliciti.

Tandem cum multis abhinc annis Germani bella nulla gesserint, ad arma tractanda minus eos fore idoneos & ducibus parum obedientes. Eos nunquam non dissidere solitos Vngaris Italis & Hispanis, quod hæ nationes à Germanis parum diligantur, ne dicam odio habeantur. Qui etiam inter se propter variarum religionum studia non consentiant, & semper in eo versentur metu, ne si forte Imperator Turcam bello vicerit, religionem, quam semel receperunt, iterum ejurare & Pontificis Rom. iugo se submittere cogantur. Hanc ob causam à bello ipsos potius atque auxiliis summittendis abstinenturos, quam ut sui & Imperii defensionem suscipere velint.

Nec verendum esse, ut exteri Principes Imperatori hoc bello occupato auxilium ferant. Polonum & Transylvanum nunc in pace cum Turca vivere, nec belli tempestatem in proprias ditiones derivaturos. Tum etiam quod Poloni eo in metu sint positi, ne patriæ limites deserere & versus mare glaciale se conferre cogantur. Transylvanus vero à Turcico Imperatore imperium acceperit, quo rursus ab eodem exui & spoliari possit. Regem Hispaniarum ea quidem valere potentia, ut maxima domus Austriacæ auxilia subministrare
N
possit.

possit, verum aliis in locis ipsum destineri. Pontificem Romanum non ubi vis locorum praesto futurum. Italiae Principes neque thesauros suos neque subditos in alterius gratiam insumpturos. Venetam Rempublicam non temere Turcarum arma in se concitaturam, sed ociose potius belli spectare exitum, quam alieno periculo se immiscere, praoptaturam.

Hæ præcipuæ sunt Visiriorum de bello movendo sententiæ; non maturo aliquo consilio, ut fere solet, excogitatae, sed ex barbara quadam temeritate profectæ: qua moti plurimarum rerum facilimam expeditionem sæpius sibi persuadent, quas effectum non modo difficilimas, sed etiam perniciosissimas sibi experiuntur.

Scio nonnullos esse, qui de rerum quas enumeravi certitudine dubitent: quem scrupulum ipsis eximere animus est. Breviter igitur ostendam, quomodo Turcis res nostræ innotescant, & Turcarum res in nostram noticiam perveniant. Demonstrabo etiam, omnibus Principibus hoc usu venire, ut de rebus maximi ponderis eiusmodi deliberationes instituunt, præcipue Ottomannici reges, exemplo à Solymanno & Selymo ducto. Ille enim cum suis Bassis omnium orbis terrarum Principum vires & potentiam examinabat & ponderabat: Hic vero, qua ratione de omnibus Principibus victoriam reportaret, consilium inibat.

LX. Quomodo res, quæ inter Christianos Principes aguntur, in noticiam Turcarum perveniant.

Haud dubium est, Turcicum Imperatorem eiusque consiliarios non modo earum rerum quæ inter Christianos quotidie accidunt, verum etiam arcanarum, & quæ ipsis solummodo Principibus eorumque Consiliariis notæ sunt, cognitionem habere. Quibus explorandis, cum mercatorum, quorum ex omnibus nationibus Constantinopolis magnum

magnum numerum alere solet, opera utuntur: tum ex man-
cipiis & captivis, qui singulis diebus in ipsorum potestatem
perveniunt, intelligunt: hi plerique fidem Christianam eiur-
rant, præmiis allecti, vel pœnarum metu quibus durissime
affliguntur.

Habent etiam alias rationes hæc expiscandi. Non ita
pridem Secretarius quidam Imperatoris, qui Constantino poli
morabatur, plurima in illorum noticiam pertulit. Et Iudæi
hac in parte fidelem ipsis navant operam. Hi sagacissimi sunt
exploratores, Christianorum hostes; qui passim per Turcicum
Imperium sparsi, mercaturam exercent in præcipuis emporiis
& vestigalia fere soli redempta habent. Vnde summo studio
res nostras indagant, ut Turcis eas revelando gratiam ab iis
ineant, bonis & facultatibus suis prospiciant, seque suosque li-
beros in tuto conservent: tum etiam ut præmium aliquod &
mercedem ab ipsis accipiant, sibi que eos devinciunt. Occasio
præcipua belli, quod proxime Veneti cum Turca gesserunt
extitit, ut fertur, Ioannes Miches Hebræus, qui infesto erga
Venetos animo, quod merces suas, quas sub ficto quodam
nomine Venetias advexerat, obtrudere ea specie prohibitus
fuiisset. Iohannem Lopes Hebræum affirmant plurima secre-
ta Sixti V Pontificis Amurathi aperuisse, quæ exploraverat
dum Romæ vixit. Ideo eius imago ab Inquisitoribus con-
busta fuit.

Habent etiam Turcæ exploratores suos fere in omnium
Principum aulis, quibus certa stipendia solvunt; etiam (quod
mirum est, sed verum tamen) in Helvetia & apud Rhatos su-
periores, ut de copiis & exercitibus, qui inde in alias regiones
emittuntur, certiores reddantur.

LXI. *Quomodo de rebus Turcarum certiores reddamur.*

Quis apud illos Muphti vocetur.

R 2

Assam

LAZARI SORANZII

*Assam Bassa avaritia & ratio emungendi pecuniam.
De Suleana.*

De Zingi Han.

Cur Tartari & Turca capitis tegumenta pennis exornent.

AD Christianos Principes quod attinet, notæ sunt imperi-
sæ, quas faciunt, non modò ut aliorum consilia & actio-
nes secretiores explorent, etiam cum damno & pudore eorū
qui in ea re ipsis inserviunt, sed præcipue ut quid Turca, qui
communis est hostis, in animo gerat & contra illos machine-
tur, expiscentur. Vnde quorum plurimū interest, etiam in ip-
sa urbe Constantinopoli, suos maximo cum sumptu alunt
exploratores Iudæos & Turcas, atque primorum Bassarum
fidissimos: & quoties arcanum quiddam ipsis communicatur,
liberaliter illis dona conferre solent.

Nonnunquam ipsi Bassæ Principum legatis ea, quæ
in secretiori Imperatoris consilio proponuntur & tractantur,
communicare solent. Verum huic malo hoc ille solet adhi-
bere remedium, ut præcipuos consiliarios sub venationis spe-
cie rus secum abducatur, quo ea quæ decreta sunt minus facile
evulgentur.

Varia autem sunt causæ, quæ Bassas movent ut de Im-
peratoris sui consiliis alios certiores faciant. Sæpius animo-
rum quædam inclinatio eos permovet; qua Mahumetes So-
colevich Primus Visirius sub Selymo, & Muphtius eo tem-
pore, erga Venetam Rempublicam bene affectus, plurima Reipu-
blicæ illius legato concedidit. (Muphtius autem apud Tur-
cas primus eius superstitionis antistes, atque Mahumetanæ
legis præcipuus interpret est: tantæ in speciem autoritatis in
concilio, ut ipsius sententiæ nunquam quisquam aperte con-
tradicat. Dixi, in speciem: nam quoties Imperator serio ali-
quid vult, ille vel timore vel adulatione motus prin-
ceps ad laudandum & suadendum prodit,) Sæpius ubi inter
præcipu-

præcipuos Consiliarios contentiones oriuntur, ut deliberationes suorum æmulorum impedian, quo minus optatum exitum fortiantur, illis quorum interest eas patefaciunt; quod Mehemetem Bassam & Muphtium, nec non ita pridem Sinanum & Feratum fecisse constat. Nonnullos avaritia ad hoc movet. Natura enim Turcæ sunt avarissimi seu donorum cupidissimi. Quam in re Assan Bassa Venetus Cilestri natus reliquos sui temporis Bassas superavit. Hic ante Cicalam Architalassi officio functus est: & cum quadam die in concilio quidam à Visirbassis Imperatori pollicitus esset, se ex improvviso Venetias occupaturum, nec ille tamen auditus sed derisus potius propter vanitatem & temeritatem fuisset: Assan iste ad legatum Venetum se contulit, eique consilium aperuit, quasi ab aliis in medium allatum, se vero naturali inclinatione erga eam Rempublicam motum obstitisse, ne executioni mandaretur. Vnde splendidissimo & ditissimo munere fuit donatus.

Sub hoc titulo consiliarii sæpius servos suos & famulos remunerari solent. Nam arcana illis communicant, ut ea aliis, qui liberaliter donant, aperiant, atque lucrum inde faciant.

Idem cum suis uxoribus observant. Vnde Sultana (quæ Imperatoris sunt amasæ vel cognatæ) cum perpetuò in Seralio habitent, ubi negotia præcipua tractantur & expediuntur, eorum esse insciæ non possunt, eaque per eunuchos, qui ipsarum custodiam habent, Principum ministris revelant. Student sibi hoc officii genere Principum animos devincere, ut splendidum aliquod munus ab iis eblandiantur. Mater huius Mahumeris honorem singularem Venetæ Reipublicæ deferre simulat, & sæpius donum aliquod ab ea postulat. Non ita pridem omnes Sultana à Venetis petierunt, ut prohiberent, ne fieret illa penna vitrea, quæ Murani conficiuntur

& erodii pennis similes sunt, Venetiis in Turciam efferantur: quod magno cum applausu & vili precio passim Constantino- poli emerentur: unde ipsæ impediuntur, quo minus pennas preciosissimas, quæ dono ipsis è diversis regionibus magno numero mitti consueverunt, eo precio quo ante solebant vendere possint. Apud Turcas enim mulieres æque atque viri cristas gerunt, consuetudine à Tartaris ducta, postquam Zingi Han, (perperam alii Cangio eum vocant) servatus à bubone fuerat. Cum enim hæc avis arbusculis quibusdam confedisset, sub quibus Zingi latebat metu hostium eum insequentium, putavere illi neminem in eo loco ubi tam secunda avis consideret delitescere. In huius rei memoriam Tartari avem hanc summo opere venerantur, ut qui eius pennas tum nancisci potuit, felicem sese æstimavit: atque alii deinceps iis pennis capita insignire summe studuerunt, ut est apud Haytonem relatum. Sed ad institutum.

LXII. Quare Amurathes bellum Romano Imper. inferre decreverit.

De Assan Bosnia Bassa.

De propugnaculo Petrina.

De Assan Bassa de Vuan.

A Murathes Turcarum Imperator, ubi diu in ea consiliorum varietate anceps hæsisset, incertus quid nam de bello decerneret, tandem Casarem aggrediendum esse statuit. Sperabat enim hac quoque in parte gloria & laude suos antecessores superare, ut in Persia se fecisse iudicabat. Idque eo facilius, quod bellum gerendum esset in regione, quæ proxime suum territorium attingebat: unde com meatus & alia necessaria in castra commodè deferri possent.

In eo proposito à Sinano Bassa fuit confirmatus. Qui cum vidisset, frustra se Corcyrensem expeditionem consuluisse, hanc fovere studuit: sperans se Generalis (ut vocant)

&

& Supremi ducis officio potiturum, quo suis æmulis resistere & maximas divitias acquirere posset. Quod tandem ipsi ex animi sententia cessit, siquidem ad septennium supremum belli imperium ea potestate, quam Imperator ipse habet in castris, consecutus est.

Illud negotium præ reliquis quoque promovit Assan Bosniæ Bassa, homo temerarius potius quam strenuus, si res eius in Croatia gestas spectes. Putabatur eo modo divitias ex eo bello (ut mos Turcarum est) maximas, & suprema belli munia, quæ à vatibus quibusdam vel potius auguribus promissa fuerant (nam eorum auspiciis erat imprimis diligens observator, cum accipitrariæ rei præesset) se consecuturum. Igitur Amurathem indies de damnis, quæ Vscocchi & alii Archiducum ministri & subditi inferebant, deque incendiis depredationibus eorundem & rapinis commonefaciebat. Instigans eum, ut in Croatia bellum inciperet: inde vel contra Cæsarem vel Venetos illud continuaret, vel ex improviso in Italiam imperum faceret, ut sub Mahumete Baiazethe & Solymanno factum fuerat; unde omnibus Italiæ Principibus maximus metus incuteretur, & milites ditissimis spoliis lacerarentur. Ea importunitate tandem effecit, ut potestas ipsi data fuerit, bellum in Imperii finibus auspicandi; sub hac tamen conditione, ne ipsius Amurathis jussu sed proprio motu id à se fieri profiteretur. Petrinæ propugnaculum ad Culpam seu Colapin fluvium, quam de suo nomine Assan Grad nominari voluit, extruxit. Inde faciles incursiones in ditionem finitimam fieri poterant, & periculum minabatur Carolo studio Zagabricæ & Metlicæ, atque vicinis urbibus & pagis vicinioribus. Omnia terrore lachrymis & querelis percellerantur & personabant.

Sed obiter hic singulare quippiam observandum ducimus; cum videlicet qui primus Persiæ regiones infestavit, ante-

antequam bellum proximum motum fuit, & pacem inter Persas & Turcam violavit, idem cum hoc nomen tulisse, & vocatum Affan Bassam de Wan; quæ Mediæ urbs est, hodie Siruan & Waspracan dicitur, qui eo tempore ultimus Turciæ terminus versus Persiam erat.

Sæpius *Vscochorum* mentionem fecimus: quinam igitur sint, clarius ut explicemus, propositi nostri ratio requirit, quoniam causa & occasio tanti belli, quod nunc geritur, extitisse dicuntur.

LXII. De Vscochis, & quare sic dicti.

Vbi ipsorum latebrae & receptacula sint.

Vnde ipsis ad mare aditus sit.

Quomodo ipsorum depredationibus variis modis resisti possit.

De Chimeriortis, Martelossis, & Murlachis.

Sententia Affan Bassæ.

Decretum Vscochorum de non diminuendo suorum numero.

VScochus voce Sclavonica saltatorem significat; quod capreoli in morem per præcipitia montium calceis lorariis saltare soleant. Sed errant, qui cum Iovio inhabitatores Chimeræ eos statuunt; siquidem à Chimeriortis ad quingenta miliaria distant; qui in Albania Acroceraunios montes ad promontorium Iapygium, quod Capodi Santa Maria dicitur, incolunt. Vscochi Sclavonicam, Chimeriortæ Albani-
cam linguam loquuntur: illi Romanos, hi Græcos observant ritus: illi collectitii sunt & pauci, hi vero indigenæ & maximo numero. Inter illos plurimi versantur Murlachi, quibus sub Turcis vivere non licet: qui aut ex Veneta vel aliorum Principum Italarum ditione proscripti, vel paupertate coacti, illis se adiungunt. Recipiunt quoque in suam societatem Martelossos, qui exploratores & latrones sunt eius ditionis, ut ipsa vox Martelos demonstrat, quæ professionem non nationem quandam denotat.

De

De *Morlachis* sic statuendum. Eo nomine omnes Christianos intelligi, qui montes incolunt. Inprimis vero, qui in monte Lica prope Novigradum & Seniam habitant. Vox ea Marolachia tunc primum innotescere cœpit, ubi in Italiam Barbari irruerunt. Nam cum ex Walachia ad mare Adriaticum pervenissent, eo nomine omnes maris accolæ adpellarunt, & sub voce Vulachi vel Vloschi Italos omnes intellexerunt; non aliter ac Turcæ, qui Francorum nomine omnes Italos appellabant.

Vloschi maritima loca habent Seniam & Buccari: interius vero Othozaz & Vinadol, quæ regio ad Comitem Sedrim pertinet. Et licet omnes oras finitimas deprædentur (quemadmodum Turcomanni quondam in Græcia solebant) ab Imperatoris tamen præfectis tolerantur, ne eos à se alienent si quidem sine ullo stipendio audacissime limites istos defendunt & tuentur, Cosaccos Polonos ea in re imitantes; de quibus infra fufius. Quod cum manifeste contra pacta conventa, inter Archiducæ & Turcas, & cum ipsis quoque Venetis inita, fiat, sæpius causam & occasionem Turcis dedere, ut ad defendendos subditos, & merces quæ Anconam & Venetias deferuntur, arma arripuerint. Eo etiam Venetos redegerunt: tum propter jurisdictionem, quam in mari Adriatico se habere Veneti prætendunt: tum etiam ne Turcis occasionem præbeant, ut armis in Venetos conversis injurias ab *Uscocchis* illatas ulciscantur. Ad hoc etiam ne Veneti à Turca odiose interpellentur: ut fieri solet, quoties Turcis aliquo damno adfectis satisfactionem ab iisdem Venetis Turcæ petunt. Nec verò Turcarum modò bona prædari solent, sed Christianorum etiam facultates agredi, Venetorum inprimis; non equidem quo damna quæ in obsidione Seniæ acceperunt refarcirent, (ut quondam ipsorum *Voviadæ* & *Arambassi* causabantur) sed potius, ut injustissimis

O

modis

modis divitias & opes acquirerent. Quod eo libentius faciunt, quoniam optime norunt, quod à Venetis vix impediti possint, dum ab Imperialibus defenduntur & quoties lubet in tutum se recipere queunt.

Vscocchis tamen quatuor viæ parentin mare ad prædas agendas. Prima est inter flumen Vessiam atque Chersum insulas: secunda inter dictas insulas & Arben: tertia inter Arben & Pagum: quarta denique inter Pagum & Zaram, quæ angustissima & 100 passus vix patet.

Veneri triremes habent atque alias naves armatas, quas ad impediendos Vscocchorum impetus emittunt: sed quia parum ordinate res administratur, parum etiam hæcenus ipsis nocuerunt. Navium igitur numerus augendus & præsidia in loca opportuna collocanda sunt, quibus commode ipsis resistatur. In quæ etsi sumptus majores impendendi essent, hæc tamen utilitas inde expectanda, quod Vscocchis semel in fugam compulsis non facile sese recolligere & unire possint. Et mercatores ipsi (de quorum salute & utilitate ut plurimum agitur) libenter eos sumptus contribuent.

Vel etiam hac ratione ipsis resistendum, ut Vscocchorum ducibus certa pecuniæ summa solvatur, ut à damnis tam Christianis quàm Turcis inferendis abstineant; cum latrocinia vix ulla ratione latronibus illis audacissimis & animosis interdici possint, nisi seriò in id & aperto bello incumbatur. Sed verentur nonnulli, ne ex ea re Turcarum Imperator indignationem contra Venetos concipiat, qui cum Vscocchis conspirasse e ratione videri possent, ut ipsorum mercatores solummodo pace fruantur & tuto negociari possint, neglectis aliis. Nec fieri etiam posse, ut in hunc modum tam secreta cum Vscocchis transfigatur, quin Turcæ resciscant. Verum huic malo duobus modis succurri poterit. Primum, ut quid re cum illis geratur Turcarum

carum Imperatori significetur, cum in eo omnis tractatio constet, quo ipsi solummodo satisfiat, Vel, ut Pontifex bono consulens publico sese interponat, & acceptam à Veneta Republica vel à mercatoribus pecuniam suo nomine inter Vscocchorum duces distribuat. Præterea etiam Cæsari subsidium aliquod pecuniæ largiri posset, ut præsidio valido Seniam & loca vicina muniat. Vel, quod optimum foret, si, ut pacate inde discedant, eaque loca rapinis exercendis commodissima deferant, cum ipsis constituto precio vel ex pacto conveniri posset. Constat enim publicos ipsos esse latrones, & maximis damnis Christianum orbem afficere.

Alia ratione, nec vires ipsorum imminui, neque etiam penitus extirpari poterunt: quod nunquam à quoquā impediatur, quin militem suum augeant, & quosvis ad militiam paratos sibi associant. Hoc enim lege apud ipsos cautum est, ut marito defuncto conjux in omnia defuncti bona succedat, & qui hanc duxerit possessionem illorum bonorum possit acquirere.

Huc usque de Vscocchis, & quomodo ipsorum insolentiæ resisti possit, dictum sufficiat.

LXIV. Sigismundus Battorius ad Cæsarem transit, quod plurimum Cæsari profuit.

Quæ Sinan Bassa Amurathi obtulit.

Obitus Amurathis & ejus sepultura.

Cur Turcarum templa seu Meschitæ vocentur Moscheæ.

Successio Mahumetis in regno paterno.

Quid Feras & Sinan Bassa præendant.

Cur Mahumetes in bellum profectus sit.

Vbi bellum inter Amurathem & Cæsarem eo quo dixi modo recruduit, Sigismundus Battorius Transylvaniæ Princeps Turcis adversari & Cæsaris partes sequi cœpit. Quod ut illis præter spem & omnem expectationem evenit: ita neque ab

his, qui factum hoc Politico more (quem Ration di stato appellant) examinarunt approbari potuit. Soli igitur divinæ providentiæ meritò adscribendam esse deliberationem illam censemus. Hinc enim dubio procul & Germaniæ & Italiæ nata est salus atque securitas: & Turcæ machinationes, quas contra Christianos principes intendere voluit, ut plurimum declinatæ & aversæ sunt, singulari ad hanc diem exemplo.

Sinan vero ubi post mortem Assan Bassæ imperio militari præfectus est, amissa omnia se recuperaturum est pollicitus: ut contra eorum calumniam sese purgaret, qui hujus consilij de bello Cæsari movendo autorem ipsum solum prædicabant.

Quæ ab eo tempore in Ungaria ab utraque parte gesta sunt, historicis describenda relinquimus. Sed ecce dum hic Belgrado reditum Constantinopolim parat, mors Amurathis ipsi denunciatur. Qui nono Januarij die Anni 1595 obiit, sepultusque est in templo, quod vivens construxerat idolo Bahalzebus, id est, muscarum. Qua fortasse de causâ talia ædificia vulgò corrupto vocabulo, vel sane ludibrij causa, à nostris Moscheæ, hoc est domunculæ Muscarum nominantur.

Vbi MAHUMETES operâ Ferati Bassæ, qui triremem evestigio ipsi obviam miserat, in paternum imperium inductus, & de more ac consuetudine Ottomannica inauguratus esset, consilia bellica renovata sunt. Initio apparebat, Mahumetem paci potius quam bello studere: quod Constantinopolim caritate annonæ oppressam, subditos ab eo bello alieniores, Bassarum animos, inprimis vero Sinani & Ferati, invicem dissidentes, cernebat. Ille enim belli imperium jure sibi deberi prætendebat, quod Mahumeti semper fidissimus & amicissimus fuisset, & parenti quæ de filij morte ex ambitione decreverat dissuasisset, & suspensiones ea de re conceptas ejus, animo exemisset; tum quod semper de omnibus rebus, quæ in regno quotidie fieri solebant, ipsum

ipsum certiores fecisset. Ferat contra optimè de Mahumete se meritum esse statuebat, quod tempore exiguo in possessionem regni paterni illum collocasset. In primis vero tam periculoso tempore, maximis necessitatibus rempublicam urgentibus. His invicem illi altercabantur rationibus, donec tandem alter alterius necis & obitus causa extitit.

Sed ubi rebus domesticis aliquantulum Mahumetes prospexit, easque ex voto composuit, bello se accingere coactus est. Tum propter rationes superius à nobis in medium prolatas: tum quod milites palam profiterentur, se in militiam non amplius profecturos, nisi Imperatore ipso præsente, quod à primis belli ducibus Sinano & Ferato in bellis præteritis minime ipsis satisfactum, sed pessime etiam ab iisdem tractati fuissent: tum etiam, quod militum animi alij in alios duces inclinarent, & Cicala facilimam victoriam ipsi promississet, si ipsemet bello interesset.

LXV. Agria occupatur à Turca.

De urbibus Toccai & Sacmar.

Primo expeditionis suæ anno *Agriam* occupavit. Quæ licet non adeo munita sit, propter montem qui ipsi imminet: situs tamen ratione maximi est momenti. Quod facile impedimentum inde *Transylvani* & *Cæsaris* copiis, quo minus se conjungant, creari possit: & *Turcæ* viam, quæ *Cassovia* *Toccaium* versus ducit, continuo infestare queant, cum superior illa, quæ est versus *Sacmar*, multò sit longior. Quod si muri & propugnacula *Agriæ* reficiantur, nullo negotio exercitus validissimus inter utrosque hostes ibidem in excubiis haberi poterit.

LXVI. Expeditio Mahumeti.

Fuga ejusdem.

De Tamur Han.

O 3

Agriæ

Agræ expugnationem *prælium* est secutum. De quo verè dici potest: quod vel uterque exercitus victoria sit potius, Cæsaris sub principium, Turcarum sub exitum pugnæ, vel quod neuter ab adversario fuerit victus, quia ambo sese receperint, incerto rerum suarum statu relicto. Quod inter Ludovicum XI Galliarum regem & Carolum Burgundum eadem fere ratione contigisse legimus; ut Græcorum & Romanorum exempla taceam. In primo statim congressu Mahumetes propriis suis oculis vidit exercitum suum dissipatum, & in fugam coniectum; ipse de sua salute sollicitus in montem quendam in ipso Agræ conspectu confugit, faciemque parte vestis Mahumetis, quam religionis causa secum circumferrebat, absterxit.

Quanta vero nostrorum militum virtus, & in debellando hoste audacia fuerit, non est obscurum: quod minus quinquaginta millibus militum (quos Franciscus Maria Urbini Dux ad extirpandam Turcicam tyrannidem sibi deposcere solebat) instructi, hosti obviam procedere, manus cum eo conferere, & exercitum qui trecentorum millium hominum atque adeo totius Imperij Ottomannici robore constabat, in ipsius Imperatoris conspectu in fugam conicere valuerint. Vnde nemo temere dubitare debet, quin si nostri minus avari, melius uniti, magisque providi, inprimis vero erga ducem belli fidiiores extitissent, victoriam splendidissimam reportaturi fuissent: qualem forsitan ante ipsos nunquam Christiani de Turca tulerant, ipso Mahumete capto. Quemadmodum Bajazetem à magno TamurHan, id est, domino ferri (qui corrupte alijs Tamerlanus vel Tamberlanes dicitur) captum esse scimus.

Et ut

Et ut tandem hanc partem absolvam, Turcarum Duces exiguam fortitudinem & rei bellicæ peritiam in eo prælio demonstrarunt: unde plurimi honoribus suis privati, alij vita multati sunt, milites vero timidi & pavidī redditi.

Hinc futurum conjicimus, ut eorum Imperator melius rebus suis in proximum annum prospiciat, & vel pacem ineat, vel cum minori suo periculo bellum gerere studeat. Interim perplexe Christianus Orbis de ejus machinationibus est sollicitus. Quare cogitationes hostium altius examinare, & quid Christiani Principes ad gloriam Dei & sui conservationem præstare possint & debeant, judicare nostri officij esse censemus.

FINIS II PARTIS.

PARS

P A R S T E R T I A .

In hac parte agitur, an Cæsar & Transylvanus pacem à Turca oblatam acceptare debeant, nec ne. Deinde etiam ostenditur, quid damni ejdem Turcico Imperatori inferre, si bellum continuerint, tum quantum alij Christianorum Principes ipsi nocere, possint. Ut omni tempore periculum, quod Christianitati à Turcis imminet, ex itetur.

IN ultima igitur hujus nostri libelli parte, Primo loco demonstrare animus est: num Cæsari atque Transylvano expediat, ut pacem, si à Turca iis offeratur, accipiant. Tum etiam exponam, quæ Turca sibi pericula à Cæsare & Transylvano, tum etiam ab aliis Christianorum Principibus imminere timeat, si bellum quod nunc geritur continuetur. Multarum quoque gentium & locorum descriptionem addemus, quæ non minus jucunda quam utilis lectori erit futura.

LXVII. Consilium Mahumeti datum, ut pacem cum Cæsare ineat. Transylvanus Cæsari se conjungit, quem Turcæ maxime timent.

Cur Mahumetes belli continuationem tandem decreverit.

Cum belli initium in Vngaria Amurathes fecisset, pacis tractationem penitus recusavit. Quam tamen Gallix & Angliæ regum legati strenue urgebant: ex adverso verò bellum maritimum contra Hispanum suscipiendū, diligenter hi suadebant, ut à bello, quod contra Galliam & Angliam Hispani gerebant, distraherentur. Majori studio & contentione eandem rem tractarunt, postquam duplici clade in Croatia & Vngaria Amurathes affectus esset, & Constantinopoli domesticæ seditiones, & civiles discordiæ palam serperent, & indies latius manarent.

Post

Post Amurathis obitum Mahumeti successori sapius eadem in animum revocarunt, belli hujus difficultatem ipsi ostendentes, & quanto facilius expeditionem in Hispaniam suscipere possit. Hoc inprimis ipsi ponderandum relinquentes; quod Transylvanus præter omnem spem Cæsari se conjunxisset, unde Turcarum rationes belligerandi summo opere impeditæ fuerint. Siquidem Princeps ille juvenis & audax, maxima nunc autoritate apud amicos æque atque inimicos ob amplissimas res gestas polleat; qui nunquam ad officium reduci possit, nisi pace cum Cæsare facta ipse excludatur. Sed ejusmodi pacem vix esse sperandam, propter utriusque emolumentum, quod alter ab alterius salute dependere videatur: tum etiam propter confederationem recens inter eos initam, & novam affinitatem, qua Cæsari non ita pridem fuit junctus. Allegabant etiam Rascianorum rebellionem, & quod Moldaviæ & Walachiæ Waiwodæ secessionem à Turcis fecissent: tum etiam quod omnes Turcarum subditi in maximo timore versarentur, ne vires Imperij Ottomannici à Transylvano non modo deprimantur, sed ne penitus illud regnum destruaturs & evertatur.

Hiscæ Legatorum rationibus & monitis Mahumetes parulas præbuit aures. Illud etiam veritus, ne societatem mutuam Christiani Principes contra se inirent: à qua re Turcarum Imperatores semper sibi valde timuerunt. Igitur ex responso quod legatis dedit, & ipsius quoque actionibus apparuit, ejus animum à pace non esse alienum. Permisit enim Græciæ præfecto (quem Beglerbegum vocant) ut ea de re cum Imperatoris Transylvani & Walachi officialibus ageret.

LXIIIX. Cur Turcæ libenter de pace tractent.

Ferdinandi Archiducis consilium.

Cur Maximilianus Imperator Albam regalē non occupavit.

Sed verior tamen opinio fuit, Mahumetem etiam tum, non minus

P

nus

nus quam Amurathem, armatum animum gessisse, maxime vero postquam in Croatia caesus fuerat; ut amissam scilicet recuperaret gloriam. In qua sententia etiam Ferdinandus Archidux erat. De pace tamen tractare simulare volebat: tum propter rationes superius allegatas, tum vero ut in hac quoque parte usum militiæ, in primis vero Ottomannicæ, sequeretur. Siquidem ea tractatione hostem negligentem & dubium in consiliis definiendis & apparatibus faciendis reddere cogitabat. Sperabat etiam fore, ut durante ea tractatione nostrates tardius & remissius in bello contra eum procederent, ne majoribus injuriis ejus indignationem in se concitarent. Quia in re Maximilianum II in occupanda Alba Regali deceptum fuisse sciebat, dum de pace ineunda cum Solymanno tractaret: quæ licet confecta, tamen non diu post, maximo cum Christianorum damno, iterum dissoluta & discussa fuit.

Sed statuamus, Mahumetem eo tempore pacis fuisse cupidum, vel eam nunc serio ab ipso desiderari; expedit tamen ut diligenter quid in hoc negotio rationes nostræ poscant, consideremus. Ego particulatim omnia ea referam, in quibus cardo hujus rei gravissimæ versatur. Quorum quædam ad Cæsarem spectant; quædam ad Transylvanum: reliqua ad dignitatem & emolumentum totius Christiani orbis pertinent. Iudicium penes alios esto.

*LXIX. Quas pacis condiciones Turca propositurus videtur.
Turcarum mos non restituendi quæ semel in bello ceperunt.
Cur Georgius VacoWichius ditionem suam ab Amurathe receperit.
Cur Ferat Bei plurima loca Iacobo Soranzio restituerit.
Quenam loca à Cæsarianis & Turcis in hoc bello occupata fuerint.
De vocabulo Banus.*

Primum

PRIMUM quod in considerationem venit in eo consistit, quod Turca nunquam pacem cum Cæsare & Transylvano facturus est, nisi uterque quæ hoc bello ipsi ademit restituat: contra ipse haud facile quæ occupavit, inprimis vero quæ alicujus sunt momenti, reddet. Sic enim inter Turcas constitutum est, ut quæ semel ipsorum equi pedibus calcarunt, ubi ea occuparunt nunquam restituant: maxime vero si templa vel Meschitas ibi construxerint, vel commodum & emolumentum inde sperent.

Etsi enim Amurathes II Georgio Wocovichio Serviæ dominatum, quo ipsum spoliaret, restituerit: id tamen præcipue factum est, quod Amurathes Ungaros, quorum potentiam vererbatur, sibi conciliare voluerit. Tum etiam quod Princeps ille, hujus filiam, quæ Græcorum tamen religionem colebat, in matrimonio haberet à patre collocatam. Quod unum ex ijs gravissimis sceleribus existimari debet, propter quæ Deo ultori visum est opibus & libertate plurimos ejus gentis regulos spoliare. Sicut plane eidem Georgio contigit post ultimam illam Ladislai cladem. Unde in Sclavonicis cantilenis vulgò adpellatur *Heviernich*, id est, infidelis.

Veneti quoque Cefaloniam insulam hodie possident: quam Turcico Imperatori auxilio Consalvi Cordubensis (quem magnum Capitaneum vocant) eripuerunt. Sed putat forsitan Turca, hanc insulam sibi parum conducere, vel ejus acquisitionem fore difficillimam. Selymus pace non ita pridem cum iisdem inita permisit, ut Ferat Bei (qui non ita pridem mortuus est Budæ, ubi Bassa fuit) Iacobo Soranzio Reipublicæ legato tredecim oppida prope Zara (olim Zacynthum) sita, quæ Turcæ in bello ipsis ademerant, restitueret, quatuordecim vero prope Sebenicum, & nonnulla prope Spalatum. Cupiebat autem Venetorum amorem eo modo retinere, ut à fœdere Chri-

stianorum, quod maxime timebat, eos distraheret.

Postulata Turcæ, quæ verendum est ne nostris proponat, hæc erunt, ni fallor. Ut sibi restituatur à Cæsariis, in Croatia quidem propugnaculum munitissimum Petrinæ, & quæ ipsi ad viam, quæ ultra Dravum Canisa usque Bahoꝝ ducit, quæ Sigetho vicina est, erepta fuerunt: tum in Hungaria inferiore Strigonium & Vicegradum: in superiori vero Vaccia Fileckum & Novigradum. Muros etiam Hatwani restaurari petet. Hisce addet tributum augmentum, & ut sumptus quos in bellum hoc fecit ipsi rependantur. A Transylvano postulabit sibi tradi Wallachiam: & ut omni suo juri, quod in eam prætendit, renunciaret. Lippam ad Marssonem fluvium sitam, arcem maximi momenti Temesvariæ Bassæ ante subiectam dedat: precium Sangiachatuū duorum Ianomæ, & Bezcherech, aliorumque minus celebrium locorum hoc in bello à Transylvano exustorum, sibi solvi, cum muneribus & annuorum tributorum auctione, poscet.

Contra vero eorum quæ ipse nostratibus eripuit, non est ut quis restitutionem speret. Tenet autem Turevopolæ ditionem, quæ intra Savum & Culpam sita, olim Banno paruit. Dicuntur autem Banni provinciarum Rectores, Beglerbegis auctoritate & potestate inferiores. Nec restituet Biz vel Bicagi: quæ versus mare vergit, non procul à ditione Veneta sita, eâ viâ quæ versus Novigradum ducit: nec in Ungaria citeriori Vesprium & Iaurinum, nec in ulteriori Agriam quam postremo occupavit.

Hæc fusius à nobis ideò posita sunt, ut quæ loca utraque pars hoc in bello occupavit, innotescat & clarius fiat.

LXX. Imperatorem & Transylvanum neque conjunctos neque dujunctos invicem pacem cum Turca facere debere.

Quo nomine Turca se læsum à Transylvano putet.

SECUNDO loco & hoc considerandum est, si Mahumetes cum ambo-

ambobus pacem facere recuset, an alter seorsum ab altero consentire paci debeat.

Qui in rebus agendis sunt exercitati, facile dijudicare possunt, si hi Principes à mutuo fœdere discedant, eum qui viribus erit inferior, vel à pace excludatur, in maximum coniectum iri periculum. Tum hæc animorum disjunctio, fœdera & pacta conventa juramento confirmata, & promissionem summo Pontifici præstitam, violaret atque infringeret.

Quod si à parte Cæsaris primum offendatur, quis non videt, quanta ingratitude & neglecti officij culpa in ipsum sit redundatura, quod eum deferat, qui tempore maxime necessario in suas partes contra Turcam concesserit?

Quod si Transylvanus officij immemor pacem cum Turca inear, credo erit timendum ipsi, ne in summum dedecus apud quosvis incurrat, quod immemor promissionis toties iteratæ, (cujus in primis tenax est) tandem præ formidine conditiones ejusmodi interit, quas in hunc usque diem fortiter respuerat; licet commoda majora & perpetua protectio, tum ab hoc Mahumete, tum ab ipsius patre Amurathe, oblata & promissa fuerint. Quæ si Ferdinandus Imp. considerasset nõ omnis semel Ungaria in jus Turcarum ditionemque concessisset. Præterea quis tam demens unquam, tamque omnis rationis expers sit, ut in fide hominis infidelis acquiescere velit? cui tantum non semper id metuendum sit, fore ut ad quamvis occasionem quæ Turcæ spem aliquam lucri faciendi præbeat, fœdera pacis prohibita violet & rumpat, cum hujus rei nunquam prætextus idonei deesse possint, Barbaris in primis principibus qui fraudi student. Huius rei testes erunt Veneris, quibus Anno 1570 pax fuit à Selymo violata; præter alia exempla infinita, quæ in medium adferre possemus. Quod ne sibi quoque contingat, si quisquam alius Principum, certè Transylvanus meritò timere debet. Siquidem

dem domus Ottomannica omnes sibi illatas injurias ipsi soli imputat, & damna hoc bello accepta ab uno se accepisse Transylvano putat. Sola ipsius rebellione (sic illi justum desiderium, quo eximere se Turcicæ servituti voluit, nominant) consilia sua impedita, seque à cursu victoriarum, quas animo jam volebat, retardatum fuisse. Id porro eo magis metuendum, quod vix ac ne vix quidem tantis Turcarum viribus resistere posset, si in ipsum solum converterentur: nisi vel Polonus vel Imperator manus ipsi porrigat vel cum defendat, quod exiguæ aliàs Transylvani vires & divitiæ sint. Quod si ejus ditiones natura & locorum situ munitæ esse videantur, ut facile ad tempus defendi possint, cogeretur tamen vel sponte sua vel vi coactus inmensæ huic potentiæ cedere; quæ universo jam orbi formidabilis est, adeoque propter hominum multitudinem divitias & omnis bellici apparatus copias insuperabilis videtur.

Neque Cæsar omni metu atque periculo vacuus erit, si Transylvanus cum Turca transigar. Id solummodo enim spectat Turca, ut Principes hosce armis semel exuat, & à bello securos reddat; quod milites eorum, ubi semel domum ad propria defluerint, non facile militiam repetere soleant. Quare Cæsarem maxime laborare novit: quod bellum auxiliaribus potius quam proprijs copiis gerat, ad quarum collectionem plurimum temporis, & Ordinum atque Circularum Imperij conventus, requiruntur.

Ex his quæ diximus facile unusquisque intelliget, pacem ejusmodi Cæsari atque Transylvano parum utilem, sed perniciosissimam potius futurum. Quos nempe ubi arma semel deposuissent: cognoverit Turcicus Imperator, non erit illi difficile, bellum cum majori commoditate, & locis maxime opportunis reintegrare.

LXXI. Contra quos belli molem Turca sit conversurus, si pacem cum Cæsare & Transylvano ineat. Quod

Quod Persis non facile bellum mitorus sit.

De Turcomannis & Corizzis.

TERTIO denique & ultimo loco, non modo Cæsari & Transylvano, sed omnibus alijs Christiani Orbis Principibus considerare expedit, quonam certò Turca videatur belli molem in posterum conversurus, si pacem cum Cæsare & Transylvano sanciat, eamque ad tempus conservet? Nam haud dubium est, quin Turcica Monarchia subditos semper novis bellis implicatos teneat, ut quæ originem ab armis sumpserit, & vires inde atque incrementa omnia ceperit.

Quod PERSIAM intentatam sit relicturus, hoc præcipue tempore, & ad bellum non provocatus, inde constat. Quia milites Europæ (in quibus nervus militiæ Turcicæ consistit) ab illa expeditione maxime abhorrent, propter asperum & longinquum iter, & rerum ad victum pertinentium inopiam, tum etiam propter Persarum ferociam, quam non parum timere videntur. Inprimis vero quod non ita pridem Turca cum Persarum rege pacem inierit: & fundamenta recens acquirarum arcium nondum rectè sint stabilita. Neque Persis unquam decesse milites possunt. Quorum fere tria sunt genera, Turcomanni scilicet, qui nostros vasallos referunt: Corizzi, vel Coryshi, qui stipendia merent: & auxiliarij, quorum nomine Armenij, Georgiani atque alij intelliguntur, qui omnes strenui sunt atque audaces, equites inprimis, è quibus fere solis ipsorum militia constat, quæ maxima est militiæ Persicæ labes.

LXXII. Turca bellum Mulei Ameth Maroccensi regi non inferet.

Quid Seriphi, quid Sultani vox significet.

De regno Gago.

Nec adducor, ut credam Mulei Ameth, Regi in FESSA & MAROCCO (quem Mauri Seriphum nominant, quod nomen, sicut Turcarum Sultanus, Regem & Dominum denotat) bellum

lum illatum iri, quod parum lucri, jacturam vero & detrimenta maxima inde sit facturus. Tum etiam quod Mulei Ameth, (qui fratres habuit Abdalam & Mahumethem) bello strenuus sit & fortissimus. Nam etsi regnante Abdala voluptatibus & libidinibus se maxime deditum simulavit, ut suspiciones quasdam fratris animo eximeret (quod Mahumethem quoque, qui nunc imperat, fecisse diximus, ut patris iram leniret) attamen ubi post fratris obitum regnum auspicatus est, aliud insuper, quod *regno del Gago* hodie vocant, acquisivit, quod auro purissimo abundat. Vnde tota ejus provincia plus centum dierum itinere circumscribitur, ab Oceano Tripolim usque pertingens.

LXXIII. Turcæ Maltam non aggredientur, & quod nam in ea re Cicalæ consilium Amurathi datum,

MELITAM insulam non aggredientur Turcæ. Nam ex Sinani Cicalæ Archithalassi consilio, quod Amurathi dederat, parum ad dignitatem Ottomannici Imperij conducet, si immensam suarum opum vim atque potentiam late patentem in exiguae illius insulæ expugnationem & acquisitionem conferre velint. Ea etiā quin sit futura difficillima, non est dubitandum. Verendū magis ipsis est, ne successu omni destituantur, quod multo melius nunc quam Solymanni tempore munita sit. Neq; in ea defendenda Equitum sacri ordinis pristinam & innaram fortitudinem atque audaciam esse imminutam scimus. Tum quod à reliquis Christianorum Principibus haud gravare, sed multo facilius nunc, quam olim, auxilia ad eam tuendam impetrari & obtineri possint.

LXXIV. Turca bellum Hispano non movet.

Turcici & Hispanici Imperij termini.

NEQUE HISPANO Turca bellum mævebit, spe concitandorum Maurorum. Non enim tanta alacritate & promptitudine hi res novas exequentur, quanta aviditate eas desiderant.

Eo

Eo vero minus eorum rebellionem insistendum, quod pluribus locis apertis & dissitis sejuncti, ipsi armis minime instructi sint, & eorum fides merito in dubium vocari possit. Igitur in expeditionem tarde & lente proficiscuntur, præ metu ne suas domi amittant divitias. Lusitanos & Arragonenses quod attinet (à quibus ex sententia Bassarum regi Catholico aliquid periculi imminere posset) sciendum, hos non modo honestum sub jugum missos, verum etiam sua sponte ipsos necessitati sese & tempori accommodasse. Et qui rerum agendarum sunt periti facile judicare possunt, non leviter exulum consilij atque instigationibus contra patriam aures esse præbendas, quod multum damni inde sæpius acceperint, qui minus caute in ea re sunt versati.

Nec temere contra se Hispani arma Turcicus Imperator concitabit, quod potentissimus sit omnium Regum Orbis terrarum. Et licet variis in locis bella gerat difficilima, facile tamen ubi vis pacem vel inducias inire poterit, ubi à Mahumethe seperi viderit. Ut taceam, tantam ipsius esse potentiam, ut durantiis quæ nunc gerit bellis, Turcis tamen resistere valeat, classe inprimis quam singulis annis emittere solet. Nec in ea instruenda novos facere sumptus cogetur, ut Turcarum littora & oras maritimas infestet.

Neque potentia vel imperij magnitudine Turcæ Hispanus cedit. Ille quidem latissimas & maximas ditiones possidet. In Asia quidem quicquid Euxino Ponto Sinu Arabico & Persico clauditur, à mari Caspio ad fluvium usque Araxin, & Persiæ terminos, qui magis versus ortum positi. Ab Hellesponto ad Nilum ostia pertingit. In Africa possidet, quicquid intra Nilum jacet usque ad Algerium, & in medietate partem maximam ejus provinciæ quæ Egypto & mari rubro terminatur. In Europa Budæ ipsius imperij est terminus, Constantinopolim usque Nestro, Danubio Ægeæ & Adriatico mari clauditur: Euxini littora us-

Q

que

que ad Tanaim fluvium comprehendens, omnesque porto Asiae insulas & plerasque Graciae. Sed Hispani Imperium magnitudine non est inferius, quia ab Occidente in Orientem usque sese extendit, novum orbem complectitur, à Moluccis insulis, quae ultimae sunt ex orientalibus, ad fretum usque Herculeum pertingit.

LXXV. Turca Poloni bellum non inferet.

Cur Romani Danubij littora munierint.

NEC POLONIAM bello petet; quae Regio fere in ipsis regni Turcici visceribus sita est. Pollet insuper & hominum armorum & equorum copia; qui ubi Muldaviam & Walachiam sibi subjecerint, trajecto Danubio Bulgariam invadere, vel Romanos imitantes Danubij littora munire; & Constantinopolim usque, quae caput est Imperij, excurrere, totamque eam ditionem devastare poterunt. Horum audaciam & ferociam Turcae jam olim in bellis sunt experti.

LXXVI. Turcae non aggredientur Tartaros.

NEC TARTARES aggredientur; quod eandem cum Turcis religionem colant & foedere invicem juncti sint; quibus victis parum emolumenti ad victorem sit perventurum, quod omnium sint pauperrimi, in campo sub tentorijs viventes, qui ubi hostem sibi appropinquare sentiunt, in tutum se conferre solent, eo discedente amissa recuperant. Ab illis plurima beneficia recipere possunt, ubi amicitiam cum ipsis colunt, nec minora damna ubi eos semel irritarint.

LXXVII. Neque Moscovitam.

NEQUE tandem MOSCOVITAS armis petet; quod regionem habitent glacie congelatam, vel paludibus inviam inoccundam, à Turcico Imperio longe distitam. Dux ipse magna & equitum & peditum caterva stipatus incedit, qui tormentorum & sclopetorum usum apprimenotunt.

Ergo

Ergo vel in Venetam Rempubicam, vel universam denique Italiam furorem suum effundet, si cum Cæsare pacem faciat, quod contra alium ex his quos commemoravimus, bellum morum ipsum esse vix credi possit.

LXXIX. Qua de causa, & quibus modis, Turca Venetos sit aggressus, & cur omnibus Christianis illud bellum periculosissimum sit futurum.

Cur Hispanus merito Venetos juvare contra Turcam teneatur.

Turcarum opes frangendi Imperijque excindendi rationem unam esse, si mari superentur.

Cur Græcia victa & Constantinopolis capta.

Cur Pius II Mahumeti II scripserit.

Ejundem oratio.

Clementis VIII Zelus.

Venetæ Reipublicæ laus & potentia.

Quomodo Turcæ Hierosolymam vocent, & quare à Chazaris religionis causa frequentetur.

SI VENETAM Rempubicam Turcicus Imperator aggredietur, maxima omnibus Christianis Principibus, vicinis imprimis, pericula incumbunt; quod Italiæ bellum proxime & sedi religionis imminet.

Nam Græciæ Principes in hoc unico fere peccarunt, quod dissidentes invicem, is quos Ottomannorum armis proxime expositos esse sciebant, opportuno tempore auxilio & præsidio non venerunt; unde omnibus postea idem fuit subeundum periculum, & Imperij habentæ (Deo sic ipsorum luxum & discordias civiles puniente) omnibus pariter fuerunt ereptæ. Inprimis vero ob contaminatam varijs erroribus religionem, & legitimum Dei cultum corruptum, severe fuerunt castigati. Nam in Go; horum primum, Bulgarorum & Saracenorum potestatem

Q 2

con-

concciderunt; tandem misera & deploranda Turcarum tyrannide fuerunt oppressi, qua adhuc illaqueati tenentur. Quod ipsis à Nicolao V Pontifice in literis ad Constantinum Imperatorem scriptis verissime prædictum fuerat. Cardinalis Bessario Italiae Principibus graviter exprobrat, quod Constantinopolim solis 50 millibus coronatorum juvare noluerint, causaque extiterint ut postea à Turca occuparentur. Qui perpetuo victoriarum cursu Trapezuntem, Sinopem, insulam Lesbum (quæ Metelin hodie) Peloponnesum, Caramaniam cū regionibus vicinis Pamphiliæ, Bosniam, Bulgariam, inferiorem Ungariam, cum Epiro & maxima parte Dalmatiæ & Illyrici, tandem quoque Eubœam quæ Negropontus dicitur, Imperio suo adjecit. Sed merito in omnium Principum auribus Urbani Pontificis verba sonare debeant, quibus Christianorum Principes Claromonte Arvernæ urbe congregatos ad Hierosolymitanam expeditionem suscipiendam concitavit, & recuperandam Hierosolymam. Quæ Turcis etiam ipsis Cuzzimubaret, seu locus sanctus & inclytus dicitur, propter Salvatoris nostri sepulchrum, quod illi æque ac Bethlehemum revereri, & ipsorum Chazillarij, qui religionis causa Mecham proficiscuntur, visitare ea loca solent. Neque etiam ignota esse debeat Petri Eremitæ adhortatio ad Christianos Principes habita. Et fratris Iohannis Capistrani conciones, quibus ad 40000 crucigerorum coegerat, qui omnes contra Turcas, in easdem regiones, ubi nunc geritur bellum, sese contulerunt; aliorum etiam piorum virorum, inprimis Pontificum, ardentissimæ admonitiones ad bellum Turcæ fortiter inferendum extant, quarum pleni sunt consiliorum & historiarum Ecclesiasticarum libri. Neque sanctissimus Clemens IIX, qui nunc pontificatum regit, hac in parte suo officio deest, hortando, impellendo: qui velut alter Jacobus, noctes diesque sine cessatione laborat in procuranda ovium Labani salute, id est, fidelium

delium Iesu Christi, altaque voce in precibus suis multisq; cum lachrymis Deum pro salute nostra implorat & veneratur.

Hic omnibus alijs relictis, nobis in praesenti sufficiet ea commemorare, quae Pius II (qui proluxa epistola Mahumetem II ad Christianam religionem traducere voluit) in Concilio Mantuae habito, postquam ruinam Graeciae & aliorum regnorum Turcae subsectorum deplorasset, in consessu Christianorum Principum, in hanc sententiam locutus est. *Ipsa quidem aequitas religionisque studium, Illustrissimi & Christianissimi Principes, hoc à vobis flagitat atque requirit, ut aliquando expergiscamini, praesentique animo tandem miseris istis & calamitosi hominibus, qui sub Turcica detinentur tyrannide, subveniatis. Quis queso vestrum est, qui commune hoc atque nostrum omnium cervicibus imminens periculum non videat, planeque sentiat? Nam ut reliquas pulcherrimas atque ditissimas regiones, quas jam pridem immanissimus ille Tyrannus contra omne ius & fas occupavit, taceam, Adrianopolis & Nicopolis ante paucos annos spacio multo majori à Turcis erant distitae, quum illi Christiani sunt, quos non ita pridem in bello cepit, & omni crudelitatis genere miserrime affligit. Ad haec piissimi religiosissimique Principes & vestrum met munus noster Salvator humeris vestris imposuit, vos elstringit atque obligat. Ille enim non modo è faucibus antiqui serpentis vos liberavit, verum etiam Principes & Rectores sui populi vos constituit, ut diligentum Pastorum instar pro salute gregis vobis commissi vigiletis intrepide, ne à lupis ei quid detrimenti inferatur. Deus, cujus nomen sit benedictum in secula, in manus vobis sceptrum tradidit, gladioque accinxit, atque iussit vos, misericordiam & iustitiam exercere, atque tueri bonos, & debellare superbos, omnes privatas utilitates Deo condonare. Cedant divinis humanae rationes. Sed & propria commoda & humana rationes nobis persuadeant, ut arreptis armis fortiter audaciam immanissima istius belluae reprimatis, quae Lecnus instar rugientis continuo florentissimum Christiani Orbis campum detrahat, ut partem aliquam nostram rei vic-*

cinarum regionum deglutiat. Liceat ex alterius damno sapere. Extinguamus ignem, qui parietem proximum atque fratrum nostrorum inflamat, ne consumamur una cum ipsis. Occurramus opportune atque destruamus torrentem hunc rapidissimum atque præcipitem, ne ejus inundatione nosque nostrique agri subito pereant. Ergo agite bellatores inclyti atque fortissimi, vobiscum tandem statuite & decernite, ne ulla ratione seculum in quo vivimus, anteaclis minus sit gloriosum minusve celebre, virorum præstantissimorum inopia. Imitamini illum Gotosfredum, Balduinum, Boëmundum, reliquosque Argonautas celeberrimos, qui, ut hostibus crucis Christi sepulchrum redemptoris nostri eriperent, propria quævus bona vendiderunt, patriam domosque deseruerunt, mare transfretarunt, varijs laboribus atque periculis immensis jactati in mari, fatigati in terra. Nunquam melius thesauros, arma, viresque suas se impendere posse judicarunt, quam in sanctam hanc & laudabilem expeditionem. Quis igitur vestrum erit, qui præeundo alijs sancto exemplo, primus se cruce signabit? Quis ducem itineris, quis comitem sese præbebit? Rbinam sunt Christi milites validissimi, qui gloriosum hoc vexillum sequentur? Quis tandem erit tam impius, ut privata odia atque inimicitias domesticas communi omnium salutis condonare nolit?

Sed hæc obiter dicta sufficiant, ad quæ non proposito nostræ orationis cursu, sed justissimo quodam & pio ardore dicenda delatus sum, quo & honorem Dei nostri, & salutem tot animarum, quæ Christi sanguine redemptæ calamitosissima Turcarum tyrannide opprimuntur, procurare semper studuimus.

Si igitur ut ad rem redeamus, Turca Venetis quodabsit, bellum moveat, periculi quod impendet gravitas necessario requireret, ut omnes Christiani Principes huc solummodo sua conferrent consilia, ne quid illa detrimenti capiat, sed in pristino suo conservetur statu, idque eò magis, quod singulari moderatione omnium Principum favorem retinere, & indignationem evita-

evitare semper, studuit. Ea enim tanquam singulare quoddam mund ornamentum & Christiani orbis propugnaculum firmissimum, dignissima est, ut etiam propter optime constitutam Reipublicæ formam, quam diutissime floreat, & nunquam à quovis occupata, incorrupta & inviolata libertate perfruat.

Verùm præ alijs omnibus, ut id faciat, Hispaniæ rex multis nominibus obstrictus tenetur, foedere nimirum ut se ipsi jungat, vel alia ratione auxilium præstet. Quis enim sibi persuadere poterit, Turcas Veneris devictis à bello quieturos? Quin potius majoribus fruente commoditatibus universam sibi Italiam subicere conabuntur, in qua pulcherrimas atque florentissimas regiones Hispanus possidet. Nam reliquorum Principum vires & bellicum robur non sufficiet, ut hosti tam potenti in mari resistere possint, cum mutuis sibi auxilijs, pecunia, milite, comæatu, & navibus aliisque rebus ad bellum necessarijs, raro sibi invicem succurrere soleant.

Quod tamen merito considerare deberent, cum optima Turcas vincendi ratio sit, ut classe ipsis occurratur, & bellum inferatur maritimum, hoc præcipue tempore, quo classem nullam habent paratam, nautis destituantur, navarchis prudentibus & rei maritimæ peritis careant. Tum etiam quod Turcæ à navalibus abhorreant certaminibus, quod difficilima sint, multoque sanguine consent, & plerunque in illis victi fugatique fuerint. Nec eos latet, quin ubi in mari clade aliqua fuerint affecti, in terra quoque facile à nostris vincantur. Ejusmodi consilium Evagoras Cyprius & Conon Atheniensis Persarum regi contra Lacedæmonios dederunt. Sic Marci Antonij classe ab Augusto devicti exercitus, qui jam triumphabat, & 80000 perditum, 22000 equitum constabat, absque prælio victus, & nullo negotio dissipatus est. Hac vincendi ratione etiam Rogerius Calaber, Regis Aragoniæ Almitas, usus est, Galliæ regem magni

gni prælij victorem in mari aggressus, & Gallica fugata classe, amissa recuperavit, atque utriusque victoriæ fructum solus percipit. Quis ignorat quantos Christianorum exercitus successus contra Turcas 1581 & 1572 facere potuisset, si lectis magis idoneis navibus, primo statim impetu Ægæi maris loca præcipua vel Peloponnesum aut Cyprum aggressus fuisset? ut prudentissime sane Venetæ classis Inspector generalis, cui Soranzio nomen erat, in medium consuluerat.

Haud dubium est, Venetam Rempublicam hoc nostro seculo esse potentissimam, non modo propter immensos auri argentique thesauros, quos longa pace cumulavit; omni ære alieno, quod ante bellum proxime gestum & in ipso bello contraxerat, dissoluto, verum etiam propter magnum triremium numerum, commeatus aliarumque rerum ad bellum pertinentium copiam. Quibus rebus instructa, forsitan sola hosti resistere valebit. Idque eo commodius, si quam parvi hostem faciat, inde ostendat, ultro bellum inferendo; si Alcibiadis Atheniensis consilium secuta, & belli facti initio strenue pergat, atque aliquos ex locis, quos infra nominabimus, ex improvviso occupet, priusquam ille belli justos apparatus facere possit.

Passim vero Reipublicæ hujus Imperium tam probe fortiterque munitum est, ut perparum ipsi à Turcarum machinationibus & consiliis sit metuendum. Inter alia propugnacula, tria hæc *Corcyra*, *Ascrunij* seu *Cathari*, atque *Zaræ*, inexpugnabilia habentur: idque eo magis quod perexiguo intervallo Venetijs distent, unde subito præsidia mitti possint. Hæc claviium maris Adriatici vicam obtinent, hostem ab ingressu prohibentes, vel ad regrediendum velociter enim compellentes, ut velut in reti captus detineatur. *Candia* sive *Cretæ* insula, & loci situ & præsidii firmissimis ad defendendum apprimè instructa videtur; ut non nisi maximo cum discrimine, & periculo evidentissimo

ſimo Turca eam tentare poſſit. Nam ſi milites in eam expone-
re velit, natura loci, quod portibus careat, impeditur: pars al-
tera à milite præſidiario atque incolis ſtrenuis, qui de ſalute
propria ſolliciti fideliter Principi ſuo obtemperant, facile ho-
ſtes ab ingreſſu arcebunt, ut vel nullas omnino vel certe cum
maximo ſuo damno copias exponere poſſint, ubi recte ad de-
fendendos inſulæ portus in ſuos ordines diſpoſiti eſſent. Quod
ſi vero hoc potius quam illud contingat, reliqua tamen hoſtium
manus & clafſis reliquæ in maximo verſabuntur periculo, ne à
noſtris vincantur, quod Turca propter regionum ſuarum lon-
ginitatem ſuis ſubſidio venire nequeat. Neque ipſam et Tur-
carum clafſis diu in hoc mari verſari poterit, abſque naufragij
periculo, vel metu clafſis Venetæ, cum qua neceſſariò prælio
concurrendum eſſet. Tandem *Palme* propugnaculam, quod
nunc exædificatur à Venetis, non modò Turcis omni tempore,
ubi Iſtriam aut Forum Iulij invadere volent, reſiſtet, ſed omni-
um inſuper Barbarorum, qui in Italiam irumpere conabuntur,
vim atque impetum coërcebit.

Et hæc quidem de Veneta Republica ſufficiant. Univerſam
quod attinet ITALIAM, ſuperius à me rationes, quæ Turcicum
Imperatorem ad eam expeditionem movere poterunt, recitatæ
& expoſitæ ſunt. Nunc quibus itineribus eo per venire poſſit,
ut reſpondeatur ijs, qui difficultatem aliquam in hiſce rebus po-
nunt, demonſtrabo.

*LXXIX. Si Turca in Italiam bellum transferat, quibus itineribus
Turca eam invadere poſſit.*

Dux ſunt viæ, quæ Turcam è propria ditione in Italiam du-
cunt. Prior quæ optima & equitatu aptiſſima, Belgrado in-
tra Dravum & Savum fluvios: Altera vero citra Savum. Utra-
que Lubianam uſque (quæ Labacum Germanis, olim Naupor-
tus dicebatur) pertingit, fertiliffima, & quæ commodiffime
R bello

bello sedem præbere posset, regio est. Urbs autem ipsa facilis occupatu est.

Huc cum ventum fuerit, duæ rursus patent viæ, una quidem versus Goritiam, altera vero per Peucæ & Karstia provincias Falconis montem usque, qui Veruca olim dicebatur, ducit. Sic utraque Natisone seu Pisontio fluvio, quem Turcæ aquas albas vocant, finietur. Qui fluvius celebris habetur, tum propter Theodorici Gothorum & Odoacri Herulorum regis res gestas, tum etiam quod Turcæ non ita pridem huc usque, atque adeo ad Casas Cæsarianas (hodie San Cassano) passim omnia devastando & deprædando excurrerint. Prior Goritiam ducens, propter com meatum & ad deducendum equitarum multo est commodior. Posterior tamen, etsi aliquantulum saxosior, & in Peuca sylvæ ac angustia quædam eam difficiliorem reddant, in primis vero prope Scelesnytabor, arcem præsidio paucorum rusticorum munitam; attamen non est proisus invia & equitatu inaccessa. Hanc Attala tenuit, cum Tergestum & Aquileiam peteret.

LXXX. Cur Theodoricus Monfalconem, Odoacer Gradisiam, Veneti Palmam munerint.

Aliæ viæ, quibus Turca in Italiam venire potest.

Hæc causa Theodoricum Gothorum regem, ubi Italiam sibi subiecisset, movit, ut locum, quem Falconis montem vocant, ad eam viam positum muniret. Cum non ita pridem ante Gradisiam ab Odoacro, qui tunc Italiæ imperitabat, exædificata fuisset; quam tamen paulo post ipse Theodoricus à Zenone Imperatore contra Odoacrum cum exercitu missus, occupavit. Harum arcium extruendarum causa eadem fuit, quæ Venetos ad ædificandam Palmam contra Turcas movit.

Sed Turcico exercitui alius patet in Italiam aditus, ne Constantinopoli discedentes Belgradum pervenire cogantur. Si videlicet

delicet unam prædictarum viarum ingrediantur. & versus urbes Nis & Præcup tendant (sunt enim ibi angustiae quaedam non procul ab urbe Sophia) relicta Alba Græca ad manum dextram; vel denique relicta Sophia urbem Novibazar petent, & per Ducatum Herzecovinæ in Bosniam versus Bagnalucam iter instituunt, & continuo rectoque cursu, duorum tantum dierum itinere, Venetam ditionem attingent, prope eum locum ubi Turcarum exercitus quondam convenire solebant, quando Italiam invadere destinent. Hæc via plana est, & trahendis vehiculis tormentis atque alijs impedimentis commoda. Hinc Ammianus Marcellinus scribit, Gallum Juliani fratrem curru Petovia urbe Polam usque vectum fuisse.

*LXXXI. Quomodo Turca Italiam bello maritimo aggredi possint.
Exempla Augustæ, Cotrone, Rhegiæ & Montis sancti Angeli.
Fires & regimen Italia.
Thucydides judicium de cavendis periculis.*

Sed ut majori damno Italiam afficiat Turca, uno eodemque tempore partem exercitus ter estri itinere eo mittere poterit, partem vero classe. Quod Mahumetes II facere tentavit, & huic qui nunc regnat à Sinano Bassa anno præterito persuasum fuerat. Eo videlicet consilio, ut Hispanus & Veneti tanto facilius invicem disjungantur, si Venetis in mari Adriatico quid negotii atque periculi creetur: Hispanus vero in Sicilia & regni Neapolis littoribus bello peratur, vel Calabria atque Apulia devastetur, Omnia timore atque damnis involvendo.

Nec oblivioni adhuc tradita est Hydruntis occupatio, quæ tempore prioris Mahumetis contigit. Sentitque adhuc Curia Romana, quanto metu percussa non ita pridem fuerit, cum in Tyrrheno mari Turcica classis apparuisset. Nam Italiae littora legendis, Subsolano Noto & Austro spirante, vel Zephyro aut Africo flante, è Barbaria usque Centum Cellas (quæ Civita

Vecchia hodie) excurrere potest. Notissimum est, quid Augustæ, Cotronæ & Rhegii Turcæ: quidve ante illos Saraceni in monte Gargano, quem hodie Sancti Angeli nominant, designaverint.

Equidem scio, non absque maxima difficultate Turcarum deliberationes, quarum superius parte secunda hujus libri meminimus, in effectum produci posse, quod nobilissima hæc provincia, ut rem breviter complectar, paradisus atque deliciæ orbis terrarum, natura & operibus perfecte munita, divitiarum & incolarum abundantia repleta, commeatu etiam abundet (nisi ex divina quadam pœna, vel ob alios casus fortuitos, segetes minus lætæ atque uberes interdum proveniant) à Principibus denique Catholicis strenuis gubernetur, & contra vim hostium defendatur. Inde rectissime concludere possumus, Turcam si eam invadat, breviter propria domicilia esse reperiturum, vel sepulchrum ipsi Italiam futurum, quod multis alijs ante ipsum Barbaris contigisse novimus. SED cum veri Politici prudentia præcipiat hostem formidare, eumque nullatenus contemnere, ut Thucydides monebat; quo majori cum industria & cautione de remedijs quibus vinci possit deliberetur atque statuatur, nostri quoque officij esse rati sumus, breviter remedia quædam proponere, quibus pericula, quæ à Turcicis machinationibus Italiæ imminere possint, evitentur, quæ etiam in bello, quod nunc geritur, commode adhiberi & usurpari queunt, quod Turcæ diligentissime sibi ab illis caveant, eaque formident.

LXXXII. Quomodo bellum Turcicum declinari, & aliò diverti possit.

Veterum quorundam opinio super hanc rem.

Martini Segonij sententia.

Inter alia remedia, quæ, postquam Mahumetes II Hydruntum occupasset, in medium fuerunt allata ut Turca ex Italia depelleretur,

leretur, hoc quoque quod Martinus Segonius Episcopus Olchii-
nensis (hodie Dulcigno vocant) proposuit, non fuit postremum:
Illud ad Sixtum IV Pontificem scriptum misit, cujus hæc fere
sunt verba: *Pannonum Rex cum suo exercitu confederatisque populus
presentet se ad Danubium, jam præcedente, quod in Rasciam sit tra-
jecturus. Futurum inde, ut omnium Turcarum multitudine sibi obviam
ad Istri trajectum progrediente, gentes nuper Valonam & ad alia E-
piri maritima loca missæ ad Italiam transfretandæ, statim ob metum
Pannonum ad castra Turci revocentur.*

SED cum pro unico Hungariæ rege & Cæsarem habeamus
& Transylvanum, de utroque quod satis est loquar. Ut cogno-
scatur, quanto cum detrimento totius Christianitatis hi Princi-
pes pacem, vel hoc saltem tempore, & tam subito, quod mul-
ti verentur, ineant. Docebo insuper hunc certissimum esse mo-
dum, ut reipublicæ status in tuto collocetur, ne à potentibus
adversarijs invadatur, quem etiam quivis duces præstantissi-
mi maxime approbarunt. Nam Hannibal Antiocho consuluit,
ut Macedoniam infestaret, ne Philippus auxilia Romanis sup-
peditaret. Idem consilium Hiero Siculorum rex Romanis de-
dit, ut videlicet in Africam bellum transferrent, quo Carthagi-
nenses impedirentur, ne novum exercitum ad Hannibalem in
Italia belligerantem mitterent.

*LXXXIII. Aliæ rationes, ob quas Imperator pacem cum Turca ini-
re non debeat.*

Quid Mahumetes in futurum sit facturus.

Itinera, quæ Turcas Viennam ducunt.

*Tria alia itinera ostenduntur, quibus Turcæ in Italiam
pervenire possint, si Viennam cepissent.*

Cur Mahumetes exercitum ex Croatia revocavit.

IMPERATOR jam totus est in armis occupatus, & licet quædam
loca ipsi fuerint erepta, alia tamen non minoris momenti in a-

missorum locum cepit. Nec bellum difficile est, propter regionem & propinquitatem. Milites jam arma tractare didicerunt; fortianimo horribilem hostium clamorem contemnere norunt; frigori alijsque hyemis incommodis sunt assuefacti. Ipsi duces in disciplina militari, qua contra Turcas utendum est, probe sunt instructi. Quod si exercitus Christianorum primus in hosteo compareat, vel obsidione vel ex improviso occupare quædam ex locis amissis conari debent, quod in tempore vix auxilium laborantibus Turcæ laturi sint. Nam qui domicilia repetierunt quovis tempore in Ungariam redire non possunt, ob fœni herbx & com meatus inopiam. Qui in propugnaculis limitaneis hybernarunt, vix ad eorum defensionem, ut taceam aliorum offensionem, sufficient. Nec pauci erunt, qui quovis modo domi manere studebunt propter inediæ famisque metum, aërisque inclementiam quam valde perhorrescunt.

Præterea non abs re sperare possumus, fore ut potentissimi æque, atque minoris conditionis & nominis Principes Germaniæ tandem aliquando suo fungantur officio; quia non modò de defendendis Ungaris, quos odio maximo prosequuntur, verum etiam de ipsorummet conjugum liberorumque salute, & divitiarum conservatione agitur. Quod si forte quis eò dementiæ deveniat, ut eadem libertate & opportunitate bona quæ possidet, sub Turcarum Imperio se conservaturum confidat, hic de tota re facillime certus fieri poterit. Græcorum tantummodo spectaculum Tragicum & horrendum sibi ob oculos ponat; qui ubi semel à Turca fuerunt devicti easdem perpeSSI sunt calamitates & miseras in quas Hebræi inciderunt. Rege enim & imperij ornamentis omnibus privati, libertate & divitijs exuti, & quod vix sine horrore dicere possum, jucundissima consolatione, quam ex dulcissimo amplexu charissimorum liberorum percipere solebant, destituntur. Ad hæc si bellum continetur,

tur, nemo quidem iure dubitare poterit, quin Principes Imperij etiam inuiti Cæsaris atque ipsorummet defensionem suscipere cogantur. Siquidem semper hoc illis timendum erit, ne Turcæ copias suas, vel contra Toccarum ducant ut Cæsaris atque Transylvani conjunctionem protinus impedian, vel contra Viennam expeditionem suscipiant. Quod Sinan nuperrime Mahumeti persuasit, ostendens illi, quæ facilitate expugnari possit, quæ gloria inde ad illum redundatura, & quantum momenti expeditio illa habitura sit, quod capite male affecto reliqua membra cuncta debilitentur.

Quod exercitum ex Croatia revocaverit, non id factum tam ut suspicionem & æmulationem Italis Principibus, qui de rebus suis valde sunt solliciti, adimeret, Venetis in primis, qui ea de causâ in Palma munienda strenue pergebant; quam potius ut copias undiquaque colligeret, quibus instructus expeditionem Viennensem majoribus viribus suscipere posset. Verum ut ut res sese habeat, constat interim, nullis Venerorum muneribus & donis ad hoc ipsum fuisse adductum, ut falso nonnulli crediderunt.

Porro ut periculi magnitudo innotescat, considerandum: Mahumetem à teneris annis hanc expeditionem animo voluisse, semperque in eam inclinasse. Ab eo sane tempore patrem Amurathem sollicitare nunquam destitit, ut gloriam, quam ex hac expeditione sperabat, sibi relinqueret. Quod si res ex voto ipfius (quod Deus clementer avertat) cederet, non modò gravissimam jacturam facturum esset Romanum Imperium sed Italia quoque; siquidem ea urbs clavis instar aditum in utramque regionem prabet. Quarum posteriorem Turcici Imperatores tanquam ultimum scopum suorum consiliorum semper sibi propositum habuerunt. Nam citra ullum impedimentum ad laurini propugnaculum usque (quod ex consilio

lio Alfonsi Ferrariensis fuit constructum, unde Turcis ad devastandam Austriam & Stiriam patet aditus) pervenire possunt, intra Danubium & Dravum facto itinere. Quod si, Vienna quoque in ipsorum potestate esset, facillime Italiam invadere possent, duabus vijs. Quarum una per Tirolensem Comitatum & Alpes, quæ sunt prope Tridentum, in Veronæ campos ducit, vel Bassanum versus. Prius iter Alaricus fecit, posterius verò Germani milites sæpius, ubi in Italiam profecti sunt. Altera via rectà per Villacum in Forum Iulij versus Venzone vel Cividale tendit. Sed & adhuc alia patet, per quam Barbari sæpius Italiam sunt ingressi, videlicet per Tolmez, quæ est in Carnia, & Cadore versus progreditur: verum hæc minus commoda illis esset futura.

Sed inter alia quæ obstant, quo minus Cæsari debita auxilia & subsidia mittantur, tria potissimum sunt observanda, quæ hic nobis recitanda erunt.

LXXXIV. Rumores quidam in Imperio sparsi impediunt auxilia debita, quo minus in tempore Cæsari mittantur.

Consilium Petri Moldaviae Vavode.

Primum igitur rumores quidam inter eos qui aliam quam Pontificiam religionem in Imperio sequuntur, gliscunt: fore ut Cæsar eos ad amplectendam religionem Pontificiam cogat, si victoria contra Turcas potiat. Quod & Principes & subditi pessime execrantur. Illi quidem propter usurpata bona Ecclesiastica, quæ post mutatam religionem fisco suo addixerunt: Hi vero quod ministri & concionatores ipsis continuo inculcare soleant, præstare Turcico Imperatori quàm Pontifici Romano obedire; unde probare videntur, Calvinismum proxime ad Mahumetismum accedere. Vita etiam licentiosa & voluptuaria, quam ipsis agere licet, in illo errore eos confirmat.

Secundo nonnulli libere profitentur, fore ut Cæsar pacem ineat,

ineat, quod ab Imperij Ordinibus lente & tarde auxilia ipsi ferantur, & debita subsidia nunquam integre mittantur. Veri enim Imperij Ordines, ne frustra sumptus faciant; & vero ad pacem omnes inclinare dicunt. Id multis alijs Christianis Principibus occasionem præbuit (Poloniæ regi imprimis & Veneris) quo minus se contra Turcas movere voluerint: verentes ne in medio periculo deferantur, & sumptus inutiliter collocent. Sed huius rei forsitan alia subest causa, quod nonnulli, qui inclytæ Domui Austriæ minus favent, falsò & perversè spargere ausi sunt, Imperatorem parùm ad bellum inclinare: tardiorremque esse factum, tum propter conjurationes quasdam nefarias nuper detectas, tum ob prædictiones cujusdam Angli, videri. Verumtamen si vel propter hæc, vel propter alias considerationes Cæsar pacis est cupidus, multò consultius fuisset in belli statim principio quam hoc tempore eam procurare & inire; quemadmodum alibi quoque multis rationibus, & argumentis clare ostendimus. Quod & consuluit Ferdinando Archiduci Petrus Moldaviæ Waiwoda; qui anno 1594 in montibus Rhæticijs prope Balzanum mortuus est, cum Romam ad osculandos B. Pontifici pedes, quamvis religione Græca imbutus, veniret: de quo ego, mandatu ejus, apud Pontificem egeram.

Tertio denique est loco, quod Ordines Imperij sumptus tam immensos ferre nolint, nisi quæ bello capiuntur Imperio acquirantur: Contra vero Cæsar illud nunquam permissurus sit, propter jus quod Austriaca Domus in Hungariæ regnum habet. Unde utraque pars res difficilissimas in consilijs proponit, quæ nunquam exitum sortiri possunt. Nec immerito credimus, Cæsarem optime nosse, quanti præjudicii res sit, si omnibus Principum postulatis morem gereret, quod hi re ipsa minime sint præstituri quæ verbis pollicentur.

Et hæc quidem de Imperatore.

S

LXXXV.

LXXXV. Transylvani virtus bellica seu fortitudo.

Cur Turcæ ipsius vitæ infidentur.

Vaticinia Turcarum de fine & everfione Imperij Ottomanici.

De voce Musulman.

Qvod ad TRANSYLVANVM attinet, qui secundus est, quem ices quodammodo Hungariæ olim regis in bello gerendo obire dicere quis possit; dubium non est, quin propter religionis studium & innatam magnanimitatem acerrimus Turcarum hostis sit. Res enim ab ipso hæcenus in bello gestæ (quicquid fane alij contrâ garriant) universo mundo testatum faciunt, ipsum manu promptum & strenuum, in deliberationibus magno iudicio præditum, ejusque consilia felicem semper habuisse exitum; quæ tria veteres sapientes in quovis duce necessariò requirebant. Sed hæc non à Fortuna fictitia, sed à Deo qui est dominus exercituum, illi tanquam secundo Davidi vel Judæ Machabæo, fuerunt concessa: cujus patrocinio contra omnem hostium vim strenue defenditur.

Turcæ ipsum vehementissime timent propter antiqua vaticinia; quæ licet levia sint & parvi facienda, magnum tamen omnibus Barbaris timorem & formidinem incutere solent, Mahumetanis præcipue qui absoluto omnia fato tribuunt. Hoc imprimis illos terret, quod dicatur; fore, ut ex Transylvaniæ rupibus aliquando Princeps prodeat, qui vincat & in nihilum redigat Ottomanicum Imperium. Idem fere refert Flavius Vopiscus in vita Imperatoris Floriani, suo tempore de Principe Hungaro, qui Barbaros omnes suo imperio sit subjecturus, prædictum fuisse. Simile quippiam (quemadmodum Principibus adulatores nusquam desunt) habet Cajus Suetonius de Imperatore Galba.

Insuper Turcæ firmiter credunt, Mahumetanam sectam
ultra

ultra mille annos non duraturam (qui forsitan brevi finientur) neque Musulmannos (sic Mahumerani se invicem vocant, quasi recte de religione sentientes) ultra quatuordecim vel quindecim Imperatores esse habituros. Errant igitur, qui septendecim ordine numerant, siquidem Mahumeres, qui nunc imperat decimus quartus vel quintus est, si Mosen vel Musan annumerare quis velit.

Denique constat, Turcas magnopere Transylvanum timere. Unde non modò diabolicis præstigijs ipsius magnanimitatem debilitare, sed etiam vita eum privare conantur. Opinantur enim, secreta ipsum consilia etiam Constantinopoli tractare, ut seditionem ijs in locis susciter. Id facile ipsum effecturum putant, quod Transylvani libentissime ipsius imperium sequantur, & Walachi Rasci Bulgari Siculi aliique populi bellicosissimi & audacissimi sibi dominum & Principem sæpius poposcerint.

Id quod paulò fufius demonstrabo, cum harum gentium noticia ad cognitionem rerum, quæ in bello, quod nunc geritur, plurimum conducatur.

LXXXVI. De Transylvanis Moldavis & Walachis.

Cur Romani tributum Dacis pependerit.

Non injuria TRANSYLVANI inter bellicosissimas Europæ gentes numerantur. Hi cum Moldavis & Walachis sub antiquo Dacorū nomine intelliguntur; quos Romani adeo formidarunt, postquam Domitiani exercitum delevissent, ut eis tributum annum sub Domitiano & Nerva atque Trajani imperij initio pependerit, ne ultra Danubium depopulatum excurrerent. Neque id Turcas later, propter clades quam plurimas, quas sub Corvino, duobus Bathoriis, & eo qui nunc vivit, acceperunt.

LXXXVII. De Michael Waivoda Moldaviæ, ejus subditis & Dracula.

S 2

Michael

Michael MOLDAVIÆ Waivoda à Turca quondam Principarum obtinuit, hodie Transylvano paret: sub cuius protectione procul dubio manebit, quod Turcis amplius fidere non possit, cum sæpius ab ipso irritati læsique fuerint. Inprimis verò morte eorum, quos Aslan Bassa pacis tractandæ causâ in Walachiam miserat, quos Michael necavit.

Non solùm autem Walachi (quorum præstantiam in rebus bellicis Turcæ sub Dracula duce sunt experti) sed etiam plurimi Hungari & Transylvani, nonnulli Albani Bulgari & Rasciani sub eo militant. Tormentarios paucos habet, quibus etiam Transylvanus destituitur, quod gentes illæ, inprimis vero Hungari, cominus quam eminus pugnare malint. Plurique equites sunt, lanceas gestantes, neque facile hostium conspectum fugiunt.

LXXXIIX. De Rascianis, & cur ulteriora Danubij littora occuparint.

Rasciani in Concilio Constantiensi SIRFI adpellati fuerunt, ex Mysia superiore orti, quæ hodie Rascia & Servia dicitur. Quondam propter bella Turcica ulteriora Istri littora occuparunt, hodie prope Temeswar & Lippam locisque vicinis habitant. Turcarum Imperio se subtraxerunt & Transylvano nunc serviunt.

LXXXIX. De Bulgaris & Alexandro Magno.

Bulgarorum quidam omnem eam regionem usque ad Danubium incolunt, quam Mysiam inferiorem antiqui vocarunt, è regione Walachiæ sitam. Alij vero cum Græcis in Thracia, alij in Macedonia juncti Servianis & Albanis seu Epirotis habitant. Strenui sunt & bellicosi. Nonnulli qui domicilia sua deseruerunt, Transylvano parent. Et plures se ipsi jungerent, nisi rebus necessarijs, quibus ipsos sustentare posset, destitueretur. Suntque maxime idonei ad rebellionem in patria & locis finitimis

timis excitandam, si quis eos ad id perpetrandum seriò instigaret; maxime vero si Transylvanus illud faceret, quem præ omnibus alijs in summa admiratione habent, nec minus ipsum venerantur, quam Magnum illum Alexandrum: qui fere ipsorum sympatriota fuit, Pellæ natus, quæ Macedoniæ urbs est. Non indocta ab Hieronymo Frachetta Transylvani cum Alexandro Magno facta est comparatio in oratione, quam ad Principem illum perscripsit.

XC. De Sicula, & tumultu inter eos excitato.

Siculi denique, qui montes versus Poloniam & Moldaviam incolunt, rustici sunt, & Tartaris porius quam Christianis similes. Vnde rectius Scythali nominari debent. Plerique sunt pedites, bombardis utentes, pauci vero equites. Anno 1595 Transylvanum securi sunt in Walachiam contra Sinan Bassam proficiscentem. Promissa ipsis fuerat immunitas à nobilium exactiõibus, cum obtulissent se aliam regionem parem magnitudine illi, quam tunc incolebant, occupaturos: sed cum quæ promissa fuerant minime fuissent præstira, dum Princeps ipse Pragæ morabatur tumultum excitarunt. Qui ramen facile sedatus fuit, præcipuis quibusdam autoribus capite mulctatis.

CXI. Transylvanum re pecuniaria maxime juvandum.

Consilium Demosthenis & Soranzij.

Damno maximo Christianum orbem affectum iri, si Transylvanus cum Turca transigat.

Neque Transylvanus tamen omnes, qui militiæ nomina dare volunt, quique libenter sub ipsius auspicijs militaturi essent, in militum numerum recipit, quod ea pecuniæ vi destituatur, quæ ad solvenda stipendia tam numerofo exercitui sufficiat; sine quibus tamen sub imperio & disciplina milites teneri non possunt, neque ad victum & com meatum prædæ, quæ aguntur,

tur, vel segetes quæ ibi proveniunt, sufficiunt, belli præsertim tempore, ubi plerumque omnia in pejus ruunt.

Dico igitur atque concludo, optimum belli cum Turcage-
rendi modum Principes Christianos nactos esse, ut quiete in-
terim ipsis domi desidentibus bellum ab ipsorum ditionibus re-
motum sit, atque furor ipsius atque potentia infringatur & de-
bilitetur, si aures præbere atque obsecundare velint Demosthe-
nis consilio, quod Atheniensibus dedit, cum cives Olynthi
Thraciæ urbis contra Philippum Macedonem auxilia ab ipsis
poscerent. Ego, licet cum summo isto oratore nulla re sim
comparandus, hoc tamen aperte fateri audeo, optimum ad sa-
lutem communem procurandam consilium fore, ut prompte
juveni huic animoso & audaci pecuniarum copiâ prospiciatur.
Quod aliqua parte à Pontifice & Hispano jam factum est. Ut
scilicet & hi & alij Principes partem thesaurorum, quibus à Deo
ditati sunt, ad ejus nominis gloriam & salutem omnium propa-
gandam impendant. Nihil enim reperiri potest, quod prospe-
ros contra hostem successus magis impediat, quàm pecuniæ in-
opia, qua consilijs prudentissimis sæpius mora infertur. Nihil
nunc dicam, quod majores belli apparatus sine ea fieri non pos-
sint. Redituum suorum partem maximam in stipendia militum
conferre cogitur. Bipartitum enim habet exercitum. Quorum
alter in Walachia contra Turcas in excubijs est, ne quid incom-
modi illis in locis accipiat: alter vero ad Transylvaniæ &
Moldaviæ fines ipsis Moldavis & Tarraris alijsque hostibus est
oppositus. Nec injuria quis vereri possit, ne Transylvanus, si
rebus necessarijs destituatur, quibus sese in eo, quo nunc ver-
satur statu, honeste sustentare, & bellum viriliter promoveri
nequeat, conditiones alias, vel magis pias, vel quæ ipsas securi-
tati melius conducant initurus sit, priusquam infideli & ethni-
co alicui Principi ditiones suas concedat, vel ei se submittat.

Quod

Quod si fiat, subvereor, ne Christianus orbis maximum inde patiarur detrimentum, propter tanti bellatoris tamque strenui ducis iacturam. Cujus rei quædam jam nunc indicia emergere videntur.

Dixi Cæsarem & Transylvanum commode & honeste pacem cum Turca inire non posse. Nunc ultimo loco ea proponam, quæ Turcæ pertimescunt, ne si à nostris adhibeantur, in maximum ipsorum damnum & perniciem redundant.

XCII. Quantum sibi à Christianis Principibus Turca timeat.

Quæ auxilia ad Hungaricum bellum, Dux Mantuæ, Hettruria, & Pontifex Romanus contulerint.

Quid Veneti quondam à Pontifice requisiti, contra ejusmodi hostes facere consueverint.

Cur defensores religionis Christianæ dicantur.

Primum igitur Turcæ verentur, ne Italiæ Principes tandem aliquando & Cæsarem & Transylvanum, vel ex exercitu vel pecunia juvare decernant. Vidit nuper Hettruriæ Ducem ad illud bellum fratres & nepotes suos in Hungariam misisse: eundem Transylvano duces belli & pecuniam suppeditasse. Vidit Pontificem Romanum nepotem suum copijs instructissimis eò ablegasse, quorum operâ & Strigonij & Vicegradi occupatio facilior contigit, & quod ambos pecunia hætenus juvarit: quod ipsum continue facturum putat, donec bellum finiatur. Vidit Mantuæ Ducem bellum sua præsentia cohonestasse. Unde Turcæ animis præcipere cœperunt, fore ut ad ejus exemplum reliqui quoque Italiæ Principes animum ad bellum applicent.

De Venetis quoque non parum sibi timet, ne inviti tandem arma capere cogantur, vel propter commoda propria, vel ut Pontificis mandatis morem gerant, à quo indices ea de re sollicitantur. Quod etiam sub Leone IX Nicolao II Gelasio II Alexandro II Calixto II Clemente III Honorio III Nicolao IV aliis.

alijsque Pontificibus fecerunt. Unde propter egregiam navatam operam, non modò summa ab Imperatoribus & Pontificibus privilegia obtinuerunt, verùm etiam titulo *defensorum & propugnatorum religionis Christianæ* fuerunt insigniti. Quapropter Turca omni ratione cavet, ne illos sibi infensos reddat, omnibusque illorum postulatis libentissime atque promptissime assentitur.

XCIII. Causæ, cur Turca defensivum potius quam offensivum bellum sint gesturi, si Polonus bellum ipsis inferat.

Præterea etiam magnopere Turcæ metuunt, ne POLONIÆ Rex contra illos sese moveat. Sciunt illi à Pontifice maximam vim pecuniæ ad Turcicum bellum offerri: cui (quia medicis & infirmæ sunt conditionis homines) in eo regno avidissime inhiant, quod nulla alia ratione gratiam sui regis commodius se acquirere posse putant, undeque mercedem postea ab ipso accipiant, quam si in bellum ipsum sequantur.

Hanc suspicionem auget, quod Hispanus ad Regis Poloniæ literas non ita pridem responderit: ad quem prius scribere noluit, propter offensiones nonnullas, quæ in pacis tractatione inter Polonos & Maximilianum Archiducem contigerunt.

Novit quoque Turca, quod defensivum potius quam offensivum bellum ei gerendum foret, si Poloni seriò ipsi bellum inferant, unde sibi maxima damna atque pericula imminere intelligit. Idque propter tres causas.

XCIV. De Moldaviæ & quomodo Pontifex ejusque ministri Ieremiam Waiwodam tractare debeant.

Quarum PRIMA est, quod necessario Moldaviam amitteret. Quæ Satrapia à Poloniæ rege non ita pridem Ieremiæ Waiwodæ fuit concessa, qui à rebus nostris non videtur prorsus alienum habere animum. Neque etiam negligendus est, quod Turcarum

carum machinationes mature explorare, & omnis com meatus copiam exercitui suppeditare poterit.

Summa igitur Pontifici ejusve ministris adhibenda erit cura, ut Ieremiam hunc nunquam sibi non devinctum habeant; & sòlertèr prospiciant, cujus generis & conditionis homines ad ipsum ejusmodi negotiorum tractandorum causa ablegentur, & quibus verbis ad ipsum literæ exarentur: cum isti homines veri sint Dayi & Geræ, quos in fabulis suis introducit Terentius, id est, natura sagacissimi & suspicaces. Honores ipsi quoque exhiberi, & quos ille vel Romam vel ad Nuntios Apostolicos miserit, benevole excipi consultissimum fuerit. Nam Turca omni ratione eum sibi adjungere studet, vel ut à nobis ipsum divellat, vel ut eum decipiat, quo artificio Ottomannici sæpissime usi sint. Præstat igitur quantum fieri poterit amicum ipsum & benevolum habere.

XCV. De Cosacchus.

De Ianko, Suitta & Iano,

De Vofia & Borysthene.

SECUNDA causa est, quod Cosacchi majori cum audacia & sine metu Turcas sint aggressuri: siquidem Poloniæ regi parent, (quemadmodum Vscocchi Romano Cæsari) & ab ipso Præfectum seu Generalem accipiunt, cujus imperium milites sequuntur. Tum etiam quod facta ipsis potestate Vofiam comburere possint. Quæ Turcarum propugnaculum est ad Borystheneis ostium sita: Polonis Occhiacovia, Moldavis vero Dassoia dicta. Nam & anno 1583 Benderam exusserunt, duce Ianko Ungaro, qui à Stephano rege ipsis præpositus fuerat. Alia quoque damna sæpius ipsis intulerunt sub Suitta Russo, & Comite Iano Basilij ducis Ostrovix filio, aliisque ducibus Polonis. Ipsi insulam quandam in Borysthene incolunt, quæ quatuor dierum itinere à Vofia distat, vocaturque Cirches. Fluvius vero ab ipsis Nis, vulgo

T

vulgo Neper dicitur. Bombardis & arcu dexterrime utuntur, naturæ inclinatione & professione Turcis sunt infensissimi. Ideoque eorum plurimi Transylvano vel Michaeli & Jeremiæ Waiwodis serviunt: alij Cancellarium Poloniæ sequuntur: alij in Podolia sparsim habitant. Omnes tamen Turcas æque atque Tartaros infestis animis atque armis prosequuntur.

XCVI. Demonstrantur aliæ rationes, quod bellum Poloniæ rex cum maxima utilitate Christiani orbis Turcis inferre queat.

Errores nonnullorum, de Moldavia, Walachia, Islakia, Moridavia, Bogdania, & Carobogdania.

Sinani Bassæ postulatum & Cancellarij Poloniæ ad idem responsio.

De Dacia Ripensi.

Cur Constantinus à Zosimo fuerit reprehensus.

TERTIA denique & ultima ratio est, quod soli Poloni iter nobis Constantinopolim versus facillimum reddere & aperire possint. Si quidem eò nostris aliquando erit necessariò tendendum, modò præclari quippiam perficere veliat. Et si Polonus hosti bellum indicat, Transylvani exercitus transitum per Walachiam liberiores habebit. Nam si relicta Walachia Moldaviam petere velint, iter ipsis foret multò difficilior; tum quod mari nimis sit vicinum, tum etiam quod Bulgariam petentibus retro proficiscendum sit, ut pabulationem faciliem habeant, & infaustum Varnæ locum evitent.

Obiter hic errores nonnullorum detegam, quod non minus gratum, quam utile lectori futurum puto, idque alibi etiam me fecisse memini. Jovij igitur insignis error est, quod Walachiam & Moldaviam describens, easdem plane confundit, ambiguo Polonorum verbo deceptus. Aliorum non minor est error, qui Walachiam eam provinciam, quam Ungari Transalpinam minorem, nominant; quæ si cum Moldavia conferatur, ma-

jor

jor potius dici merebitur. Hi quoque credunt Walachiam, quam Turcæ Islakiam vocant (sumpta denominatione ab antiquis Flaccis Romanis) iisdem etiam Bogdaniā & Carabogdaniā dici. Siquidem eo nomine Turcæ Moldaviā intelligunt; vel quod eo genere frumenti, quod Turcicum vel Saracenicum vocant, abundet: vel quod unus ē Moldaviæ Principibus, quibus cum Turcæ bella gesserunt, Bogdano vel Theodorus seu Adeodarus fuerit appellatus, addito vocabulo Cara, quod nigredinem significat. Moldavia etiam à Davis primis inhabitatoribus nomen accepit, & à mollitie atque fecunditate glebæ & terræ potius, quam à nigredine: unde falso alicui Mori Davia vocatur.

Sed ut ad Poloniam revertamur, responsum hic subicere lubet, quod Cancellarius ejus regni Sinano Bassæ, tributum pro Imperatore poscenti, non ita pridem dedit. Ille enim per nuncium quendam Cancellario denuntiabat, ut citra moram tributum, quod prætendebat, solveret; quod si facere renueret, se continuo ipsum à limitibus regni ad mare usque glaciale expulsum Huic postulato Cancellarius responsum dedit: se videlicet nō expectaturum, donec Sinan ipsum aggrediatur in patria, sed ubi vim contra se parari intellexerit, se Turcicum territorium invasurum, & Danubij littora ab utraque parte muniturum, ut transitum amplius quo velit progrediendi liberum habeat.

Et hæc quidem est Dacia illa Ripensis, quæ, ut habet Procopius, à Romanis munita fuit. Vnde Zosimus Constantinum graviter reprehendit, quod propugnacula illa ad Danubium constructa negligeret. Quorum vestigia apparent adhuc in Roscie, Vidimo, Nicopoli, Silistria, & alijs in locis quæ hodie à Turcis possidentur.

XCVII. Quomodo Moscovitæ, ut bellum Turcæ inferat, persuadendum sit.

Quomodo Pontifex Romanus à Turcis & Persis vocetur.

T 2

De

De Califa.

Cur Turcæ Moscoviæ ducem timeant.

Quomodo Moscovitæ ad religionem Romanam converti queant.

Quid Legati Moscovitæ Imperatori nostro renunciarint.

Turcicus Imperator Pontificem Romanum non modò pro capite Principum Christianorum agnoscit, penes quos ea polleat autoritate, ut facile quosvis contra se in bellum protrahere & firmo fœdere conjungere valeat: verùm etiam pro temporali Principe illum habet, propter dominium quod in Italiæ aliquot regionibus non infimi nominis possideat, eumq; Franchbeg, seu Principem Italiæ, & Rumbeg, seu Romæ Principem nominat. Persæ vero Rumscali dicunt. Halife vel Chalifa ipsis vocatur, qui supremum locum inter ipsorum sacerdotes obtinet.

Veretur igitur Turcæ, ne Pontifex magni nominis legatum ad Moscoviam mittat, cujus opera inter eum Principem & Imperatorem pax sanciatnr; vel ipsi saltem persuadeat, ut Tartaros in Ungariam proficiscentes transitu prohibeat; quod qua ratione fieri possit, superius demonstravimus.

Abhorrent quoque Turcæ à Mosci armis (quem Czar vel Cæsarem Moscovitæ nominant) tum quod subditis suis absolute imperet, & solus sit qui eam ob rem cum Turcico Imperatore conferri possit: tum quod in recenti adhuc memoria teneant clades, quas sæpiissime à Moscis acceperunt Turcæ. Maxime vero, cum non ita pridem Tanaim cum Volga fluvio conjungere cogitarent, Mosci cum Tartaris Præcopensibus maxima clade ipsos affecerunt. Habent enim & Turcici Imperatores commentarios rerum à suis majoribus gestarum.

Sed & alia subest causa, cur Turcæ meritò Moscovitam suspectum habeat; ne videlicet de unione quadam inter ipsum & Pontificem in religionis negotio ineunda tractetur. Quod sub Adriano VI, Leone X, & Clemente VII, fuerat tentatum; ut Albertus

bertus Campensis scribit, & Antonius Possevinus Jesuita in libro de Moscovia, quem Gregorius XIII ad Johannem Basilidem Ducem Moscorum eandem ob causam misit, occasione sumpta à bello, quod tunc Johannes cum Stephano rege Poloniae gerebat.

Suspiciatur etiam, ne Pontifex Moscovitam Generalem & caput omnium, qui religionem Græcorum sequuntur, constituat. Quod si fieret, periculum foret, ne Græci qui sub Imperio Turcico vivunt rebellionem excitent, ipsique se jungant. Neque hæc res alias difficultates habitura esset, præter summam rerum ignorantiam, quæ passim in Moscovia grassatur; ubi nemini libere conversari, & Evangelium de Christo prædicare licet.

Nostrium erit Deum sollicite precari, ut è tenebris densissimis, quibus adhuc istarum gentium animi obæcati tenentur, ad clarissimam Evangelij lucem eas vocet, & Principi, qui nunc regnat, mentem Basilij illius inspiret, qui operâ Johannis Daniae regis à Julio II Pontifice petijt, ut ad Concilium legatos mittere sibi liceret.

Hanc suspicionem auget, quod Maronitæ qui in Syria Libanum montem incolunt Pontifici se subjecerint, à Jesuitis ad id persuasi. Quorum exemplum & Russiæ Episcopi nonnulli & ipsorum subditi, operâ Sigismundi II regis Poloniae, ante paucos annos secuti sunt; ut Cardinalis Baronius in Annalibus Ecclesiasticis scriptum reliquit. Hæc conversio tantò majoris facienda, quod opera & ministerio horum Episcoporum vicini Moscovitæ facilius ad eandem religionem converti poterunt, perque Moscoviam citra magna pericula & immensos sumptus in Asiam ad prædicandum Evangelium Christi liber aditus patebit.

Denique etiam hoc Mahumeres vcretur, ne quoties Cæsar strenue contra Turcas bellum gerat, Moscovita arma quo-

T 3

que

que capeſſat; quod eius legati ad Cæſarem cum ampliſſimis muneribus proxime miſſi ultro obtulerunt.

XCIIIX. Qua ratione Pontifex efficere poſſit, ne Tartari Turcæ auxilium ſerant.

Cur hæcenus minori, quam ſperabant Turcæ, numera comparuerint.

Alipe Han tractatio cum miniſtris Pontificis.

Cur Vſbegh Han ab Amurathe offenſus fuerit.

Lites inter Alipe Han, & ſeius fratrem Harack.

TARTAROS quod attinet, tum qui liberi ſunt tum qui Tartaro Crymæo parent, de ijs quoque Turcicus Imperator ſubueretur, ne Pontifex legatos, qui autoritate & iudicio valeant, ad eos mittat, & præcipuos eorum duces pecunia corrumpat, ne in ipſius gratiam in bellum proficiſcantur: quod in Helveria ſæpius cum fructu tentatum & machinatum fuit. Qua in re Pontificis nomen aperte publicare & profiteri expedit. Siquidem Tartari de ipſius theſauris, & autoritate maxima quævis ſibi pollicentur, eoque facilius ipſi gratum facturi ſunt. Quos etiam à Cæſare & Transſylvano pecunia corruptos fuiſſe Turcæ ſuſpicantur: quod ea multitudine in Hungaria non comparuerint, quam promiſerant.

Scio etiam quosdam noſtrorum fidem huic famæ dediſſe, ſed deceptos fuiſſe inde conſtat, quod Alip Han cum Nuncio Pontificis tractarit, ut contra fratrem Hirach ipſi auxilium impetraret, quò in tranquillo rerum ſuarum ſtatu permanere poſſit. Cum igitur domi negocium ei crearetur, copioſum exercitum extra regnum mittere non voluit. Alij huius rei cauſam eò referunt, quod Tartari ab Amurathe graviter offenſi fuerint, in paciſ tractatione cum Perſa inſita. Quam nunquam illi fieri volebant, priuſquam tantum territorij Perſæ ademiſſent, quo liberè è ſua regione Mecham uſque contendere poſſint, ne Turcicas

cicas ditiones attingere cogantur. Sed horum error in eo deprehendi potest, quod non Tartari Crymæi, sed illi qui Vsbeg Han obediunt, gravissime ab Amurathe fuerint offensis, non propter causam modò dictam (quod Turcicas ditiones necessario transire cogantur, qui ex Tartaris Mecham tendunt, et sitotum Persiæ regnum sibi subjecissent) sed quod in ea pace ab Amurathe nulla ipsorum ratio habita, sed maximo cum suo detrimento neglecti fuissent.

Minus vera adhuc fuit ratio, quam absentia suæ ipsimet Tartari apud Turcas prætexerunt, quasi à Moscovita impediti & retardati fuissent. Constat enim inter ambos illos fratres mutua exorta fuisse odia & contentiones. Alipe Han regnum avirum conservare, Hirach eum inde pellere conatus est. Vnde tota illa regio tumultibus & factionibus repleta & agitata fuit; ad quam defendendam pars utraque quas potuit vires collegit. Alipe quidem etsi rebus ille præsit, non omnibus tamen Tartaris imperat. Neque Hirachi imperium alij, quam quorum ipse in hoc bello dux est, agnoscunt. Quem etsi quidam putant fore ut de fratre triumphet, quod Mahumetes severe omnibus edixerit, ut huic soli obediant, & hunc pro rege agnoscant, ipsumque in bellum sequantur: attamen qui in rebus Tartarorum melius sunt versati, eosque exactius norunt, contrarium statuunt, non modò quod etiam inter Barbaros illos jus naturæ valeat & observetur, sed potius quod Hirach à suis parum ametur, siquidem avarus, & neque judicio neque fortitudine præditus sit.

Ultimo loco etiam hoc Turca videtur timere, ne scilicet Pontifex & Hispanus terra marique ejus ditiones ad seditiones irritent, ut ea ratione præcipuas ipsius machinationes invertant, atque in nihilum redigant.

Quod cum plurimis modis fieri possit, operæ precium me facturum puto, si quod res est breviter indicavero:

XC/X.

XCIX. Turca veretur, ne ad *SEDITIONES* ipsius subditi concitentur.

Quibus modis & quo prætectu uti debeant, qui ad hoc negocium perficiendum à Christianis Principibus emittuntur.

PPRIMUM Christiani Principes, & inter hos Pontifex præcipue, varias in regiones Turcæ subiectas ministros emittere poterunt. Quibus ut major habeatur in excitanda rebellione fides, ij eligendi erunt, qui originem ex ea ad quam mittuntur regione trahunt. Inprimis vero decet, ut linguæ sint periti, quo ipsi intelligant alios & ab alijs ipsi quoque intelligantur: ut iudicio valeant: præcipue vero ne pecunia ipsis desit, qua Principes populorum cum quibus tractant corrumpere possint, potentioribus verò remunerationem amplam & splendidam promittendi potestatem habeant. Tandem ut eo facilius in regiones illas admittantur, neque citò expellantur, convenit, ut omnes suas actiones religionis prætextu regant. Non ut serpentem sub herba abscondant, quemadmodum perversi Politici solent, sed ut semen verbi divini inter spinas errorum densissimas spargant. Eo utentes prætextu, quasi Ecclesias in Tartaria, vel Circassia, Bulgaria, Walachia, Moldavia aut Græcia restaurare velint.

Præterea cum territorium Turcicum, illud inprimis quod in Europa possidet, partim à Turcis naturalibus vel ijs qui Christianam fidem ejurarunt, partim à Christianis incolatur, non abs re Mahumetes veretur, ne aliquando seditio inter ipsos oriatur. Inprimis vero si exercitus ipsius à Christianis in fugam verteretur, vel præcipui quidam ipsorum duces ære corrumpentur. Inde sane rebellio generalis existere facillime possit, cum maximo ipsius damno, ne dicam interitu. Quo stratagemate Cæsarem devicisse quondam Iubam legimus.

Vt vero melius intelligantur, quæ de rebellione excitanda diximus, convenit, ut qui sint illi populi, quos modò nominavimus, amplius explicemus.

C. De

C. *De Turcis naturalibus, quare animis exulceratis sint.*

TURCÆ NATVRALES, seu qui è priscis istis Turcarum gentibus originem trahunt, etsi ingenij bonitate ijs qui fidem Christianam ejurarunt præstent, pessime tamen contenti sunt. Ut exigua opera ad rebellionem excitari possint, si ejus rei ducem opportunum nanciscerentur. Causa irarum inde procedit, quod omnia militaria officia, in quibus & honores & divitiæ in illo Imperio positæ sunt, inter Renegatos distribuuntur; paucissimis exceptis, quibus ex singulari gratia, vel Sultanarum filijs aliqua conceduntur. Inde evenit, ut nihil magis honestum, inter omnes qui se Musulmannos vocant, reperiatur, quam Imperatoris mancipium vocari, nihilque infamius sit, quam Turcæ adpellatio, quæ rusticum denotat. Quemadmodum Græci sub voce Nomadis, cum qui in Numidia natus erat, & rusticum intelligebant: hinc enim & Strabo Scythas Nomades vocat. Unde non incommode modernus quidam scriptor animadvertit, eundem morem apud Turcas observari quem Itali habent. Ubi enim hi in suis Comœdijs Zanos introducunt, qui rustici sunt Bergomates: sic illi in suis fabulis Turcam habent, sub quo hominem rudem incultum & rusticum repræsentant. Alij vocem hanc ab Hebræis derivant, qua exulem significari volunt; propter easdem rationes, ob quas Tartari se nominant reliquias, qua de re vide superius.

CI. *De Turcis qui fidem Christianam ejurarunt.*

SI TURCÆ, QUI FIDEM CHRISTIANAM EJURARUNT, ea gratia à Deo illuminarentur, ut recognoscere possent quam præstans & singulare bonum amiserint, non est dubium, quin statim rebellionem excitarent, & Turcicum Imperium protinus subverterent. Siquidem penes hos solos & autoritas & divitiæ, quas & fides & obedi-

V

entia

entia subditorum necessario sequitur. Sed cum ingenijs corruptissimis præditi sint, ipsisque liberum sit in omni ferocia ac licentia plusquam belluina vitam agere, atque absolutam quidvis agendi & designandi potestatem habeant, malunt hac infami libertate gaudere, quam rebus novis studere.

CII. *Quomodo Christiani à Turcis vocentur.*

*De Græcis, Armenis, Georgianis, Iacobitis, Aethi-
pibus & aliis.*

Judicium Solymanni de Hæreticis.

Rebellio in regione Plana sub Gordano Vvaivoda.

CHRISTIANI à Turcis *Chiauri* id est gentiles & infideles dicuntur, idque propter multitudinem rituum variorum & diversorum, quos præcipue ij qui in Imperio Turcico vivunt observare solent. Miseri enim cum ignorent unam esse Ecclesiam, unum Baptisma, atque unicam fidem; Græcorum alij; alij Latinorum ceremonias habent.

Sed de his qui à Græcorum religione desciverunt, ut sunt Georgiani, Armenij, Aethiopes, Iacobitæ, atque alij, qui sub Turcico Imperio in Asia Africa & Europa habitant, dicere supersedeo, quod alij ante me prolixius de iisdem scripserint: Tum etiam quod res sit difficilima, ut hi propter ipsorum diversos mores, & longinquitatem regionum ad concitandam rebellionem instigari possint; unde Turcico Imperio aliquid damni creati possit.

Etiam hæreticos omitto, qui è varijs provincijs in Turciam se contulerunt, ut majori libertate fruerentur & venena sua spargere possint; siquidem & Turcæ eos detestantur & abhorrent, quod turbatores sint publicæ tranquillitatis (quemadmodum Solymannus ad reginam viduam Transylvaniæ olim perscripsit) & hi parum aut nihil ad præsentem rem quam tractamus conferre queant.

De

De ijs tantum *Græcis* dicam, qui nostro proposito conducunt nulla religionis habita ratione, quid de ijs sperare possimus, quod rebellionem in regno Turcico promovere velint, ostendam. Græci itaque naturæ quodam stimulo imperij cupidi, novitatis procul dubio sunt avidissimi, siquidem præter modum à Turcis omni crudelitatis genere premuntur, rebellionem non inviti amplectuntur, quâ sperant tanquam ultimo remedio se jugum immanissimæ hujus tyrannidis & servitutis excutere posse. Maximè vero seditioni studere videntur, qui Peloponnesum & Thessaliam aliasque regiones ad mare sitas incolunt; quod auxilijs peregrinis facile illis subsidio veniri possit. Sed hos omnino hoc studio superant Serviani, qui ab Albanæ montibus ad Danubium usque habitant. Inter hos varijs nominibus adpellantur, qui Dardaniam incolunt, videlicet, Piperi, Cucci, Clementes, Bellopauligi, & alij in regione Plana. Ex his multi Albani more Romano vivunt, neque adhuc sub jugum Turcicum plane missi sunt, quod loca munita, & præcipitia montium habitent, ipsi vero natura ferocissima præditi sint. Hujus rei illustre non ita pridem ediderunt specimen, tyrannidi Turcicæ subtrahere sese volentes. Cum enim fama ad ipsos manasset, Mahemetem ad Agriam victum & cæsum fuisse, rebellant & arreptis armis Turcarum, quos in suis regionibus reperiebant, maximam ediderunt stragem, duce Gordano Waivoda, atque ulterius progressi fuissent, nisi contrarium mox intellexissent. Pessimè igitur contenti latibula sua & montes repetierunt.

CIII, Cautela quedam in seditionibus movendis observanda.

Cur Turca Abyssinorum regi fere totam provinciam Bernacassi eripuerit.

Quomodo Chimeriota & alij à Turcis fuerint puniti.

V 2

De

SED hæc res inulta non mansit. Siquidem à ministris Turcicis severissime fuerunt castigati, unde non modo magis perterriti, sed etiam gravioribus supplicijs continuo oppressi. Duces quidem capite plexi; reliqui filijs orbat, alij occisi, & quod supererat facultatum & pecuniarum, exiguum licet, omne tamen ipsis ademptum fuit. Hinc adparet verissime Joannem Boterum in Africæ descriptione, & Antonium Brunum in tractatu de Beglerbegatu Græciæ scripsisse, difficilimum esse tale quippiam tentare, nisi adsint vires ad continuandum, & modi ad producendam rem ad felicem exitum. Alias enim scilicet crabrones, ut habet proverbium, excitantur, hostes irritantur, & enses ipsis ad feriendum in manus traduntur, atque adeo ipsis autoribus nocentissima, & ijs qui eos sequuntur periculosissima omnis ejusmodi actio esse solet; maxime verò si omnia, quæ occurrere possunt, non recte considerentur, vel consulantur, aut justo & opportuno tempore incipiantur.

Quod quam verum sit, in *Abyssinorum rege* non ita pridem vidimus. Cui Turca fere totam Barnagassi regionem ademit, quod Lusitanis faciliorem in mare rubrum aditum concessisset, ab ejusque ministris naves Lusitanorum receptæ, & omni re necessaria contra Turcas adjunctæ fuissent. Ab eo tempore Arabes muniverunt & occluserunt suos portus, quia antea omnibus patebant.

Idem quoque *Chimeriota*, quorum superius memini, experti sunt. Ab Athanasio enim Lichnidenſi (hodie Ochrida dicitur) Episcopo persuasi rebellant: cum sperarent ab Imperatore (cum quo Athanasius se conspirasse dicebat) & Hispano auxilia sibi missum iri. Tandem multis suis damnis, & conditionibus durissimis Turcæ reconciliati sunt.

Nec

Nec dissimile accidit nostro tempore Ducatis ipsorum vicinis, qui à Pitro Bassa cum Sangiachatui Deluini adhuc præfesset, pessime tractati, tandem in Nerho fuerunt transpor-
tati.

Et ut alia antiquiora omittam, ea quæ Coronæ, & Castelnovi sub Caroli V. imperio contigerunt, quæ in Clissæ occupatione non ita pridem facta sunt, consideremus. Nam donec Cæsarianos in arce illa occupanda sibi affuturos Murlachi credebant, fortiter sese gesserunt, licet pauci numero fuerint. Verum illi conspecta ea paucitate militum, quorum copiam multo maiorem sibi polliciti fuerant, e montibus in subsidium Turcarum progressi, ipsummet Lencovicium Cæsarianorum ducem aggressi sunt, & in fugam compulerunt; palam profitentes, se Turcico Imperatori fidem debitam servaturos.

CIV. De Latinis exteris.

Cur Amurathes Christianos qui Constantinopoli morantur occidere voluerit.

De Caffalucchiis.

Quomodo bellum civile in Turcia excitandum.

Quomodo varij libri & scripta in Turciam spargi possint, qui Turcis errores, in quibus hærent, detegant.

De Sophilariis & Erdevil.

Confessio & mors notabilis aulici cujusdam juvenis.

Laudantur illi principes qui ejusmodi libros imprimi curant.

Sed ut ad eas gentes revertar, quæ in Turcia habitant, Superest, ut de LATINIS aliquid dicamus. Quorum aliqui tantum peregrini eas regiones frequentant, alij continue ibi morantur. Illi mercaturam vel suo vel aliorum nomine

nomine exercent; & parum Turcis officere poterunt, cum neque ducem habeant neque arma, & paucissimi sint atque hinc inde per regiones sparsi.

Quidam Latinos, qui Constantinopoli vivunt cum alijs Christianis ritibus tamen differentes, conjungunt, eosque putant maximam atque Turcis perniciosissimam seditionem machinari posse. Siquidem in ea urbe majoris fori copia, quam Catri Aleppi vel Ecbatanæ quæ Tauris hodie, aut quavis alia urbe reperiatur. Perâ tamen conjunctâ, quæ fere à falsis Christianis incolitur; paucis Cassalucchis seu Theodosianis, qui è Cassa seu Theodosia à Mahemet eo deducti fuerunt, exceptis. Quare tanto facilius coire propter vicinitatem, & armis sibi prospicere posse videntur: sed hisce Turcæ diligentissime Christianos istos spoliare solent, ut rebus suis tanto melius consulant. Hinc regnante Amurathe, qui proxime mortem obiit, factum est, ut qui tunc Constantinopoli fuerunt Christiani vitæ periculum adierint; accusati videlicet, quod in aliquas urbis plateas signem immisissent; quo flagitij genere falsò quondam sub Nerone Christiani quoque inculati fuerunt. Jusserat igitur Amurathes, ut passim nullo habito personæ respectu in frustra eos dissecarent Janizari. Sed horum Aga Turcico Imperatori, quantum periculum propter eorum multitudinem sententiæ hujus executio adlatura esset, demonstravit; tum etiam quod tributa immiuerentur, & jus gentium violaretur. In Christianorum ergo vicem mulieres quædam Hebrææ, quæ Amurathi hoc consilium dederant, occisæ fuerunt.

Alij putant, præter Turearum suspicionem, ministros quosdam sub negationis prætextu in ditionibus Turcicis, Constantinopoli vero imprimis, constitui posse, qui donis liberaliter alios corrumpant, aliorum ambitionem foveant, vel iras & inimicitias inter præcipuos Bassas excitent, & civile bellum

bellum accendant. Quod non ita pridem facillime evenire potuisset, si quis sedulo æmulationes & inimicitias Bassarum fovisset promovissetque, Ferati videlicet & Hibraimi, Pirri & Mustafæ, & Mehemctis, atque ultimè defunctorum Sinani & Ferati; vel illas etiam, quæ adhuc inter Cicalam & Hibraimum viventes gliscunt. Sed hoc negotium Principis potentis divitias requirit, & ministros qui judicio & prudentia valent. Minus vero difficultatis hæres habitura esset, si plures fratres eodem tempore ad imperij culmen aspirarent; quod sub Mahemetis, Bajazetis & Solymani filijs evenit, vel si naturali & legitimo hæredel imperium hoc destrueretur.

Et cum duobus modis hominis voluntas, eò quò volumus pertrahi possit, vel vi coacta vel rationibus persuasa: nonnulli putant, rebellionem in Turcico imperio non solum modis supra dictis excitari posse, verum etiam si Turcis, qui fidem Christianam ejurarunt, & Janizaris inprimis, partim ipsorum ortum & nativitatem, atque etiam Baptismum quo fuerunt initiati, ante oculos quis poneret, partim vero nugas & fabulas Alcorani à Cardinale Cusano & alijs descriptas ostenderet. Multo tamen commodius libri ea de re lingua Slavonica & Arabica conscripti illud efficient; quod Johannes Andreas Maurus & Alfacquius ex urbe Sciativa ortus fecerunt. Qui Slavonica lingua scripti erunt, in Europa spargantur. Qui vero Arabica, ab Indis Mozambicam Africæ ditionem usque; vel Zofalam & Quiloen Asiæ provincias; vel in Moluccas, in Covien, Goa, Dium, Ormuz, & alias urbes, quas Turcarum mercatores frequentant: vel in Oran aut Arzila aliaque loca Hispanis subiecta; vel denique per loca Ethnicorum amicorum, & confœderatorum, videlicet Calicut Zeilam Cambaia, ad Turcas deferantur; quin & in omnes Europæ partes, quæ Turcas attingunt; quo in noticiam ipsorum perveniant. Quod si forte libri ejus-

modi

modi penes Turcas eundem effectum, quem apud nos, qui rerum novarum sumus cupidi, non habeant, quod ab ijs Turcæ magis abhorrere videantur quam nos, qui ijs curiose studemus: magni tamen alicujus boni occasionem aliquando præbere poterunt, si quis potens novæ cujusdam sectæ autor existat, qui maxima copia affeclas undique sibi conciliet. Quod in Germania Anglia & Gallia contigisse novimus, atque adeo inter ipsos Turcas in Africa, & in Persia inter Sophilarios; qui Ali sectam, qui quartus Maumeris prophetæ socius numeratur, sunt amplexi, quæ postea ab Erdevil fuit renovata, quem Iovius Arduelem vocat, eumque patrem Ismaelis, cui Sophi cognomen fuit, constituit. Nec silentio mihi prætereundum, quod non ita pridem sub Amurathe Constantinopoli contigit. Quo regnante quidam ex juvenibus qui in Seralio enutrientur, occasionem legendæ sacræ scripturæ nactus, errorem quo irretitus tenebatur, inspirante gratia divina agnovit, & in conspectum Amurathis perductus ei aperte in faciem dixit, si damnationem æternam evitare velit, ut impiam superstitionem Mahemetis abjiceret, & contritus toto corde Iesu Christi fidem amplecteretur. Cumque propter hanc loquendi alacritatem & audaciam, tanquam ob enorme scelus, condemnatus esset ut vivus palo ferreo transfigeretur publice, tam audacter eandem vocem ad populum protulit, ut complures permoti & divino spiritu incensi indignissime ejus mortem tulerint, itaque commoti verbis injuriis & minis Amurathem fuerint infecuri; ut nisi Janizari ad primum statim plebis impetum præsto fuissent eumque cohibuissent, dabo procul seditio periculosissima in ea urbe consecuta fuisset. Maxima igitur laude Hetruriæ ducem dignissimum judicamus, quod plurimos libros utiles & bonos literis Arabicis imprimi curat, qui in Africa & alibi disseminantur.

nentur. Quæ res etsi non ita pridem ab Antonio de Flores Neapolitano opera Sirissi fuit impedita; futurum tamen, ut effectum aliquando sortiatur, quem Gregorius XIII. & qui nunc vivit Pontifex aliique boni sæpissime exoptarunt, speramus.

*CV. De Albanis & Latinis, qui in regionibus Turcicis vivunt.
De Ducaginis, Preferemo, Giustendil, & duabus Justinianis.*

Sed cum inter Christianos, qui in Turcico Imperio continuum habent domicilium, maxima ALBANORVM copia sit, de ijs aliquanto prolixius mihi dicendum erit.

Albani nonnulli Latinorum, alij Græcorum ritus observant. Non modò Albaniam incolunt, quæ ab occasu Olchinio urbe (vel Dulcigno) & Labeatide palude, seu Lago di Scutari finitur, ab ortu vero Bastia, quæ Corcyræ insulæ opposita est; sed etiam in alijs Peloponnesi & Græciæ locis habitant, quò vel belli occasione, vel ab Imperatoribus Orientalibus seditionum cavendarum causa transportati fuerunt.

De Albanis qui Latinorum religionem sequuntur, scribit Brunius ipsorum compatriota in Tractatu superius allegato; eos optime armis instructos, & fide sincera Christianam fidem servare, semper strenuissimos ab omnibus habitos, & propter continuos ipsorum motus Turcas pessime sibi ab ipsis timere. Propter causas scilicet quasuis minimas tumultuantur, non modò qui in planitie verum etiam qui in montibus habitant. Qui tamen inviti postea ad officium redire animosque submittere coguntur, cum soli Turcis resistere non valeant, minusq; etiam Christianis vicinis, à quibus plus sæpius damni patiuntur, propter continuas deprædationes, quam à Turca, assimulatione fidelitatis. Sangiachi quoque sæpius iplis rebellandi occasionem præbent; vel ut prædas

X

ex i-

ex ipsorum ditione agant, vel ut sese ulciscantur; aut iustam causam domi manendi habeant ne in bellum proficisci cogantur. Eum in finem & Sangiachus, qui in Ducaginis refidet, nunquam inde se commovet, sicut & Angeli Castri præfectus; eo videlicet prætextu, ut domi regionem à Christianorum incurfionibus saluam conseruet.

Ducagineses in monte Scardo habitant, qui ad confinia Perenopolis (hodie *Preferemo* dicitur) in Dardania positus est. Hæc urbs ad Albanæ limites sita, maiori ex parte ab Albanis quam Servianis inhabitatur. Errant igitur, qui hanc cum *Guistendil* eandem esse putant, quod trium dierum itinere hæ invicem distent, in eadem licet provincia sitæ. Errant quoque qui *Guistendil* primam non vero secundam Iustinianam esse putant; quique *Preferemo* vel *Guistendil* Iustiniani patriam statuunt, quem *Lychnidi* seu Iustinianæ primæ, quæ hodie *Ocrida* vocatur, natum esse, multis argumentis probari potest.

Qui à via regia & trita longius habitant, eos montium asperitas tuetur, quò minus tributa soluere cogantur. Mons vero, quem incolunt, *Niger* dicitur; quo nomine plurimi alii in Turcia nominantur.

Albania, qua parte ad mare Adriaticum vergit, altissimis montibus clauditur. In meditullio plana & multis atque maximis fluviis irrigua. Quibus pedites impediuntur, quo minus se, cum volunt, cum reliquis Christianis, qui ibi habitant coniungere possint; Equites non habent; neque tenent rationem pontium construendorum. Loca munitiora in Turcarum manibus sunt, à quibus nullo firmo præsidio custodiuntur. Quod (inquit *Brunius*) ideo dicere libuit, ut opinionem eorum refellamus, qui hæc gentes sine exterorum subsidio egregii quippiam præstare posse contra Turcas existimant, quique putant illis famam Italiani

lici vel Hispanici auxilii vexillo tantū sublato ad ſeditionem movendam ſufficere; quemadmodum Ludovici Mediolanenſium Ducis legatus Carolo VIII Gallia regi demonſtrarat. Utinam hæc aliquando eveniant, ſed abſque miſerorum iſtorum damno & periculo! neve opportunitas in poſterum quippiam efficiendi inde omittatur.

Et hæc quidem de Turcis naturalibus, Renegatis ſeu Apoſtatis, Grecis, & Latinis qui in Turcia commorantur, dicta ſufficiant.

CVI. Quomodo Turcarum loca maritima occupari poſſint.

VLTIMO denique loco Turcicus Imperator veretur, ne Hiſpani naves, quas in regno Neapolis in Sicilia & Genuæ in ſtatione habent, cum Pontificis Melitenſium Florentiæ & Sabaudia Ducum navibus conjungantur; quæ claſſem haud contemnendam efficerent, qua ex improviſo ſecundo vento ſpirante, vel Caſtellum novum, vel Velonam vel alia Albania loca aggrediantur, & occupent. Quod ſi Venetæ Reipublicæ hac in re parcerent (quæ imperium maris Adriatici ſibi vendicat, propter rationes, quas recenſet Hieronymus Bardus) Peloponneſum invadere, vel Dardanellos (qui ſunt Sæſtus & Abydus) vel alium quempiam magni momenti locum eius imperii adorniri poſſent.

Quod equidem diligentiffime ponderari debet. Ideoque in gratiam benevoli lectoris, qui forſitan ſitus & munitio-
num horum locorum perfectam cognitionem non habet, ſpeciatim quid dicam; ut quinam commodiffime oppugnari, & qua ratione facilime expugnari poſſint, intelligatur.

*CVII. De Caſtel novo, & propugnaculo Varbago, quod à Soran-
zio fuit everſum.*

CAſTELNOVVM in Aſcruvii canali, qui hodie di Catharo dicitur, ſitum eſt. Huius ingreſſum anguſtiæ
X 2 quadam

quædam ostii difficilem reddunt. Vbi non ita pridem à Iacobo Soranzio Venetæ classis imperatore (Proveditorem ipsi vocant) propugnaculum Varbagno, quod Turcæ ædificarant, eversum fuit.

Ad hunc locum expugnandum cuniculis res agenda esset: sed è regione finitima facile ab hostibus subsidio veniri potest. Ab Hispanis quondam occupatum fuit, sed contra furorem Barbarossæ diu illud retinere nequiverunt: magnam tamen apud Turcas laudem (ut ex ipsorum annalibus patet) Hispani hinc sunt consecuti.

CIIX. De Velona & promontorio Sanctæ Mariæ.

VELONA, quondam Aulon navale dicta, in Albania ad extremitatem maris Adriatici sita est, è regione Apuliæ promontorii S. Mariæ, quod olim Iapygium dicebatur, & 60 miliaribus Italicis Hydrunto distat. Portum triremium capacem omnino non habet, nisi ad tria milliaria proxima. Introitus defenditur paludibus stagnis & salinis. Propugnaculum non est adeo bene munitum. Ad illud tamen occupandum duo prius castella è medio tollenda essent; alterum in planitie positum oppido fere contiguum, opera Pignatelli Neapolitani exulis constructum: alterum in alto situm, miliarium unico ab urbe distans; quod Canina vocatur, & à Turcis incolitur, Christianis inde propter suspicionem pulsus.

CIX. De Albania.

ALBANIÆ reliqua loca quæ occupanda forent, vel in meditullio sita sunt, vel ad mare quæ tamen portus non habent. Regionis incolæ à majorum virtute plurimum degenerarunt. Qui licet quondam fortissimi contra Turcas extiterint, maxime vero sub Georgio Castriota seu Scanderbeg, idem tamen nostro tempore præstare non possunt, quod

quod non modo hostis domi ipsis imperet, sed fere nunquam ab ipsorum latere discedat; quod tunc temporis aliter sese habebat. Hodie etiam ad exiguum numerum redacti sunt; & ducem non habent, qui fortis prudens & rerum Turcicarum sit peritus, locorum regionis gnarus, & ab incolis pariter atque militibus ametur.

CX. De Dulcigno & Scutaro.

VRbs DULCIGNO, quondam Olchinium, seu Colchinium vocata, classe oppugnari potest. Nam licet portum non habeat, tempore tamen minus tempestuoso milites ad plana littorum navibus actis exponi possunt. Situs ratione fortissima est, sed majori ex parte vi terræ motus concidit. Igitur si occupatam nobis reservare vellemus, novis propugnaculis munienda esset. Hanc SCOARA sequetur, quæ Scutari hodie dicitur, arte & natura munitissima: tam negligenter vero custoditur à Turcis, ut tempore nocturno ex improvviso facile quis eam ingredi possit.

CXI. De Dyrrachio.

DVRAZZO vel Dyrrachium in planicie sita, non est adeo firma; sed tamen omnium commodissima foret, unde in hostem excursiones utiliter fieri possent, quod Italiæ sit propinqua, & in medio Illyrico sita, sed periculo tamen valde obnoxia circumsessionis hostilis.

CXII. De Morea, seu Peloponneso; & de optima cum Turca belligerandi ratione.

GRavioribus damnis Turcæ afficerentur, si Peloponnesum, vel MOREAM quis armata manu invaderet; quod ea regio in umbilico fere Turcici Imperii, illius quod est in Europa, posita sit, atque adeo bellum in Turciam ipsam

transferretur. Quem omnium optimum belligerandi modum veterum Duces præstantissimi iudicarunt. Quo Cyrus Cæsar Hannibal alique cum maximo commodo & emolumento rerum suarum usi sunt; quicquid alii recentiores contra dicant. Inde quoque futurum, ut classis Turcica domi detineretur ne nostris molesta esset.

CXIII. Thessalonica capta, quomodo Turcis noceri possit.

DEnique THESSALONICÆ, quæ Salonicchi dicitur, occupatio multis sane nominibus rebus nostris conducere. Siquidem in ea urbe copiæ exponerentur, quæ facillime inde ad reliqua loca, quæ ad viam Constantinopolitanam confita sunt, deduci possint, & præcluderetur dicta via Græcis. Quemadmodum Romani quondam fecerunt, & Alaricus Gothorum rex, qui postea cum solis triginta millibus armatorum ipsos in potestatem redegit Romanos. Huc conducirer, si eodem temporis momento Polonus & Transylvanus arma caperent, & superato Danubio Bulgariam devastarent, crebrisque excursionibus Constantinopolim usque penetrarent.

CXIV. Observationes quedam, ad executionem superiorum consiliorum pertinentes.

Consilium Haytonis Armenii.

Modus legitimus & verus, quo res magna in effectum facile mandari, & inimicorum arcana resciri possunt, ex sacris literis petitis.

Cur Principes eorum sapientius consilia sequantur, qui minus sunt prudentes & rerum periti.

VERVM, quo commodius omnia, quæ in hoc libro consilia de Turcis oppugnandis in medium fuere allata, in effectum ponantur, unicum & præcipuum hoc principibus nostris

nostris observandum erit, ut clam omnia & secreto agant. Huc facit Haytonis Armenii Monachi digna vox, quam tractatu suo de Visitatione terræ sanctæ inseruit. *Unicum*, dicit, *necessarium mihi commemorandum est, ut videlicet Christiani, quanto possunt secretius omnia sua consilia tractent, ne illi cum animi deliberationibus hostibus innotescant. Quia in re eum annis præteritis Christiani peccassent, multa mala perpessi sunt: hostes vero plurima pericula evitarunt. Hinc Christiani impediti fuere, quominus animi ipsorum desideria feliciter cesserint. Cujus rei, ut omissis Ethnicis exemplis, sacra tractemus, Iuditham legimus, ubi Holofernem occidere pio & generoso instinctu sibi proposuisset, quo Bethuliam urbem ab obsidione liberaret, non modo consilia sua nemini communicare voluisse, verum etiam ipsismet sacerdotibus in hæc verba respondisse: Vos nolo ut scrutemini actum meum, & usque dum renunciem vobis, nihil aliud fiat nisi oratio pro me ad Dominum Deum nostrum. Huius viduæ fidem & devotionem si nostris temporibus Principes sequerentur & imitarentur, non opus foret, ut de eventu felici suorum consiliorum dubitarent, vel anxie & curiose in hostium arcana inquirerent. Deus enim, qui nunquam eos deserit qui pro eius sanctissimi nominis gloria pugnant, rationes optimas novit servis suis hostium secreta manifestandi. Cuius rei exemplum in Elisæo habemus, cui divinitus omnia ea, quæ Syriæ rex nemini quam intimis suis nota esse volebat, fuere detecta.*

Insuper quoque necessario requiritur, ut classis Christiana certis quibusdam hominibus instructa sit, qui locorum, in quibus belligerandum est, sint peritissimi. Ne idem eveniat, quod Melitenibus equitibus, qui in occupanda Modone spe sua frustrati fuerunt, quod nesciverunt, post primum urbis ingressum pontem ipsis esse transeundum. Eiusmodi homines linguas nosse, iudicio fide & autoritate

V. A. G. G.

valere convenit; inprimis vero ut Reipublicæ Christianæ salutis sint studiosi. Quales nonnulli hodie reperiuntur, quibus executio rerum maximarum tuto concedi possit, si Principes eorum operam uti vellent.

Papa Iulius II Constantinum Cominianum hac de causa conduxerat. Pius V Olchinio evocarat fratrem Casparem Brunium, Commendatorem Hierosolymitanum, cuius operam bello maritimo contra Turcas & aliis rebus maximi momenti usus est. Sed in hoc sapius Principes nostros deceptos vidimus, quod munia eiusmodi hominibus ineptissimis commiserint; vel ex gratia quadam ea indignis elargiti sint; vel ijs qui sumptus minores ad bellum conficiendum postularunt, ut eo prætextu suæ ambitioni & avaritiæ satisfacerent. Interim sane detrimenta accipiunt Principes, & qui ipsorum causam promovere nituntur.

CXV. De Dardanellis, & quomodo Turcæ bello maritimo aggrediendi.

Quo spacio Dardanelli à se invicem, & Gallipoli atque Constantinopoli distent.

In summa veretur Turcæ, ne classis Hispanica Iunio mense Cæcia vento spirante soluat; sed posthabitis Patris seu Patrasso, quam superiori anno vastatam deprædata est: posthabita itidem Alexandria, quam tentare non ita pridem voluisse visa est: Africa etiam, quo classi isti facilis patet aditus, aliisque locis extra vel intra mare Adriaticum relictis (quæ nominare in præsentem mihi religio est, ne quædam arcana & historicis indicta per me detegantur, quæque tentari (quis scit?) aliquando possent, felicissimo eventu,) ex improvviso castella DARDANELLOS, qui sunt Sestus & Abydus, aggrediantur. Hæc antemœnium sive primorum instar murorum primum in Turcæ regiam aditum præbent, ideoque à
Mahe-

Mahemete II post Constantinopolis expugnationem egregie munita fuere. Cæcia igitur flante, paucissimis diebus eo pertingere potest, secuta ab hostium classe, si per sinum Lanciatum cursum dirigat. Quod si forte contingeret, ut nostræ in Turcicarum navium quæ in portibus in statione sunt conspectum venirent, eas tamen pro Turcicis atque adeo amicis habituræ essent. Non igitur prius expeditio hæc suscipienda, quam classem Turcicam portu solvisse certò constet. Non autem hoc dico, Dardanellis captis ipsamet Constantinopolim exiguo labore & tempore oppugnari posse (ut quidam scribere ausi sunt) sed tantum tamque immensum in ea urbe pavorem & timorem inde excitatum iri, ut non difficulter, exorto aliquo graviore tumultu, nostratibus ultrò ingressus aperiatur; maxime verò si clam prius conspiratio quædam facta, vel Turca insigni aliqua clade sive terra, sive mari affectus fuisset.

Sesto in Europam mons imminet, qui eam ubique superat. *Abydis* vero Asiæ Dardanellus in planitie sita est. Ambo propugnacula facillime expugnari possent, quod ædificia illa antiquo more sint constructa, in loco arenoso; ad maris scilicet litus, ubi montes ex arena congeri, & cuniculis perfodi possunt, ut Turcæ in more habent. Distant invicem plus uno milliari Italico: Gallipoli vero triginta, Constantinopolis centum sexaginta vel circiter.

CXVI. Quomodo Poloni Hungari & Transylvani in Turcicas ditiones excurrere possint.

De Taiflis.

ALIE quoque viæ patent, per quas Poloni Hungari & Transylvani terrestribus itineribus, in Turcicas regiones excurrere, & messis tempore alicuius momenti loca tentare possunt. Maxime vero si in ea loca cursum dirigant,
Y de qui-

de quibus illi nunquam antea solliciti fuerant, aut versus mare directo itinere, quo classis nostra ipsis subsidio venire posset. Sic apud Zosimum legimus, quingento tantum Taifilos, qui hodie Transylvani sunt & Walachi, sub Constantino Imperatore Constantinopolim usque maximo cum civium horrore excurrisse. Sed viæ de quibus magis sibi Turcæ timent, sunt, quæ Sophiam Adrianopolim & Philippopolim atque in regiones vicinas ducunt.

CXVII. Quomodo ex Italia pluribus itineribus in Turciam pervenire possimus.

VERVM ut Principes Itali de viâ, quâ è suis ditionibus in regiones Ottomannicas rectâ pergere possint, securi sint, protectiones legant Constantini, Licinii, Maxentii, Iuliani, Theodosii, Eugenii, Arbogasti, Theodorici Gothi, Odoacri Heruli, Alarici Gothi, & Attilæ; quos superius quoque recensui. Considerent etiam, quo itinere quondam Mithridates è Ponto & Scythia, seu Circassia & Tartaria, in Italiam pervenire decreverat: Regis Philippi Macedonis consilium de transfretando Adriatico mari: Romanorum contra Macedones expeditionem: Vespasiani ducum è Syria in Italiam reditum. Sed & primi Antonii, Mutiani, Boemundi atque aliorum, qui terram sanctam conquiverunt, itinera ex historiis petent.

CXVIII. Epilogi loco, Leonis X consultatio de bello Turcæ inferendo ponitur.

EPILOGI loco ex Francisco Guicciardino Leonis X consultationem de defensione contra Turcas instituenda, adducam.

Verebatur ille, ne Selymus Italiæ bellum moveret. Sacris igitur peractis omnibus Christianis Principibus periculum

lum imminens aperuit, eosque hortatus, ut se positis inimicitias privatis, religionis Christianæ, & propriæ salutis defensionem susciperent, animosque viresque coniungerent, ad aggrediendum hostem domi suæ. Bella interim ubique cessare iussit, inducias inter omnes Principes gravi sub censura publicavit: & ut maius pondus hæc res haberet, Cardinales autoritate & rerum usu pollentes ad Principes ea de causa ablegavit: Rem totam cum eorum oratoribus & legatis sæpius multumque consultavit: consilia virorum militarium exquisivit; cum iis qui locorum erant periti de regionum & provinciarum conditione, situ incolarum viribus & armis multoties contulit: tandem decrevit, ante omnia vim auri maximam congerendam, tum ex ordinariis Principum contributionibus, tum etiam ut omnibus Christianis hominibus certum aliquod tributum huius belli nomine imperetur.

Cæsar cum Hungarorum & Polonorum equitatu, iusto etiam exercitu peditum & equitum Germanorum, recto Danubii cursu in Serviam delatus, inde per Thraciam Constantinopolim petat, Gallus omnibus regni sui viribus instructus, Veneti atque reliqui Italiæ Principes, Helvetiorum peditibus adiuti, Brundisio in Albaniam solvant; ubi Christiani qui in Græcia habitant libentissime ipsis se coniungunt, durissimæ Turcicæ tyrannidis pertasi, & ad rebellionem promptissimi. Hispani Lusitani Angli naves suas in Carthagenæ portu & aliis vicinis congregent & coniungant, cumque ducentarum navium classe, Hispanis atque aliis militibus instructâ, Gallipolis fretum occupent, & Dardanellos capiant. Eo quoque Pontifex tendat, centum navium rostratarum seu triremium classe ex Anconæ portueductâ.

Hunc igitur in modum terrâ marique Turcarum potentia

potentiâ oppugnatâ, Deo feliciter annuente, prosperum
cuius belli exitum sperare possemus.

*CXIX. Conclusio totius operis, in qua de fœdere Christianorum
Principum contra Turcam incundo agitur.*


FAXIT Deus, ut omnes Christiani Principes, arcto inter
se fœdere inito, collatisque æqualiter sumptibus, omnia
sua consilia atque deliberationes eò dirigant, ut immanis-
simum hostem cum fructu adoriantur & devincant. Quod
difficilimum licet, propter peccata nostra & varias calamita-
tes quibus urgemur, non tamen impossibile futurum spera-
mus. Deus vero omnipotens ardentè nobis orandus & ex-
orandus est, ut oculis iusticiæ in Turcas respiciat atque illis
non amplius tanquam flagello ad puniendâ nostrâ delicta u-
tatur: sed saxo quasi divinæ suæ potentiæ superbum hunc &
inutilem colossum in minutissimas quasvis particulas com-
minuat; vel saltem, ut Principes nostros misericordiæ ocu-
lis intueatur, ipsorumque mentibus veræ pietatis ardorem
inspiret, ut vinculo charitatis devincti propriis utilitatibus,
aliisque quæ ipsis occurrere & officere possint rationibus post-
habitis, veram & solidam nec fictam societatem incant, ad
defendendam gloriam divinam & propriam salutem contra
omnes hostes promovendam, sibi que magnum illum Gotto-
fredum Bullionæum imitandum proponant, non modò,
quantum ad animi promptitudinem in capiendis consiliis,
verum etiam, si necessitas ita requirat ad proprias ditiones
dividendas, quò contra Turcas bellum continuare possint.
Quod Bullionæum aliosque magni nominis Principes maxi-
ma sua cum laude fecisse novimus: qui sancto inito fœdere
Hierosolymæ regnum infidelium barbarorum manibus
cripuere, totumque Orientem sibi
subiecere.


F I N I S

ACHILLIS
TARDVCCII
TVRCA VINCIBILIS IN
VNGARIA.

Nunc primum Latinitate
donatus

à
IAC. GEVDERO AB HE-
ROLZBERGA.





Illustri & Generoso Baroni

D. RICHARDO A STAREMBERG

DN. IN WVDSBERG ET RIEDECK

Domino suo omni observantia colendo

S. D.

DUrante bello Pannónico, Generose & inclite Baro, quod D. Rodolphus II Romanorum Imperator S. A. pro vindicanda & Turcarum faucibus Hungaria, & tot Christianorū millibus ab immaniſſima crudeliſſimorum Barbarorum Tyrannide liberandis, geris, varia doctiſſimorum & rerum bellicarum peritiſſimorum virorum conſilia, de bello proſpere contra hoſtes gerendo in lucem prodierunt. Quorum nonnulla iam olim emiſſa, & non ita pridem denuo reſuſcita, ad nos etiam longo ſere intervallo pervenerunt. Inter hæc omnia vero, facile principem locum obtinet Læzari Soranxi Ottomanus, & Achilles Tarducci Turca vincibilis: quibus addi poteſt Iohannes Thomas Minadous, qui hiftoriam poſtremi belli Turco-Perſici accuratiſſime deſcripſit. Detexerunt hi, quicquid arcani Turcicum imperium habuit, plurima ſtratagemata, conſilia, aliæque maximi momenti res, quæ noſtros latuerunt hæcenus, manifeſtaverunt, hoſtisque ſuperandi facilitatem quaſi digito monſtraverunt; unde merito ab omnibus quibus patriæ ſalus & incolumitas cordi eſt, cognosceſci & legi debent: & legerentur procul dubio, niſi ſua in lingua, hoc eſt Italica, auctores iſti ſcripſiſſent. Ne quis vero imperitia lingue a lætione ipſorum ſe abſtractum queri poſſet, ſimulque amicorum voluntati mos gereretur, in Latinum ſermonem, noſtratibus hominibus frequentiore, a me ſunt traducti. In qua quidem ꝑæſe ꝑæſe ꝑæſe plus laboris & difficultatis ſum expertus quam initio cogitaram, cum quedam perobſcura ſint, quarundam etiam rerum nomina & Romanis incognita, quæ Latinis verbis commode reddi nequiverunt. Veniam igitur apud benevolos lectores & æquos rerum æſtimatores me impet-

*impetraturum spero, si ipsorum expectatione & voto meo minus recte
tibi vis satisfactum erit.*

*Tibi vero Generosissime Baro, hanc laborum meorum particu-
lam, Tarducci scilicet Turcam vincibilem, dedicare & nuncupare
placuit; ut testatum vicissim facerem animum meum, tibi semper
ad quavis paratissimum. Ea enim erga me, fere ignotum, benevo-
lentia & humanitate nuper usus es, ut nunquam non apud quosvis gra-
tia recordatione eam predicare debeam. Huc accedit quod patria salu-
tem (ad quam tanquam metam unicam & scopum hac nostra trans-
latio directa) tibi summa cura esse, eamque consilio & ope pro viri-
bus à te iuvare & procurare certo cognoverim. Tum etiam quod
sciam, te preceptis militaribus, quibus Tarduccius passim est re-
fertus, mire delectari; ut qui bello hoc Ungaro-Turcico ipse aliquo-
ties interfueris; tum in literarum quoque ac linguarum studiis non
mediocriter versatum esse. Scio equidem eruditiora tibi politiora-
que deberi: sed sint hæc amoris & observantia mea primitia. Quas
ut benevolo animo accipias & offerentem mutuo, ut cepisti, amore
complectaris etiam atque etiam rogo. Deus opt. max. Generosita-
tem T. Ill. quam diutissime patria & familia Generosissima salvam
& incolumem conservet. Per scriptum Herolzberg à Anno à reparata
salute 1601.*

T. Generos.

Observantis.

Iacobus Geuder ab He-
rolzberg.

DEMON:

DEMONSTRATIO, QVOD TVRCÆ IN
HVNGARIA VINCI POSSINT EXIGVO
GERMANORVM AVXILIO
ADHIBITO.

PROPOSITIO ET DIVISIO

TOTIVS LIBRI.

Cum demonstrare constituerimus potentiam Turcicam, qua
cuncti fere terrarum orbi hactenus terrorem incussit, in Vnga-
ria vinci posse, non dico à rota Christianitate (in qua præter unio-
nem & concordiam nihil desideramus) sed ab ea parte Hungaria,
qua nondum ejus Imperio cecidit, exiguo Germanorum auxilio adhi-
bito; initio quidem necessarium videtur, modos & media aperi-
re, quibus ad tantam potentiam Turca pervenerunt, iis investi-
gatis facilius erit, viam quoque & rationem inire, qua excinditur,
sus atque convelli possint.

PARS PRIMA.

CONSIDEREMVS initio, utriusque prudentia &
arte, an singulari quadam fortuna Turcarum im-
perium primum enatum & ad culmen tantæ Majes-
tatis atque potentia erectum fuerit. Hic in pri-
mis conducet historiarum cognitio. Eam
paucis folijs ab initio hujus Imperij ad nostra
usque tempora, non quidem omnia minutim persequendo,
sed præcipuas tantum & insigniores eorum actiones evol-
vendo, clare & dilucide tradam. Tunc de viribus ipso-
rum subijciam. Quæ præcipue in obedientia rara & perfecta:
in thesauris inexhaustis: & exquisita, atque stricta disciplina
mili-
Z

168 TARDVCCII TVRCA VINCIBILIS
militari: atque ordine aliàs inconſueto à ſolis Turcis hæc-
nus uſitato, conſiſtunt.

*Non fortuna ſed prudentia ductu Turcas ad tantam poten-
tiam aſcendiſſe.*

QVEMADMODVM nonnulli extiterunt, qui progreſſus,
quos Romana quondam fecit reſpublica fortunæ ludib-
rio attribueret auſi ſunt, qui potiore jure prudentiæ ac vir-
tuti debebantur; ſic quoque non deſuerunt qui dixere, mul-
tos quidem fortunæ inclinatione in ſupremum dignitatis gra-
dum, modis incognitis antea & extraordinarijs collocatos,
ſemper tamen ad eandem inclinationem virtutem comitem
acceſſiſſe. Sic Alexandri Magni fortitudo & magnanimitas,
ſic Cæſaris prædicatur celeritas & ingenij præſtantia. Iidem
proſperis Turcarum ſueceſſibus, nulla facta mentione virtu-
tis, primam & præcipuam gloriam rerum proſpere geſtarum
ipſi fortunæ adſcribunt. Quod ſi qui in hac ſunt ſententia
ex veræ Philoſophiæ præceptis didiciſſent, Fortunam non eſſe
quandam cœleſtem ſubſtantiam, ut nonnulli fabulantur, ſed
ſpontaneum quendam concurſum plurium cauſarum ad
eundem effectum: non temerè tot præclara facta caſibus
fortuitis adtribuiſſent, ſed diligentius inveſtigando compe-
riſſent, plurima virtutis adminiculo geſta fuiſſe.

Fortunæ nonnulli adſcribunt, quod Romana reſpub-
nūquam duobus bellis ſimul implicata fuit, ſed uno exorto
alterum fuit ſopitum. At hoc ipſum ſoli Romanorum pru-
dentiæ adtribuendum. Illi enim videri volebant non ambi-
tione, vel regnorum acquirendorum deſiderio, ſed innocen-
tiæ zelo, ad defendendos injuria oppreſſos, & juvandos ſo-
cios qui ſub ipſorum protectione & patrocinio vivebant,
bella à ſe geri. Unde non erat difficile à bellis abſtinere, quæ
juſtas

justas etiam ob causas mota fuerant; maximè ubi hostium arma horrebant & prelio certare periculosum rebantur. Huc accedit, quod Romana respublica postquam non mediocriter excrevisset, & imperium ejus auctum esset, nec exigua apud alias gentes auctoritate polleret, vicinos sibi fœdere & societate devincit, ejus fœderis prætextu non modo seditiones & rebelliones, quæ in vicinia indies oriri solebant, compescuit, verùm etiam sociorum auxilio in remotiores provincias arma extulit, & imperij terminos angustos latius prolatavit, belloque capta sibi soli vendicavit. Quam fraudem nimis tardè socij deprehenderunt, cum in immensum potentia Romanorum elata ei obstare amplius nequiverunt. Quælibet igitur Provincia non satis potens, ut bello cum Romana repub. decertaret, quiescere maluit: interim dum proximiores expugnabantur, quorum armis Romanos victos vel debilitatos iri, reliqui sperabant.

Præter hunc imperij accrescendi modum Romani alium quoque peculiarem habuerunt, peregrinis scilicet & exteris jure civitatis Romanæ donatis, & in civium numerum adscriptis, qui maximis privilegijs gaudebant. Qua libertate plurimi allesti eo habitatum sponte accurrebant, præter eos qui bello victi eodem migrare cogebantur. Hinc Urbs mirum in modum civibus & militibus aucta: vicinæ vero Provincie incolarum copiâ denudatæ fuerunt. Factum itaque, ut sub ipsis Regibus octoginta millia militum in aciem educere potuerint. Equibus postea conscriptæ fuerunt colonie, quæ tanquam firmissima propugnacula hostium furori adlimites territorij opponebantur. Qui diligentius hæc Romanorum stratagemata perpenderit & observarit, exiguo vel nullo Fortunæ adminiculo opus habebit. Id Fabius ille Maximus testatur, jubens eum belli Imperatorem, qui Prudentiam ducem sequitur, parum de fortuna sollicitum esse.

Liv. l. xii.

Salust. A.

Hist. i. pol.

c. 2. & 2.

Huc Eth. 5. p.

Z z

Fluc facit & illud, quod *quilibet sua fortuna faber esse dicitur*: & tritum illud; *ubi plus consilij, ibi fortuna minus.*

Turcas igitur non merâ fortunâ, sed potius prudentiâ ad tantam potentiam pervenisse, & in hoc ipso Romanos apprimere imitatos: eorum exempla secutos esse statuemus; idque in perlustranda ipsorum historia clare docebimus.

Compendium Historiæ Turcicæ.

HISTORIAS præcipuas rerum quæ ab initio sectæ Turcicæ evenerunt, paucis aliquot chartis prosequar; secutus autores gravissimos, Zonaram, Nicephorum, Laonicum Gracos, & Bonfinium qui Latine scripsit. Quorum scriptis merito fides adhibenda est, quod iisdem illi temporibus vel paulo post, quo omnia ea quæ narrant gesta sunt, vixerint. Non improbo tamen Neotericos quosdam scriptores, vel aliorum hominum, qui Constantinopoli officio Legatorum functi sunt, relationes fidas & accuratas, idque maxime propter militiam & militarem disciplinam.

Con. in

Cost. gladi.

Laoni. l.

p. Bonfin.

l. 8.

Pio. 2.

Aug. 6. 4.

100,

100,

100,

100,

100,

100,

100,

100,

100,

100,

100,

100,

100,

100,

100,

100,

100,

100,

100,

100,

100,

100,

100,

100,

100,

100,

100,

100,

100,

100,

100,

NVM à Scythis vel Parthis primam suam ducant originem Turcæ, non expedit hic longius persequi, neque quam *verè à Sara Saraceni, vel ab Agar Agareni, vel denique Turci* quasi Teucris appellantur, quod prope Ilij & Troiæ regiones commorantur, longius perquirere juvat. *Mahometes* sane regnante Heraclio imperatore (alij volunt sub Mauritio & Gregorio Papa Anno 597.) natus est in Arabia, patre nobili viro ethnico, matre vero Ismaelita. Ingenio fuit perspicaci præditus & crebiori Christianorum conversatione usus, legem Evangelicam aliqua ex parte didicit. Vnde varijs legibus ordine digestis novam sectam introducere statuit, cessitque ex animo propositum, ejus consilia Spiritu maligno in primis regnante & agitante. Principiò ad persuadendum usus est eloquentia, qua pollebat, & vita austera, tranquilla & so-

& solis contemplationibus dedita; qua homines in admirationem sui rapere, sibi auctoritatem conciliare studuit. Multorum animos, Principum imprimis, brevi tempore sibi devinxit, & in tantum ejus excrevit audacia atque auctoritas, ut à populis istis passim pro Propheta habitus & cultus fuerit; qui pro ipsius defensione, & Religionis quam profitebatur assertione vitam profunderere non dubitabant. Certamina & rixas, quæ religionis causa movebantur connivendo adprobavit, vel saltem quo minus excitarentur non palam obstitit, donec undique motus bellici vehementius exarserunt, eaque occasione, quæ oportune sese obrulit, arreptâ, armis & vi aperta, quæ persuasionibus nequibat efficere conatus est. Doctrinæ ipsius caput præcipuum erat, secreta divinæ legis non humanis disputationibus asserenda & persuadenda, sed vi atque potentia introducenda & defendenda, ab illis, qui ad ejusmodi munus digni & idonei habiti fuissent. Vbi quadragesimo ætatis anno vitam cum morte commutavit, secta, cujus ille author exstitit, passim per Asiæ Provincias prædicata & exulta, ab ejusque successoribus iisdem armis & artibus, quibus ille innixus fuerat, plantata & amplificata fuit. Schismate quoque inter ipsius assecclas exorto, nulla alia ratione, quam armis lis ea dirimi potuit. Non solum vero justis exercitibus, sed sæpius excursionibus & latrocinijis Asiam ita devastarunt, ut ipsorum potentia plurimum inde aucta fuerit, ipsâ subjugata Persiâ, & multis Christianorum provinciis, qui acriter ipsis resistebant; Græcis Imperatoribus eorumque militibus antiquum fidei catholicæ cultum adhuc observantibus. Vbi postea mollities atque discordia in Græcia radices egerunt altiores, Turcæ amplificandi imperij occasionem nacti, præter reliquas Asiæ provincias, quas sibi subjecerunt, ad littus usque Constantinopolitanae armæ promoverunt, permoti Constantinopolitani Gladiato-

Zonar. l.
3. in vita

Z 2

cis pro-

is prodigalitate vœcordia atque inertia, qui thesauris exhaustis, pecuniâ inutiliter consumptâ, tributa quoque liberis provincijs imposuit, pro quorum solutione eas immunes reliquit ab alendis praefidiarijs, qui Barbaros aditu Romanarum ditionum, ut antea, prohiberent, & locorum angustias tuerentur; contentus vectigalibus quæ in horum vicem iisdem imperaverat.

Hunc in modum Asiâ Turcæ sunt potiti, citiusque in Græciam pedem intulissent, nisi Christiani Principes maximis expeditionibus in Asiam sub auspicijs Gottofredi Bullionei, furorem Saracenorum retudissent & repressissent.

Bonfin. l. 45. 1145. vel 1151. Sed in occisorum locum alij, hydræ instar, surgebant majori numero. Igitur Conradus Occidentis Imperator, & paulò post Ludovicus Galliæ Rex, ut Christianis in Asia militantibus subsidio venirent, maximis belli apparatusibus undique factis, ipsi in eam expeditionem profecti, dolo & fraude Emanuelis Imperatoris Constantinopolitani circumventi, brevi tempore immensam militum copiam amiserunt, ut re infecta reducere exercitum coacti fuerint. Nolebat enim Emanuel Latinorum (sic Græci vocant, quotquot Romanæ Ecclesiæ obediunt) Principum potentiam in Asia augeri, igitur malitiosis consilijs & vanis conatibus ipsorum elusit consilia, & frumento veneno infecto copijs subministrato, vires ipsorum attrivit atque diminuit.

1187.

Animos igitur resumserunt Turcæ, Saladino duce, quem Sultanum vocabant, homine strenuo fortissimoque qui tam diu bellum cum Hierosolymæ regibus gessit, donec

1200.

eam provinciam tandem in suam potestatem redegerit. Tunc novos in Græcia motus excitavit Balduinus, ut privatas quasdam injurias vindicaret: bello multis annis pertracto

1235.

Constantinopolim Græcis eripuit, quam usque ad Palæologum primum tenuit. Iis discordijs durantibus Turcæ

ocium

ocium nati, imperium suum in Asia confirmarunt & stabiliverunt, Græcis paucis quibusdam urbibus primarijs relictis, quarum vires ad resistendum hosti pariter qui Constantinopolim tenebat, & simul Barbaris minime sufficiebant. Vbi denique totâ Asiâ atque Græciâ Latini fuerunt expulsi, facillimè Turcæ, nemine prohibente, totius Orientis dominatum ad se traxerunt. Palæologus eâ rerum confusione, & ob schisma religionis causa excitatus, perturbatus, primarijs suis non fidebat, quos propter sinistras quasdam suspiciones à se dimiserat, eorum vice in bello exterorum (quos maximis impensis conduxerat) opera utens. Tandem maximas copias è fugitivis Scythis, & plebeia multitudine collegit, eosque nullis ordinibus dispositos hostibus objicere, & ad manus venire ausus est. Horum imperitia rerum bellicarum non latuit Turcæ, ideoque ubi in pugnam Imperator descendit, Turcæ nunc fugiendo, nunc resistendo hostibus, tam diu sese opposuerunt donec instructas insidias eos pertraxerunt, ubi maximâ acceptâ clade Imperator ægre Constantinopolim evasis, omnemque de recuperando Asiæ dominio spem amisit; Saracenorum ingluviem, atque avaritiam pecunia sedavit, eorum (ut dicit Nicephorus) exemplo, qui ut luporum gratiam incant, venas sibi proprias incidunt, quo suo sanguine ipsorum voracitati satisfaciant. Nova igitur tributa perditiones suas imperavit atque imposuit, quibus subditorum animos protinus à se alienavit, & ad seditiones ac rebellionem concitavit.

SALADINO mortuo civilibus discordijs laborarunt Turcæ, & imperium ad varios dominos devolutum, ejus robur, atque potentia divisa atque debilitata fuit; sed non exstante hoste externo qui ipsos urgeret arctius, facile vires suas recollegerunt; inprimis verò cum regni gubernacula ad Ottomanum delata fuissent,

Ottomanus

Ottomannus cujus memini, vir fuit bello strenuissimus, & ingenio sagaci præditus. Cui in primis curæ fuit, non modo discordias inter Principes serere, & jam ortas conservare atque fovere: verum etiam sub amicitie specie nunc huic nunc illi belli socium sese adjungere, cunctorum donec vires paulatim attrivisset: ut brevi temporis spacio partem præcipuam eorum potentie ad sese pertraxerit. Tunc fraudum relictis ambagibus, vi apertâ bellum gerere & sectæ suæ principatum asserere omni cura aggressus. Interim Andronicus Imperator, regni causa à nepote, cui & ipsi Andronico nomen erat, bello laceratus, prius Turcas in sui auxilium evocavit; ut eorum ope nepoti & Genuensibus qui Phœciam tenebant, & Bosnensibus resistere valeret. Vado postea & transitu cognito, & Europæ delitijs perceptis Turcæ in Thraciam excurrere, & pedem ibi figere ceperunt; transmissisq; in Asiam spolijs opimis & præda opulentissima, socios quoque ad fretum superandum invitarunt.

1330. Nic.
ceph. l. p.

Vbi Andronicus nepos Imperium adeptus est, *Orcani*, qui *Ottomanno* successit, bellum intulit, quo Niceam, metropolim Græcarum urbium quæ sunt in Asia, obsidione liberaret. Collectâque immensa multitudo imperitorum hominum, iisque tumultuariè & sine militari disciplina dispositis, in bellum duxit, vix duo millia veteranorum militum secum trahens. Hostium consilijs atque conatibus intellectis; *Orcanes* cum octo millibus militum illis occurrerit, eosque non pugnando sed velitando aggressus est; modò timorem simulavit, modò defessos excessivo solis æstu, & armorum pondere defatigatos, tanto impetu adortus est, ut exiguis copijs, quæ integræ & salvæ erant, eorum aciem ruperit atque fregerit. Tempore matutino sæpius cum trecentis tantum equitibus Græcorum castra recognovit, stragem eorum maximam edidit, plerisque fuga evadere conantibus,

tibus, quod universum Turcarum exercitum sibi instare putarent. Nicea fame coacta hostibus sese dedit, quam paulo post Nicomedia secuta est. Andronicus omnem spem Imperij Asiatici protinus amisit, & quod ipsius thesauri pecunia exhausti essent, constituit, nullam amplius classem in procinctu habere atque conservare, ut sumptibus parceret. Vnde Turcæ sibi jam undique mare patere intelligentes, triremes ædificare, insulas maximo Christianorum detrimento percurrere atque devastare cœperunt. Cujus rei culpa solis Græcis imputanda, quemadmodum ipsorummet scriptores cum tædio commemorant. Totius Asiæ dominium Orcanes cum acquisivisset, statum illius confirmare atque stabilire decrevit, priusquam in Europam moveret. Quod negotium non parum promovit Can-^{Laonicus} tacuzenus, qui filium Imperatoris Andronici, cujus tutor fue-^{l. 2.} rat, imperio defraudarat. Is Orcani amicitiam nuprijs filiæ suæ quam ei desponsavit, redemit, quo melius rebus suis consularet, eosque in tutum ac tranquillum statum collocaret. Adeo Christiana Religio apud Græcos in contemptum venerat, sola ambitione omnia regnante.

Orcani successit *Solymannus*. Qui jam antea ab his, qui Eu-^{1312.} ropam perlustrant ejusque amœnitatem omniumque rerum abundantiam amplissimè prædicant, instigatus & allectus, tum quod transitus, quem illi solerter depinxerant, facilis esset & periculo careret, in Thraciam excurrit, & in Chersoneso ut plurimum substitit. Pactus cum Græcorum Imperatore sædus mutuum, in ipsius auxilium contra Bulgaros in bellum profectus est; à quibus Turcæ cæsi, atque fugati fuerunt. Sed cum illi, victoriæ prospero successu elati, sine ordine in campo dispersi vagarentur, Solymannus id prævidens, maximâ & consuetâ celeritate collectis copijs, victores denuò aggressus est & in fugam conjecit. Victoriæ cursum prosequens Adrianopolim &

A 2

Phi-

Philippopolim eodem impetu cepit. Quarum urbium expugnatio firmissimum fundamentum rebus Turcicis præbuit ejus imperij terminos in Europam usque prolatandi; quod tamen morte præventus exequi non potuit, sed rem inceptam fratri *Amurathi* perficiendam reliquit.

1350.

Is primus ex Asia sedem Imperij Adrianopolim transtulit. In bello fulguris instar processit; plus tamen benevolentiam atque comitate quam vi apertam effecisse visus est. Namque bello victis Principibus non graviores imposuit pacis conditiones, quam ut aulam suam sequerentur, & copias suas cum reliquo exercitu conjungerent. Hæ conditiones victis satis æquæ atque benignæ videbantur. Neque obstinatè sese defendebant, imperiti artis & doli, quem Amurathes machinabatur; qui Principes Græcos Græcorum viribus & militibus subjugare, & prosternere moliebatur. Aulam brevi tempore Principum multitudine florentissimam & illustrem reddidit, ut omnibus formidabilis existeret. In Asia crebri tumultus, frequentes seditiones fuerunt motæ, quas domuit, Europæis copiis in primis adjutus, cognitam rebellionem quam filius in Europa excitarat, maxima celeritate illuc rediit ut rebelles opprimeret. Extrema hæ Constantinopolitanorum Imperatorum væcordia atque timiditas apparet; qui tam splendidis rei bene gerendæ occasionibus nihil moti Turcarum amicitiam sectabantur, eamque caro precio comparabant, quin & proprios filios in aulam Turcicam in Imperatoris obsequium miserunt. Amurathes triginta septem præliis ipse interfuit; in quibus semper victor evasit.

1377.

Ei successit in regno *Bajazethes* filius aliud fulmen bellicum. Hic ubi Bulgaros, occiso eorum Principe, domuit; alio efficacissimo remedio ad crescendam potentiam usus est; coloniis copiosissimis ad limites Imperij collocatis, prioribus & antiquis incolis è proprijs sedibus aliò habitatum traductis. Vnde tantam

tam penes Græcos autoritatem sibi conciliavit, ut ab ipsis nu-
 ru cuncti dependere viderentur. Regno privare ipsos Con-
 stantinopolitanos Imperatores, & in eorum locum alios substi-
 tuere non est veritus. Namque Andronicum collocavit in re-
 gnum, quod tributum solvere ipsi pollicitus esset; & contra
 hunc ipsum fovit Emanuele, quod majus hic tributum spo-
 pondisset, inque bello ipsius auspicia sequi promississet. Impe-
 ravit igitur Andronico, ut unâ cum filio aulam Turcicam fre-
 quentaret. Bellis quibusdam in Asia confectis, maritimas expe-
 ditiones contra Græcos suscepit, eumque juvant strenue ipsi
 Græci Principes, qui in aula Turcica hærebant, quo & reliqui
 qui Bajazethis Imperium hætenus detrectarant subjugum mitterentur, ipsi quoque sponte, non coacti, parere viderentur. Ab
 altera parte non cessabant Christiani qui in Græcia superstites
 erant, Turcarum potentiam astu & clandestinis machinationi-
 bus infringere; causam eorum qui ob schisma à reliquis seces-
 sionem fecerant nomine potius quam re juvare, & Christiano-
 rum Principum, quos sibi fidei nomine obligatos credebant, au-
 xilium implorare, & eorum auspicijs id tandem recuperare, quæ
 levitate ac timidine amiserant, omni cura atque solertia studu-
 erunt. Non latuerunt hæc artificia Bajazethem, qui ea in Con-
 stantinopolitanis primùm castigare constituerat, nisi Tamerla- 1397.
 nus bello ipsum prævenisset, victumque in Asiam deduxis- Laon. l. 4.
 set.

Quo vita functo Græcorum Principes sine magno labore
 & difficultate, vicinorum auxilijs adjuti, omnem Turcarum po-
 tēritatem Europâ expellere potuissent; sed *Amurathes* succes-
 for, compositis fraternis dissidijs, ruinam Constantinopolitani
 imperij assidue animo voluit: plurimas urbes, propter admissum 1450.
 perfidæ crimen, gravissime punivit: alias culpam suppliciter 1453.
 deprecantes, immensis tributis pacem redimere coegit.

Aa 2

Suc-

Succellit in imperio *Mahomethes*, qui primos belli impetus contra Constantinopolitanos direxit. Quos reliqui Græci, mutuis discordijs flagrantibus, ope & subsidio turpiter destituerunt, & patriam potius deferere, vel hostium furori exponere, quam tributum licet gravissimum solvere maluerunt. Quin & victi jam, hostibus sæviendi causam atque occasionem præbuerunt, ob varias innovationes atque tumultus, quos indies excitarunt, pertæsi tam strictæ obedientiæ quâ premebantur. Constantinopoli aufugerat præcipua Nobilitas, quam postea hinc inde per Græciam dispersam Mahomethes delevit. In eius vicem urbem ille maxima multitudine habitantium è diversissimis gentibus collecta replevit; ut impossibile videretur in tanta hominum & nationum diversitate mutuan & unanimem rebellionem excitari posse. Hac urbe capta, non ideo tamen discordijs finis impositus est Græcis præcipuis in Peloponneso seu Morea congregatis, quos mutuis armis aliquamdiu se invicem conficere Mahometes sivit; ubi deinde occasio & tempus visum ei est commodum & oportuno, illos aggressus, Græciam universam cum Lesbo crudeliter & perfidè sibi subiecit. Reversus Constantinopolim, fabricandis propugnaculis ad angustias Hellepontis operam dedit, ne per illos hostili classi aditus pateret. Iam enim tunc animo meditabatur, arma vel Venetis vel Hungaris inferre, quibus paulò post, devastatâ Bosniâ, causam belli amplissimam ipse primus dedit.

1395. alij

1397. fuit aperta. Stephanus enim Walachiæ Waiwoda, cum secunda vice à Sigismundo Vngariæ rege defecisset, primus auxilium Turcicum in provincias Vngariæ subditas ascivit. Quod *Bajazethes* haud illubens ei misit, ne tam optata occasio è manibus elaberetur; SIGISMUNDVS tamen victoria tunc potitus est, capta Nicopoli minori. Stephanus vero Bajazethem vehementius

Bonf. lib.
22.

tius in bellum hoc instigavit, præmij loco filiam promittens in
matrimonium collocandam. Anno sequenti Bulgariæ, quæ 1396.
Vngariæ parebat, vastatio secuta est. Qua motus & ipse Sigis-
mundus cum alijs Christianis Principibus expeditionem contra
Nicolopolim majorem suscepit. Vbi ad pugnam fuit perventum
res infelicitè cessit; Gallorum imprimis culpa, qui antetempus
imperum in hostem fecerant, quem cum Turcæ viriliter susti-
nuissent, languescente Gallorum fervore, illisque perterritis, in
fugam fuerunt coniecti, unde & reliqui timidiore facti ordines
deseruerunt, & hostibus egregiam victoriam reliquerunt. Ab
armis tunc ad aliquot annos ab utraque parte cessatum fuit, do-
nec Sigismundus Romanorum Imperator & Bohemiæ Rex e Bonf. l. 13.
lectus fuit; novisque ac penè innumeris occupationibus alibi
impeditus, segnius Vngariæ res curare cœpit. Quod perspic- 1415.
ens Hermoianus Bosniæ Princeps homo inquietus, & rerum no-
varum cupidus, à Sigismundo defecit, auxilioque Turcico in
Bosniam evocato Hungaros singulari stratagemate fudit. In 1416.
Walachia quoque novis excitatis tumultibus, exercitus Sigi-
smundi Turcarum auxilio victus & cæsus fuit. Sed non inulte
tot damna Imperator ab hostibus accepit, cum quibus vigesies
prosperè manus conferuit, & auspicijs Pipi Florentini belli ducis
primarij, toties victoriam reportavit.

Sigismundo successit ALBERTVS AVSTRIACVS, cui sedi- 1437.
tiones Bohemorum plurimum negociatque molestiæ creave-
runt. Eam occasionem Turca minime negligens Serviam inva-
sit, Sinderoviam priusquam Albertus obsessis veniret auxilio
expugnavit. Hujus exercitus cum ob nimium æstus fervorem
debilitatus, & varijs morbis vexatus esset, pars ejus maxima mi-
serè perijt, præcipui duces dissidentes invicem, & ipse Alber-
tus graviter ægrotans copias re infecta reduxit.

Paulò post mortem Imperator obiit gravidâ relicta con-

iuge; quæ eodem tempore, quo in Vngariæ regem VLADISLA-
 1439. vs fuit electus, filium enixa est Ladislaum; qui ab ijs qui Vla-
 1440. dislai electionem minime probabant, Rex fuit coronatus. Vn-
 de civiles discordiæ exortæ, quæ per integros viginti octo an-
 nos Vngariæ regnum varie & gravissime afflixerunt. Vngariæ
 rebus hunc in modum comparatis, *Amurathes* totam sibi Servi-
 am subiecit, & Albam usque Græcam cum exercitu excurrit.

Bonf. l. 24. Per septem menses ijs in locis commoratus, ad viginti quinque
 millia hominum amisit. Alacrior atque audacior factus Hun-
 garorum seditionibus, non solum Temesvariam, sed ad Dravum
 usque & Savum fluvios, omnia devastando progressus est. A-
 deò Vngarorum animi mutuis odijs exacerbati erant, ut malue-
 rint Turcarum armis supprimi, quam mutuas & privatas injuri-
 as patriæ condonare. Exstitit tandem fortissimus Vngariæ de-
 fensor Corvinus ille, qui è Transylvanis ac Walachis milite con-
 scripto biennij spatio octies cum Turcis prospere confligit, pu-
 gnasque commisit acerrimas. Inter quas illa fuit celeberrima,
 quâ quindecim solummodò militum millibus stipatus cum o-
 ctoginta millibus hostium iusta acie dimicare ausus est, eorum-
 que partem præstantissimam prostravit. Tandem ubi regni qui-

Bonf. l. 26.
 1443. etem & pacem Vladislaus confirmavit, instructissimum exerci-
 tum licet sero anni tempore, in hostem duxit, & ad montem us-
 que Hemum progressus, transitus ei à Turcis fuit obstructus,
 accedente locorum difficultate & glacie atque frigore: coactus
 igitur prædæ onustum exercitum reducere, cujus agmen novis-
 simum à Turcis nonnunquam infestatum fuit. Haud minores
 in annum sequentem fecit belli apparatus: sed ejus conatus
 fraude Amurathis, qui in Asiam necessario proficisci cogeba-
 tur, interrupti & impediti fuerunt. Nam Servix Despotæ seu
 Principi Corvini corrupendi negocium dedit, promissâ regni
 & filiorum restitutione, si pacis autore existeret; quæ sancita qui-
 dem,

dem, sed diu rata non fuit habita. Subito enim ubi de Amurathis in Asiam transitu rumor increbuit, & reditum ei à classe Italica impeditum certò affirmatum fuit, Vladislaus cum exercitu (qui durante pacis tractatione diminutus & ad viginti quinque millia hominum reductus fuerat) instante hyeme ad Hemum usque Thraciæ montem processit; ibique de Amurathis reditu in Europam certior fuit factus. Cui cedere inhonestum & parum commodum existimabat; in aciem ideoque descendere maluit, coactus frigore & rerum ad victum necessariorum inopia; sed loci ubi pugna committebatur incommoditate factum, ut rex suis succurrere cupiens in acie cum multis alijs occubuerit. Graeci tamen aliter hæc referunt, ambo nimirum Turcarum cornua ab Hungaris in fugam eiectione atque profligata fuisse; cumque hi fugientibus instarent vehementius & iusto longius hostes prosequerentur, Rex cum caterva suorum solus derelictus, & Amurathi, qui stipatus erat suorum præstantissimis, objectus, moræ impatiens, donec reliqui ex persecutione redirent, in Amurathem, qui in commodo loco substiterat, impetum fecisse, ubi morte sua splendidissima victoria Hungariam spoliavit. Ferunt Amurathem perculsum timore instantis prælij aufugere voluisse nisi à suis vi quadam retentus fuisset: & votum solenne, imperio sese abdicare & vitam solitariam agere, vovisse: plus victum quam victorem sese ob cruentum hoc prælium agnoscens. Tertiâ denique die castra Vngarorum aggredi ausus est, veritus ne quædam ibi laterent insidiæ: & tantus ipsius timor extitit, ut quadriennio proximo Vngariam intactam reliquerit. Quod si Corvinus, intellecta morte regis, castra repetisset, incertam sine dubio & ancipitem victoriam Turcis reddidisset; sed ille regnū repetere maluit, ut præcaveret tumultus, qui exoriri poterant. Sic Amurathes, propter insignem stragem suorum, cruenta sane victoria potitus, superior quidē hostibus suis extitisse, sed victor evasisse, dici revera non potest.

1444.

Cor-

1448. **CORVINUS** LADISLAI tutor & regni gubernator constitu-
tus, ut priorem cladem ulcisceretur viginti duo millia militum
collegit, pactoque cum Despota & Schanderbego, ut secum
vires conjungerent, ille non modo promissis non stetit, sed Al-
banos quoque seu Epirotas perfide impedivit, quo minus offi-
cio fungerentur, omnia consilia atque conatus Christianorum
Turcis aperuit, qui cognitis quibus Corvinus urgeretur neces-
sitatibus, ut Albanorum adventum praeverterent, crebris excur-
sionibus & invasionibus ad pugnam condescendere ipsum co-
eegerunt antequam auxiliares copiae advenirent. Per triduum
duravit praelium, solis noctibus certamen interrumpentibus;
tertia denique nocte Corvinus Hungaros in proximas sylvas
se recipere & fuga saluti consulere iussit, quod de victoria plane
desperaret, siquidem semper recentes milites Turca tot praelijs
defatigatis & fractis Christianis opponeret, & Hungari laesos
& vulneratos vix curare possent. Perierunt octo millia Hun-
garorum, occisis triginta quatuor millibus Turcarum. Iterum
igitur superior Christianis Amurathes, non autem victor exsti-
tit. *Mahomethes*, post Constantinopolim occupatam, non fuit
exceptus benignius nec tractatus mitius, Belgradum diu obse-
derat, arctissime oppugnat, fossas materia impleverat, oppu-
gnationes viginti quatuor horis sine intermissione continua-
rat, muro ipso superato, plurimisque à Turcarum exercitu ur-
bem jam ingressis, Corvinus è propugnaculo erumpens tan-
ta vehementia tantoque furore occurrit, ut plerisque fere ob-
truncatis, reliquos in propria usque tentoria rejecerit, occisis
viginti millibus hominum, impedimentis ablatis. Tam stre-
nuo tamque egregio belli facinore edito, Corvinus morbo
corruptus vitam cum morte commutavit, decies feliciter ex-
plicatis signis statarias commisit pugnas, quatuordecim tu-
multuarias, bis tantum propter militum paucitatem hoste eva-
sit

Bonf. l. 28.

1456.

fit inferior, qui tamen se vicisse gloriari nequibat.

Hoc igitur defuncto & brevi post Ladislao mortuo, in re- 1458.
 gno successit MATTHIAS, qui ubi Bosniæ Principem, à Maho-
 mete in aulam vocatum & nefarie contra datam fidem quo ejus
 ditione potiretur excoiatum fuisse comperit, potentissimo ex- 1463.
 ercitu eam provinciam invasit, partem ejus recuperavit, laiz- Bosn. l. 30.
 zam locum fortissimum recepit; quem etsi Mahometes denuo
 arctissima obsidione cinxisset, eam tamen sola fama de Mat-
 thie adventu percepta, solvit, & trepide inde in tutum se rece-
 pit. Anno sequente Matthias subsidium pecuniarium ex Italia lib. 31.
 accepit, partem Rascie occupavit, & majores progressus factu- lib. 32.
 rus videbatur, nisi Principum Christianorum discordia interve-
 nissent, quæ plerumque Turcis consuetam vincendi portam ape- 1471:
 rire solent. Primum in Transylvania & Walachia tumultua- 1473.
 tum fuit; inde propter religionis certamina in Bohemia motus
 fuerunt excitati; quos excepit bellum Polonicum ob regis Bo-
 hemici electionem exortum; & tandem bellum illud in Austria
 gestum, quod ad ultimum usque vitæ terminum ipsum distinu-
 it. In illud tantâ vehementiâ Vngari incubuerunt, ut Turcis 1476.
 non aliter quam defensivè restiterint; subsidium pecuniarium, lib. 34.
 quod ex Italia subministrari ad bellum Turcicum consueverat
 Matthie fuit denegatum, ne Vngaris belli nervus contra Austri-
 acos suppeditaretur: Vngari irritati præsidia quæ Dalmatiæ li-
 mites defendebant evocarunt. Vnde Turci liberum aditum na-
 tū in Forum Iulij prædabundi excurrerunt, sæpius iteratis im-
 pressionibus prædas fecerunt amplissimas. Veneti bellis Itali-
 cis pressi, nulla ratione cum Vngaris rem componere volue- 1478:
 runt, sed pacem cum Turca, quam toties ante respuerant requi- lib. 35.
 siti, tunc ultrò maximo suo incommodo & dispendio inierunt. lib. 31.
 Mahometes interim non negligebat occasiones tam exoptatas, 1466.
 cum videret Vngaros, (tot cladibus Turcis terra marique in Eu- lib. 31.
 Bb

ropa

1468. ropa atque Asia oppressis) terminos imperij non studuisse pro-
latare, sed alibi tempus trivisse, conclusit, in ipsam Vngariam
prorumpere & aditum sibi in eam parare. Maximâ celeritate
propugnaculum Sabaz ad Savum fluvium ædificavit. Hoc quan-
to cum detrimento & præjudicio Hungariæ fieret, ubi Matthi-
1469. as cognovit, sine mora cum Bohemis atque Polonis pacem san-
xit, collectisque copijs non modo Sabaz expugnavit, sed totam
1475. Bulgariam domuit, unica Sinderovia excepta, quam arctissima
lib. 34. obsidione cinctam dereliquit; majori cum exercitu reverti, &
tudine ac præstanti formâ sponsæ Beatricis, quæ ex Italia ei ad-
ducebatur, sparsâ, adeo eum percussit, ejusque animum, invi-
ctum alias, emollivit, ut bellicis apparatus sepositis, ad nuptia-
les pompas omnes suas cogitationes & curas applicarit, ad quas
omnes Regni Proceres atque nobiles convocarat. Sed nihilo
segniùs res suas curabat Turca, nec frustra elabi tempus passus
est. In Dalmatiam primum irrupit, eamque vacuum nobilitate
devastavit; inde subito converso cursu, Sinderaviam petijt, &
glaciei ope propugnacula quibus illa vallata undique preme-
bantur, destruxit, urbem gravi obsidione liberavit, inde in Tran-
sylvaniam atque Walachiam delatus, ferro flammaque omnia
populatus, maxima collecta præda ad quadraginta millia anima-
rum abduxit. Quòd gravissimè Vngaros afflixit, qui non am-
1474. plius offendendo bellum gerere deliberabant. Interim dum
Bois. 1. 35. Matthias Rex in pacis tractatione cum Bohemis ineunda, ma-
gnificis convivij & ludis campestribus in sponsæ deductione
habitis, tempus frustra tereret, Turca motus siccitate atque
ariditate temporis, Savum atque Dravum superat, & in Styri-
am usque crudelissimas incursiones tentat; sed temeritatis tan-
tæ haud indignas ab Hungaris luit pœnas. Univerfa quoque
Dalmatia recuperari potuisset, si eodem studio atque diligen-
tia

ria in Turcicum, ut in Austriacum bellum incubuissent. In Transylvania cum sexaginta millibus militum Turcæ descendunt; quorum pars major industria atque fortitudine Stephani Batrorij Waiwodæ perijt. Mahomete extincto, omnes Vngarici regni provincias Matthias recuperare potuisset (ipso *Bajazethe* teste) quod fratres Turcæ de Imperij successionem inter se litigarent, & præcipui Macedoniæ Nobiles ab ijs secessionem fecissent; sed ad alia cogitationes & consilia sua ille direxit, rebusque alijs intentus Walachiam *Bajazethi* in prædam reliquit, aliò conversis armis & milite qui ad defensionem hujus Provinciæ conscriptus fuerat. Sæpius de pace ipsum Mahometes requisivit, quam cum minus securam & tutam fore judicabat, veritus ne sub pacis tractatione majores insidiæ struerentur, & bellum acrius conflaretur, eam inire recusavit, respondens: Vngariæ Regi non esse licitum, vel pacem vel inducias cum Turcis pacisci, se rebus suis ad limites regni prospecturum, prout eos animatos vel instructos noverit. Neque in posterum Legatos in suum conspectum venire passus est.

Matthia vitâ functo, modus procedendi contra Turcas totus fuit immutatus, pax precibus suis exorata, quam toties ille respuerat. Tantum efficere queunt discordiæ atque dissidia. Namque VLADISLAO (posthabitis competitoribus Maximilia no Austriaco, Alberto fratre Vladislai, & Corvino naturali Mat thia filio, quorum quilibet plurimos in regno habebat assecclas) in regem electo, miseræ illæ provinciæ gravissime fuerunt afflictæ. Turca eas biennio integro impune devastavit, nec Croatia pepercit; Ladislaus pacem à *Bajazethe* petijt, & aliquandiu ejus legati sine responso retenti fuerunt, tandem pacem sese initurum negavit, nisi liber ei in Croatiam & Walachiam transitus concedatur. Quo intellecto pacem cum vicinis Ladislaus stabilivit, & conscripto sexaginta millium militum exercitu, in

Bb z

Bulga.

Bulgariam hosti obviam profectus, qui ad obsidendam Albam Græcam tendebat; sed de regis adventu certior factus, mutato consilio Constantinopolim repetiit, relictis triginta millium equitum ad limites regionis, & missis legatis, qui cum rege de induciis agerent; quo & tempore & occasionibus rei gerendæ eum frustraret. Ea tractatione durante, Walachiam & Albaniam, tum etiam Transylvaniam devastando, maximis tamen damnis à Siculis acceptis, percurrit. Postea evocatus à Croatis quibusdam proceribus, Carniam atque Carinthiam invasit; & passim tanta crudelitate in incolas sæviit, ut relictis patrijs sedibus in regiones quæ ad Savum & Dravum sitæ sunt, habitatum migrare deliberarint. Inde Savo superato Petroviam usque progressi sunt Turcæ; acciti, ut credebatur, ab Vngaris quibusdam proceribus, quibus cum rege non adeo recte conveniebat. Verum Vladislaus anno sequente par pari retulit. Namque Bulgariam ad centum fere milliaria devastavit, prædamque tulit opimam. Qua cum exercitus onustus esset, ulterius progredi periculosum ratus, pedem retulit; cum Constantinopolim usque facilius penetrare quivisset, ubi jam tumultus atque seditiones gliscebant, propter Imperatoris absentiam, qui in Asia maximas aliquot clades à Persis acceperat. Rectius igitur ut rebus suis consuleret pacem ab Vladislao petiit, & tandem obtinuit; ortis seditionibus nonnullis in Vngariam quæ regem aliquandiu occupatum tenuerunt. Vbi *Selimus* regnum auspicatus est, Vngarorum vires inertia & discordijs attenuatas, nec tanta successuum prosperitate eos in bello ut quondam procedere compertit. Initio regni Sabaz & Tonninum aggressus est, totam Croatiam sibi subicere parans; cum verò Vladislaus maximos belli apparatus instrueret, pacem *Selimus* propter clades Turcis in Asia illatas petiit; eamque obtinuit, quod plebs Vngarica diuturna pace corrupta contra nobiles arma corripuisset, vitio illis

VER-

vertens, quod posthabito bono publico universorum, sui commodi causa bella foverent. Quod manifestum erat indicium proximæ ruinæ, quia hosti quasi liberum relinquerent, pacem petere & quoties vellet obtinere.

Post Vladislau regno potitus est LUDOVICVS decem annorum puer. Cujus tutela & regni gubernatio parum fideliter à tutoribus administrata fuit; unde rex negligenter educatus, & intestinis dissidijs regnum laboravit. Secutus est Majestatis regis contemptus; nonnulli de corona occupanda clandestina iniire consilia ausi fuerunt; & militiæ studium protinus fuit neglectum, pace ijs regionibus à Selimo concessa, siquidem in Asia, quod ageret abunde haberet. Sed ad regnum ubi pervenit *Solimannus*, qui gloriæ rerum à patre in Asia gestarum invidebat, haud minus lætos belli successus in Europa sibi pollicitus, Belgradum initio occupare, Vngarosque otio sopitos expergefacerere atque excitare constituit. Dum illi atque alij Principes Christiani consilij habendis, & celebrandis comitijs atque dietis operam dant, Solimannus cum ducentis millibus hominum in Croatiam atque Transylvaniam irrumpit, & alteris totidem propugnaculum totius Vngariæ expugnat. Inde ruinam tanti regni præmeditans, & necessarios ad bellum adparatus faciens, Vngariæ nobilitate discordijs atque rebellionibus attrita, tandem versus Albam Græcam, cum trecentis millibus militum movit, eamque trecentis machinis oppugnavit. Ludovicus etsi exigua apud suos autoritate valeret, ad consueta tamen remedia tantorum malorum, & ad externa & peregrina auxilia recurrit. In comitijs regni suis proceribus & militibus locum assignavit, quo convenire deberent ad resistendum hostibus, ne Savum transirent, donec reliqua auxilia adventarent. Ipse ut tempore constituto Toluam attigit, neque Transylvaniæ neque Croatia neque Bohemiæ copias auxilias reperit. Et qui comparuerant

rant Nobiles ulterius progredi contra hostem recusant, rege reliquos operiunte, sua adducentes & allegantes privilegia quod non nisi regem comitandi causa in bellum proficisci tenerentur. Interim certo affirmatur Savum Solimannum superasse. Quo intellecto Ludovicus hosti ad Dravum cum viginti quinque militum, quos secum habebat, occurrere statuit. Vbi ad oppidum Mohaz pervenit nunciatur ei, Solimannum Dravum quoque superasse, & duobus tantum milliaribus ipsius castra inde distare. Rex attonitus nec retrocedere sine manifesto periculo, neque ad manus venire sine gravi temeritatis nota sibi licere videns: tandem nescio quo suo fato eorum assensit sententia, qui praelium committendum suaserunt, quod totum exercitum promptissimum & alacrem ad praelium cerneret, & in hostium exercitu ultra septuaginta millia militum non reperiri compertum haberet, reliqua verò multitudo ad certamen inutilis esset. Vngari primum in aciem progressi sunt, sed Turcae ante tertiam horam pomeridianam castris non sunt egressi. Qua mora Vngari pertæsi, & impatientes redditi, primam hostium turmam quæ comparuit citra necessitatem adorti sunt, eaque subito in fugam conjectâ, & victoriam & triumphum clamarunt, fugientes diutissime insequendo. Ad primum huius pugnae successum Rex quoque cum suo comitatu in hostem movit; ad angustum quendam vallis aditum undique paludibus cinctum pertractus, maxima tempestate machinarum bellicarum & recentibus hostium copijs fuit exceptus. Metum atque pavorem auxere strepitus bombardarum & fumus crebris machinarum ictibus excitatus; unde Vngaris plusdamni, quam à globulis ignitis fuit illarum. Eorum acies confusa & ad fugam inclinans retrocedere nequibat propter sociorum qui sequebantur multitudinem. Coacti igitur ad latum se convertere, & in paludes proximas se præcipitare; ubi miserè

miserè perierunt, vel ab hoste interempti fuerunt, Rege ipso in fugâ extincto. Nec ultra horam unam & mediam clades illa duravit. Solimannus longius hostem insequi noluit, veritus ne in insidias incideret, unde nonnulli noctis beneficio periculum evaserunt. Hostis tam insigni victoria potius, hinc inde citra ullum impedimentum excurrendi & prædandi liberam commoditatem nactus, ad utramque Danubij ripam & regionem contiguam sæviit, ut ducenta millia hominum in Vngaria eâ vice desiderata fuisse nonnulli affirmant. Nec curæ ipsi fuit propugnacula & loca munita in suam potestatem redigere: sed revocatus in Asiam, propter tumultus quosdam recens ibi natos, Vngariam pessime constitutam dereliquit.

Ioannes Zapolita Transylvaniæ Waiwoda apud plerosque suspicionem incurrit studio ipsius copias ante prælium domi retentas fuisse. Nam subito ubi regis mortem inaudivit cum exercitu comparuit, & in regem à quibusdam fuit electus. Eum tamen FERDINANDVS Austriacus, qui à potiori parte Nobilitatis & ob graviores rationes Rex fuerat creatus, vi cedere 1526. 1527. coegit. Vnde Ioannes implorato Turcarum auxilio patriam Solimanno nefarie prodidit. Vbi lacerum ac pene convulsum Vngariæ regnum Ferdinandus adeptus est, etsi alibi satis haberet quod ageret, ob motas in Bohemia & Germania religionis causa discordias, Carolo Valijs bellis impedito, non destitit tamen omnibus suis viribus contra tam potentem hostem illud defendere. Bellum Vngaricum Solimannus diligentius fovebat; quod Iohannes, si regno Vngarico potiretur tributum illi solvere annuum pollicitus esset; qui nec proprijs viribus & copijs ad expugnationes locorum, & reliqua belli munia juvanda præstò esse detrectabat. Plurimi præ timore ultio deditiōem fecerunt: alij commissa sibi propugnacula vacua defensoribus deseruerunt. Subito Solimannus nemine id verente, Vien-
nam

nam usque cum trecentis millibus militum excurrit; in qua
 1529. tamen expeditione florem militiæ suæ præcipuum amisit; elap-
 sis viginti duobus diebus, iterum fugientis instar discessit, cum
 præsidium Germanorum adventare intellexisset. Nec minus
 turpiter anno sequenti ex Vngaria, cuius limites cum quingen-
 tis millibus hominum infederat, aufugit; ubi primùm Caroli
 V Imperatoris discessum Augustam intellexit: & tantum ma-
 turavit abitum, ut ne adventum quidem centum quinquaginta
 militum, quos versus Aurelianum seu Linzium deprædatum
 emiserat, expectarit, maiora quoque damna ejus exercitui illa-
 ta fuissent, nisi expresso mandato copiis ijs Christianorum, quæ
 circa Viennam in excubiis erant, injunctum fuisset, ne ante Im-
 peratoris adventum quicquam tentarent. Ioannes Rex ho-
 magio adstrictus domui Ottomanniæ, Budam defendendam
 à Solimanno acceperat, additis tamen custodibus, sine quorum
 consensu nihil quicquam tentare audebat. Inde sentiens frau-
 dem, quâ Turca citra suorum periculum Vngariam acquirere
 machinabatur, cum Ferdinando pacem iniit; eâ conditione, ut
 Regno quam diu viveret frueretur, post ejus obitum Ferdinan-
 do illud cederet, concessâ tum filio, si quem superstitem reli-
 1538. cturus esset, Transylvaniâ & regione ultra Tibiscum sitâ. Mo-
 1540. riens Ioannes filio recens nato, cui Ioannis quoque nomen in-
 ditum erat, tutores reliquit matrem Isabellam, & fratrem Ge-
 orgium; qui moti singulari quadam ambitione, ne administra-
 tione tanti regni privarentur, pactis conventis satisfacere recu-
 sarunt, & quò commodius Ferdinando resisterent Turcarum
 implorant auxilium. Ii primò statim impetu Insulam prope
 Budam ceperunt, haud sincere nostro exercitu eam defenden-
 te; qui paulò pòst à Solimanno, qui maximas adduxerat copias,
 stragem atque cladem immensam accepit, amissis impedimentis
 omnibus & Pesto oppido hosti in prædam derelicto. Soliman-
 nus

nus puerum illum Joannem ad se duci, ejusque matrem in de-
 stinatum Transylvaniae & regionis ultra Teissam seu Tibi-
 scum sita administrationem proficisci jussit: Budae vero Tur-
 cicum praesidium imposuit. Ferdinandus per legatos de pa-
 ce cum ipso agere nitebatur, sed ille successu tam prospero
 elatus conditiones hasce proposuit: ut Vngaria excedat, &
 Austria nomine tributum solvat, sin minus pacem se nun-
 quam initurum. Nec multo post cum alibi Ferdinandum
 occupatum sciret cum ducentis viginti millibus militum
 reversus Strigonium obsedit, & post multas oppugnationes
 deditioe, non citra prodicionis suspicionem, eam cepit.
 Inde versus Albam regalem conversus non tam vi quam ope
 densae nebulae eam adeptus est. Vbi tandem Ferdinandum
 cum quadraginta millibus Possioniam venisse, & recta contra
 illum tendere intellexit. Cujus adventum cum expectare
 nollet, dimissis copiis Constantinopolim repetiit. Ferdi-
 nandus ulterius cum exercitu profecturus a Bohemis fuit
 impeditus, qui transire Danubium negabant, inclementem
 coeli temperiem causantes; potior tamen causa fuit, quod
 voti compotes facti fuissent, hoste impedito ne ultra Danu-
 bium exercitum promoveret. Pax tandem inter Ferdinan-
 dum & Solimannum conclusa, a Georgio Ioannis Regis fra-
 tre homine inquieto turbata fuit. Ille enim absolutum Tran-
 sylvaniae dominium sibi poscens, Isabellam indigne tractabat.
 Quae cum Turcarum auxilium implorasset, ille ad Ferdinan-
 dum recurrit, qui octo millibus militum duce Castaldo in
 praesidium ei misit. Sed vidua artibus potius quam vi placata,
 regionis istius dominium retinuit. Ad quam recupe-
 randam Turca exercitum misit copiosissimum & Cippam
 atque Temesvariam occupavit. Vtraque tamen paulo post a
 septuaginta millibus Transylvanis ei fuit erepta. Moti
 fuerunt anno sequenti novi in Germania tumultus; ob quos

1541.

Hortensio

in bel-

lo Transil-

1545.

1551.

1552.

Cc

per.

per exigua in Hungariam missa fuerunt praesidia, & eadem à
ducibus male fuerunt conducta. Aldano qui Lippam defen-
debat, male cessit Segedini occupatio, quam cum urgeret
obstinatius, ejus milites qui depraedationi inhiabant, maxima
clade à Turcis fuerunt affecti. Cumque Lippam arctius & di-
ligentius quam Temesuariam tueretur, hæc illi primum ere-
pta fuit, illam sponte nondum hoste conspecto turpiter de-
seruit. Non multum post, Solmias propugnaculum in mon-
te eminenti situm Turcarum cessit potestati. Locus hic
commodus & opportunus ad Lippam recuperandam fuisset,
quod exiguo intervallo ad istum bombardæ inde distet. Se-
cuta est clades sex millium militum, qui sub Deufelio &
Palavicino militantes cæsi fugatique fuerunt, quod parte ex-
ercitus hostilis fugata, nimis attenti ad prædam fuissent.
Cum itaque nullibi quisquam compareret, qui partes Fer-
dinandi defenderet & hosti se opponeret, Turcæ Solnock,
unde praesidarii aufugerant, occuparunt, & Agriam tenta-
runt frustra, inde depulsi ditionem omnem ferro flamma-
que devastarunt.

1533. Tot cladibus acceptis Transylvani de Ferdinandi pa-
trocinio atque defensione à vi hostili desperarunt; Turca
quosdam qui contrariae factioni erant addicti fovebat. Idem
faciebat Rex Poloniae. Solimannus preces Isabellæ liben-
ter admittebat, quæ se deceptam querebatur, quod promif-
sa non fuissent servata. Subditi tot malis, quæ tam ab ami-
co quam hostili exercitu perpeffi fuerant, maxime fuerunt
irritati. Itaque ut primus Costaldus ex provincia discessit,
infans *Ioannes* in eam fuit restitutus, Turcarum imprimis au-
xilium. A quorum devotione cum tota ea ditio, una cum
Moldavia & Walachia dependeret, maiores progressus con-
tra Vngariam suscipere statuerunt. Quorum nonnulli læ-
ros habuerunt exitus, siquidem Sigetum atque Iulam regni
toti-

totius claves præcipuas, occuparunt: illam vi cum maxima
 suorum strage, hanc per prodicionem ut suspicamur, quod
 dux præcipuus qui illam defendebat, Battoriis, qui à Ioan-
 nis partibus stabant cognatione iunctus esset. Ex hac Bat-
 toreorum familia plurimi duces præstantissimi belloque
 strenuissimi, & magnanimi heroes exstiterunt. Primam
 gentis suæ originem è regiâ trahentes, in regni dissensionibus
 plerumque iis astiterunt, qui nobilium defenderunt
 partes: in hoc bello Austriacorum auspicia secuti sunt. Sed
 nescio quâ ratione sceleratorum quorundam operâ post Fer-
 dinandi mortem ab eodem alieniores fuerunt facti. Culpa
 imputatur gubernatori qui Zatmaria præfuit; quod ob rebel-
 lionem Transylvaniâ exulans, huius loci cura ipsi à Fer-
 dinando commissâ fuisset, id Transylvani in sui contemptum
 factum interpretabantur: ipse vero Zatmaria præfectus
 quasdam propter jurisdictionem Somlii, quæ ad Stephanum
 Battorium spectabat, rixas excitavit. Ius quoque Battorei su-
 per Zatmariam prætendebant. Vnde primum differentia na-
 ta; quâ auctâ postea cum Ioanne defuncto, *Stephanus* in Tran-
 sylvaniæ principatum successit, & brevi post Polonia regnum
 adeptus est. Nec sub ejus fratre Christophoro exstincta. Ad
 tertium tamen heredem, Christophori scilicet filium Sigis-
 mundum non transiit; quin præteritarum iniuriarum obli-
 vione illud in arctissimam amicitiam & necessitudinem fuit
 conversum. Sigismundo non amplius Waivvodâ vel gu-
 bernatore, sed vero Domino Transylvaniæ Moldaviæ &
 Walachiæ, tum etiam Principe Imperii existente; sub cuius
 imperio hæ provinciæ ad debitam obedientiam redactæ,
 unde prius in hoc regnum Turcis patebat aditus. Vngaria
 firma spe fruitur, tandem aliquando jugum Turcicum pro-
 tinus excutiendi, accedente ad ipsius virtutes fausto nomi-
 nis omine; siquidem sub priori Sigismundo primum tyrannus

nidem experta Turcicam, à qua huius alterius ope brevi totam se, restitutâ pristina libertate, liberatam iri confidit.

AD HANC historia Turcica Epitomen, collectam ex quàm plurimis auctoribus, addi potuissent, quæ in bello, quod adhuc viget, contigerunt. Ea enim compendij instar sunt; plerasque actionum Turcicarum hætenus usitatarum, si perfidiam in pace temere rumpenda, & iuris gentium violationem in sacrosancta Legatorum persona perpetrata, tum etiam locorum expugnationes & pugna committenda rationem spectes. Sed cum de plurimis successibus nondum vere judicare liceat, ad aliam historiam particularem ea reservabimus. Sufficiat nobis, res gestas ubi opus erit breviter indicare quam de iis iudicium ferre.

**SECTIO
II.**

EX HAC narratione facile videre est, Turcas non casu quodam, vel fortuna ductu ad tantam potentiam pervenisse, sed artibus atque potentiâ, invictis quoque viribus, ea positus esse. Cum autem ob brevitatem, qua in recensenda historia usi sumus, peculiare quidam modi, & procedendi rationes à Turcis observata, indicari nequiverunt, de iis singularia capita inscribemus, & de ASTVTIA & artibus Ottomannicis, de eorundem fraudibus, tum etiam de VIRIBVS quæ in obedientia, thesauris, & militia consistunt, subiiciemus.

CAPVT I.

DE FALLACIIS ET ARTIBVS OTTOMANNICIS.

Nemo unquam sublimem atque eminentem quandam dignitatem solis viribus, nulla adhibita fraude, adeptus est; plurimi solâ fraude ac violentia ad eas pervenerunt, ut *lib. 2. c. 13.* annotat ille bene notus Secretarius. Romani sub prætextu societatis & amicitiae cum vicinis pactæ, potentiam suam auxerunt, adiuti sociorum auxiliis. Quibus posthabitis sibi solis parta bello attribuebant; socios postea ipsos, cum fraude cognitâ rebellionem molirentur, aggressi, eos domuerunt. Xenophon verum Principem sub Cyri persona de-

describens, dicit illum Armeniam atque Mediam non armis sed fraude acquisivisse; innuens eum sine dolo ad tantam potentiam & dignitatem non fuisse perventurum.

Duo autem notantur fallaciarum genera. *Primum* intelligitur, pro omni effectu actionis cuiuspiam incognitæ & inexpectatæ, vel saltem quæ iudicatur inepta & inutilis, ut tale quippiam in eiusmodi persona, tempore & loco producat. *Deinde* fallaciam dicimus, omnem actionem & effectum inexpectatum, non propter aliam causam quam quod impossibilis haberetur in tali persona loco & tempore, interveniente iure amicitiae vel fidei datæ. In primo genere præsupponimus certum quoddam ingenii acumen ac promptitudinem; & recte ars vel astutia vocari potest, quæ in plurimis cum ipsa prudentia convenit, unde laudem quandam meretur. Alterum genus fallaciarum malignitatem adiunctam habet & hominum commercio adversatur, quo leges violantur, iura communia & naturalia evertuntur, proprie fraus, dolus, periurium, proditio nominari debet: illudque comitatur vituperium. Utigitur cognoscamus, quid laudis, quid vituperii habeat Domus Ottomannica, utrumque genus fallaciarum, artes videlicet ipsius atque fraudes examinabimus.

Ars & astutia Ottomannicorum dici potest, singularis illa solertia atque diligentia, quâ in omnes occasiones intenti vigilarunt, nec ullam è manibus sibi elabi passi sunt commoditatem, quæ rebus ipsorum conducere poterat, vicinorum discordias non solum fovendo, sed etiam procurando, ut debilitatos facilius vincere possint. Astutiæ ipsorum adtribuendum, quod omnibus qui ipsorum opem imploraverunt auxilium præsto tulerint: Partem igitur alacriorem & potentiorum auxilio debilioris oppresserunt, debiliores multo facilius superarunt. Ipsi sæpius auxilia obtulerunt

sub prætextu innocentiae, ut oppressos iniuria vindicarent.
Bonf. l. 24 Vladislao regi Vngariae auxilium per legatos obtulerunt con-
1439. tra Albertum Austriacum: verum ille morte fuit præventus.
lib. 40. Corvino filio naturali Matthiae promisit auxilium sponte
1491. quadraginta millium militum, cum quibus regnum pa-
lib. 46. ternum Vladislao II eriperet; prætendens Baiazethes se
1514. jure id facere, ob parentis in se meritum, qui durante dissen-
sione cum fratribus maxima illi damna inferre potuisset, ei
tamen pepercisset. Sic Laurentio illi qui ab Vngaris desciverat
maxima promisit auxilia, pro quibus unicum solum propugnaculum
in Dalmatia sibi poposcit, cujus ope aliunde impressionem facere
posset: ille tamen utrumque respuit. Vtrò igitur Turcae, ubi non
fuerunt vocati, sese insinuarunt: ubi vocati semel fuerunt admissi non
facile rursus potuerunt expelli. Imitati herinaceum illum, de quo
fabulae tradunt, illum semel pluvioso coelo à serpente in angustum
antrum admissum; ibi commodè suos aculeos explicasse & serpentem
offendisse, serpenti conquerenti respondisse si manere nolit abire
liceat. Astutia Turcae dicenda, quod sentiens plus sibi ad
acquirendam victoriam strictam atque severam disciplinam militum
quam arma conferre, celeritate in bellis uti consuevit, brevi tempore
iisdem finem imposuit, maximoque cum exercitu atque apparatu
eadem gessit; Romanorum hac in parte exemplum imitatus. Vbi
igitur expeditionem quandam cum numerosissimis copiis suscipit,
eam feliciter ad finem perducit: copias reducit subito, antequam
nostrates qui tardiores sunt in apparatibus faciendis, pedem moveant,
unde & tempus & pecunia frustra infumitur. Neque unquam ad
pugnam descendit, nisi de victoria vel propter immensam suorum
multitudinem, vel ob alias commoditates, quae ipsi potius quam
hosti servantur certò confirmatus sit; neque turpe etiam ducit hosti
cedere,

cedere, modò id suo cum commodo fiat. Astutia & non casus fortuitus fuit, quod excursiones crebras & immensas (ad quas magis idoneum se suosque quam ad statarias pugnas cognovit) sæpius tentavit; iisque plurimas provincias devastavit, & in eum statum reduxit, ut quæ per desperationem eius⁹ imperio non cessisset, vel tributum solvere parata esset nullo negotio ab ipso superari & vi opprimi potuerit. Huc accedit, quod eiusmodi excursionibus milites semper laboribus bellicis exercitati & præda opima locupletati fuerint. Astutia Turcica dicenda, quod ubi ad manus venire aliquando coacti fuerunt, suis incommoditatibus aliunde prospexerunt: non audacter in hostem impetum faciendo, sed eundem excipiendo: nunc timorem nunc fugam fingendo, nostras copias armorum gravitate defatigatas, & earum ordine turbato tamdiu ludificarunt & circum egerunt, donec manifestò conspexerunt suum commodum. Vnde victoriis potiti sunt celeberrimis; in Asia quidem contra ambos Palæologos, in Vngaria vero ad Varnam & Mohaz, & forsitan, si quis id credere velit, ad Agriam. Astutia quoque fuit, unde ut Græci referunt plurimum Turcarum res promotæ fuerunt, quod bello capta mancipia hinc inde in varias provincias dimiserunt, & incolas atque habitatores diversarum regionum invicem commutarunt, atque eos duntaxat quos maxime idoneos ob ætatem & ingenium iudicabant, in sectâ Mahometanâ institui curarunt. Hinc Turcarum copiæ vehementer auctæ, colonias Romanorum more, ad Imperii limites ducere potuerunt, qui regiones vacuas habitatoribus incoherent. Hæ artes iunctæ institutioni militari (de qua inferius) & stratagematibus, quæ annotamus, origo fortunæ atque incrementi rerum Ottomannicarum dici possunt. Quæ consistunt in industria & prudentia; in quibus Turcam non barbarum sed verè Græcum esse, abunde apparet.

Fr. M.

Fraudes atque doli, malitiosum genus fallaciarum, domui Ottomannicæ turpissimam inusserunt maculam, eiusque gloriam haud mediocriter obscurarunt. Sed quid mirum? Ex media barbarie orti Turcæ, ad Europæ humanitatem atque civilitatem progressi, Græciam sibi domicilium ac sedem firmam elegerunt; ubi fides ipsa unâ cum religione, non modo penes privatos, sed etiam apud ipsos Principes atque adeo Imperatores, extincta & abolita fuerat neque promissorum, neque iuramenti ulla habebatur ratio. Quod ad nauseam usque in historicis Græcis legimus, & vitium illud multoties in ipsis Palæologis deprehendimus. Si ex Græcis autoribus ruptæ ab Ottomannis fidei exempla compilare vellemus, integra nobis conscribenda forent eius rei volumina. Sed cum iam à multis annis, astutia seu perfidia potius Turcica in Vngariæ regno notissima sit, sufficit mihi relictis vetustioribus exemplis annotare quid contigerit præfidiariis, qui Budæ, Volpii, Soclesæ, Strigonii, Albæ regalis Iulæ, & Agriæ deditionem fecerunt, ubi fidem habentes pactis iuratis, Turcis sese crediderunt, qui ut eorum bonis potirentur iunctâ perfidiâ cum avaritiâ misere eos occiderunt. Neque Princeps excusari potest, quod se invito & nolente eiusmodi facinora à militibus perpetrentur: tum quod nunquam dignas propter eiusmodi enormitates ipsis poenas inflixerit, tum etiam quod suo exemplo, omni crudelitatis genere, ad similia perpetranda eos instigarit. Mahometes sub prætextu colloquii de seriis & maximis momenti rebus habendi, Stephanum Bosniæ & Rasciæ Regem ad sese evocarat; quem, ubi comparuit, perfide secum retinuit, & vivum crudeliter excoari iussit, occupatis quas possederat ditionibus. Idem plane & eodem modo contigit Mailato Transylvaniæ VVaivvodæ. Sed neque Legati, qui apud omnes gentes sancti & inviolabiles habentur, securè apud Turcas

Niceph.
lib. 5.

1524.
1543.
1552.
1555.
1596.

Bonf. l. 30,
1463.
1542.

Turcas versari potuerunt. Lascus à Ferdinando pacis tractan- 1542.
da causa ad Solimannum missus, in carcerem fuit detrusus, in-
de dimissus in itinere ex oblato veneno extinctus est. Initio e-
jus, quod adhuc durat, belli, Legatus Cæsareus Grocovicus ad 1593.
mortem usque in carcere fuit detentus; quod post Bicciam con-
tra pacis conditiones captam, Cæsarem non impedivisset, quo
minus arma in vindictam rupti fœderis sumeret, & autor existi-
tisset, ut consueta tributa dona & munera Turcis mitterentur, ne
ulterius procederent. Eò processit Barbarorum arrogantia no-
stris discordijs confirmata, ut continuos de nobis triumphos a-
gere cogitent. Et videtur sanè, perfidiam Domus Ottoman-
icæ augeri indies, ubicunque spes lucri vel imperij accrescen-
di occasio intervenit. Quin singularis stratagematis loco, per-
fidiâ utuntur, ut vicinis metum atque formidinem incutiant;
quasi ipsorum amicitia non indigeant, freti suis armis. Eòdem *Bons. l. 23.*
recidit Mahometis dictum ex Euripide allatum, quo etiam Juli-
us Cæsar usus est; scilicet *solius regni causa jus violandum esse*; co-
gitabat enim Europæis, rupta pace sanctè jurata atque initâ, bel- *lib. 13.*
lum inferre. Eadem fuit Bajazethis sententia, cum Sigismundi
legati ipsum hortarentur, ut Bulgariâ abstineret, quæ nullo jure
ad ipsum spectaret; Legatos in domum quandam duxit, quæ
undique armis strata & ornata erat, eisque respondit, jus suum
supra Bulgariam ad muros usque sese extendere: innuens rati-
ones potiores quibus inniteretur in armis consistere. Non igi-
tur absque ratione Matthias, cognitâ Turcarum perfidiâ, Ma-
hometis II Legatos admittere voluit, quod sub specie pacis
gravius bellum eum machinari cognosceret.

*Et hæc hæcenus de fallacis atque fraudibus Ottomanicorum
dicta sufficiant.*

Dd

CAPVT

Cum non solum astutia & fraude, sed viribus etiam adhibitis & violentia, ut fieri solet, Domus Ottomannica ad tantam potentiam pervenerit; considerandum in quibus rebus robur ejus præcipuum consistat, nimirum in auctoritate, sive obedientia, thesauris & militia.

De Auctoritate seu obedientia.

Tanta erga Imperatores Turcas est subditorum obedientia, ut major vix mente concipi, par autem introduci non possit, nisi eadem adhibeantur media quæ efficacissima hæc Religio & Secta experta est.

Primum quod occurrit medium ardentissimus Zelus Religionis est. Cujus suprema jurisdictio cum Regia atque adeo absoluta autoritate penes Imperatores consistit, à primo Mahomete ad successores translata. Ejus stimulis adeo irretiti tenentur subditorum animi, ut verè beatum ducant, qui in regis obsequio vitam profundit, id qui facere recusat vel obstinatum sese præbet, gravissima pœna & castigatione, ut qui & Deum & Prophetam graviter offenderit, dignus censetur.

Secundum medium in eo consistit, quod omnis imperandi potestas ab uno solo dependet. Nec magis singularis vel absoluta aut exactior potestas in aliquo imperio cernitur, quàm ipsi Turcarum Imperatores habent. Eam duobus modis acquirerunt, tum quod nunquam habuerunt imperij æmulos vel socios, occisis omnibus cognatis qui jus aliquod super illud prætere tendere possunt. Ars barbara & execranda, quæ tamen ad reprimendas discordias plurimum valet. Deinde quod nullum genus dominij subditis permiserunt integrumque reliquerunt, unde rebelliones exoriri possent. Idque hac ratione: cum Ottomanus principatum atque imperium subditorum sine competitori acqui-

acquisivisset, morem introduxit ut omnia immobilia Imperatori cederent, & ex reliqua præda decimæ ipsi penderentur. Hinc provinciarum atque urbium dominium consecutus, iisque gubernatoribus, quos pro libitu mutare poterat, regendis concessis, duobus modis id commodis ipsius conduxit. Quod nimirum fortitudinem militum recompensare potuerit, concessis iisdem provinciarum administrationibus, unde favor ei & benevolentia parata erat, & alios spe remunerationis ad virtutem excitavit: deinde omnem rebellionis causam atque occasionem ablato dominio sustulit; filios spe parentum amplas hereditates acquirendi privavit, ne ansam haberent vitam otiosam agere, sed potius excitarentur ad paternas virtutes imitandas ob quas digni haberentur, qui in officiis quoque illis succederent: oppida, domos, campos & rura bello capta inter milites spectatæ fortitudinis distribuit, ea tamen lege, ne vel testamento, vel quovis alio modo alienare ea possent; Imperatori integro relicto, eadem cum vellet repetere, solo usufructu subditis concessito, quo tanquam beneficiarii fruantur. Eadem fere ratione, quemadmodum apud nos vasalli feuda à Dominis feudatariis accipiunt; quæ tamen paulo ampliori cum jurisdictione largiuntur. Pro ratione igitur prædiorum Ottomannus vasallis unum vel plures equos & servos in bellum ducendos obstrinxit: hi redditus habent ex decimis quas rustici solvunt, ex multis & muneribus quæ ipsis obferuntur.

Huc accedit coloniarum usus, quæ ad subigendas provincias & domandos subditos plurimum profunt. Si enim ex uno loco omnes incolæ priores aliò habitatum ducantur, unde in patriam redeundi, pristinamque libertatem recuperandi spes eis aufertur, & in horum locum novis inquilinis regio eadem locupletetur, quibus tota provincia dicto modo distribuat ur, nullæ seditionum vel rebellionum causæ supererunt, tota regione cum novis habitatoribus fere immutata.

D d 2 Tum

Tum etiam consuetudo Aulæ & modus procedendi, in illis principiis observatus, veram obedientiam peperit. Aula namque refertissima erat illustribus viris, qui è regio sanguine descenderant: ibidem non alebantur ut officiis & provinciarum administrationibus præficerentur, sed potius ut ornamento essent aulæ familiæque imperatoris, tum etiam ne rebus novis studerent, si abessent longius. Non enim moris est quenkumque ad sublimes dignitates promoveri, nisi qui cubiculo Imperatoris præfuerit, ii ab infantia in aula nutriuntur, ut alium dominum factorem vel patrem non agnoscant, quam ipsum Principem. Hinc fit, ut omnes Bassæ, Beglerbegi, Agæ, & reliqui officarii atque milites aulici, Imperatoris sint mancipia. Quæ servitute & nomine cum nunquam liberentur etsi supremos dignitatus gradus conscendant, factum ut brevi tempore, omnes incolæ & universa regio in servitutem Imperatori cesserit. Quæ servitus non modò in vitam mancipiorum, sed in omnia etiam bona ipsorum, divitias, & liberos sese extendit. Non igitur ostentationis & humilitatis causa Bassæ, & reliqui officarii inferiores mancipia sese nuncupant: sed quod reverà jurisdictionem absolutam Imperator in eorum bona & vitas habeat.

Hæc conditio est subditorum Turcici imperatoris, imprimis verò eorum qui arma tractant, quorum vita & opes à mera & nuda voluntate Principis dependent, neque ulla, vel speciali libertate vel privilegio ejus imperium coercetur, liberum ei est absque consensu & consilio subditorum de ipsorum vita & bonis pro libitu disponere, neque ei quisquam contradicere audet.

II.

DE REDITIBVS ET THESAURIS REGIIS.

Nimis foret curiosum ac difficile, inquirere & perscrutari qui & quanti sint Turcici Imperatoris redditus; sufficit nobis ostendere, Turcicos thesauros inexhaustos esse, & nullâ
ratio-

ratione nostris opibus vinci posse, alia igitur media invenienda ut ipsum superemus. Ducatus autem Turcicus, quem cum Vngarico & Zecchino Veneto convenire precio fingimus, quinquaginta quatuor Aspros valet.

Vnde nonnulli reditus Turcici Imperatoris hunc in modum supputant. Ex Zeccha seu monetaria officina singulis annis percipit centum millia ducatorum. Vbi novus Princeps inauguratur, novi cuduntur aspri, quorum decem faciunt duodecim veteres, inde octingenta millia ducatorum arario regio accedunt. Primum hanc consuetudinem Mahometes II voluit singulis decenniis observari, quod tamen postea fuit immutatum. Metalli fodinæ conferunt centum millia ducatorum. Tributa, vectigalia & portoria millies septingenta millia. Salmæ quingenta millia. Sub Bajazethe lustrata fuerunt 1112000 Christianorum, qui omnes tributa solverunt. Sub Selimo 1333000, non connumeratis iis qui in Asiæ Provinciis nuper devictis habitant, & 6000 domibus Christianis, quæ homagij loco unum tantum falconem donant. Lege Mahometana cautum est, ne à Turcis ullum exigatur tributum; in cuius vicem honorarium hi tantum solvunt, viginti quinque asprorum pro capite; Christiani triginta contribuunt, præter extraordinarias impositiones, 30, 40, vel 50, asprorum, quibus onerantur singuli ubi classis instruitur. Ejus tamen pecuniæ pars non exigua, solutis omnibus sumptibus Imperatori remanet. Cauri Regnum quindecim mille equos, & auri millionem Constantinopolim singulis annis mittit. Officiorum quæ vocantur reditus Imperator ipse percipit; ij in singulos annos quingenta millia ducatorum efficiunt.

Si quis sine hærede moritur, bona quæ reliquit, vel si quæ alia exstant cujus dominus ignoratur, ad Principem devolvuntur: unde sexcenta millia ducatorum annuatim colligit. Deci-

Dd 3

mæ præ.

mæ prædæ, quæ terra marique rapiuntur Imperatori penduntur, quemadmodum & reliquæ ex frugum & pecudum redditibus collectæ, quæ cum mulctis in stipendia militum conferuntur. Neque quisquam ex officialibus reperitur, licet annum stipendium percipiat, qui homagii nomine singulis annis Imperatori munus quoddam non offerat. Ex hisce redditibus omnibus ferunt nonnulli, tempore Solimanni, militum stipendiis & aliis impensis solutis quinque miliones singulis annis in ærarium Imperatoris fuisse reconditos, præter tributa, quæ Christianæ provinciæ conferunt ut pacem sibi redimant.

Nec est ut quisquam putet, Turcam continuis bellis thesauros suos exhaurire. Nihil enim in bella infumit, sed lucratur insuper modis extraordinariis. Siquidem exercitui certa sunt pacis bellive tempore assignata stipendia, quæ ubi contra hostem milites educuntur non augentur. Tribus autem modis potissimum in bello lucrum facit. *Primum*, omnia oppida & pagi obligati sunt in castra Imperatoris farinæ & hordei quantitatem, quocunque jubentur, deportare. Sub Selimo in Europa numerata fuerunt septuaginta millia pagorum mediocrium, præter eos qui in Asia & provinciis ab illo acquisitis reperiuntur. *Secundo* decimas, ut dixi, ex raptu & præda habet. *Tertio* loco sunt munera. More enim receptum est, ut omnes Bassæ Beglerbegi Sangiacchi & alii officiales Imperatori ubi ad exercitum pervenit sese sistant, & munere quodam ipsum honorent. Id cum fiat in publico & in conspectu omnium, ambitiose invicem certare solent, quis splendidius & præstantius donum Imperatori offerat. Non igitur expendit sed colligit pecuniam belligerando. Secus evenit nostris Principibus, qui rarò ditiores, sed plerumque exhaustis ærariis pauperiores ex bello redeunt. Quod si verum esset, quod dici solet, *Belli nervum in pecunia consistere*, plane invincibilis nobis Turca habendus esset. De qua re paulò inferius.

De Militia Turcica.

CVM Lex ipsa Mahometana armorum patrocinio primum exorta & in posterum conservata sit, posthabito omni auxilio quod à Philosophiæ & Theologiæ studiis promanare posset, ejus affectu solam militiam, tanquam verum & unicum scopum omnium suarum actionum, propositam habuerunt, & tanto studio ei incubuerunt, ut efficacissimum belligerandi modum invenerint. Qui tantò majoris faciendus, quod eorū diuturno tempore imperium conservarint, idque violentissimum aliàs latissimè ampliarint, contra ipsam naturam violenti quod nunquam diuturnum esse solet.

Igitur de Militia Turcica aliquid dicendum: Quam dividimus commode in Portam seu aulam, in Timoriatos, & in eas copias quas ad Imperatoris mandatum subditæ provinciæ in bellum mittere coguntur.

De primo Militiæ generæ; Porta scilicet seu Aula Turcica & ejus stipendiariis.

CVM officia & munera aulica cum ipsis Monarcharum & Imperiorum incrementis indies mutantur, nemini mirum videbitur, si scriptores, in recensendis rebus Turcicis, nominibus, & militum numero atque militiæ constitutione, varient. Nos in harum rerum descriptione præter antiquiores, fidorem quorundam hominum relationes sequemur; qui statum harum rerum, cujusmodi sub Solimanno fuit, descripserunt; cum sub hoc Imperatore Imperium Turcicum maxime floruisse credendum sit.

Et si nonnulli Portæ seu Aulæ constitutionem Ottomanō tribuant; Amurathes tamen ad perfectionem & splendorem eam perduxit, eamque illustrium virorum copia ac præsentia ornavit,

ornavit. Porta autem dicta fuit, quasi apertum quoddam asyllum, omnibus iis patens, qui benignæ protectioni hujus Imperij se subjecerint. Dicunt nonnulli sub Bajazethe octodecim mille stipendiarios enutritos in aula fuisse. Eorum numerum sub Selimo & Solimanno ad triginta quinque millia excrevisse. Quam in re duo observanda occurrunt. *Primum* quod inter stipendiarios non recensentur nisi præcipui & domini ipsi, servis eorum quos ad belli usum alere coguntur, non numeratis. *Secundò* quod in hoc numero non milites solum comprehenduntur, sed alij quoque officarij. Muftius scilicet qui primus & præcipuus est Legis interpret; Cadilescieri qui sunt supremi iudices: Cassnatarbassi qui supremi Thesaurarij officio fungitur: Emitlemus, qui belli insignia distribuit: Eunuchus præcipuus, qui præest Reginae cubiculo: Visieri: Eunuchi qui in Seraglio serviunt: Ostiarius; Coquus; Hortulanus, quibus alij collegæ & ministri parent: Tum qui armamentarij reparandi & instaurandi curam habent. His omisiss, & stipendiariorum in alium locum rejectis, ad alios transeamus.

Sciendum initio aulicam militiam & officarios cunctos hac ratione in Turcicam servitutem devenire & mancipiorum numero adscribi. Cum Turcicus Imperator absolutam imperandi potestatem, & supremam jurisdictionem in suos subditos obtineat, neque ejus imperium ullam limitationem vel exceptionem patiatur, præter decimas reddituum & spoliolum, decimas quoque è liberis Christianorum exigit. Res miserabilis & deploranda, quæ ministrorum qui ad tributum hoc exigendum constituti sunt, crudelitate magis misera & calamitosior redditur. Hi elapso quinquennio omnes provincias pervagantur, sibi que omnes Christianorum filios, qui decimum vel decimum quartum ætatis annum attigerunt, adduci in conspectum cogunt; ex iis semper quintum segregant, qui maxime
 ipse

ipsis arridet. Robur in primis & corporis constitutionem considerant. Facta collectione, quæ ascendit ad decem vel duodecim millia puerorum, Constantinopolim eos deducunt, ubi cum ijs, qui ex præda Imperatori cedunt & ære comparantur, in duas classes seu cohortes dividuntur. In priori asservantur ij, qui liberaliori sunt vultu & facie decentiori, in altera vero qui rudiores & agrestiores videntur.

Hi qui rudiores, per Natoliæ oppida distribuuntur, & rusticis operibus ruri scilicet arando, & pecudum gregibus custodiendis, materiæ atque lignis ad ædificia portandis, alijsque ejusmodi laboribus applicantur, ut corporis vires roborent & confirment, quo magis idonei ad militiam evadant. Nonnulli ad remos alligantur; non ut naviculariam discant, sed ut assiduis molestijs callum obducant. Vbi decimum octavum ætatis annum attigerunt (quo tempore nullo precio Imperatori constiterunt) & in Turcica lingua & moribus satis sunt edocti, qui mari serviunt Gallipolim vocantur, ubi triremibus impositi curæ ac disciplinæ seniorum lanizarorum committuntur, arte militari, donec reliquorum lanizarorum matriculæ inserantur. Qui in Natolia fuerunt enutriti in Seraglium Constantinopolitanum vel alia pertrahuntur: ubi militarem addiscunt artem, in primis verò arcum tendere, bombardas explodere, & reliqua belli exercitia tractare discunt. Ex hac classe suppletur numerus custodum aulae regis; quorum numerus constat duodecim mille lanizaris selectissimis, sumptibus Imperatoris institutis. Hi alium patrem vel factorem præter Imperatorem non agnoscunt; in aula nihil aliud præter ejus majestatem, liberalitatem & laudes decantari audient, unde affectus & reverentia erga Imperatorem adeo in ipsorum mentibus obfirmatur, ut tanquam ab ipso creati, fidelissimi & obediuntissimi existant. Hi dum eandem habeant originem, & eadem disciplina & arte instituti & imbuti sint, nervum

Et

roborem

robustissimum Turcicæ militiæ efficiunt, imitantes eam quæ ro-
ties commendatur Macedonum phalangem, vel Romanorum
legionem, licet hi leviter tantum sint armati. Eorum Aga vel
Dux præcipuum munus aulicæ militiæ gerit. Hi sunt quibus
cura atque custodia præcipua totius aulæ & palatij regij com-
missa atque concredita est, qui ipsum Principem & ejus thesau-
ros tuentur atque defendunt. Vbi regni causâ lis atque dissen-
sio oritur, illi eam decidendi potestatem habent; plerumque
enim in regno succedit, quem illi, tanquam palatij rectores, eli-
gunt. Eorum benevolentiam Imperatores sæpius multis privi-
legijs & immunitatibus sibi compararunt. Quibus insolentio-
res redditu, ipsis sæpe Imperatoribus metum atque timorem in-
cusserunt. Matrimonia non contrahunt. Ob nullum atrocius
delictum, ne ipsum quidem homicidium, graviore pœna quam
capitis diminutione, nomine ipsorum è matricula deleta, vel re-
legatione in præsidia longinqua, ubi gravius ab hoste pericu-
lum imminet, affici queunt. Propugnacula Ianizari tuentur. Asa-
pij vero duplici numero urbis portas custodiunt, ut immunes
sint à Ianizarorum insolentijs. E Ianizaris eliguntur ducenti fa-
tellites, qui semper latus Imperatoris circumstipant. Ex iisdem
trecenti alij ad portas aulæ excubant: quorum dux Capibassi
dicitur, quod officium inter præcipua refertur, quod aditus inde
ad Sangiachatum pateat. Mille Ianizari canes venaticos cu-
rant. His omnibus Aga imperat. Sunt tamen inferiores quo-
que duces Iacabassi seu Centurio, Oddobassi Decurio seu vica-
rius, Alfier judex, & scribæ. Oddobassi seu Decurio subditis
suis militibus de hospitio & victu, in expeditione verò de equis
ac tentorijs prospicere tenetur. Nemini tamen equo incedere
permittitur, præter centurioni, vicario, & judici, stipendia ipsis
numerantur singulis mensibus. Aga ex timaris seu feudis per-
cipit sex mille ducatos annuos; à thesaurarijs vero plus mille
aspe-

asperis singulis diebus. Vicarius ejus habet ter mille ducatos ex timaris & ducentos asperos: centurio sexaginta asperos: quadraginta decurio; Ianizzari privati quinque habent, ob benemerita tamen octo interdum ipsis numerantur; ubi egregia fortitudinis ediderunt specimina ad gradus altiores vel satellitum vel ostiariorum, vel aliorum promoventur (quorum quilibet viginti asperos in dies singulos accipit) quidam etiam Sangiacchi creantur. Præter stipendia illis dantur singulis annis arcus, duo indusia, & panni tantum, unde ad conficiendam vestem eis sufficiat. Hi sunt qui ex classe posteriori robustorum & agrestium puerorum, defumuntur.

Quod attinet ad *alteram classem puerorum*, qui nobiliori & acutiori ingenio præditi esse videntur, illi per Seraglia, quæ sunt Constantinopoli Peræ & Adrianopoli distribuuntur. Eorum quingenti Constantinopoli aluntur sub Eunuchi disciplina. Iique è tota cohorte segregantur, ut in lege & lingua Turcicâ, atque alijs honestis armorum & rei equestris exercitijs instituuntur. Ex his sex ad cubiculum regium destinati sunt; ejus curam atque custodiam bini singulis diebus per vices gerunt: ubi hoc munere ad tempus functi sunt, alij ipsis subrogantur. Priores vero qui octodecim annos nati in Spahorum numerum affeiscuntur, & ad graviora munera promoventur, prout ætas atque industria ipsorum meretur, nimirum Agæ vel Bassæ creantur. Spachi (Spachioglani seu juvenes equestres ab alijs dicti) initio pauci fuerunt numero, ad ducentos fere. Plerique Principum erant filij, unde ferunt in Peloponnesi expugnatione nobilium filios in Seraglijs fuisse conservatos, & Imperatoris Trapezuntis filios eodem collocatos fuisse, ut discerent & sese exercitarent. In hac turma versabantur quoque initio imperij ij Principes, qui aulam sequi necessario cogebantur. Vbi verò paulatim illustres Græciæ familiæ extinctæ & abolitæ

Laoni. l. 53

fuerunt, numerus verò equitum istorum ad tria millia excrevit, fieri non potuit ut eodem rigore electio hæc fieret. Nobilium igitur familiarum defectum supplevit honesta & liberalis faciei & corporis constitutio. Horum Spachorum quilibet quinque servos equites in bellum ducere, & in eundem usum semper alere cogitur. Ii in separata turma ad latus dominos suos sequuntur, sed ob splendidum vestitum quo induuntur non minus sunt conspicui, quam ipsi domini, qui sericis & Attalicis vestimentis induti & generosis equis instructi, splendidissime incedunt. Eorum arma præcipua sunt machæra, clava & lancea. Post Persicum bellum ferreis quoque thoracibus affabre factis armari cæperunt. Ipsorum Aga ex Timaris & stipendio habet quingentos asperos in singulos dies; Spachorum vero quilibet viginti quinque usque quadraginta asperos accipit. His ubi ad maturiorem ætatem attingerunt, in matrimonium collocantur puellæ quæ ab infantia tanquam mancipia fuerunt enutritæ in Seraglio privato, ubi semper trecentæ aluntur. *Slichtari* aliud genus equitum numero & pompa Spachis similes, viliora habent stipendia, & tres vel ad summum quatuor servos alere tenentur. Ex Seraglio puerorum Constantinopolitano segregantur, cuius defectum alterum quod est *Perræ* supplet. Agam habent & reliquos belli ministros. In acie & expeditionibus sinistrum cornu Imperatoris defendunt: Spachi vero dextrum. Ex iis quingenti diurnas atque nocturnas excubias armati ad regis cubiculum agunt; à quibusdam eodem cum Spachis nomine comprehenduntur, cum exigua inter illos sit differentia. Duæ adhuc equitum sunt cohortes numero & pompa prioribus inferiores, quibus tamen armis & robore bellico non cedunt. Vtraque peculiarem habet Agam. Altera mille equibus selectissimis constat, ex ignobilioribus hominibus collecta, quorum tamen virtus & fortia facta nota sunt.

His

His multi sese adiungunt Ianizari, tum Imperatoris, Bassarum & aliorum magnatum servi ac mancipia. Illi enim honori sibi ducunt, si quem è suis militantem habeant, inter eos qui ob virtutem Imperatori chari sunt. Altera cohors mille equitum est, è Turcis natis collecta atque conscripta. Qui soli in aulam recipiuntur; nec admittuntur, nisi exereitatissimi, quique multis heroicis facinoribus fortitudinem suam testatam fecerunt. In iis inprimis requiritur dexteritas & agilitas in equitando, in vibranda lancea & stringenda machæra: ut videatur cohors hæc ad ostentationem dexteritatis collecta esse. Ordines æque atque priores in acie observant, iisque non sunt inferiores, viliora tamen stipendia habent nec ultra duos servos alunt.

Descripsi totam aulicam militiam: quæ constat duodecim millibus peditum & quadraginta millibus equitum; militibus scilicet selectissimis. Inter proficiscendum Ianizari quasi corona cingunt Imperatorem; à latere eum circumstipant Spachi atque Slichtari: hos sequuntur duo reliqui equitum ordines: servi à latere, remotiori tamen loco, suos comitantur dominos. Post Ianizaros proximo loco incedit Emitlemus: coram quo Imperatorium vexillum albo & viridi colore insignitum portatur. Illum excipiunt sex Sangiachi; quorum quilibet lanceam, (cujus cuspis aureo globulo, & parte caudæ equinæ, armata) gestat. Eodem ordine acies instruuntur, & castra metantur. In quorum medio aula & prætorium constituitur, quod reliquus exercitus tanquam agger circumvallat. Quia & Ianizari sæpius sua tentoria palis in terram defixis muniverunt, quemadmodum ad Varnam contigit; vel machinarum catenis invicem devinctarum atque ligatarum vallo sese muniunt, ut ad Agriam vidimus.

Præter eas, quas modo numeravi copias nonnulli alij repa-

E e 3

riun-

riuntur, quos vel genus familiæ, vel officij ratio in bellum trahit: Iudices nimirum, Thesaurarij, & Consiliarij. Hi longos mancipiorum series secum ducunt. Quidam eorum tria alij quatuor vel quinque millia servorum possident; qui solis vestibus armis & dominorum insignijs internoscuntur. Sed notandum hic, cum omnia officia ijs conferantur, qui Christianis parentibus nati sunt, non ignominia verti, si captivi servi fidem ejurent, quin etiam ubi fortes sese in bello præbent, domini libentius eis filias matrimonio quam ipsis Turcis elocant. His præter victum & vestitum domini certum quoddam stipendium numerant, ne furentur. Quin ne ipsi quidem domini propriis sumptibus eos nutriunt, sed cum teneantur pro quinque aspris equitem in bellum singulis diebus sistere, tot solent alere mancipia: iis qui copiam servorum majorem habent, præter stipendia ex timarorum redditibus prospectum est. Si quis ea quæ dixi diligentius examinet, inter stipendiarios Turcas reperiet ad minimum duas tertias è Christianis constare qui fidem ejurant; non solum propter aulicorum verum etiam eorum copiam qui Timaris fruuntur, & Beglerbegorum atque Sangiachorum servos, quorum maximam multitudinem alere solent ijs maxime fident, quod sub ipsorum stipendiis & auspicijs tanquam propria quædam cohors militent.

Tres quondam solebant esse Consiliarij intimi, qui ad Imperatorem omnia negocia deferrebant, & responsa lata exequabantur. Sed tamen & Beglerbegorum iudices supremi (quos *Cadileschier* vocant) in concilium intimum admittebantur; in quo Mustius præsidet, cui nemo contradicere audet. Numerum Bassarum auxit Solimannus, quarto prioribus tribus, Barbarossa scilicet, addito, quem etiam Bassæ titulo condecoravit; eadem etiam potestate & titulo Beglerbegis concessa, quo nostro tempore etiam Sangiachos gaudere cernimus. Vnde in Europa tot
Bassæ

Bassæ numerantur, qui quondam Sangiachi tantum vocabantur; ut est Bulgarix, Bosniæ, Temesuariæ, & Budæ, nec non etiam hodie Iavarini Bassæ. Gallipolis Sangiachus qui mari dominatur, in Bassæ officium sub Barbarossa fuit conversus. Volunt nonnulli etiam Beglerbegorum numerum in Europa auctum esse ut prius in Asia contigit. Sed numero crescente, decrevit dignitatis autoritas. Fuit tamen differentia quædam inter Bassas observata; ut qui in aula viverent *Visieri* seu consiliarij, & inter illos maximus Visierus Azem seu præses vocaretur. Ad hanc dignitatem, quemadmodum etiam ad reliquas supremas, nulli admittuntur, nisi qui cubiculo regio quondam præfuerunt. Barbarossa solus favore Solimanni, qui ipsi plurimum fudit, ad hunc honorem ascendit. Supremus Visierus viginti quinque millia ducatorum habet in redditum; Reliqui non minus sedecim millibus. Ad servos autem nutriendos, & sustentandam familiam haud minorem summam ex Timaris percipiunt. Tum etiam avaritia impulsî, munera à quibusvis libentissime accipiunt, unde maximos thesauros brevi tempore cumulant. Nemo enim sine muneribus ullam sibi gratiam vel favorem apud officarios promittere potest; qui dedecore se & ignominia affectos existimant, quasi ipsorum imminuatur autoritas, nisi dona ipsis crebra offerantur, quæ in signum recognitionis accipiunt. Hujus rei usum optimè didicerunt Christianorum Principum Legati, qui aditum in aulam & favorem sibi ære & muneribus comparare solent.

Hæ sunt aulæ Turcicæ vires, quæ contra hostem educi possunt sexaginta fere hominum millia; præter servos ministros & mancipia, quorum numerus viginti millia ascenderet. Neque hic comprehendo innumeram copiam eorum, qui carros & rhedas ducunt; nec qui magnatum camelos & mulos qui impedimenta gestant, comitantur. Ferunt nonnulli, ante Selimum qua-

dra-

draginta millia Camelorum à Turcicis Imperatoribus fuisse nutrita; Selimum vero horum numerum auxisse: in Cauri expugnationem, cum desertum esset transeundum centum triginta millia camelorum fuisse conducta; quorum tamen pars non exigua tempore belli coëmpra, vel à mercatoribus commodato sumpta fuerat. Facile etiam crediderim rumorem vulgo sparsum, quod tum in reliquos apparatus belli tum ad comparandos camelos Turcicus Imperator auri millionem erogarit, non omnino vanum extitisse; cum constet ex longinquis regionibus victum in castra comportandum esse.

Ex hoc apparatu constat, quantum ad bellum necessaria sit ipsius Imperatoris præsentia, cum tot millia hominum domi maneant, ubi ipse foras in bellum non proficiscitur. Eo vero præsente, militia non modò confirmatur ejus reputatione, sed viribus quoque innumeris augetur.

*De secundo Militiæ genere
Fendatarijs videlicet, qui ex Timaris seu
reditibus vivunt.*

EX Nobilium puerorum cohorte qui Constantinopoli educantur, præcipua Nobilitas Aulæ eligitur. Alij adsciscuntur ex Seraglio, quod est Peræ, Adrianopoli & alibi. Ique ubi decimum octavum ætatis annum attigerunt Spachorum militiæ adscribuntur, certi illis reditus ex timaris seu terræ proventibus assignantur. Distributi in varias provincias demortuorum loca vacantia occupant, Sangiachorum imperio subjecti quibus semper parent.

Divisum est universum Turcicum imperium in duas partes principales, Europam scilicet & Asiam. His quondam duo gubernatores supremi cum summo imperio præfuerunt. Sed cum Selimus plurimas Asiæ provincias imperio suo addidisset,

ratus

ratus tot amplissimas procul invicem remotas provincias non commodè ab uno solo regi posse, plures gubernatores constituit; qui nullius alterius præter solius Imperatoris imperium recognoscerent, subditas haberent regiones, quas regendas Sangiachis concederent. Ipsi vero gubernatores præcipui Beglerbegi, seu domini dominorum vocabantur.

Europa Beglerbegus, qui etiam Græciæ seu Romanix vocatur, præcipuus est & primus. Vnde Imperatore absente ipse exercitui imperat, eiusque imperio sine exceptione omnes, etiam Imperatoris filii si qui sint in castris, obsequi tenentur. Castra eius ad dextrum latus prætorii collocantur; & in acie dextrum latus Imperatoris claudit. Imperat quadraginta Sangiachis vel circiter (nisi forsitan eorum numerus hodie auctus sit) sub quorum imperio sexaginta milia Spachorum continentur; quos Timariatos vocant, quod ex Timaris & prædiorum rusticorum redditibus victum habeant. Non enim accipiunt aliud stipendium. In cuius vicem certi ipsis assignati sunt pagi & campi; quorum cultores decimas illis ex omnibus proventibus reddere coguntur. Idem viginti quinque aspros per capita solunt, quæ pecunia ad Imperatorem redit: tum & angarias serviunt, & alendis pecudibus, fructibus subministrandis, atque aliis modis premuntur. Multa quoque ad Timariatos pervenit, & ipsi rusticorum indices sunt & de causis cognoscunt. Inde nata est illa extrema necessitas, qua miseri illi premuntur: ut vix tantum eis relinquatur, unde vitam miserè tolerare possint. Semper enim duplex stipendium ad minimum exigunt. Beglerbegus ex Timaris sedecim mille ducatos annuos habet in redditum, ille tamen plus quadraginta milibus percipit. Sangiachi qui hosti sunt proximiores, vel ad limites Imperii morantur, plures Spachos sub se habent,

Ff

& am.

& ampliores etiam reditus à quinq; in duodecim millia ducatorum possident. Spachi initio quidem ultra sexaginta ducatos annuos non percipiunt, sed pro ipsorum meritis stipendium eis augetur usque ad trecentos ducatos. Pro centum ducatis equitem lancea & machæra armatum, atque duobus servis stipatum, in bellum mittere tenentur. Multi centum, alii quinquaginta mancipia alunt, prout amplam habent mercedem. Beglerbegus ultra mille servos tenet. Si cui Spachorum propter merita luculentius stipendium præter trecentos ducatos assignandum esset, ad altius officium promoveretur, puta *Subasi*. Quorum quadraginta in Europa reperiuntur, iique quadringentos mille ducats percipiunt, plurium cohortum duces sunt, & vel urbem quandam regunt, vel propugnacula defendunt. Existimo eodem esse, quos in finibus proximis Beghas nostri vocant. Hinc iudicare licet, quam probè stipendia apud Turcas distribuantur; neque quicquam frustra collocetur; sed qui plus præmii habet, plures milites in militiam ducere cogitur. Pacis tempore domi hi manent, & suis Timaris fruuntur: in excursionibus vel in bello, quòcunque mittuntur, ad primum ducis mandatum proficisci coguntur.

Soli Europæ Beglerbego, qui Sophiae residet, Constantinopoli morari & Visierorum concilio interesse licet. Reliqui sine licentia provincias suas egredi non audent. Stipendia possunt distribuere ad sexaginta usque asperos, pro libitu; quibus suis cognatis & familiaribus inprimis prospiciunt.

Cum *Asiam* unus tantum gubernaret Beglerbegus, majores quidem vires habuit quam Europæus, sed autoritate illi fuit inferior. Quæ tamen postea magis imminuta fuit, cum officium illud divisum & pluribus concessum fuit.

Narolia Beglerbegus quatuordecim mille ducatos habet ex
ris.

P A R S P R I M A.

217

Timaris. Ei parent duodecim Sangiachi; quorum stipendium est quatuor vel sex mille ducati: & decem mille Spachi. Absente Græciæ Beglerbego ipse imperat militibus, & ad sinistrum latus Imperatoris incedit.

Caramania Beglerbego decem millia ducatorum, septem Sangiachos, & quinque mille Spachos habet.

Beglerbego *Amasia* habet octo millia ducatorum, quatuor Sangiachos, & quatuor millia Spachorum.

Armenia minoris Beglerbego decem millia ducatorum habet; septem Sangiachos; septem millia Spachorum.

Mesopotamia Beglerbego in Persiæ confiniis triginta millia ducatorum habet: duodecim Sangiachos: decem millia Spachorum.

Beglerbego *Damasci Syria & India* habet vicesies quater mille ducatos, duodecim Sangiachos, viginti millia Spachorum.

Curi Beglerbego habet triginta millia ducatorum, sedecim Sangiachos, & sedecim millia Spachorum.

Omnes isti Beglerbegi Sangiachi & alii servos alunt, ut dixi, prout ratio stipendiorum patitur. Etsi igitur ultra centum triginta millia Timariatorum in exercitu non compareant, hi tamen ultra trecenties mille milites, qui in aciem educi possunt, ob servorum copiam, efficiunt. Non annumeratis iis, qui carros vehicula & iumenta conducunt, vel qui mercaturæ exercendæ & lucri faciundi causa castra sequuntur. De quorum immensa multitudine ex prioribus copiis iudicium facere licet.

De tertio militum genere: nempe de iis copiis quas subditiæ provinciæ ad mandatum Imperatoris in bellum mittere coguntur.

Vbi primum Turcæ in Europam transferunt, præda alle-
sti excursionibus in primis fuerunt dediti. Neque ulli

Ff 2

labg.

labori vel periculo pepercerunt, lucrum modò, facerent, cui imprimis inhiabant; adeò ut cum iam pedem fixissent in ea regione, & colonia quãdam in Thracia substitisset, ægre à ducibus continere potuerint, quin more suo prædatum excurrerent. Decreto igitur promulgato ut abstinerent ab eiusmodi deprædationibus, illi cupidiores redditi sunt: utpote qui iam assuefacti essent ex raptu victum quære-
re. Vbi verò aliud propositum fuit edictum, ut qui excurrere prædatum vellet, in constituto loco & præfixo tempore armatum sese sisteret, sæpius ducenta sæpius trecenta millia hominum in eum eventum convenerunt. Ex tantâ multitudi-
ne duces præcipui eos secernebant ad futuram expeditionem, qui ipsis videbantur maxime apti & idonei, & armis quoque optime instructi essent: reliqui domum repetere iubeantur. Quilibet autem studebat talem sese præbere, ut dignus haberetur ad excursionem. Vnde mos ille primum inter rusticos invaluit, tum etiam in urbes atque oppida irrepsit: ubi ad trigentes mille homines designati fuerunt, quibus non modò permissum erat in bellum proficisci, sed cogebantur quoque inviti, ad mandatum Imperatoris, in constituto loco, equo armis lancea & machæra instructi comparere. Consuetudo illa adeo successu temporis fuit inveterata, ut iam officii ratione teneantur subditi eam ob-
servare.

Qui hunc in modum frequentant militiam *Acanzi* vocantur seu voluntarii milites: ex natis Turcis selecti, qui solummodo quibusdam gaudent privilegiis, nec aliud stipendium recipiunt. Rustici victum ipsis suppeditant. In transitu præcedunt exercitum, lustratum & deprædatum loca ubi pervagantur. Ex horum numero fuerunt quindecim illa Turcarum millia, quæ in secunda Solimanni expeditione Viennensi Linzium usque excurrerunt. Sed
in

in Europa numerus eorum acquisitione novarum provinciarum crevit. In Asia quoque ingens eorum multitudo est. Selimus devictâ Paphlagoniâ & Armeniâ minore, in utraq;ue triginta millia Acanziorum creavit. Hi, etsi magis idonei ad excursions quam ad pugnas existunt, eorum tamen plurimi armis & equo optime instructi in bello comparent, & fortissimos sese præbent: ut haud rarò, ex Sangiachorum recommendatione, Beglerbegi ipsis de Timaris prospiciant.

Comitantur hos plerumque qui *Marlolesi* dicuntur, & *Velachi*, atque *Tartari* vel alii, qui callum obdlexerunt in latrocinis; maxime vero in earum regionum confiniis, in quibus depredandi & excurrendi commoditas est. Vbi lubenter ad partem prædæ admittuntur, quod locorum & viarum sint gnari & experti.

Hinc inde per provincias multi reperiuntur milites veterani & emeriti, vel quibus ob alias causas immunitas à bellis concessa est. Assignantur illis prædia & pagi in recens captis regionibus; pro quo beneficio equorum illi vel pedum certum numerum in bellum mittere tenentur. Transmittuntur prædia ad successores quoque. A Turcis *Masellizi* vocantur. In Europa sex millia eiusmodi equitum, pedum vero maxima copia reperitur. Exigua tamen eorum opera in pugnis existit; licet provinciarum inspectores sedulo isthuc laborent, ne homines inutiles in bellum mittantur.

Asappi pedites sunt Turcæ, quorum ingens multitudo, stipendia licet vilissima accipiant. Eorum in Europa quadraginta millia inveniuntur. Hasta arcu & machara pugnant. Verum cum neque affueri sint ad militiam neque exercitati, præstat illis uti ad expugnationes locorum, ad comportandam materiam, & cuniculos agendos, quàm ut in aciem

Ff 3

pro-

producantur. In hunc tamen usum maxima copia fossorum conducitur solet, præter eos qui certa habent ab Imperatore stipendia, & quos pagi in militiam mittere coguntur. Asappiorum quoque magnum numerum Imperator hinc inde per urbes, Natoliæ inprimis, in præsidiis habet, ut bellicis affuescant laboribus; quò eorum opera in re maritima uti possit.

Sæpius quoque contigit, ut *are conducti* fuerint milites nostro more; cum præsidiarios evocare è confiniis hosti oppositis & aliò transferre non videbatur omnino tutum. Solimannus in Asiam proficiscens hac ratione usus est. Eandem si hoc tempore Turca observare velit, dubium non est, quin præter eas, quas modo recensui, innumeras alias copias adunire & colligere possit.

Adparet igitur, non frustra sæpius sparsum fuisse rumorem, de Turcici Imperatoris expeditione cum centies quater vel pluribus hominum millibus suscepta. Plus admirationis habet *ordo*, quo tempore brevissimo colliguntur. Vbi primùm nuncii cum mandatis ad eos perveniunt & tempus profectionem admittit, sese parati sistunt. Stupenda est tranquillitas unio & obedientia, quæ in immensis illis castris observatur. Vbi strepitum & clamorem excitare ob quamvis etiam causam prohibitum est; quo tumultus evitentur.

Finem hic PRIMÆ parti opusculi mei imponam. In qua videre est, quibus mediis Domus Ottomannica ad tantum imperium pervenerit. Recensui igitur brevem historiam rerum a Turcis gestarum: tum artes & vires eorundem; & inserui nonnulla de administratione Imperii, quæ non parum facient ad nostrum propositum. In SECUNDÆ parte ostendam, qua ratione potentia hæc in Ungaria adhibito mediocri Germanorum auxilio vinci possit.

PARS

PARS SECVNDA.

CUM in parte prioris declaratum fuerit, quibus artibus fraudibus & viribus Domus Ottomannica ad tantum Imperii culmen pervenerit, superest ut videamus, quomodo Hungarorum potentia adhibito Germanorum auxilio, vincti & superari possit. Vires igitur utriusque nationis examinabimus, & cum hostium potentia easdem conferemus. Unde quæ partis utriusque commoditates sint quibus alteram superat, vel incommoditates quibus cedit, tum quomodo ad victoriam consequendam in bello procedendum sit, innotescet.

SECTIO PRIMA

CAPVT I.

DE VIRIBVS GERMANIAE.

Quæ sint vires Germaniæ atque Hungariæ, ex rebus antehac ab utraque natione gestis, constat. Germani quondam plurimis Romanorum legionibus fortissime restiterunt. Sola Saxonia per triginta annos continuos cum Carolo Magno pro libertate patriæ certavit. Non ita pridem in civilibus discordiis pauca civitates Imperii que ordines, ad centum millia hominum optime instructorum in bellum eduxerunt. Inde quid reliquæ possint, ex incolarum fortissimorum multitudine, ex regionis opulentia, propter varia mercimonia quæ ibi exercentur, & metallorum quæ effodiuntur copiam, ex fertilitate & rerum ad vitam humanam necessariarum abundantia, conicere licet. Quælibet civitas libera si mille milites, quod exigui momenti res foret, contra Turcas in bellum mitteret, immensus copiarum numerus existeret. Constat sane, unam earum, reliquorum sociorum auxilio destitutam, Imperatori sese opponere ausam fuisse. Super vacuum
puto,

puto, ex singularum provinciarū & urbium historiis & annalibus rationes deducere, quibus Germania sola centum vel plurium milliū hominū exercitum per annum sustentare valeat; ut interim neq; artificia neque agricultura detrimentum patiatur. Siquidem ab Imperio, iis nimirum urbibus & provinciis, quæ Imperatorem Romanum tanquam dominum supremum agnoscunt, (è quibus patrimonium Domus Austriacæ excipimus) solummodo triginta hominum millia tam equitum quam peditum in quatuor annos poscimus. Totidem à provinciis Austriæ Archiducatus & Bohemæ regno subiectis petimus; additis necessariis impedimentis bellicis, tormentis, machinis, & iis quæ ad victum hominum, atque pecudum requiruntur. Nec rem petimus impossibilem, vel quæ nullaratione fieri possit, sed ne difficilem quidem. In annos tantum quatuor hunc apparatus requirimus: ut discant viciniore quanta cum facilitate rabies & furor hostis tam immanis cohiberi possit; quem jam ad portas fere Germaniæ pervenisse Javarino Agriaque capta, imo in Germaniam ipsam paulatim tendere, eoque omnia eius consilia directa esse, cernimus.

CAPVT II.

DE POTENTIA HUNGARIÆ.

Idem sane de Hungaria statuendum est. Nam etsi pars ejus maxima & fere præcipua à Turcis possideatur, quæ tamen Christianis adhuc patet tam egregie culta & habitata est, ut si vires ferio conjungere vellet, patriam universam è tam gravi jugo in libertatem vindicare, ejusque possessionem hosti ancipitem reddere valeret. Sub Hungariâ vero omnes eas provincias intelligo, quæ versus Walachiam Transylvaniam & Croatiam tendunt, & huic regno subiectæ fuerunt, cum
primū

primum Turcæ arma illi intulerunt. Sola *Transylvania*, 1394.
 propriis viribus in unum coactis, Turcarum impetum sæpius 1440.
 repressit, maximaque eis intulit damna. Inprimis vero sub 1450.
 Corvino, Stephano Battoreo, & non ita pridem sub Andrea *Hortens.*
 Battoreo, qui Ferdinandi Imperatoris nomine eam gubernavit, 1551.
 egregia fortitudinis & potentia specimina edidit. Hic
 quinquaginta millia militum tunc collegit, ut ingressu
 prohiberet Turcas, & cum septuaginta millia militum Lip-
 pam obsedit. Quid vero nuperrime Sigismundus Princeps 1595?
 contra hunc Tyrannum non est molitus? Nonne Sinan
 Bassam fortissime ex Walachia eiecit? eique gloriam rerum
 prosperrimè in oriente & occidente gestarum, & tanto tem-
 poris spacio acquisitam eripuit, maximamque ejus laudibus
 maculam inussit; ut animi dolore & indignatione tandem
 mortuus dicatur. Nec unquam Turca unguibus suis Tran-
 sylvaniam arreptam retinere potuit, licet astu & insidiis sæ-
 pius id tentarit. Tantum abest ut hoc tempore illud effice-
 re queat, cum tam forte heroes ipsi resistent, qui non modò
 omni fide & diligentia eam tuentur, sed imperij quoque li-
 neres diutissime prolatant. Nec *Valachia* suo defuit offi-
 cio, cum strenuos nata est duces & Principes; qualis Dracula
 fuit, ejus strenuitatem & alacritatem hostes sæpius experti
 sunt. Nec rarò Turcicarum copiarum hæc regio sepultura
 exstitit. *Hungaria superior* cis & ultra Tibiscum sita, tanta
 incolarum multitudine est referta, ut justus inde exercitus
 conscribi posset, si vero zelo patriæ succurrere velit. *Croatia*
 inter omnes Regni provincias in pessimo statu versatur, nec
 nisi paucissimos, sed optimos tamen, milites in bellum mit-
 tere potest. Sed quid tam exacte minutissima hæc exami-
 nare juvat? cum ex omnibus hisce regionibus tantum qua-
 draginta millia hominum in bellum per quatuor annos con-
 tinuos mitti poscamus; quod fieri potest commodissime &
 facillime.

Gg

Hunc

Hunc in modum facta computatione, ad Vngariæ fines centum millia hominum tam equitum quam pedum convenient, qui in tres partes, ut paulo post dicemus, distribuendi sunt.

CAPVT III.

COMPARATIO TVRCICAE ET CHRISTIANAE MILITIAE.

Videndum jam porro, quomodo cum tanto militum numero ter quater vel quinquies centena Turcarum millia superare valeamus. Initio utriusque partis potentiam & commoditates bellorum incommoditates quoque comparabimus. In quo examine quatuor consideranda veniunt qua militiam diversam & variam reddere solent: unde commoditates exercitui accedunt: Dux nimirum belli Generalis, Milites, Arma & denique, Comeatus. Hinc tandem oritur Ratio procedendi contra hostem de qua ultimo loco dicendum est.

Dux belli generalis.

- I. **N**on hic locus differendi de belli duce, quibus ille qualitatibus & virtutibus dotatus esse debeat, de qua re integrum volumen conscribendum foret. Nec quantum momenti persona ducis universo exercitui afferat. Nam sapientes judicarunt, satius esse cervos militare sub leonis quam leones sub cervi auspicijs. Ipsa docet experientia, multa maxima pericula & difficultates ducum prudentiâ aversas & superatas fuisse, ubi copiarum robur vanum exstitisset. Plurimi exercitus ex abjectissimis hominibus collecti maxima ediderunt belli facinora, strenui ducis virtute allekti & conducti. Nec unquam legimus, ducem pusillanimum & abjectum ex optimâ constitutâ militiâ fortiozem & prudentiorem evasisse.

His

His igitur rebus in aliam occasionem remissis, unicum mihi, quod ad hoc bellum plurimum conducet tractandum reservo, auctoritatem sc. ducis; quæ in Turcico exercitu plus quam usquam alibi viget. Namque Turcicus Imperator absolutus est dominus. Cujus ex arbitrio pendet quidlibet pro libitu disponere & imperare; nec alios in consilium adhibere, vel aliorum rogare consensum etiam in rebus gravissimis, tenetur. Non igitur mirum, si imperatores bellici tantâ instructi auctoritate res præclarissimas gerant. Parem ac prorsus eandem potestatem Turca ducibus suis quos exercitui præficit largiri solet; nihil suæ auctoritati reservans, quàm de bello gerendo vel pace sancienda deliberationes. Titus Livius in pulcherrima illa Alexandri Magni cum ducibus Romanis comparatione idem plane confirmat; quod nunquam Romani duces plenam de bello gerendo potestatem habuerint: sæpius à Tribunis plebis delectus antequam Roma discederent impediti fuerint; quod post tempus ad bella juerint: quod ante tempus comitiorum causâ revocati fuerint; in ipso conatu rerum circumegerit se annus: quod collegæ nunc temeritas nunc pravitas impedimento aut damno fuerit: quod male gestis rebus alterius successum sit: quod tyronem aut mala disciplina institutum exercitum acceperint: Sed reges non liberi solum impedimentis omnibus sed domini rerum temporumque, trahant consilijs cuncta non sequantur. In eandem sententiam suasit Fabius Lib. 9. Maximus Senatui Romano, ut Annibali ducem quendam strenuissimum opponant, eique liberam imperandi & discernendi potestatem tribuant, nec temporis vel belli gerendi modum ei præscribant.

Duo hæc testimonia ex accuratissimo authore deprompta nos admonent, quid ducibus nostris, quos contra Turcas emittimus, in primis desit; libera scilicet agendi & imperandi

Gg 2

randi

randi autoritas. Quâ cum polleret Alexander, tanquam Princeps absolutus, quidvis imperavit pro libitu. Secus poterant Romani duces, qui reipub. parebant, hos tamen eadem pollere auctoritate Fabius volebat. Tritum est Politicorum axioma, Rerum publicarum deliberationes & executiones tardius procedere, quam Principum; quod in illis plurimorum consensus & judicia requirantur, quæ sæpius propter varia consulentium ingenia varia sunt & diversa. Germania atque Hungaria mixtum quoddam imperium habent. Princeps enim reliquorum ordinum consensum in comitijs requirere & impetrare tenetur; sine quo in bellum proficisci non potest. Etsi in omnibus alijs rebus ad rempublicam & ad libertatem contra tyrannos vindicandam spectantibus hic procedendi modus approbari potest: in rebus tamen bellum concernentibus damnosissimus & periculosissimus est. In primis vero ubi cum adversario potenti, qui libere imperat & expeditiones celerrimè prosequitur, bellum gerendum est.

Ejusmodi militandi rationem reverà Turcæ observant, Quos arma arripuisse, & excursionem ad felicem eventum produxisse, ac reduxisse copias vidimus, citius quam nostri, comitijs atque conventibus immorati, vires colligere & militem conscribere potuerint. Huic malo remedium commodius illo Fabij Maximi applicari non potest. Ut nimirum dux belli eligatur, qui supremam imperandi auctoritatem atque potestatem habeat, isque de rebus omnibus instruat perfectissimè, unde consilium in fortuitis casibus capere possit, ne teneatur aliunde illud petere, cum belli fortuna & vices, ex Scipionis sententia, non semper admittant consilium maturum capeßere, vel ex longinquo illud accersere, sed subito sæpius incunda sit ratio agendi & ex ipsis eventibus & successu rerum petenda, Secretarius
Alle

ille qui discursus ad Livium scripsit, dicit Respublicas quas-
 dam, ubi suos in bellum duces emittunt, & quid ipsorum sit
 officij eos admonuerunt, probè illos instruxisse sibi videri,
 cum ultimo loco severe ipsis imperant, ne ullâ ratione manus
 cum hoste conferant, nisi prius Senatus ea de re sententiam
 rogarint. Sæpius sane evenit, ut hostis procul ab urbe dislitus
 pugnandi occasionem præbeat commodissimam, & tam subi-
 to, ut strenuus dux vix illam animadvertere possit, quæ etiam
 minima interjecta mora elabatur. Hoc incommodum ex
 falsa quadam imitatione prudentiæ Fabianæ in prolatando
 bello oriri, idem auctor scribit, cuius speciem eas Respubli-
 cas deceptas asserit. Et vero Fabius legitimo exercitu quem
 Annibali opponeret instructus Martis aleam nunquam fugit;
 sed ex prioribus cladibus cautior factus, commoditates pu-
 gnandi diligentius explorare & experiri voluit; quæ si ipsi ser-
 viebant, aggredientem Hannibalem nunquam reformida-
 vit; nec Hannibal omisisset illum in proprijs munitionibus
 aggredi, nisi castra ipsius optime munita, & satis virum, qui-
 bus se suosque tueretur, eum habere novisset. Neque Fa-
 bius poruisset evitare pugnandi necessitatem, nisi castra ab
 Hannibale ad aliquot milliaria remota collocasset. Quod
 Philippo contigit, quem Romani armis aggressi fuerant in
 locis difficillimis & angustis; hos cum ille, sæpius mutatis
 belli sedibus, ex provincia in provinciam fugeret, regionem
 universam de qua controversia erat hosti deprædandam &
 devastandam reliquit; unde cognovit, plenâ Romanorum victo-
 riâ frui, nisi eam iacta fortunæ alea denuo ipsis eriperet. Fie-
 ri itaque non potest, ut contra imminentes hostes regio de-
 fendatur & salva atque incolumis conservetur, nisi aliquan-
 do manus conferantur, hoste inprimis illud requirente, quod
 Hungaria in suo Corvino experta est. Errant igitur sum-
 mopere, qui prohibent duces, quibus regionis defensionem

lib. 3. c. 18.

1443.

Gg 3

cogn.

Veg. lib.
3.6.26.

committunt, ne nisi iussi expresso decreto cum hoste dimittent. Quin potius iisdem imperandum foret, ut pugnent oblatâ occasione commodâ, quæ plus sæpius in bello quam vires ad victoriam facere solet. Eiusdem fuit sententiæ Marchio ille Savornanus, interdictâ pugnandi copiâ duci auctoritatem tribui dicens ut vincatur, sed ut ipse hostem vincat eidem adimi & auferri.

Qui igitur in Hungariam mittendus est belli imperator, absoluta pollere debet auctoritate, sine exceptione imperandi quæ commoda quæque necessaria ipsi videbuntur. Neque ad præscriptum tempus conducendus; neque singulis annis novus substituendus, sed bellum tamdiu uni alicui committendum, donec tandem ad finem perducatur. Hoc etiam Fabij fuit consilium, & Romani sæpissime id secuti sunt in bellis longinquis, prorogato ducibus imperio sub Proconsulum nomine, quod ad hanc potius quam ad aliam expeditionem hos quam alios magis idoneos iudicarent, quod rerum omnium perfectam haberent cognitionem & notitiam. Neque ob unum vel alterum infortunium ab officio dimoveri debent sed confirmandi potius, cum clades acceptæ prudentiores eos & magis cautos reddere soleant. Tum etiam ne in eorum locum alios minus expertes substituamus, qui nostro etiam periculo & damno tandem sapere, & belligerandi rationes quibus hostes uruntur discere cogantur, cum hæ cuiusvis obviæ & notæ esse minime soleant. Verum enimvero, si libera agendi potestas uni cuidam summo duci tribuatur majori solertia atque industria munus ille suum obibit: siquidem omnis gloria rerum præclare gestarum, tum etiam vituperium & infamia ad ipsum solum reditura sit. Nec prætere posse à remotiori consilio se impeditum fuisse, in quod nullum ei fuisset imperium, cuiusmodi habet in privatum consilium, quod

quod semper illum comitari debet. Quod cum in rebus arduis consulissent præstantissimi duces, res præclaras magnâ suâ cum laude gesserunt: contra multi magno suo cum damno & vituperio illud aspernati sunt. Nec parum in bello imperatori confert, si peritorum probe novit consilijs uti; quod in tractatu de Consiliario bellico brevi me demonstraturum spero.

Milites.

II. Sunt qui nervum belli pecuniam statuunt, suamque sententiam (ut dicit Secretarius Jex Sallustio probare conantur, cujus tamen mentem illi probe non assequuntur. Vult enim Sallustius, non modò pecuniæ defectum, sed munitio- num & victus inopiam, tum etiam alias occasiones, sæpius pugnas accelerare, ut inviri manus conferere cogamur. Nam si, ut volunt illi, pecunia nervus belli existeret, Darius qui auri & argenti grande pondus possidebat, nunquam ab Alexandre victus fuisset: nec Romani Græcos atque Antiochum bello superassent. Sapienter Solon Cræso, cum illi omnes suos thesauros tanquam potentiæ suæ fundamen- tum demonstrasset, respondisse fertur: cum bella ferro conficiantur, facile aurum tibi adimere poterit qui ferro melius instructus te aggrediatur. Non semper auro præclari milites conduci possunt: facilius strenui milites aurum & o- pes acquirunt.

Quod in hoc ipso argumento de Turcarum potentia infringenda dextrè probabimus. Eam nimirum thesauris atque opibus invictam quidem manere, sed ob copiarum atque militum defectum optime vinci posse. Licet plurimi hanc nostram sententiam, tanquam absurdam, paradoxi loco habituri sint: ob eandem tamen causam pecuniam inter ea præcipue, quæ ad militiam requiruntur, non posci-
mus,

mus, sed copias & milites, quod hi verus belli nervus existant. *Primum* consideremus copiarum quantitatem; *deinde* qualitatem, quæ in usu equitum atque peditum consistit: *tertio* denique, utrum hostium an vero nostri milites in diuturniori bello deteriores vel meliores fieri soleant.

1. Quod ad *multitudinem* attinet, non est dubium, quin Turcicus exercitus Christianorum copias longe superet: sed videndum num hæc vera sit belli prærogativa, an saltem talis esse vulgò credatur. Sane perdifficile est & fere impossibile, ut dicit Aristoteles, urbem populosissimam, & innumera habitantium multitudine refertam in officio continere, &

2. Polit. 4. probe ac dextre regere, quod ejusmodi hominum multitudo non sit capax ordinis. Vegetius in eandem sententiam dicit, non æque facile esse, cum numerosissimo exercitu quam cum mediocri ex strenuis militibus collecto victoriam consequi. Vnde Romani in bella, quæ haud periculosa videbantur, decem millia peditum, & duo millia equitum sub Præ-tore mittere solebant: in ea quæ plus videbantur habere periculi, bis totidem sub Consule mittebant: quæ videbantur difficillima & atrocissima, ambo Consules administrabant, quorum exercitus quadraginta millibus peditum, & octo millibus equitum constabat. Ejusmodi militum numero gentes plurimas & maximâ hominum multitudine instructas vicerunt. Xerxes Darius Mithridates atque alij reges, plus damni ab immensa multitudine suorum quàm à fortitudine hostium acceperunt. Nimia multitudo tarde incedit in expeditionibus; facile vel à fronte vel à tergo oppugnari & capri potest, maximè vero in angustiis viarum vel fluviorum: quæ ad victum atque munitiones pertinent tantæ hominum multitudini difficulter procurari possunt: in prælijs plerumque pars aciei tam immensæ fugit, priusquam ad manus veniatur, solo conspectu hostium fortiter

ingrua-

ingruentium & resistentium perterrita : ubi semel in fugam coniectus est miles , nunquam fere recolligi , & in pugnam reduci potest , fugam tandem sequitur strages & clades cruentissima , quod multis sane exemplis probari potest. Plus igitur Turcico Imperatori obest quam prodest tanta hominum multitudo.

Eâ in bello cum carere non possit , majores incommoditates experiri cogitur. Cum enim milites Turcæ armis non bene instructi , & ob id etiam ad oppugnationes atque reliqua belli munia , quoties nostris copiis probe armatis & equis ponderosis objici debent , inepti sint , nunquam velitationes vel pugnas ineunt , nisi hominum multitudine se longe superiores existere sciant. Sequuntur aliæ quoque incommoditates , quibus hostes urgentur. Cum enim milites eorum leviter sint armati , & ad excursiones quam statarias pugnas magis idonei , majorem in equitatum quam peditatum curam collocant : sed ubi oppugnationes aggrediundæ sunt , vel aggeres demoliundi , aut fossæ superandæ , vel præcipitia occupanda , in quibus equorum nullus usus est , peditum operâ utuntur exercitatissimorum ; quorum qui maxime præstant sunt Janizzari , quibus plurimum fident quod eorum virtute ac fortitudine plurimas victorias consecuti sint. Fatentur tamen imperfectam suam esse militiam , quia ad exercitia pedestria inutiles esse solent. Fugatis enim equitibus , quod superest refugium ad pedites pertenu est , & exiguum propter eorum paucitatem. Quibus non comprehenduntur Asappi , quod fere inermes sint & ad pugnas prorsus inutiles. In peditatu sane gravitas potius & præstantia armorum , & robur ac vires corporis , propter vehementem impetum , quam agilitas atque dexteritas requiruntur. Hac Turcæ præstantiores quàm illâ existunt ; unde co-

Hh

rum

rum exercitus, ut dixi, plus in excursionibus, & velitationibus seu tumultuarijs pugnis, quam in alio belli usu valet.

117.

Sed utrum Christianorum vel Turcarum milites longo belliusu deteriores fiant vel meliores, videndum. De Turcis prius dicam; quorum autoritas atque reputatio quondam constitit in exacta obedientia, exercitijs militaribus; parsimonia in victu & vestibus, patientia in expeditionibus & laboribus; quodque nec mortis tangebantur metu, siquidem fero quod evitari nullo modo possit omnia sibi obvenire credebant. Ut autem nunc etiam talis sit fieri fere non

lib. 3. c. 1.

potest. Ex Secretario sane constat; quod omnis res, quæ sub cælo continetur vitæ suæ finem ac terminum habeat certum & præfixum, cum sit subiecta infinitis alterationibus, ob quas bonitas, quæ illam solet conservare, successu temporis corrumpitur, nisi quid extrinsecus interveniat, quod ad priorem temperiem eandem reducat. Communis medicorum est opinio; quotidie in corpore humano aggregari aliquid, quod quandoque indigeat purgatione, si hæc medicina & cura nimium differatur tandem corruptionem inde nasci. Hoc ut verum est in reliquis corporibus, in corpore mystico rerum publicarum facillime evenire solet; ubi non solum accidentia naturalia operantur, sed variae consulentium opiniones, propter privata lucra, plurimum ad id conferunt. Respublicæ igitur atque regna, præfixo quodam tempore renovatione quadam opus habent, cuius auxilio ad eam qua prius florebant complexionem atque perfectionem reducuntur. Inde concludimus; imperium, mortuo Principe strenuissimo, ad abiectum quendam & timidum translatum, facile ab eo conservari, modò ipsius gubernationis non duret longissime, idque imprimis propter auctoritatem prioris & optimam imperandi formam & ordinem, ob quem tam cito cuncta corrumpi non possunt. Quod si huic

lib. 1. c. 19.

timido

timido alius succedat Princeps strenuus & fortis, regnum is facile ad pristinum nitorem reducere & defectus emendare potest. Sed si timidum & abjectum alius excipiat qui nihilo sit melior, sequetur sine dubio certissima regni universi ruina atque interitus. Quemadmodum contrà, ubi duo Principes strenui imperium adipiscuntur, non mirum si terminos eius longe lateque prolarent. Exemplum habemus in regno Romano; ubi Romulus bellator successorem nactus est Numam pacificum, qui pace atque quiete usus ad legum promulgationem: hunc secutus est Tullus animo feroci præditus, qui usum armorum revocavit: Ancus vero ejus successor ad pacem non minus quam ad bellum aptus, cum ad illam potius inclinare videretur, eaque de causa in contemptum apud suos pervenisset, hoc arripuit: atque hisce vicibus ad tantum imperij culmen Romana ascendit respublica. Contrarium Judæorum regnum expertum est. In quo Davidi prudentissimo & bello fortissimo regi Salomon filius successit, qui in pace regnum non propria virtute sed patris potius auctoritate & dignitate, quæ adhuc in animis subditorum atque exterorum vigeat, conservavit; quod Roboamo, qui hunc secutus, non pari eventu successit, siquidem paterno avo virtute atque auctoritate longe inferior esset. Hæc remedia inprimis adhibenda sunt in ijs regnis, quæ non ratione vel legibus reguntur, sed à nutu & voluntate Principis & violentia quadam dependent, ad quorum conservationem suprema quædam virtus, nec interrupta sed continua requiritur. Sane Ottomannicum Imperium præ alijs violentum est, quod ab arbitrio unius summi regis dependet. Nec ulla libertatis specie gaudet, eoque magis expositum est mutationibus, quod statuta Imperij non obligent subditos ad quietam & tranquillam vitam agendam, sed cogant quasi, ut ar-

Hh 2

mis

mis atque rapinis studeant. Quas cum extra territorium exercere non possint, domi invicem cum regni interitu eas tractare coguntur. Inde fit ut nunquam intermissio à bellis concedatur, sed uno finito aliud incipiendum sit, ne milites otio torpescant.

1300.

1511.

Qui diligenter Turcarum historias ab initio ejus Imperij ad nostra usque tempora evolver, reperiet felicissimos semper in bello existisse maximosque fecisse progressus eos Imperatores, qui manu strenui & animo forti atque invicto præditi fuerunt; qui legis & sectæ, quam profitentur, studio in bellis sese exercuerunt, ne otio virtus ipsorum tabesceret. Indefessa fortitudo & vis animi invicta apparet in ijs Imperatoribus, qui ab Ottomanno regnarunt ad Mahemetem usque Secundum, qui Constantinopolis atque Trapezuntis imperium cum plus ducentis urbibus Christianis ad se rapuit. Ipsimet bella castrave sequebantur. Severissima disciplina militum insolentiam atque luxum cohibebant; turpe ut duceretur militibus etiam qui majora obibant munia, auro vel serico vestiri, vel in castris alio lecto, nisi tapeto humi strato, uti. In justitia administranda severissime prohibebant, ne iniquis extorsionibus subditi premerentur. Sæpius in publico comparebant, & privatorum querelas audiebant; quas sequebantur poenæ atque castigationes gravissimæ. Hic regnandi ordo à Bajazethe II intermissus, quod vitæ privatæ deditus esset, corruptelas in regnum plurimas induxit; quæ temporis successu auctæ fuissent, nisi maturè Selimus filius illud occupasset. Revocavit ille majorum & prædecessorum suorum consuetudinem in audiendis subditorum querelis, & juris administrationem reformavit: ipse bellis præfuit, militiam atque aulam ad pristinam austeritatem reduxit, & continuus bellis exercuit. Unde non modò in Europa limites Imperij sui latissime extendit, sed in Asiâ quoque Cairi regnum

gnum & Armeniam minorem occupavit, ac plurimas regiones Persis eripuit. Ex quarum conquisitione exercitus ipsius eisdem tulit fructus, quos Romani ex superatâ Asiâ perceperunt: cum milites victores luxum & molliem exterorum, splendorem suppellectilis, instrumenta ludicra & musica in convivij, & ciborum exquisitas delicias, in civitatem induxerunt, ad quæ cum ambitio senatorum accederet, ruina exstiterunt tam probe institutæ Reipublicæ. Sic ruinæ Imperij Turcici principium ex Persicis spolijs natum. Quibus aula rapetibus auro & rebus preciosis opulentior reddita fuit; cumque primum tanquam trophæa illata fuissent, postea in usum quotidianum cesserunt, & pompæ perniciosissimæ instar habitæ fuerunt. Ad conservationem ejus magnificentiæ, cum multum pecuniâ opus esset, extorsiones atque angariæ subditis impositæ natæ sunt, & officia auro venalia esse cœperunt. Quod si Selimo alter Bajazethes successisset, dubio procul Turcica militia funditus eversa fuisset; verum Solimannus bellicosus & strenuus Imperator, qui continuis bellis maximo cum Christianorum damno milites in Ungaria imprimis exercuit, disciplinam priorem restauravit. Successorem habuit Selimum II qui in eâ passim fuit existimatione, ut neminem haberet quem jure timeret; gessit quædam bella, sed maritima pleraque, ipse vero domi permansit. Sub hoc Imperatore militia aulica, otium atque opes nata, delitijs indulgere potuit; quibus adeo abusa est, ut per ostentationem aulici & officiarij certarent invicem, quis splendidiora & pretiosiora munera Imperatori offerret, majorem aleret mancipiorum numerum, magnificentius auro serico & gemmis ornatus atque vestitus incederet; unde precium pecuniæ auditum, & ad summum avaritiæ gradum omnia fuerunt redacta, nec amplius munera atque officia inter benè meritos distribuebantur, sed ijs qui plus æris obtulissent con-

T. Liv. li.

99.

1520.

1556.

Hh 3

fereban-

ferebantur. Qui dignitate erant inferiores modum potius cumulandi pecunias, quam gloriæ ex rebus benè & fortiter gestis adipiscendæ quærebant; ut illius ope ad munera altiora ascenderent; omnis miseria redundabat in miseros agricolas, qui angarijs opprimebantur, & in extremam redacti necessitatem agriculturam deserebant, fugâque sibi consulere cogebantur: inde regionum vastitas inducta, decimæ non fuerunt solutæ, & stipendia feudatiorum seu Timariotorum cessaverunt. Nec sumptus subministrati fuerunt ad aulam & militiam sustentandam. Unde præter loca maritima & limites Imperij reliqua ditio fere universa deserta quasi videbatur.

Ex his quæ in medium fuerunt allata concludimus: Turcam in hisce bellis, in quibus unâ cum provincijs bello captis subditos ad bellum idoneos nullos sibi subicit, deteriorem potius quàm meliorem statum Imperij sui reddere; idque magis, quo diutius protrahuntur & sæpius iterantur ejusmodi bella, & factiones inter milites copiarum numerum minuunt. Quarum defectus, nisi ordinem militiæ immutare velit, nusquam alibi quam ex Seraglijs suppleri potest: in quibus tantus est puerorum numerus, ut si ter vel quater insigni clade exercitus afficeretur, defectus occisorum suppleri possit. Sed ulterius non sufficient, etsi extraordinaria puerorum collectio vel exactio fieret; qui tam subito exolescere & ad bellum si continetur assuescere nequeunt. Interim provinciæ incolis privantur, præter rusticos, quorum nulla habetur ratio, qui singulis annis in expeditionibus moriuntur: Asappi scilicet, fossiores, & qui com meatum in castra conferunt. Bis singulis annis extrema illis calamitas à prætereuntibus militibus inferitur; quos hospitio excipere & stipe juvare tenentur, præter reliquas insolentias, quæ ipsis inferuntur. Coactus igitur & invitus Turca breviora quidem bella, sed
immen-

immenso cum apparatu gerit; & semel in Asia pace initâ, quo rustici qui ibi sunt post tot tantasque miseras perpeffas quiescere & sese recolligere possint, bellum in Europam transfert, ne otio torpescant & corrumpantur milites.

Hinc igitur adparet error quorundam, qui bellum continuando deteriorem Christianorum statum fore existimant, quod non copias sed pecuniam belli nervum statuunt. Quod equidem nunquam mihi persuadere potui; tum propter rationes superius allegatas, tum quod ipsa experientia fuerim edoctus, Turcas non diuturna sed vastuosa bella gerere. Quod si potius è re sua fore cognovissent, bellum protrahere quam finire, dubio procul consulissent rebus suis, prout ipsis videri fuisset commodissimè. Nec dubitandum quin sapius hac de re in concilio tot Imperatorum fortissimorum, totque ducum strenuissimorum instituta fuerit consultatio. Namque Imperio quam longissime dilatato incommoditas illa aucta est. Siquidem milites ab extremis limitibus ad alteram Imperij extremitatem, per media quasi desertâ deduci nequeunt, nisi cum proprio detrimento & rusticorum everfione. Quod firmum est argumentum instantis ruinæ, quæ minatur monarchiam hanc, ad tantam amplitudinem & vastitatem propagatam, ut partes extrema à suo centro debita auxilia atque subsidia difficulter accipere possint. Verùm nimis diu in hac materia immorati sumus, quæ tamen consideratu dignissima est; unde fundamentum præcipuum nostræ quæstionis, quam decidendam sumpsimus, dependet.

Ad desertionem & desolationem provinciarum, quæ ex nimia rusticorum & subditorum extorsione & miseriâ provenit, aliud accessit sub Selimo II incommodum non minus grave quam præcedens. Classe enim Turcica post expugnatam Cypri insulam profligata atque destructâ, & maxi-

more-

mo rerum maritimarum apparatu amisso, adeo Imperator
 animum à belli maritimi studio subduxit, ut à navigatione
 & mari protinus abstinere secum statuerit. Secus ac fece-
 runt majores ipsius, qui incrementi & authoritatis spem non
 minimam in re maritima posuerant; cum Græci ut sumpti-
 bus parcerent ejus imperium sprevisset & neglexissent. Re-
 medium huic malo afferri quivisset, si quis Solimannus re-
 gnum adeptus esset: sed Amurathes III successest, qui mol-
 lis ipse aulam delitijs & ocio perditam habuit, nec Turcicam
 militiam enervatam atque corruptam è fundamentis restau-
 rare & ad priorem ordinem revocare; nec pacem cum vici-
 nis conservare novit, qui Solimanni fortitudine perterriti,
 ab armis hætenus quieti abstinerant. Imperator delitijs
 Seraglij vel aulae vacabat, res quæ Imperij statum concerne-
 bant consiliarijs tractandas relinquebat, neque proprias
 neque hostium vires atque potentiam explorare & perscru-
 tari curabat. Sinani Bassæ consilij, qui primi Visieri officio
 fungebatur, irretitus, bellum quod nunc in Ungaria durat,
 in ejus favorem suscepit, ut inquietæ ipsius voluntati atque
 naturæ obsecundaret: cujus tamen fructus nimis amaros,
 præventus morte, gustare non potuit. In Imperio ipsi Ma-
 hometes III. omnium cum applausu & lætitia successest,
 quod ad bellum magis patre Amurathe inclinare, idque à
 juventute fovisse, videretur. Attamen mulierum illecebris
 corruptus, non est profectus, ut tot malis hoc in bello illa-
 tis succurreret, & remedium afferret, verum etiam duces
 militiæ præcipuos vitâ temere privavit, cladium causas non
 corrupto exercitui sed ipsis ducibus imputans. Primum
 Ferathum Bassam virum bello præstantissimum ad Sinani
 querelas & accusationes laqueo suffocavit; Sinanus ipse non
 absque suspitione veneni periit, quod à Transylvaniæ Duce
 anno proxime elapso cæsus fugatusque fuisset. In tanto du-
 cum

1596.

1595.

cum præstantium defectu classis curam ejusmodi homini commisit, qui rei maritimæ studium nec didicit unquam neque tractavit. Ipsa vero cum Cigala in Vngaria comparuit, forsitan quod exercitus, nisi ipsius sub auspiciis, in bellum proficisci nollet. Agriam exiguâ suâ cum laude cepit, quod neque situ neque manu esset munita, & præsidiorum culpâ in ejus occupatione haud levis intervenisset. Exercitum Christianorum culpa nostrorum fugavit, cum prius milites ipsius turpi fugâ multoties salutem quæsvissent, quorum numerus infinitus perijt. Quod si, fortuna æque ac virtus bellicumque robur eos destituisset, hoc anno fundamentum suæ libertatis Hungaria primum ac firmum jecisset. Magno sane constabit labore Turcico Imperatori, ut rursus confirmet tot cladibus fractum suorum militum animum; unde ab exiguis nostris copiis sæpius immensa ipsius multitudo cæsa atque deleta fuit. Hinc causæ patent, ob quas provinciæ quædam integræ ejus jugum excusserunt, Walachia scilicet atque Transylvania, è quibus militiæ Turcicæ plurimæ quondam commoditates proveniebant. Quod scilicet à potentia & viribus earum provinciarum nihil eis periculi metuendum esset, quas semper antea horruerant atque formidarant. Apparent quoque occasiones, cur tam invitè militiæ nomina deat subditi, qui sponte quondam sua & ultro in bellum procurrebant. Notæ sunt æmulationes atque discordiæ, quæ inter præcipuos duces vigent: inter Sinanum quidem & Ferathum non ita pridem, hodie inter Hibraimum, (cui Sultani favent, quod paci studeat & bellum detestetur,) atque Cigalam, qui officio primi Visieri, quod virtute militari commeritus fuerat, privatus ad alios regni limites relegatus fuit Giasser Bassa suffocatus perijt. Quod si hæc tyrannis in reliquorum aulicorum notitiam perveniret, non mirum foret, si communis quædam rebellio sequeretur, cum cuilibet extre-

Ii

mum

mum periculum vitæque discrimen jure timendum sit, quod ad libitum mulieris, etsi nihil gravius sit commeritus, incurere possit. *Et hæc de Turcico exercitu dicta sufficiant.*

NOSTRUM EXERCITUM quod attinet, jure dicimus continuo belli usu longe meliorem cum existere. Namque *Germanorum* civiles discordiæ autoritate atque prudentia Imperatoris Rodolphi sublata, & bellorum occasiones extinctæ fuerunt. Ille quidem diu præmeditans, atque secum animo bellum volvens, ad id pacis tempore sese instruxit: interim *Germanorum* animos pacavit, remotis dissensionibus, quibus irretiti non considerabant periculum, quod ab instante hoste potentissimo imminebat. Hinc factum, ut majora auxilia quam unquam antea *Germani* contra *Turcam* miserint. Iidem edocti, quanta facilitate suis viribus *Turcicam* potentiam infringere possint, relicto pristino belligerandi modo, non solum quæ adhuc possident defendunt, sed hosti quoque offensivum inferre bellum, atque ejus propugnacula & urbes tentare obsidere & expugnare audent. Imperator noster *Ancum Romanorum* regem imitatus, non minus ad bellum quàm ad pacem aptum sese declarans, subito bellum accepit, cum *Turcarum* perfidiâ, occupatâ *Bicciâ Croatia* propugnaculo, & violatis legatis pax rupta fuit.

Quantum valeat *Hungarorum* virtus contra *Turcas*, ex eo patet; quod ipsi soli per ducentos fere annos fortissime hosti resistunt. Ut nunquam vel minimam partem hujus regni sub jugum mittere potuisset, nisi civiles discordiæ aditum præbuis-
sent, & fere januam in id aperuissent. Notæ sunt clades, quas à nostris accepit; tum etiam victoriæ, ob quas plurimi sane duces, qui in *Hungaria* contra *Turcas* militarunt, triumphos adhuc hodie agunt. Idem probant tot factiones quæ adhuc vigent. Cum enim plurimi durissimum ejus jugum amplius per-
ferre

ferre nequeant, animo confirmato secessionem fecerunt. Qui nunc difficillima quæque tentant & maxima cum laude ad finem perducunt: imprimis verò cum è sua natione nacti sint Principem Christianum & bello strenuum, qui memoriam Stephani & Matthiæ regis renovat.

Quæ sint *Germani* militis laudes bellica virtute partæ, non opus est ex historiarum serie longius repetere. Natura videtur Germanos complexione & corporis dispositione armorum & belli oneri perferendo aptos procreasse; nec aliud ipsis deest præter exercitium, quo ob diurnam pacem caruerunt, eoque destituti timidiores in proximis expeditionibus exstiterunt. Si quidem nemo ea fortitudine natura dotatus est, ut primo hostium impetu (nisi irâ sit commotus) animum non dimittat; verum ubi aliquoties ad manus cum eo fuit deventum & pugnandi modum didicit, abjecto omni timore ipse prompte in aciem descendit. Ejus rei exemplum in *Ital*is vidimus, qui ad *Hydrunt* 1480.
tem, licet bello assueti ne aspectum quidem hostium ferre potuerunt: perciti novi hostis fama & timore. Tum quod novam pugnandi formam prius non fuerant experti, adeo fuerunt perterriti, ut non dubitarint ex *Vngaria* copias quasdam extrahere & evocare, qui *Turcis* resistere scirent. Sane usus atque necessitas plurimum ad instruendos milites in bellicâ disciplinâ conducunt. Vidimus in his ipsis regionibus veteres *Germanorum* legiones fortissime sese in bello gerere, & exiguo militum numero non modo hostem non fugere, vel detrectare prælium, sed ipsam quoque ad pugnam quærere provocare atque insestari. *Bokmerum* equitatus male apud quosdam audit, quorum rationes ego non intelligo. Namque in *Asia* *Cairi* delitæ & ætis temperies homines molles & effæminatos producere solet. Exstiterunt tamen plurimi ejus regionis incolæ, qui *Mamuluchorum* exercitui sese junxerunt, & diurno belli

nonf. libr.
43.

belli exercitio tam strenui evaserunt, ut cum ipsis Ianizaris congregari, & manus conferere ausi fuerint. Rex Matthias in Moraviam quondam delegaverat equitum quasdam turmas, ut hyeme atque æstate ibidem militarent, quæ propter faciem nigredinem atræ legiones fuerunt vocatæ. Harum virtus adeo claruit, ut si quando una earum in exercitu numerofo militabat omnibus formidabilis existeret, & reliquis copiis auctoritatem conferret. Quid obstat, quin hoc idem nostro tempore eodem eventu tentetur, & in effectu ponatur?

Concludimus ergo, militiam nostram diuturnitate belli meliorem factam esse: apud Turcas vero contrarium evenisse, siquidem tam subito copias in occisorum locum propter provinciarum defectiones restaurare nequeant, tum quod in præliis plerumque fortissimi quique cadunt, quorum in hoc bello ad minimum centum millia occubuerunt, illi in primis qui in hisce regionibus magis erant versati & cogniti. Quod ad reliquam faciem exercitus, collectam ex vilissimis quibusvis, attinget, occisorum numerus commemorari non potest. Turca quidem in tam vasto imperio facile immensam multitudinem hominum scribere potest; sed pauci in ea milites strenui reperientur, nisi iustis præfidiis propugnacula limitanea denuddare & privare velit. Obijciunt quidam, etiam à nostris tyrones & novitios in militum numerum referri, qui nunquam antea hostis conspectum viderunt. Fateor id quidem; sed Turcarum diversam esse rationem dico; siquidem noster exercitus hominibus constat liberis, qui etsi cuncti in rebus bellicis non sint exercitati, ingenia tamen ad militiam applicant, & usum tractandorum armorum gladij in primis & bombardæ norunt. Contra Turcarum exercitus, præter Timariatos & milites qui privilegijs gaudent, constat hominibus abjectissimis & vilissimis, mancipijs, quæ nulla specie libertatis fruuntur, reliquorum
mili-

militum insolentijs exposita. Rusticis in primis, quibus ne anima quidem relinquuntur; quos Iudæorum faci abjectissimæ, qui inter Christianos vivunt, verè comparare lubet. Huc accedit, quod in regionibus septentrionalibus homines nascuntur sanguine completi: unde etiam cordatiores existunt, pericula spernunt, nec vulnibus terrentur, ut Physici dicunt, facilius quoque aëris intemperiem perferunt.

Hæc de militibus, nunc de armis.

De Armis.

Arma quod attinet, duo primum in considerationem veniunt: Quantitas scilicet & Qualitas. Ea autem in omni exercitu armorum *quantitas* habenda est, ut non semel inde milites armari possint, sed cum ob varios casus illi pereant, vel usu consumantur vel abiciantur in fugâ, alia semper asservanda sunt quæ militibus in perditorum locum tradantur. Nec eadem ad cunctos belli usus conducunt: sæpius ubi stratagemate hostis vincendus est, expedit paribus vel similibus armis militem induere, ut hostem decipiamus. *Qualitas* armorum in usu & prærogativa consistit. Alia enim offensiva sunt, alia defensiva. Illis aggeres diruimus, quibus tormenta bellica & omne genus machinarum comprehendimus, & hostem cominus & eminus petimus. Cominus ut est hasta, lancea, gladij & similia. Eminus vero, ut arcus, bombardæ, & omne genus missile. Defensiva arma sunt, clypeus, scutum, ferrei thoraces, loricae, & quicquid denique tutum corpus ab ictu hostili conservat, quibus dubio procul nostri Turcas longe superant. Armorum prærogativa non omnibus nota est, siquidem è subtili hominis ingenio proficiscitur: cum nimirum diligenter perpendimus, quæ arma hoc loco, hoc tempore, & in hisce actionibus utiliter adhibenda sint. Quod qui non observavit diligentius, contrarium forte suo conatu eventum experietur.

III.

li 3

De hæc

De hac materia inferius, ubi de aciebus ordinandis explicandum erit, fusius dicemus.

De Commeatu.

IV.

Iovius.

Inter reliquas difficultates, quibus nonnulli moti, domi hostem expectandum statuerunt, præcipua fuit commeatus & rerum ad victum pertinentium defectus atque penuria. Siquidem enim offensuum bellum sit gerendum, longius in hosticum, per desertas scilicet provincias, proficiscendum, & commeatus qui tanto exercitui sufficiet maximo cum labore & sumptu portandus foret; cum milites nostri, qui bonis cibis & vini potui assueti, ejusmodi nutrimento sani & incolumes conservandi sint; Germani inprimis maximâ copiâ indigent; tum pedites propter tot meretrices lixas & calones, inutile genus hominum, qui ipsorum sequuntur castra, tum equites, qui propter armorum gravitatem & ne equos perdant sæpius quiescere solent. Minori apparatu Hungari utuntur. Minimo vero Turcæ atque Tartari. Equos ut plurimum solo stramine & fœno alunt. Milites destituti pane carne & vino sæpius pulmento vel oryza contenti vivunt; laute se vixisse putant si frustum panis biscocti nanciscuntur: vel carne falsa, obduratâ, in pulverem redactâ, & aqua calidâ maceratâ, vescuntur.

1443.
Bonfin. l.
26.

Tam austerum vitæ genus quondam apud Turcas in usu fuisse potius credo, quam ut hodie eo utantur. Qui in hac opinione sunt, sententiam suam Vladislai exemplo confirmant, quod defectu commeatus potissimum, cum ad Hemum usque processit, copias reduxisse credatur. Eandem victus penuriam causam extitisse, quod ad Varnam pugna cum maximâ incommoditate fuerit commissa. Tum etiam quod in Croatia nihil laude dignum effici queat; ob caritatem annonæ potius fieri, quam propter militum paucitatem & defectum.

Ut ad hanc objectionem respondeam, equidem satis mirari

rari non possum, sapientes quosdam viros hisce difficultatibus irretitos, consuluisse tam insignem errorem, ut hostem scilicet domi expectemus, in regione florentissima & fertilissima, ubi commodissime sese possit sustinere, ne cogatur longius adferre comineatum. Non igitur sterilitas sed difficultas comineatum deducendi, & quæ inde secutæ sunt confusiones, nostros perteruerunt, quod nullum huic malo remedium adhibere sciverint. Quod si recte fertilitatem regionis, & commoditatem tot fluminum navigabilium, tantam copiam armentorum & vehiculorum perpensis, certe ulterius penetrassent. Quod in hunc usque diem nostrâ in primis culpâ & incolarum discordiis intervenientibus nondum tentare ausi sumus. Vladislauum quod attinet, nunquam ille sibi persuasit fore ut Turca pugnam fugiat, vel quod transitu ipsum impedire posset. Non vero credidit fore, ut ex Asiâ tam cito Amurathes contra instructissimum Christianorum exercitum revertatur in Europam, ut ipsum præverteret antequam in Thraciam provinciam fertilissimam perveniret: quod si tale infortunium suspicatus fuisset, facillime rebus suis aliter consulere quivisset. Croatia defectibus quo minus consulatur & prospiciatur, nostra potius confusione, tum quod Ordines Regni à bello abhorreant, quam ex ignorantia vel impossibilitate quadam evenit. Cum videamus, hostes Constantinopoli usque jumentorum dorsis suos adferre comineatus, & ob eam causam immensum impedimentorum numerum & acervum secum in bellum extrahere. *Laonic. lib. 7.*

Primum sciendum Christianum exercitum ad trium provinciarum limites emittendum. Viginti mille in Croatiam: triginta mille ad Transylvaniæ & Walachiæ confinia: quinquaginta mille ad Danubij ripas subsistent. Necessitate tamen urgente bina castra conjungi possunt. Suppono alteram quoque necessariam belli rationem; quod nunquam locus hostilis proficiscenti

ficiscenti exercitui à tergo relinquendus est; in primis vero prope flumina, ne qui commeatum adportant impediuntur; qui non modò ab hostium insidiis defendendi sunt verum etiam ab incolarum latrociniiis. Et semper turma quædam equitum emittenda, ad loca suspecta perlustranda & detegendas insidias, ne metu prædonum impediatur commeatus comportatio. Opera quoque danda, ut pro ratione periculorum, & distantia locorū, unde merces afferunt mercatores, honestum hi lucrum percipiant, quo in posterum ad mercimonia diligentius exercenda instigentur. Deligendi sunt certi quidam officarij, qui mercibus pretia iusta imponant. Certus est locus designandus, quo mercatores secure, tanquam in emporio, conveniant, & quæ attulerunt venalia exponant, vel aliis mercatoribus divendant, à quibus postea vehiculis & carris tutò in castra deferantur. Proficiscente enim exercitu non semper ad ea loca, ubi subsistat, perveniri iusto tempore potest; & morà interveniente, merces quæ durare non possunt, corrumpuntur & frustra pereunt. Quod si ista strictè observentur, non est dubium quin rerum omnium abundantia in exercitu sit futura, propter tot fluvios navigabiles, qui per regiones fertilissimas & copiosissimas dilabuntur.

Cum verò ea loca ubi plus imminet periculi mercatores adire non soleant, necessarium foret (in Croatia imprimis) ut eius provinciæ Ordines, qui militibus stipendia solvunt, granaria quædam publica in locis securis constituent, unde avenam atque panem militibus stipendij loco numerent. Quin & pro singulis militum vexillis vehiculum vel jumentum quoddam solo pane bis cocto vel frumento onustum circumveli potest. Nec tamen eo sine permisso belli ducis utendum, sed ad subitas expeditiones conservandum; ne quæ mora iniiciatur, vel occasio amittatur, donec de victu sibi milites prospiciant. Vbi
vero

vero per dies aliquot in loco certo quiescendum est, jumenta atque vehicula turò ad constituta illa emporia provinciæ vel mercatorum mitti possunt, ut quilibet pro suo vexillo quæ necessaria sunt comparet. Quin & sentina illa hominum inutilissimorum, mulierum puta atque colonum, ab exercitu abigatur atque depellatur: paucis exceptis, qui ægrotos curent & lintamina lavent. Quod peditibus Germanis inprimis usu venit, qui laceratis vestibus fere nudi revertuntur è bello, vel pereunt vestibus destituti.

Postquam Transylvania atque Walachia (quæ vera Turcarum fuerunt granaria) ab ipsis defecerunt, maximis inde necessitatibus urgeri cœperunt, siquidem commeatum ex Asia navibus Constantinopolim quidem, inde jumentis in Vngariam transportare coguntur. In Europa parùm frumenti ex provincijs, quas possident etsi fertilissimis nancisci possunt; quod exigui supersint pagi, & ipsi quidem incolis vacui. Tum etiam quod per transitus militum, qui toties iterantur, omnis ferè commeatus absumatur, & regio depopulationibus quasi deserta reddatur. Si quis itaque commeatus comportandi rationem qua Turca utitur, deinde qui sumptus requirantur ad alenda tot mancipia qui eos conducunt, tum quantum frumenti absumat exercitus antequam sedem belli attingat, recte perpendet, sane reperiet fieri non posse, ut per tres vel quatuor septimanas in uno loco Turca immoretur. Quod pabulationes quibus equitatus vix sustentari potest, multo minus jumentis quæ vehicula trahunt alendis sufficient; quorum numerum majorem esse Laonicus dicit, Lib. 7. cit, quàm hominum qui militiæ inserviunt. Ad Agriam proxime nonnulli opinati sunt, prælium differendum esse quod hostis pabulationum & commeatus defectu brevi inde discessurus sit; cujus penuriâ plus damni in his regionibus percipit, quàm arma hostilia ei inferre possint.

Kk

SECTIO

SECTIO ALTERA.

*Quomodo in bello procedendum & bellum
sit gerendum.*

Quæ hætenus à nobis dicta fuerunt, ad intelligenda reliqua in medium inprimis fuerunt allata, siquidem principalis huius materiæ scopus in iis versatur. Ut igitur probe intelligantur omnia, præcipua capita observanda sunt: *Bellum* scilicet offensivum in posterum gerendum, tum quo ordine hostilis regio sit aggrediunda; *postea* qua ratione acie cum hoste sit decertandum, & quod bellum pluribus annis protrahendum, & hyeme quoque gerendum, *denique* quomodo bello capta sint conservanda. Quod si in tam brevi compendio hæc omnia pro rei dignitate discuti, & examinarinequeunt, ij saltem, quorum plurimum interest ea diligentissime considerare, & ad calculum singula revocare debent.

1.

Bellum offensivum gerendum esse.

Quæ commoda quæve incommoda bella offensiva vel defensiva sequantur, primum generaliter, tum particulariter consideremus.

Ad prius quod attinet pluribus sane exemplis comprobatum est, *Bellum commodius*, Guicciardino teste, *hosti inferri, & in hosticum derivari quam domi illud excipere*. Ejus rei exempla multa apud Romanos scriptores legimus, qui earum partes plerumque potiores existisse prædicant, qui primi arma arripuerunt. Ut habet Livius in consultatione de bello Samnitis movendo, vel in Macedoniam transferendo: in oratione Scipionis de Africa debellanda: in consilio Hannibalis Antiocho dato, de bello Italiæ inferendo; quæ loca omnia sententijs exquisitis

lib. 40.

Tit. Liv.

lib. 9.

lib. 21. 18.

lib. 24.

sitis sunt relecta. Inter quas hæc sunt præcipuæ: præcaveri destructionem propriæ ditionis: hostem impediri, quo minus pro libitu suorum ope atque præsidio uti possit, subditorum facultatibus hostilis exercitus devastatione everfis: hostem timidiorem reddi, cum qui aggrediuntur semper sint ferociore: milites cordatiores ad pugnam reddi, quod procul à ditione propria & patria absint: occasionem suppeditari multorum animos explorandi, qui erga Principem male poterant esse affecti: victoria lucrata regionem hostilem posse occupari, priusquam hostis exercitum restauret. His rationibus aliæ opponuntur contrariæ, quas idem Livius recenset, describens incommoda, *lib. 9.* quæ Alexander M. habiturus fuisset si in Italiam descendisset: *lib. 18.* ut Fabius in Senatu contra Scipionem probat, & Paulus contra *lib. 11.* Hannibalem. Qui idem hoc tandem fatetur: quod domi quisque majores copias colligere, quàm extra ditionem ducere possit: clade accepta patere, quo se in tutum recipiant milites à nece superstites: exercitum restaurari facilius posse: situs locorum & viarum cognitos esse, quos in nostrum usum convertere possumus; res necessarias domi suppeditari, quibus in peregrina regione sit cendum.

In hac materia Secretarius in hunc modum distinguit. *Si, lib. 2. c. 12.* inquit, potentia ejus qui oppugnatur inferior sit hostili, defensivum bellum gerere debet, cum auxilijs externis destituatur; secus faciendum, si vires ejus tantæ sint, ut acie cum hoste concurrere, nec de victoria desperare ausit. Duo insuper hic consideranda: Num regio naturâ situs, vel arte sit munita, num patet undique: Deinde utrum exercitus noster è proprijs subditis constet, quos convocare possumus pro libitu, an vero conductitios milites habeamus, iique consensu plurium conscribantur. Quod si regio munita sit, & militia ex subditis constet, hostis propter dictas causas domi expectari debet: Sin vero

Kk 2

aperta

aperta sit regio, & milites ab alterius arbitrio dependeant, non expedit ut defensivum bellum geramus, sed melius erit hostem prævenire, maxime vero si ille sit vicinus & potens, cujus imperium subditi absolute recognoscant, quos ille pro libitu convocare & hinc inde emittere possit, qualis revera Turca est. Ejus rei Hungari exemplum præbent, quos nunquam hostis subegisset, nisi discordiis civilibus irretiti (ut dicit Bonfinius) defensivum bellum gerere constituisent; quod revera nihil aliud erat quam bellum gerere, non ut illis conducebat, sed potius ut hosti commodum videbatur. Maximis sumptibus ingens sæpius exercitus fuit collectus, isque sine ullo fructu iterum dimissus, quod hostis rebus suis prospere gestis discessisset vel anni tempus non pateretur amissa recuperare. Accedit & alia haud levioris momenti causa; quod cum nos eo tantum animo bellum suscipimus, ut nos defendamus: probe illud succedere non possit: cum econtra ubi hostem offendere velimus, possit. Turca movendo nobis bellum offensivum, omnes ibi impendit regni nervos, illis expugnans urbes & arces, hisce oppugnans & debellans nostros exercitus. Id quod non potest, cum ad defensionem sui tantum intentus esse velit. Prærogativa defensorum consistit in altitudine propugnaculorum, tectorum, & justo laterum ordine extensorum; qua sic stante pauci multorum assultus sustinere & reprimere possunt; ea jacente vincuntur. Iam quis merito sperare potest, quatuor sex aut decem hominum millibus diu hostem impedire? qui in obsidione loci alicujus centum aut ducentis millibus, his agendo curriculum, illis effodiendo terram fossasque replendo, istis munimenta & aggeres educendo, strenue occupetur, & totidem alijs in hostem eductis confluat: quia brevi temporis intervallo superior evadat, ac munimentum etiam propugnaculum evertat? & quodcunque præsidium enervet inque nihilum redigat absque ulla militari arte, &

inge

ingenij solertias nisi illud singulari naturæ beneficio insigniter munitū sit? Præterea rationes nostræ effectum non sortiuntur, cum ad succurrendum obfesso alicuiā Turcis castro certum præfinimus tempus: metientes illud non ex potentia hostili in hoc belli genere: sed vel ex propugnaculorum magnitudine, quoad nos: vel ex commoditate situs: vel ex præsidij virtute, quam alias fortassis resistendo viriliter conspicuam fecit: non indagantes veriores eventuum causas. Vnde postea fit, ut succursus isti semper tardius adveniant. Cui saepe accedit præsidiorum perfidia, aut animi abjectio; sicut huius rei testis est omnis Ungariæ palmus. In eo autem belli genere, quo nos hostem aggredimur & impugnamus, eque suis latebris in planitiem ad arma conferenda provocamus, multo secius evenit. Non enim potest in prælijs campestribus sicut in obsidionibus, usurpare pallas & ligones: sed tantum lanceas, hastas, & bombardas. Et hæc causa est, quod rarò ad prælium apertum adduci potest; satis perspectum habens, quantum hoc suis rebus vel prosit vel obsit.

II.

Quo ordine Regio hostilis sit aggrediunda & debellanda.

Quæritur quis locus primū, qui postea sit oppugnandus.

Divisimus exercitum nostrum in tres partes, tum ut hostium vires distraherentur, tum propter com meatus rationem, tum etiam ut præcaveantur confusiones. Cum parte præcipua, quinquaginta scilicet millibus tum peditum tum equitum hosti ad Danubii ripas occurremus. Altera pars, quatuordecim nimirum peditum, & sex equitum millia in Croatiam mittendas, quæ cum sterilis sit & montuosa regio, minores copias & plures pedires quàm equites capere potest. Restant triginta millia hominum: è quibus Transylvano major numerus equitum Germanorum sex millia scilicet, & quater millia peditum mitti

Kk 3

pote

poterunt. Sub ipso quoque decem millia equitum, & totidem pedites Hungari militent. Siculi præstantissimi forent, si hastis præpilatis uterentur.

Exercitu hunc in modum distributo, duæ regulæ ducibus sunt observandæ 1. Quod nullus à tergo locus hostilis sit relinquendus. Altera, ut tempus & labor in loco, qui alicujus sit momenti, occupando, infumatur, & in eo honor & sumptus qui impenduntur considerentur. Priori regula periculum avertitur, ne exercitus intercludatur, & securitati eorum, qui committum comportant, consulitur. Alterius observatio faciet, ut cum recentibus copiis loca munita & principaliora facilius occupemus; quæ minora alia sequentur, quorum occupatio fortitan eadem opera & labore quo priora fuerunt expugnata, constitisset. Hoc consilium Asdrubal capta Placentia secutus est.

Xiv. Liv.

lib. 17.

lib. 16. 26.

lib. 14.

Marcello, cum Agrigentum occupasset, sexaginta aliæ urbes & oppida sese dediderunt. Antiochus universâ Thessaliâ potitus est, cum Pheras in suam potestatem redegisset. Idem innuit Marcellus, Fabium Collegam reprehendens, quod Casilinum exiguum castrum obsedisset, quod ne tentare quidem debuisset, eo tamen semel obsesso, propter honorem deserere non poterat, etsi propter difficultates inde emolumenti parum & fere nihil Romanis accedebat.

Hoc igitur in primis tribus nostris exercitibus observandum; ut nunquam hostilem locum à tergo inexpugnatum relinquunt, ea maxime quæ ad fluvios sita sunt. Tum ut semper aggrediantur loca principaliora, & præclariora. Inde præter alia sequetur, ut hostis si auxilio obsessis venire velit, nobis magna sua cum incommoditate sese accommodare cogatur. Nec à tergo aciem nostram aggredi & confundere possit; quo unico modo nostros prælio superare antea consueverat.

Vt ad singularia veniam, puto exercitum nostrum majorem ad

ad Budam occupandam initio applicandum esse; posthabitâ Solnoek, Agriâ & Hatwana, quod urbes istæ hosti potius impedimento quam emolumento sint futuræ & ex ijs commeatus, qui per Danubium desertur, impediri nequeat. Buda vero ob has rationes capienda, quod nimirum una sit ex urbibus regni primarijs: hostes eam optime munitam æstiment: regni sit metropolis, & quod est præcipuum in meditullio fere sita, unde versus Solnoek & Agriam commodissime præsidium mitti potest nobis vero necessaria & peropportuna propter Albæ regalis obsidionem, qua simul etiam Iavarinum intercluditur & obsidetur. Si Solnoek Agriam vel Hatwanam obsidere velis, Danubij commoditate destitueris; in Iavarino occupando excedent difficultates & forsitan majores occurrent, minores tamen utilitates inde ad nos redundant, & parum honori nostro conducet si defensionibus assiduo, & amissis recuperandis innitimur. Fateor Iavarinum gravis instar stimuli esse, qui fortiter nos pungit, propter vicinitatem multorum locorum, qui magni sunt momenti, & quod hostis inde magno suo cum fructu bellum gerere possit. Nobis tamen omnium rerum commoditas inservit, fossorum imprimis, qui maxima copia in ea regione reperiuntur.

Vna Budæ obsidioni difficultas obstat, quod exercitus dividendus & intervallo maximorum fluuïorum separandus erit. Eodem enim tempore Pestam (quæ ad alteram ripam posita est) cingere & premere convenit. Itaque sub mensis Iunij initium, coram hac urbe comparerem, cum hostis copias suas nondum conjunctas habet pontem super fluvium construerem, & melius custodirem, quam in priori obsidione anno millesimo quingentesimo & quadragesimo primo & nuper ad Iavarinum factum, ubi pontis expugnationem deditio urbium secuta est.

His primordiis ita constitutis, ambo loca simul aggrederer. 1594

Budæ

Budæ fingerem arctius instare, sed re ipsa vehementius urgerem Pestam, quod facilius captu sit, tum quod copiae quæ Pestam obsident facilius reliquis, si hostis auxilium Budensibus ferre conetur, se conjungere possint. Quod si res ex voto cedat, nec aliud periculum superesse videatur, copiae istæ Seghedinum obsidebunt; quod locus ille commodissimus sit, non solum ad deturbandum hostem ex Hungaria superiori, verum etiam ad transitum in Transylvaniam confirmandum. Cujus Princeps occupato Chinadino, quæ parùm à Lippha distat, ponte Tybiscum junget, eoque firmo præsidio munito, consilia & auxilia nostra quoque tempore excipere poterit. Ob hanc unicam causam, nisi adessent aliae quoque, Budæ expugnatio non est omitterenda; nec suaderem Transylvano ut Temesvariam oppugnaret, nisi obsessa vel expugnata Budâ, ne molem exercitus Turcici contra se irriter & convertat, cui noster exercitus propter longitudinem itineris in tempore auxilio venire nequeat. Quin prius transitus confirmandus, & cavendum ne à tergo quid periculi immineat, priusquam tanti momenti res suscipiatur.

In Croatia duo sunt præcipua itinera, alterum ad Savum, ad Dravum alterum tendit. Illud confirmandum Petrinæ propugnaculi auxilio, & fluviis occupandus. Quod si ab ea parte Biccia cum locis finitimis occupari posset, confinia illa contra Bosniam tuta existerent, & exercitus ibidem subsisteret. Inde alterum iter, quod ad Dravum ducit tentandum, quod Bobaccia exiguo intervallo ab eo distet, & propugnacula ijs in locis quædam construenda, quo sese exercitus recipiat, si majoribus viribus Turca ingrueret: Hac ratione plurimum damni hostibus inferri potest, tum propter vicinitatem Sigethi, cujus illi maximam curam gerunt, tum propter com meatus defectum, atque impedimentum, si versus Budam excurrere velint. Ita que

PARS SECUNDA.

155

que exercitus hic si in istis regionibus solummodo quietus subsistat, reliquis duobus plurimum conducet: donec vel revera Temesvariz obsidio suscipiatur, vel saltem singatur, ut hostium consilia atque copiae distrahantur, quo Buda vel Alba regalis majori cum securitate obsideri possit. *Hæc de præsentè materia dicta sufficiant. In reliquis idem ordo & eadem regula in tribus illis exercitiis observentur.*

III.

DE PVGNIS ET PRAELIIS.

Artes quibus dux belli in primis excellere debet in ordinandis aciebus & pugnis committendis consistunt. In his si probe versatus & instructus est, reliqui errores qui ipsius culpa committuntur facile corrigi & perferri possunt. Qui contra artibus hisce destituitur, etsi reliquam militarem disciplinam optime sciat, nunquam tamen ad prosperum finem bellum arduum deducet. Namque pugna prospere commissa defectus priores omnes delet & obliterat: victoria vero amissa reliquas actiones quæ præcesserunt inutiles & vanas reddit. Quantum portò gloriæ & honoris victoria habet, tantum ignominie & periculi clades adferunt. Siquidem in rebus bellicis fortuna ut plurimum dominatur, in pugnis ejus imperium in primis adparet. Ubi decretum ducis non recte intellectum vel perceptum; ubi ordo præscriptus non recte observatus: ubi temeritas aut vana quidam vox à minimo milite edita victoriam hosti parat quem victum credebamus; ubi denique ex improvise innumeri casus eveniunt, quos dux belli consilio suo prævertere vel asssequi nunquam potuit. Ideoque superius, ubi de militibus dixi, tandem in hunc sensum conclusi: Turcam commodius vinci non posse quàm crebris pugnis, in quibus tamen magnam ille prærogativam habet. Ideoque relictis communibus illis stratagematibus ad ea revertar, quibus ut pluri-

*Secreta-
rum de
Arte mi-
litari lib.*

LI

mun

num victoriam nobis hostes eripuerunt. Ante omnia de acierum ordine dicendum foret, quomodo tam numerofo exercitui refifti poffet, fed cum ea materia pluribus capitibus confitet, ad finem hujus libelli eam refervavi.

Perpendi autem fæpius mecum & examinavi pugnas celebriores, in quibus Chriftiani à Turcis victi, eas præcipue quæ in Ungaria commiffæ fuerunt, ubi (poft habitis cauffis, ob quas ad manus ventum fuit,) quatuor præcipuos errores & cauffas cladis noftræ me reperiffe puto; qui neceffariò in pofterum præcavendi & corrigendi funt. Error insignis videtur *fi* exiguæ copię prælio cum immenfa hoftium multitudine configant: *fi* nimio pugnæ fervore & cupiditate hoftem aggrediamur; *fi* milites ordines deferant vel prædas agant, hoftenondum penitus devicto vel lucrata victoria: *fi* nimis diu hoften fugientem infequantur. Hos errores, & quæ adhibenda funt remedia, ubi pro dignitate materiæ probe deduxero, fpero me fatis evidentet demonftraffe, Turcam in Ungaria optime vinci poffe.

Primus error.

ET fi victoriæ non hominum multitudine, fed militum ftrenuorum fortitudine apprehendantur, innumera ut exempla teftantur eorum qui cum impari plane hoftium numero manus feliciter conserverunt: (Inter quæ clariffima omnium Luculli eft victoria; qui aperto Marte cum fex millibus equitum & quindecim millibus peditum Tigranem immenfa hominum manu ftipatum profligavit. Qui cum Romanorum castra è longinquo luftraffet, per jocum dixit; ad legationem tot hominibus non opus effe, ad exercitum majores copias requiri.) Attamen Turcæ non adeo funt ftupidi & infulsi, cujufmodi à nonnullis finguntur, fiquidem ab infantia ad labores & bellica exercitia affuefunr. Neque in noftro exercitu ea difciplina militaris cernitur, quæ quon-
dam

dam floruit; unde pauci sæpius heroica plane facinora & quasi miracula contra numerosissimos hostes ediderunt.

Quemadmodum igitur bellidux meritò ignorantie vel timiditatis accusaretur, si ad Turcam vincendum trecenta vel quadringenta hominum millia conscribere vellet, quo æqualem hostili exercitum haberet, non consideratis alijs prærogativis: Sic stultæ temeritatis notam merito quidam incurreret, si cum quindecim vel viginti millibus militum victoriam sibi promitteret. Nam etsi ejus rei exempla in regibus & ducibus quibusdam habeamus, ij tamen non audo sed vi & extrema necessitate coacti ad manus pervenerunt. Vladislaus putans Amurathem plane Europa exclusum esse, cum viginti quinque millibus in expeditionem profectus est: (etsi Dracula ipsum præmonuisset, ne cum tanta paucitate ulterius procederet, siquidem Turca ad venationes majores copias secum traheret.) hoste igitur subito comparente, turò ei cedere & pedem referre non licuit; nec subsistere etiam poterat, quod commeatus inopia exercitus laboraret, fortunam itaque tentare coactus fuit. Paulò post Jo-

1444.
Bonfin. l.
26.

1448.
Ibidem.

1526.

1396.
Bonfin. l.

annes Corvinus, ut ignominiam illam antiquaret cum viginti duobus millium pugnam invitus cum eodem Imperatore iniit, priusquam reliqua adventarent auxilia. Neque Ludovicus studio contra Turcarum aciem, quæ trecentis millibus hominum constabat, cum viginti quinque in prælium descendit, sed cum hostem ad Dravum transitu prohibere cogitaret, & serius advenisset, nec subsistere poterat commode donec reliqua auxilia adventarent. Huc tamen non debet referri Sigismundi clades, qui cum sexagies millibus militum cæsus fuit; non quidem propter exercitus debilitatem, sed propter alios errores de quibus postea dicemus. Ad Agriam nuper exercitus noster quinquaginta fere millibus militum constitit, cæsus tamen, non quidem copiarum de-

Ll 2

fectu

fectu vel hostium fortitudine, sed propter alias quasdam confusiones; vel quod exemplo Ludovici in insidias fuerint deducti, vel quod nimis præcipitanter ut Sigismundus in prælium procurrerint, unde postea consternati milites vano terrore perterriti fuerunt.

Sufficient igitur quinquaginta millia militum ad pugnam cum Turcis incundam; maxime si ejus vires, ut supra dixi, distractæ nec in unum locum collectæ sint. Præter rationes superius allegatas exemplum me movet Romanorum, qui contra copiosissimos hostium exercitus majores copias non duxerunt. Accedit ad rationem experientia quoque; quæ non ex successu examinanda, in quo fortuna partem quoque sibi vendicat, & aliæ occasiones præter pugnantium fortitudinem interveniunt, sed ex hostium confessione propria desumenda. Cum Vladislao sane, qui in prima sua expeditione quinquagies mille hominum in aciem duxit, manus conferre Amurathes ausus non est, quin ne ad pugnam cogeretur transitus difficilliores Thraciæ obstruxit. Multò minus Vladislau II, cujus exercitus sexagies millibus constabat, in acie expectare voluit, sed ut tuto copias reducere & domum reverti posset, specie legationis & induciarum eum decepit, & varijs excursionibus ipsum distraxit. Solimannus omnium Imperatorum Turcicorum fortissimus bis in Austriam cum trecentis & quingentis millibus militum, Germanorum innixus discordijs, descendit; verùm ubi solum exercitum nostris conscribi intellexit, curramen nondum in ipsius conspectum venerat, turpiter inde discessit, cuiusque discessus fugæ haud fuit absimilis. Idem Strigonium atque Albam Regalem cum ducentis vicies millibus militum expugnavit: sed cum Ferdinandum cum quadraginta millibus hominum Possonium adventisse & recta contra ipsum tendere inaudivisset, subito reduxit exercitum copiasque dimisit.

Infini-

Infinita ejusmodi exempla in medium adduci possunt. A-
gria quoque ejus rei testis est; ibi quæ gesta sint recenti adhuc
memoria tenemus. Sane perinvitus, nec absque timore,
hostis in aciem descendit, cogitans nostrorum saltem animos
tentare, vel confusiones inter eos excitare, quæ ipsius com-
modo servirent: ubi vero nostros superare paludes & arctius
illi instare vidit, neglecto armorum præsidio fugâ salutem
quæsit.

Rationes denique ex multitudine hominum desumo,
cui neque de victu & comæatu prospici, nec ea certo ordine
regi & freno contineri potest. Dein verò mihi persua-
deo, copias nostras armis instructas eo ordine in aciem collo-
cari posse, ne ab hoste inermi circumdari possint. Tandem
quod hostium vires disjunctæ sint, ad plures Imperij limites
defendendas. Quod si omne suum robur omnemque po-
tentiam unitam haberet, nostri quoque contra non secus
cunctas libæ copias recolligere vel conatus ejus eludere po-
terunt, donec reliqui exercitus in aliis provinciis, iustis præ-
sidiis privatis, alias expeditiones perficiant. In discessu verò
extremum eius agmen aggrediendum & infestandum foret.

Secundus error.

Secundus error è nimia militum audaciâ & pugnandi de-
siderio provenit. Etsi enim militaris audaciâ in pugnis
probat, imo duces quoque militum animos ad eam exci-
tare debeant, semper tamen, ex Pauli Æmilij consilio, penes
belli ducem consistere debet, locum tempus & formam
pugna designare: quæ ducis munia si milites sibi sumant,
officij rationem excedunt, siquidem verus militæ ordo in-
vertitur & confusiones introducuntur, quas ordinarij se-
quuntur effectus, ejusmodi Ungaria sæpius maximo suo
malo experta est. Clades ad Nicopolim Ungarorum &
Galorum contentione cognovit. Hi enim ne gloria priva-

rentur, quod primi hostem aggressi essent, ante tempus impetum in Turcas fecerunt. Illius ad Varnam causa existit nimia quarundam legionum temeritas, quæ hostem in planitie circumcursitantem conspexerant: eumque aggressi, contra ordinem præscriptum insectando, in loca incommoda fuerunt delati, quæ causa ruinæ totius exercitus fuit. Ad Mohaz Ungari differre potius, quod commode poterant, quam inire prælium debuerant, donec adventu auxiliorum exercitus ipsorum confirmatus fuisset. Illi vero primas hostium turmas quæ è longinquo comparuerunt cum impetu adorti eos fugarunt, & tam diu insecuti sunt donec in insidias inciderunt. Etsi clades ad Agriam nostro exercitui, non propterea quod paludes milites superarint, sed ob alias quasdam confusiones quibus ordines fuerunt turbati, illata fuerit: negari tamen non potest, summo cum periculo pugnae initium fuisse factum; siquidem hostis dum nostri alibi paludes superant, in alio loco, ubi minime cogitarant, adorti pro libitu aciem Christianam potuisset. Nisi ruinæ causas prædandi desiderio potius quam pugnandi studio adtribuere velimus; siquidem avaritiâ equites seducti in funes & tentoria hostium fuerunt delati, ubi miserè perierunt. Paulus Æmilius non solum nimiam militum in pugnis sed in verbis quoque temeritatem castigabat: cum non datum sit cuilibet duci constantiam & lenitatem Fabij Maximi imitari, qua erga Minutium usus est.

Tertius error.

*Tit. Liv.
lib. 5.*

*Bel. civil.
lib. 3.*

Tertius error de prædationibus committitur. In militia Romana cautum erat, ne miles prædas ageret priusquam certum à ducibus signum ederetur. Nec difficile erat sub ordinibus copias continere. Cæsar in clade Pompeij Pharsalicâ subito restituit ordines, ut profligaret Pompeianos quosdam qui collem proximum occupant. Utilissima hæc & ne-

& necessaria est disciplina omnibus qui lucratam victoriam in dubium revocari nolunt; ut sæpius evenit. Siquidem milites spolijs atque exuvijs colligendis adeo disperguntur, ut in aciem reduci nequeant. Quodcunque sane periculum imminet, sæpius eo stratagemate milites fuerunt decepti, quibus hostes simulata fuga spem prædæ optimæ iniecerunt, castra omni genere spoliiorum referta eis diripienda concesserunt, inter fugiendum res pretiosas projecerunt, vel carros atque vehicula subducere, ne hosti in manus venirent, simularunt, ut eorum aciem hac ratione dirimerent. Cujusmodi stratagemata Frontinus plura recenset. Multi duces ut errorem hunc evitarent, commoditates ejusmodi suis præripuerunt: plurimi propugnacula magni momenti, jam victa fere, capere noluerunt; quod hostibus præsidium licet exiguum adventare scirent, verentes ne dum milites in colligenda præda occupati essent, hostes eos adorirentur imparatos.

Tit. Liv.
l. 2. c. 7.

lib. 1. c. 26

lib. 2. c. 5.

Guicciar.
lib. 14.

Turcæ ejus rei observantissimi. Nee urbes nec castra diripere solent, nisi omni suspicione imminenti periculi vacui sint & liberi, ne amittant certam victoriam spe prædæ exiguæ, quæ, ut dicebat Ambiorix, victoribus tandem ferò licet cedit. Ad Varnam Turca per triduum à directionibus castrorum abstinuit. Post pugnam ad Agriam commissam, sequenti die integro omnia impedimenta salva visa sunt & intacta. Sanè qui hac ratione in bello procedunt, non timide sed prudentissime agunt. Secus quam fecerunt quidam e nostris centurionibus, à quibus vix hostis discesserat, non vi in fugam coniectus, sed sponte se subducens. Nam etsi hostis non ut nostros deciperet sed præ timore aufugit, illi tamen suos ipsimet ordines turbaverunt, & hosti causam præbuerunt insidias struendi & in aciem redeundi. Antiqua hujus rei exempla minus nota sunt, sed nostra

Cæs. bel.
Gal. lib. 5.

recen-

recentiora omnibus patere debent. In Ungariâ Aladana, & paulo post Deutelius, maximâ suorum strage, insignes amiserunt victorias jam partas, quod nimis avide prædæ inhierent milites. Ob eandem causam Clissa propugnaculum fortissimum nuper amissum fuit: ex cuius conservatione fructus sperabamus amplissimos.

*Galliciar.
lib. 10.*

Non igitur milites in loca ducendi sunt ubi se subducere possunt. Quod si aliquando evitari nequeat, Foxij istius Gallici ducis regula tenenda; quam observavit cum ex arce Brescianâ urbi jam captæ ab hostibus præsidio acceleraret, imperans ut proximi quique omnes eos trucidarent, qui in ades civium, priusquam hostis penitus devictus atque fugatus esset, sese ingererent. Quin & Turcarum more officarij quidam post acies substituendi; qui sine discrimine primos occidant, qui ordines egrediuntur vel deserunt. De quâ re inferius, ubi de ordinatione aciei dicendum.

Quartus error.

Quartus error hostem insequendo committitur. Constat equidem non eandem esse pugnandi rationem, sed eam mutari pro varietate nationum: quarum aliæ statarijs aliæ velitaribus pugnis magis sunt assuetæ.

*bel. civil.
lib. 1. & 5.*

Stataria pugna omnium securissima & optima est: sæpius tamen superata ab his qui velitaribus utuntur; non aliam ob causam, quam quod crebriori impetu hostium sæpius iterato soliditas & robur copiarum infirmatur & instabilis redditur. Milites verò ad statariam pugnam armati, ob gravitatem armorum minus apti sunt ad velitationes; in quibus diu subsistere nequeunt, sed cedere tandem coguntur. Omnibus hoc solet initio contingere donec assuescant. Cæsaris legiones in Hispaniâ atque Africâ idem sunt expertæ; sæpius ordinibus hostium instabilitate perruptis, unde Cæsar, tanquam tyrones & novitios in hoc certaminis genere milites, pu-

tes, pugilum more exercere & instituere coactus fuit. Non meliori conditione usi sunt veteres Italorum cohortes Turcis ad Hydruntem oppositæ. Siquidem statariis pugnis ipsis nocere nequiverunt, nec contra velitationes resistere, nec prohibere excursiones potuerunt, quin ad præcavenda majora damna & pericula copiarum quædam ex ipsâ Hungariâ evocatæ fuerunt, quæ leviter armatæ hostium pugnandi rationem jam didicerant.

Sanè leviter armati, si à tergo eos qui gravi armaturâ sunt induti aggredi possunt, circumvolutionibus eos fatigant, ordines turbant, & facile vincunt. Levis enim armaturæ propria est agilitas & crebra agitatio atque mobilitas. Nunc fugit, nunc credit in aciem, nunc hostem à tergo vel quocunque lubet aggreditur; quod ubi in statariâ pugna usu venit, jam rupta censetur.

Hanc prærogativam Turcæ optime didicerunt, eaque uti melius, quam nostri suos servare ordines, norunt; sæpius enim fugiendo quam pugnando victores exstiterunt. Neque casu vel fortuito, sed studio & ex legibus suæ militiæ hac ratione in pugnam descendunt, siquidem imperu contra nostram aciem nihil efficere possunt. Michaëlem Palæologum velitationibus diu detinuit & defatigavit; tandem fugam simulans in insidias eum deduxit & insigni clade affecit. Andronicum per integrum diem nunc fugiendo nunc iterum propellendo distinuit; defatigatum omnibus copiis aggressus eum profligavit. Ad Varnam, Corvini, diuturnis velitationibus, insignis illa strages secuta est. Ludovicus defatigatus, (quod per integrum diem equo velut esset) victus fuit ab hoste; quem fugere credebat, cum sine ordine victoriam incertam prosequeretur. Nuperrime ad Agriam cum hostis tergo vertisset, nimis audacter eum nostri insecuti sunt, unde victoria splendidissima illis è manibus elapsa est. Non semper hostis fugit cum tergo vertit. Quæ de re inferius de ordinatione plura dicentur.

M m

Bellum

Bellum pluribus annis continuandum.

Fructus ejus qui vicit in usu victoriæ consistit: quæ qui uti nescit majorem incurrit infamiam, quam si nunquam vicisset. Majus enim dedecus est defraudari rebus quæ in nostra potestate consistunt, quàm quæ a fortuna dependent. Ideoque potissimum idagendum, ut hostem insequamur, & opprimere atque internecone delere pergamus, donec in pavore & timore adhuc hæret, ne tempus ipsi concedamus ad animum resumendum & vires recolligendas. Graviter fuit Hannibal reprehensus, quod post pugnam ad Cannas feliciter commissam victoriâ uri nescivisset.

Hungaria nostra defensivum semper bellum gessit, quasi hostis cum quo ei res est plane esset invincibilis; quo in errore non frustra nos hædere nonnulli putant. Verùm si fundamentum potentiæ Turcicæ perpendimus, quod in Seragliis consistit, quæ solummodò bello diuturno & continuo evacuari possunt, vere apparebit, graviter à nostris peccatum fuisse, quod bellum diutius non protraxerint, & post insignes clades illud quoque continuerint. Matthias rex dicere solitus est; Turcam vinci non posse, nisi ipsi tempus præcidatur & occasio vires recolligendi, quæ in ipsis victorijs debilitantur. Ipse tamen Matthias, vel impeditus alijs bellis Vngarorum culpâ, nuptijs quoque intervenientibus, Sinderoviæ obsidionem neglexit, cum sola restaret ad liberandam Bulgariam; quæ causa fuit, quod tota ea provincia Turcæ imperio postea cecidit. Quid commodi cessit Christiano orbi ex illâ celeberrimâ victoriâ in mari anno 1571 partâ, classe Selimi II caesa atque fugata, cum victores cursum victoriæ secuti non fuerint, quo ejus fructum perciperent? Quod si singulari Dei providentia hostis animum à re maritima haud despondisset, jam dudum experti essemus, quam
exi-

exiguam quietem tanta expeditione acquisivissemus. Nunquam forte continget, ut Christianismus ejusmodi classem contra Turcam, nisi extrema coacta necessitate, instruat. Quod si nunc pacem ineamus cursum victoriæ sane deserimus. Quam adhuc à nostris partibus stare jure affirmo, non obstante Agriensi clade: siquidem hostis non modò in aliis præliis, sed hoc ipso anno longe majorem militum numerum quam noster exercitus amisit: tum quod ipsius potentia adeo attenuata, ut amplius fere resistere nequeat nisi tempus ei concedatur vires restaurandi.

Paxit Deus, ut exoptatam hanc commoditatem tyranni huius opprimendi recte perpendamus, nec rursus eam in vanum elabi patiamur; & certò cum Matthiâ rege nobis persuadeamus, Turcicam pacem ad gravius bellum præparationem fore. *Pax l. 1. Hist. est, dicit Polybius, res dulcissima, & bellum omni ratione vitandum, sed extrema quævis non sunt tentanda, ut ad pacem perveniamus, siquidem Reip. æquitas incolumitas & libertas cuius paci præferuntur. Nec Pindari sententiam probo, qui cives suos hortabatur, ut tentarent omnia quo pacem & tranquillitatem recuperarent. Pax sane, idem subiicit, res est pulcherrima, si iusta sit & honesta; quo nihil quicquam pretiosius inveniri potest. Denique nihil quicquam vel injuste vel turpiter committendum, ut pace fruamur.*

V.

Bellum etiam tempore hyberno gerendum.

Si bellum commodissime pluribus annis continuari potest, ut supra probavi, sequetur ex hisdem rationibus etiam hyber-*T. Liv. l. 5.* no tempore cum utilitate & fructu illud geri posse. Idem Appianus Romanis suasit cum Veios obsideret quod hyeme interveniente, labores & sumptus jam impensi inutiliter cedant, & nunquam expeditioni finis imponatur. sed bellum continuando ho-

Mm 2

sti

fiti occasionem præripi, spiritus & animum resumendi atque vires restaurandi, cumque defatigari.

Quod ita se habere in bello Turcico experimur. Ad quod tardè noster exercitus sese parari potiore anni partem in apparatibus faciendis consumit; vix duo vel tres menses militando transiguntur, interim stipendia pro quinque mensibus persolvuntur. Pleraque igitur pecunia in prosecutionibus & apparatibus impenditur. Secus fieret, si per integrum annum bellum duraret, & stipendia pro duodecim mensibus solverentur, etsi novem solummodo miles in castris versaretur. Ea sæpius aëris est temperies, ut miles in campis per totum fere hyemen morari possit. Glacies nonnunquam expeditiones faciliores reddunt. Sereno coelo educi possunt milites, qui aëri Vngarico magis sunt assueti. Si stipendia longius durent, milites dilationem solutionis atque diminutionem minus graviter ferent: siquidem nullum fere commodum ex stipendiis percipere possunt, quod militia citò dissolvatur. Sed gravia incommoda in itineribus, & multum detrimenti in solutione stipendiorum patiuntur; quorum loco & arma & aliæ merces eis dantur, unde maximum lucrum ad duces redit, qui ob id singulis annis novam militiam instruunt. Adde quod in Vngariâ semel tantum exercitus lustratur; è quo primo statim mense quarta fere militum pars fugâ dilabitur vel morbis perit; quorum stipendia duces sibi reservant cum provinciarum maximo damno, quod exiguo cum fructu bellum geri possit propter militum paucitatem. Diligenter hæc considerari & scire reformari debent. Huc accedit, quod singulis annis miles per easdem provincias bis proficisci soleat, unde plurimum damni miseris rusticis infertur, & onera illa graviora sint quam ipsi tributa quæ pendent.

Non solum autem nostris proderit bellum hyberno tempore continuare propter causas modo dictas, sed in primis hostibus

stibus illud impedimento erit siquidem Turca (ut Rex Matthias Bonif. l. 3. dicere solitus erat) aquâ & paucissimo cibo contenti, hyemis injurias & vim frigoris non æque perferre possunt, ut Hungari qui vino & victu lautiori recreantur. Tum quod milites Asiatici temperationi æri sunt assueti. Vñus camelorum qui impedimenta gestant in hyeme vanus est & inutilis, quod super glaciem incedere nequeant. Incommoditates augent viæ lutosæ & herbarum inopia unde tot equi & reliqua animalia sustententur, in æstate ex campis nutrirî possunt. Vnde fit, ut rarò copias antequam herbarum excreverunt, educat hostis, hyeme nunquã quicquam tentavit præter excursiones, quibus singulis diebus in alia loca percurrere potest, ut habeant milites unde vivant. Cum igitur præter ordinaria præsidia nullus hostium exercitus in Vngaria hyberno tempore subsistat, non opus erit universas nostras copias, sed earum partem præcipuam, peditatum scilicet omnem, novâ militum lustratione habita, ibidem retinere. Reliquis qui dimittuntur tempus certum, quo denuo in castris comparere debeant, assignetur. Cum propter tempestates educi milites nequeunt, in hyberna debent collocari in vicinis oppida, unde faciliù coire & congregari possint.

Nec Germanis atque Vngaris difficilius erit in Vngaria hybernare quàm Romanis in Italia. Vtraque enim provincia æris temperie, incolarum habitu, qui altera dicitur natura, & corporis complexionì respondet. Nam Germani poros & meatus magis constipatos habent, ut frigus tam facile ad partes corporis interiores penetrare, vel calor naturalis exhalare nequeat. Vnde propter sanguinis abundantiam corpulenti evadunt, nec vulneribus terrentur. Nec in Germanis quicquam desidero præter bellica exercitia, quæ usu & experienciâ addiscuntur. Prima Vladislai expeditio in hycmem usque duravit. Fremebant milites & indignabantur, quod non essent assueti contra vim

1444. vim frigoris & glaciei & hostem simul sese defendere. Rex ta-
men difficultates nihil moratus copias non reduxisset, nisi pe-
nuriâ com meatu exercitus laborasset. In secundâ expeditio-
ne non hyemis sævitia sed annonæ inopia pugnae causa existi-
tit. 1475. Matthias in hyeme Zenderoviam obsessam reliquit, in ca-
stra cum majori exercitu rediturus, si Danubius glacie conge-
latus oppugnandi occasionem præbuisset. Idem in Moravia e-
quitum conductitiorum ordinem instituit, qui in hyeme excu-
babant in castris, unde in æstate strenuissime sese contra hostem
gerébant. Exercitium dubio procul fortiores producit mili-
res quàm ipsa natura; qui & calorem excessivum, & frigus a-
sperrimum, & omnem militarem austeritatem perferre pos-
sunt.

VI.

Quomodo nos gerere debeamus in cladibus.

Quod ad cladem attinet duo consideranda veniunt. Quomodo scilicet nostros in ordinem reducere, vel post cladem acceptam nos gerere debeamus. Prius ad caput de aciebus ordinandis reijciam. De posteriori hic dicendum.

Profligato & cæso exercitu duo obvenire solent. Vel enim omnes milites in fugam se conijciunt, idque tam præcipitanter, ut duces malum prævidere & remedium afferre nequeant; vel solum pars eorum fugit eorumque fugam pars altera excipit, unde duces commoditatem nacti rebus suis prospicere & consulere possunt. De hoc itidem fusius in capite de ordinandis aciebus dicendum. Quod si eodem momento universus exercitus fugam arripit: neque consilium, neque artes, neque vires usquam reperiuntur, quæ fugientes retrahere vel remorari possint, ut dicit Secretarius. Sic Cn. Fulvius in Senatu se excusavit, quod non suâ culpâ exercitus ex acie fugiens fuerit profligatus; se enim recte officio suo functum probè omnia prævidisse & ordi

*De arte
mil. lib. 4.
Tit. Liv.
lib. 16.*

ordinasse; nec suorum animos nec hostium in potestate habuisse, sed vi aperta armis & acie victum, cumque fugerent omnes se quoque turbâ ablatum fuisse, ut Varro Cannensi pugnâ, ut multi alij imperatores; se solum restantem in acie nihil prodesse Reipublicæ potuisse. Nec fortitudo sed temeritas dicenda, si negligentur & spernantur ea quæ jure timeri debent. Vituperio quam laude dignior est Vladislaus, qui ad Varnam occubuit. Nihil emolumenti sed maxima ruina in Hungariam ex morte Ludovici redundavit. Quod si suâ culpâ victoriam amissam & cladem exercitui illatam dux belli cognoscit, non animum tamen despondere, sed caute extra periculum se subducere, & ut suos in tutum collocet omnes inire rationes se denique meliori reipublicæ fortunæ præservare debet, Varronis exemplo, qui fugâ ex Cannensi clade elapsus à Senatu fuit laudatus, eique gratiæ fuerunt actæ, quod de reipublicæ statu non desperasset ut collega ejus.

Sed ut habeant duces unde in tantis infortunijs sese consententur, legant errores non ab uno duce, sed ab ipso Senatu Romano, capta à Gallis urbe, admissos de quibus Livius in hæc *lib. 5:* verba prorupit. *Tanta, inquit, fortuna in obcecandis animis hominum est potentia, cum sibi non patitur resisti.* Vnde Secretarius *lib. 2. c. 29;* subjicit; *Neminem frustra desperare debere, cum nesciamus qua via nos operiatur fortuna, qua plerumque per vias inflexas & incognitas incedit: semper meliora speranda in bello imprimis, ubi vis atque potestas ejus maxime adparet, siquidem multi exercitus una sola voce, vel falsa quadam specie, in fugam fuerunt conjecti: multi cum victi essent denuo victores exstiterunt.*

Turpissimum igitur duci post res male gestas, quod superest per desperationem negligere. Cum milites in latam fugam versi sunt, opera danda, ut eos in tutum extra periculum collocet, eos certiores reddat, quò fugam capessere, & quibus vijs in-

cedo.

cedere debeant. Vt hostis, si copias suas dividere cogatur, ab insequendo cesse. Quod si ante fugam significare non licuit, in ipsa fuga id faciendum, missis nuntiis ad transitus præcipuos ubi necessario transeundum est copiis fugientibus. Tutissime in castra fuga instituitur; quæ in eum eventum ante pugnam muniri & præsidio firmari solent. Reditus enim in castra fugæ speciem non habet, nec victos nos esse arguit. Possunt etiam omnes illi modi & stratagemata adhiberi, quæ Vegetius docet, ut victoriam à nostris partibus stetisse hostibus persuadeamus. Inprimis vero in ijs pugnis, ubi par est occisorum numerus & conditio, sæpius victi fuerunt habiti qui primi castra deseruerunt; in quibus si diutius immorati fuissent, hostes in eam, qua ipsi premebantur, necessitatem coniecissent.

Appia. l. 2. Pompeius & Scipio non injuriâ reprehenduntur, quod cum eorum milites in castra recurrerent ipsi proculaufugerunt; cum denuò Martis aleam tentare quivissent. Ad Varnam Amurathes adeo cruento prælio fuit attonitus, ut tanquam victus retrocedere cogitaret, nisi ei nuntiatum fuisset castra Christianorum deserta & derelicta esse. Anceps victoria ad Agriam fuisset, si Princeps in castra reversus ibi substitisset: Sed cum ibidem paucos quosdam milites, eosque inermes offendisset, reliqui magis remotiora loca peterent, ipse quoque Cassoviam abiit, ut copias ibi colligeret. Quo etiam Dieffenbachii & Transylvani exercitus per viam quæ Tokarum ducit convenire debebant, ne tota regio hostium excursionibus exposita esset. Sane qua occasione tanta inter nostros fuga excitata fuerit, nondum in hunc usque diem certò intelligere vel percipere potui. Nec causa tanti terroris & metus reddi potest sufficiens: nisi in simili casu quondam ab Hungaris ignominiosa sumpta resolutio; quicum ex varijs & diversis partibus contra se à Turcis impressiones & excursiones fieri viderent, eo solo ita statim

con-

consternati fuere, & vilescere eorum caput animus, (quod di-
 gnū observatione Bonfinius notat) ut statuerint se cum Tur-
 cā bellum amplius nisi defensivum gerere nolle; obliti omnino
 per hanc minimā cladē tantarū & tam illustrium victoria-
 rum, quas olim contra Turcas Rex ipsorum Matthias Cor-
 vinus obtinuerat. Quapropter si rationes evidentiores excu-
 tere volumus, eos reperiemus omnes in contrario. Nam Tur-
 ca nunquam commodius vinci potuit, quā hoc ipso bello; amif-
 sa insigni provinciæ parte, & militibus innumeris hoc quadriē-
 nio occisis. Quod attinet ad Agriæ occupationem, quæ mul-
 tis defectibus quoad situm & munitiones laboravit: tum ad
 pugnam, in quā nostri propter confusiones non vi atque ro-
 bore hostili fugati fuerunt, intelligimus exiguum inde hono-
 rem ad Turcam rediisse, quod ipsemet cum omnibus suis viri-
 bus & potentiā nostros oppugnavit, & milites multo plures ex
 ipsius quam ex nostro exercitu fuerunt desiderati.

Propter hos successus tam prosperos Hungaria animum
 despondere, & pacis rationes inire non debet. Quam Matthi-
 as toties ei denegavit, dicens Hungariæ regem jure pacē cum
 Ethnicis sancire non posse. Cognovit tandem Hungaria
 gravem errorem sub initio regni Uladislai commissum, pace
 cum Turcis initā & jurejurando confirmatā. Siquidem ab eo
 tempore & honor & autoritas & imperium inclinare cepit;
 cum ea perpetrasset, quæ ipsorum regum sententia atque de-
 creto prohibita erant. Nec jugum excutere poterit, quin om-
 nem pacis tractationem & commercium cum Turcis inter-
 mittat. Quod si Matthias præter Turcam nullum alium ha-
 buisset inimicum, propriis armis & potentiā eum ex Thracia
 expulisset: sat enim habebat virium, & magnanimitate Christi-
 ana præditus erat; nec latebat ipsum hostium potentia, quam
 bello continuo solum vinci & infringi posse sciebat. Quo in-
 ter-

Nn

ter-

termisso, tempus & occasio conceditur vires reparandi. Ut Herculi contigit quoties Antæum tangere terram permisit: quæ fabula poetica commodissime ad nostrum propositum allegari & revocari potest.

VII.

*Quomodo Bello capta retineri & defen-
di debeant.*

Dixi de pugnis & præliis; tum quomodo amissa recuperanda sint. Superest, ut videamus quomodo eadem retinenda.

Qui bello gerendo consultant hoc imprimis spectant, quâ ratione provincias acquirere & acquisite retinere queant, ne detrimentum accipiant, sed ditiores & potentiores evadant. Hoc consilium Romani secuti sunt in coloniis emittendis, & præda colligenda. Cum enim bellum in locis distitis & remotis gerendum erat, ærarium unde militibus stipendia solvebantur, subito fuisset exhaustum nisi prædæ pars maxima militibus erepta & in fiscum relata fuisset. Propter stipendia vero, quæ tunc militibus fuerunt decreta, contenti illi fuerunt recognitione quadam pro libitu imperatorum distributâ; qui beneficiis etiam præmia dabant ex reliqua prædâ, quæ mercatoribus qui castra sequebantur vendebatur; quod supererat in ærarium publicum referebatur, eâ ambitione, ut certarent invicem, quis vi pecuniæ insigniori & majori ærarium locupletius reddidisset. Coloniarum usu provincias suas ditiores & securiores reddebant. Victis enim hostibus partem territorij pœnæ loco auferabant, idque distribuebant inter eas familias, quæ Roma eò migrarant, tanto numero ut hostium excursionibus resistere possent. Extra Italiam integræ legiones ductæ fuerunt. Hac ratione Vrbs superflua civium parte fuit liberata, & Romanis hostium reditus cesserunt; tum etiam limites

finæ

sine sumptu ab hostium incursionibus & deprædationibus defendebantur, donec justus belli adparatus fieret.

Utrumque Turcæ imitati sunt, ut superius dixi. Cur idem apud nos fieri nequiret? Præda jure ad Principem pertinet: milites suo contenti esse debent stipendio. Quod si ex prædâ insuper decimæ eis concedantur, nullo modo conqueri possunt. Coloniae non modò propter fructum qui inde reddit, sed propter ipsam necessitatem in usum revocari deberent, si divina favente clementia regnum Hungariæ Turcis denuò eriperetur, & libertati suæ restitueretur. Expulsis enim hostibus ditio incolis vacua foret; unde intermissa agriculturâ salva subsistere nequiret, nec exteri milites ibi sustentari possent: plus igitur damni quam commodi ad recuperatorem, qui maximis sumptibus eam acquisivit, redundaret. Coloniae igitur in loca quædam regni præcipua deducendæ essent. Quod si Ungari satis agri ad excolendum habentes, non cuperent aut non possent relinquere patriam aliò se recipiendi causâ, ne dum nimis amplis & arduis occupati essent expeditionibus tota regio inculta & desolata remaneret, Germania populosissima colonos suppeditare deberet, qui loca quædam majoris momenti occuparent, extendens se ita coloniarum missione in partes exteras. Id quod maximo suo cum honore faceret: siquidem earum gentium vices obiret, quæ magna sua cum laude colonias quondam in Germaniam duxerunt. Qua in re nulla alia provincia Germaniæ præferri potest ob incolarum multitudinem & artificum copiam. Cum vero ij qui agros colunt ut suis atque aliis victum suppeditent, militiæ vacare nequeant: artifices ad eam assuefaciendi, tum etiam præsidiarii nonnulli conducendi sunt, qui confinia tueantur. Et quo promptius habitatores confluant, urbes vel provinciæ quæ eos mittunt

Nn 2

tunt

tunt, pecuniæ frumenti pecudum & aliarum rerum necessariarum eis subsidium & auxilium præstabunt; debiti partem singuli quotannis restituent, donec totum mutuum persolvatur. Vel alia ineatur ratio, ut quadragesima vel quinquagesima familia è rusticis & artificibus ex unaquaque civitate vel provincia describatur; reliqui qui domi permanent mutuo vel dono quodam eos juvent. Novi porro coloni decimas reddituum ad prædiorum & militum sustentationem persolvant.

Quod si hac ratione bellum offensivum per annos quatuor cum centies millium militibus geratur, & nullæ pugnandi occasiones omittantur, omnisque mora & armorum intermissio caveatur & præcidatur, dubio procul hostibus superiores existemus; nec singulis annis novæ præparationes ad oppugnationes fieri debebunt; & acquisita optime retinere ac tueri, confinia denique coloniarum præsidio multa cum laude & utilitate defendi poterunt.

PARS TERTIA.

Qua ratione commodissime bellum contra Turcas in Ungaria cum quinquaginta millibus militum geri, & earum potentia infringi atque everti possit, libris superioribus à nobis demonstratum fuit. Superest ut videamus, quo ordine & qua ratione pugna cum hoste sint ineunda. De quibus diligentissima & exactissima, antequam committatur, deliberatio & consultatio instituenda & habenda est. Relictis igitur præceptis generalibus, de utilitate necessitate atque varietate præliorum, materiam totam in quatuor capita præcipua distribuam: In quibus de quantitate & qualitate armatorum: de quantitate & qualitate acierum & surmarum: de copiarum distributione ratione situs: & tandem, quomodo in acie contra hostem procedendum sit, dicam.

De

De quantitate & qualitate armatorum.

Constat militum numerus, quem ad hoc bellum requirimus, quinquaginta scilicet hominum millibus. Videndum quibus armis instructi esse debeant. Et si vero (ut Aristoteles dicit) quondam acierum robur & vis in equitatu posita fuerit, quod peditum usus nondum esset cognitus, qui nisi severam disciplinam in officio contineantur, parum commodi ad bellum adferunt: nihilominus tamen in Græciâ sub Philippo & Alexandro phalanx Macedonica, & in Italia legiones militiam pedestrem tam celebrem reddiderunt, ut plus ponderis sapius quam equestris habuerit. Legio Romana sex millibus peditum, solis trecentis equitibus constabat. Eundem morem Carthagenenses observarunt; unde graviora damna Romanis, quam quævis alia natio populosissima, intulerunt. Ante nostram ætatem disciplina militaris propter crebras Barbarorum excursions in Italiam graviter fuit labefacta, quod majori ex parte equitatu constaret, cuius usus contra hostem minus commodus existeret. Nec error fuit agnitus, donec Helvetiorum quadam turmæ, nostros, magno suo cum damno, prudentiores reddiderunt. Experti namque sunt peditum aciem recte ordinatam, ab equitatu difficillime superari posse; quin contrarium sapius evenire, ut ad Carminolam contigit, cum victi jam equites ab Helvetiorum turmâ, in terram descendere ordinibus recte dispositis & inire pedestre prælium coacti, superiores tandem hoste exstiterunt. Peditatus igitur non potest superari, nisi ab alio peditatu melius instructo & ordinato. Romani equites extremo urgente periculo sapius ab equis descenderunt, & victorias illustres pedestri cer-

4. p. 11. 12.

T. Liv. lib. 11.

Guicciar. lib. 5.

Secret. lib. 2. c. 18.

Nu 3

tamine

*Bel. civ.
l. 6.*

*T. Liv. li.
10. 12.
Secret. de
arte milit.
l. 4.*

ramine contra equites & pedites consecuti sunt. Cumque in prælio quodam equites soli audacissime & pertinacissime invicem pugnarent, Romani equis relictis hostem pedestrem pugnam capeffere cœgerunt, potiores peditum quam equitum partes esse innuentes. Idem Cæsar alio quodam exemplo confirmat. Hujus rei hæc videtur caussa reddi posse, quod qui pedes pugnat, firmitus subsistere, vel hosti instare, vel cedere pro libitu possit: secus verò qui eques certat, calcaribus & freno efficere, nec suo modo equum, qui modo parum modo nimium velociter vel tarde incedit, regere queat. Huc accedit, quod equi nonnunquam sint refractarii vel calcetrofi. Tum ut strenuus interdum eques equum habeat strigosum & male habitum, contra timidiore milites nanciscantur equos generosos, quorum utrorumque opera vana existit. Denique facilis pedes equum vel equitem ferire potest, quàm ut ab equite vulneretur, quod hic pro libitu iactum tendere & stringere nequeat. Quoties equitatus ultrò levissimas ob causas in fugam se coniecit? In pugna contra Pyrrhum & Hannibalem equos elephantorum odor fugavit. Idem Cræsus camelorum operâ, & Hetrusci cum carris strepitum excitantibus effecerunt. Selimus tormentorum manuatorum sonitu Persas & Soldanum in fugam coniecit. Sed notandum: quemlibet peditatum cuius equitatus non rectè opponi, sed aptissimum eum existere, qui gravi armaturâ munitus sit, ut in loco aperto primum equitum impetum sustinere possit; ubi equites solum peditatum superant, leviter armati, ut sunt tormentarii, cum armis destituantur quibus ingruentes equites repellant, etsi quosdam interficiant tamen semper in pugna stataria inferiores existant, nisi lancearii ipsis adjungantur.

Etsi igitur communi omnium judicio, tum experientia & rationibus validis edocti, peditatus primas in bello partes obtineat.

neat, tamen in hac mea dispositione viginti quinque pedum millia solummodò retineo: tum quod illi tardius in expeditionibus incedant, nec provinciæ ab hostium incurfionibus, qui equites plerique pignant, defendi possint; tum etiam quod Germani equites, qui ferreis thoracibus induuntur, atque ordines in acie strictè observant, & ab hostibus vehementer formidantur, non minori loco quàm pedites habendi sint, in primis vero Turcarum equitibus oppositi, qui levi armaturâ utuntur. Quod si igitur acie in loco aperto, cum hoste (qui angustias propter multitudinem equitum fugiet) decertandum foret, hunc in modum quinquaginta illa militum millia armis instruenda esse concludo. Primum decem millia lanceariorum peditum; tum septem mille & quingentos moscetarios; totidemque tormentarios requiro. Quibus addo septem millia equitum Germanorum; duodecim millia lanceariorum, & lex millia tormentariorum equitum.

CAPUT II.

De quantitate & qualitate agminum
& turmarum.

Hoc caput quasdam continet difficultates, quæ necessario explicandæ sunt. Primum igitur, num magis conducatur omnes copias in acie conjunctim explicare, vel plura agmina separatim educere. Deinde num ea aciei constitutio magis probanda sit, in qua uno agmine & eadem serie milites in ordine collocantur, vel ubi plures turmæ separatæ, & distantes invicem ponantur. Tertio num uno eodemque genere armorum in unaquaque phalange utendum, an vero arma invicem permiscenda sint. Tandem, quam magna acies esse debeat dicendum.

Plures acies ex diversis agminibus
constituendas.

Nonnulli putant hostem uno agmine, in quo omnes militum vires sint conjunctæ, excipiendo esse; tum ut majori fortitudo

titudine ei resistatur; tum ne copijs divisis debiliores singulæ exercitus partes reddantur, unde facilius vinci possint; tum ut commodius laborantibus vel fugatis cum integris copijs auxilio veniatur: quod post cladem milites ea animi fortitudine & virtute quam ante amissos socios, nunquam in acie persistant, tum quod sæpius milites tanto furore adversarios adgrediantur, ut eorum quoque ordines rumpant, qui succurrere & auxilio venire prioribus jam victis designati erant. Non igitur plures acies ordinandas, sed in unum agmen omnem vim militarem conferendam existimant, quo cum omnibus viribus belli alea & fortuna tentetur, nec cum parte quadam exercitus totus in discrimen adducatur. Hac ratione phalangem Macedonicam constitutam dicunt, quâ Philippus & Alexander tot victorias illustrissimas acquisiverunt. Sed phalangi Livius legionem Romanam longe proponit. Vtraque firmiter ordines servabat; phalanx tamen (in qua lanceati pugnabant) immobilis erat, & uno eodemque armorum & hominum genere constabat. Legio Romana magis erat distincta & ex pluribus partibus erat composita, facilius dividebatur, & commodius primum in locum redibat, & in unum corpus coibat. Alibi dicit, Romanos conformem Macedonicæ phalangi quondam aciem habuisse, eam tamen postea immutatam & emendatam fuisse.

Probat igitur aciei in plura agmina & distincta armorum genera distributio, à Romanis quondam observata: licet ea nostræ militiæ disciplina sit, ut cohors fugiens ab altera, quæ laborantibus auxilio venire cogitat, commode excipi & à fugâ retrahi nequeat, siquidem mercenarijs plerumque & novitijs atque tyronibus exercitus consistit, qui ordines dextre observare ignorant. Sed quò confusiones & turbæ evitentur, à latere auxilium est ferendum. Vnde fieri nequit, ut eadem fronte acies instituatur sed in multa agmina distribuenda est, tanto intervallo

vallo invicem disposita, ut subsidiarij facilem aditum & ingressum habeant. Huc tamen accedent reliquæ conditiones magis necessariae, quæ in conjungendis disjungendis ac transportandis hinc inde citra confusionem militibus prælio ipso, durante, necessario observanda sunt. Quâ re plus quam quavis aliâ Cæsar adjutus multis clarissimis victoriis positus est. Sæpius enim contigit, ut copiæ in uno agmine sint superflue, quæ in alio desiderantur. Nec earatione moveor, quod virtus unita & conjuncta solidior & præstantior existere soleat. Hoc enim axioma Physicorum in rebus naturalibus propter communicationem partium cum toto verum esse agnosco, sed in actionibus voluntarijs minus necessarium illud comperio. Quid in acie, ubi centum classes sunt, ij milites, qui in ultima serie consistunt, magis ad primas juvandas conferre possunt, quam qui in medio vel in vigesima serie pugnant? Non negotamen milites audacius in hostes ituros, si non modò pugnae socios prope se conspiciant, sed alios quoque à tergo in sui præsidium, qui vulneratos vel defatigatos aut alia necessitate pressos è periculo liberent, & eorum vices obeant, præsto esse scient. Facilius quoque persistent, si alios eandem conditionem & fortunam subire videant: quod firmissimum est fundamentum, quo pleræque acies & earum ordines nituntur. Non igitur ad confirmandos militum animos plures superflui militum ordines in phalange sunt constituendi: sed ij sufficiunt, qui ad auxilia sibi invicem ferenda valeant. Ob easque difficultates cohortes longiores non sunt producendæ: ubi ijs qui in prima serie pugnant difficilior succurritur, quam si in turmas acies distincta esset.

Sæpius Romani & ad Novaram Helvetij tam invicto animo in acie steterunt, ut se in frustra potius secari passi fuerint, quàm latum unguem de loco recesserint. Id apud nos quoque

Oo

contin-

contingere posset. Sed ejusmodi tamen aciem sic conglobatam non multum roboris atque virtutis habere existimarem, siquidem eâ, quæ necessario requiritur, conditione destituatur; quod scilicet milites re ita postulante separari & manipuli pro necessitate hinc inde distribui nequeant. Addo quod in acie hac ratione ordinatâ prima ejus frons plerumque locum stationemque amittit recedendo, & constringendo maxime vero hastati (quemadmodum contrigit Antiocho) adeo se involvunt & confundunt, ut neque dextre commodeque dimicare, neque ultimi accessum ad juvandos primos habere possint. Hinc aut cæsi aut à turba retroacti totum agmen perturbant, suoque loco dimovent etiam qui hætenus firmiter substituerant.

Lia. lib. 8.

Legiones Romanæ in tres acies non admodum magnas distribuebantur: quarum unâ victâ, intervallum quoddam commoditasque secundæ relinquebatur, quâ debellatos in ordinem suum excipiebat, vel magno impetu in fractæ aciei locum succedebat & penetrabat. Hanc tertia denique & ultima sequebatur. Vnde hostes non aliter victoriam reportare & adversarios vincere poterant, quam si tertiâ vice feliciter dimicando superassent. Immo neque phalanx neque ulla alia militia sufficiens ad resistendum erat.

Varij casus & accidentia in pugnis existunt, quibus non modò viribus superiores, sed qui jam manibus victoriam tenent, superantur. Vnde temeritatis signum, uno impetu rem totam periclitari, uniusque conflictui totum negotium committere. Qui si ex sententiâ non succedat, nullum nisi in fugâ subsidium & spes salutis reposita est. In committendis igitur & ineundis præliis parata semper auxilia atque subsidia requiruntur, cum in nostra militia mercenaria, (ubi milites non ex professione sed necessitate coacti pugnant) ea disciplina, qua Romani quondam & hodie Turci præstant, recessus scilicet & accessus turmarum

rum citra periculum & confusionem, revocari in usum nequeat. In cujus locum plura agmina ordinanda sunt, exiguo intervallo invicem distincta, unde subsidium laborantes vel à fronte vel à latere prompte excipere & suppetias ferre queant.

Longitudo & Latitudo aciei.

QVod ad longitudinem primæ frontis aciei & latitudinem laterum attinet, quidam existimant aciem quadratam plurimum excellere, in qua scilicet totidem milites in lateribus collocentur quot in prima fronte consistunt. Alij quadraturam hanc ratione soli metiuntur & considerant, ut pediti uni scilicet spatium trium pedum attribuant, & series septem peditum intervallo invicem distent, unde spatium terræ duplex majus à latere quam à fronte cuilibet militi assignant. Hæc aciei forma ob quadraturam æquilateram elegantior, & quod maiorem pugnantium numerum & copiam referat commodior priori videtur. Iuxta illam mille milites in triginta & unum seriem distribuuntur, quarum quælibet triginta & unum militem contineat. Iuxta hanc quadraginta novem milites à fronte & viginti à latere ponuntur. Hæc acierum ratio longe est, dubio procul, præstantior; non tamen adeo frequens, ut certa regula de eâ tradi possit, consideratis circumstantiis, numero scilicet militum & hostium, temporis & loci, quæ omnia variantur. Secus fecit Tartarus, qui posthabitis & neglectis variis militiæ accidentibus, quæ subito evenire possunt, contemplationibus Mathematicis solum insistit; cum potius sit, aciei magnitudinem secundum numerum militum, & diversitatem armorum, tum oppositæ hostium multitudinem, considerare & instituere.

Quoties igitur dux, cujus milites exigui quidem numero armis bene sunt instructi, cum numerosa hostium sed inermi manu congredi debet, milites in classes maiores & breviores disponat, siquidem inermes aciem arma-

Q o 2

torum,

torum, licet nonnihil remotiores invicem sint, penetrare nequeant. Et cum in acie mille virum, quadraginta novem à fronte, viginti à latere ponantur, eadem ratione tria millia disponenda erunt; quæ in classes triginta septem divisa octodecim milites quælibet continebit. Quod si viginti classes lanceatorum hostibus resistere valent, reliquæ superflue erunt, & in alia loca commode transferri poterunt.

Ab. 3. Romani apprime gnari, quid armorum præstantia, quid exacta disciplina militaris ad victoriam conferat, multis constrictis agminibus (pro ratione ejus temporis) pugnabant, eorumque beneficio numerosissimos exercitus fuderunt, nec ordinem mutarunt, etsi hostis eadem quâ illi aciei dispositione contra illos procederet. Livius Romanorum & Latinorum rebellium aciem describens, tria agmina quindecim ordinum u-
Ab. 2. 6. 3. trosque habuisse dicit. Frontinus Legiones Pompeij in Campis Pharsalicis in tres quoque acies, quarum singulæ denos ordines haberent in latitudinem, distribuit; in qua pugna non vi sed arte Pompejus à Cæsare victus fuit, lateribus aciei equitatu denudatis. Antiochus in Asia cum Romanis manus conferturus, Hannibalem, cui artes Romanæ optime cognitæ & perspectæ erant, consultorem habuit; ejus suasu sedecim hastatorum millia in unam phalangem collocata, & in triginta duos ordines distributa fuerunt. Hæc quidem coarctatio non improbanda fuit; licet illa phalanx, fugatis levioris armaturæ militibus & curribus falcatis ingruentibus, rupta fuerit (cui malo obviari quivisset si ea militum copia non in uno agmine pugnasset, sed in plura distributa fuisset) improbatum tamen nimia phalangis longitudo, quod medijs extrema cornua prospicere & contemplari nequiverint. Cæsar hoc errore lapsus, in maximum discrimen se incidisse ostendit; siquidem unus toti exercitui, denegata prospiciendi in omnes angulos facultate, im-
 perare

*Liv. libr.
27.*

perare nequiverit. Accidit tamen hic error Casari non propter nimiam aciei longitudinem, sed quod pugnae locus inæqualis collibus vallibusque interruptus esset. Acies igitur non est longius extendenda, quam à duce qui medium occupat locum omnes ejus anguli & latera oculis contemplari & perlustrari possint, nisi situs loci ad pugnam destinati impedimento fiet. Nec curanda hostium ingruentium multitudo, quam nostros à latere circumdare possit; siquidem huic malo parata sunt remedia, de quibus infra latius dicendum erit.

Ad magnitudinem seu vastitatem acierum quod attinet, non Romanorum quidem ordo imitandus, sed consuetudo longissimo tempore observata à ducibus præstantissimis, qui copias per intervalla disponere soliti sunt, retinenda videtur. Igitur contra Turcarum aciem inermem & vastuosam multò longiora quam latiora agmina constituenda censemus. A fronte plures, à latere pauciores pugnent. Nec quadratura vel soli vel armorum consideretur. In Belgio ubi exercitus rarò quindecim vel vicena millia hominum excedunt, agmina quingentis lanceatis vel equitibus constant. Totidem in Hungariâ contra Turcarum aciem sex vel octo millia personis refertam sufficient; maxime cum non Romano more una acie, sed distinctis per intervalla agminibus pugnam ineamus, quæ omnia re ita postulante in pugnam educi possunt. Verum quæ nostra sit intentio, ex ijs quæ de varietate armorum dicturi sumus, magis apparebit.

CAPUT. III.

Armorum in acie distributio, quo ad situm.

Quæritur quæ arma in mediam aciem, quæ in cornua & alas sint reiicienda. Quâ in re pro loci & situs ratione & com-
modita-

Oo 3

moditate diversa stratagemata adhibentur, & pars principalis exercitus varie distribuitur. Peditatus militiæ nervus præcipuus sæpius in cornua: equitatus verò in mediam aciem ponitur. Eaque distributio, tum in fronte, tum in lateribus, variari & immutari solet.

Vna tamen penes omnes certa constat regula; gravioris armaturæ militem, in quo vis & robur præcipuum ad oppugnandum hostem consistit, in mediam aciem disponendum, quod ibidem hostibus plus quàm alibi nocere possit, quod munus sit à latere, ubi pedites plus quàm alibi ab equitatu sibi timeant. Denique quod firmitus subsistere, & minus facile moveri & disturbari, fortiusque propter conjunctionem resistere valeat, si forte levioris armaturæ milites à latere ejus abscedant. Hi enim ut sese offert occasio, vel in hostem prorumpunt ultro, vel ejus imperum sustinent, & propter agilitatem corporis volatiles dicuntur. Pro armaturæ igitur vel gravitate vel levitate & mobilitate, aciei situs considerandus, & partes graviores semper propius ad mediam aciem collocandæ: tum ita sunt copiarum & turmarum distribuendæ, ut quælibet suas vices in pugnando obeat. Pedites in mediam aciem, equites in cornua & latera ponantur. Pro situs tamen ratione, & propter machinas, sæpius pedestres quædam copiarum in lateribus distribuendæ sunt: peditatus extremæ partes muniri debent lanceariis, & qui missilia ejaculantur, sagitariis nimirum, bombardariis, atque mosquettariis.

Contra Turcas lancearij commodissime in pugnam producantur, quod eorum latera bene munita, à fronte nihil eis periculi imminere videatur. Idem ordo in equitatu servandus. Equites Germani, & qui thoracibus ferreis induuntur, cum gravioribus armis utantur & facilius subsistere possint, proxime peditibus adjunguntur. Ultra hos lancearij subsistent, prioribus

ribus leviores & mobiliore, apti tamen ad hostes aggredien-
dos, & eorum impetum suscipiendum. Extremum agmen py-
rabolarij atque sagittarij defendent, qui neque ad propellendos
adversarios, neque ad excipiendam vim hostilem, armis muni-
ti & instructi sunt. Eorum opera in excurrando, & hostem à
latere atque eminus impediendo & profligando, consistit. Plus
verò terroris quam roboris habent; ideoque Tartaris utilissi-
me obijciuntur, & opponuntur. Hinc apparet Hungarorum
qui lanceis utuntur error haud vulgaris in pugnâ ad Agriam
commisus. Vbi contra omnium prudentum consilium atque
judicium medium in acie locum sibi poposcerunt, & sustinere
voluerunt. Quo non solùm in rationes modò adductas gra-
viter impegerunt, sed à pristino suo valore protinus descive-
runt. Carolus Quintus contra Solimannum bellum gesturus
copias in Austria eadem formâ in aciem disposuit; qua contra
tam potentem hostem uti decreverat; tormentis enim majore-
ribus, tanquam firmo quodam aggere, militiam circumdedit &
communivit. Verùm Hungari indignum rati ejusmodi muni-
menti genere se defendi, machinarum septo includi recusarunt,
copiasque suas in duas alas extenderunt & explicarunt. Neque
in hac nostra distributione jure conqueri possunt, quod majore-
ribus periculis sint oppositi, quia ab utroque latere equites
pyrabolarij eos defendant, licet charitas erga patriam eis præ-
cipuum belli onus imponat: tum quod periculum hoc (cum
iisdem quibus hostes armis utuntur) citra gravem Hungariæ i-
gnominiam detrectare & subterfugere vix possint.

1530.
P. Iovius
lib. 30.

CAPVT IV.

Quomodo amplius contra hostem
procedendum.

Hic quid ordo probe observatus conducat & in bello valeat, ex
ipso

ipso usu apparet. Vbi primum singulorum armorum excellentia: Deinde numpræstet in hostem impetum facere, vel ejusdem excipere: Tum quibus armis pugne initium fiat: Quomodo victoria sit prosequenda: Quo ordine in clade exercitus in tutum deducendus sit, & laborantibus auxilium ferendum: Quomodo latera munienda: Tandem quem locum in acie ipsi duces capeßere debeant, & quod ipsorum sit officium, considerandum venit.

I. De armorum usu & excellentia.

Hæc cognitio adeo necessaria est, ut ea neglecta omnis armorum usus inanis & vanus sit futurus.

Inter omnia armorum genera præstantissimæ sunt hastæ illæ prælongæ, quas Macedones sarißas appellasse creditur, Et merito in illis aciei nervus in statariis pugnis consistere censetur, siquidem milites qui iis pugnant peditibus & equitibus pariter resistere valent, cum in adoriundo ita conglobentur, ut prima militum series quinque cuspidum ordinibus defendatur. Econtra si in eos impetus fiat, non modò quinque priores ordines succurrunt, sed plures alii: plerumque tamen sex proximæ series, quæ prioribus quinque junguntur, eodem tempore resistere possunt. Vnde necessariò in quovis hastatorum agmine undecim series & ordines requiruntur. Cum hunc in modum coarctantur, & restringuntur milites, pro indicio habetur audaciæ ac fervoris in resistendo & oppugnando vehementioris: contra ordinum relaxatio & dilatio, terrorem consternationem & fugæ meditationem indicat, non solum in lanceariis sed in omnibus aliis copiis. In primis verò si in locis interruptis aut saxis vel fossis impeditis prælium contingat. Nocte, propter longitudinem, hastæ difficillime explicari & tractari possunt, unde facilius quoque disturbantur. Perseus optatam quandam pugnandi occasionem elabi passus est, quod in situ

liv. l. 34.

situ in æquali exercitus subsisteret, ubi phalangem hastatorum extendere nequibat, *quæ, ut dicit Livius, propter minimas quasvis situs incommoditates inutilis redditur.* Et paulo post subjungit: *Cladis superioris causam manifestiorem nullam aliam exstitisse, quam quod eodem momento pluribus in locis pugne initium factum esset, unde phalanx perturbari & prosterni caperit, cuius robur invictum & intolerabile alias maneat, cum stricte observantur ordines & dense stringuntur lanceæ.* Quod si partes ejus singulas aggrediaris, vel à latere aut à tergo periculum quoddam nascatur, facile turbatur & profligatur. Romani non aperta fronte phalangem adoriebantur, sed iteratis vicibus impetus in eam faciebant ubi minus videbatur valida; tum latera sapius & vehementiori vi oppetebant, quod illi facilius labefactari & ordines divelli possent, Sin phalangem à fronte adorti fuissent, & militem militi opposuissent, ipsi hastarum spiculis sese intrulissent & involuissent, nec impetum aciei tam bene instructæ sustinuissent. Livius dicit Romanos, *lib. 22.* quo minus in urbem quandam per disiectam muri partem penetrarint, à lanceatis qui ad foramen muri fortiter & immoti constiterant impeditos fuisse; cum hos tueretur ab utroque latere pars muri superstes, & in angustiis certamen fieret, ubi ordines ex impetu ingredientium turbari nequeunt. Hinc usum hastatorum conspiciamus; qui pari & gravi motu tum ab utroque latere probe muniti incedere debent. Cavendum etiam ne frons aciei latior sit, quàm ut æqualiter milites contra diversos hostium impetus procedere valeant; sed ita constituantur, ut dux qui in medio consistit in illa longitudine ad omnes casus suis adesse, & in omnibus locis consilio & auxilio laborantes juvare, eosque sapienter & cum judicio regere possit. Præstat igitur numerosum exercitum in plura agmina interjectis intervallis distinguere; ut hosti insecutio cum majoribus copiis difficilior, cum minoribus periculosior existat, siquidem

Pp

ab

ab utroque latere mofcetariorum & tormentariorum cunei:
fefe immifcent & implicant, à quibus eminus plura damna ac-
cipient, quam ab haftatis, qui horum terga ab incurfionibus e-
quitum defendunt. Equites autem à phalange femper abhor-
rent, nifi circumdare, & à tergo ut ordines turbent eam ag-
gredi poffint. Adde, quod nullum tam præftans armaturæ ge-
nus reperiatur, quibus in phalangem penetrari & invadi queat,
dummodo firma illa & ftabilis fubfiftat; nec crebriori motu oc-
cafionem præbeat, ut à latere tui betur. Hac in parte in exem-
plis fuperius allegatis erratum fuit. Ad Ravennam & Carmi-
nolam idem contigit.

Guicci. lib.
10.

Concludo igitur ex utilitate haftatorum, neceffario quan-
dam exercitus qui in Hungariam mittitur partem hoc armo-
rum genere inftituendam effe. Etfi omnes ferreos thoraces
non habeant, inferi tamen inter armatorum ordines commodè
poterunt. Transylvanus eorum opera in primis indiget, cum
peditatu Germano defituatur: in cuius locum Siculos fibi fub-
ditos haftis inftuat, octodecim vel decem millia, cum robufto
corpore & ingenio non inepto præditi fint; qui fi haftis pu-
gnare affuefcant & arte in hoftem ducantur, facile vim Turcicam
reprimere & eludere poterunt.

Mediæ longitudinis haftæ & arma, fecures fcilicet gæfa
& fpatii, tunc multiplicem ufum in militia habent, cum fariffæ
minus commodæ exiftunt. Vbi tormentarij ad velitationes
emittuntur, nonnulli qui his armis inftrecti funt eis adduntur,
ut illis pugnantibus hi excubias agant & fuppetias ferant. Quin
& haftati quidam ex horum numero exprefle & ftudio tormen-
tariis adjunguntur, ut latera eorum tueantur. Tum figna at-
que vexilla plerumque hi comitantur & circumftipant. In eum
videlicet finem; ut cum primæ fariffarum ftationes perruptæ
fun, cum armis brevioribus & agilioribus commodè ulterius
pene-

penetrari possit. Ad nocturnas impressiones, ut & in locis in-
 aequalibus interruptisque, in oppugnationibus difficilioribus,
 tum etiam ad præcavenda & avertenda damna atque pericula,
 quæ ab ictibus machinarum metuuntur, plurimum utilitatis
 conferunt; longiores atque sarissas commoditate superant. Qui
 his armis pugnant milites, conjuncti atque permixti cum equi-
 ratu, postquam impetus factus est, vel in loco pugna committi-
 tur ubi equi minus dextre regi queunt, non leve momentum
 ad victoriam contulerunt. Hujus stratagematis primi autho-
 res atque inventores exstiterunt Romani; qui à tergo equo-
 rum dorsis semper ferebant juvenes dexteritate & agilitate præ-
 stantes, in hoc militiæ genere apprimè exercitos. Cæsar hac
 ratione acie instructa cum millenis suorum septem millia
 Pompejanorum equitum in lato campo fudit. Ariovisto sex
 millia Germanorum equitum erant, totidemque numero pe-
 dites velocissimi ac fortissimi: quos ex omni copia singuli sin-
 gulos suæ salutis causâ delegerant: cum his in præliis versaban-
 tur: ad hos equites sese recipiebant: hi si quid erat durius con-
 currebant: si quò longius erat prodeundum aut celerius recipi-
 endum, tanta erat horum exercitatione celeritas, ut jubis equo-
 rum sublevati cursum adæquarent. Horum operâ plurima fa-
 cinora Ariovistus edidit. Suevi in aspero quodam prælio, re-
 lictis equis pedites pugnam inierunt, & Romanis superiores ex-
 stiterunt. Simile quippiam in Macedonia insdem contigit; ubi
 equitibus permixti pugnarunt pedites, qui hostium equis un-
 gulas præsciderunt. In Hungaria Vladislaus prospero succes-
 su contra Turcas hoc certaminis genere usus est; verùm id casu
 potius quam certo consilio factum, siquidem equitatus hosti-
 lis in loco incommodo substiterat.

Gal. lib. 28.

Liv. l. 16.
 Val. Max. l. 2. §. 1.

Bel. civ. lib. 3.

Bel. Gal. l. 1.
 Liv. lib. 23.

1443.
 Bonf. lib. 26.

Legimus quoque equitibus pedites sagittarios permix-
 tos in aciem eductos fuisse. Licet igitur nostris quoque stra-

Bel. Gal. lib. 7.

tagemata ejusmodi ad juvandum & confirmandum equitatum invenire & excogitare: tum præter hastatorum & tormentariorum copias, certos quoque milites è toto exercitu deligere & conscribere, qui unà cum equis incedere, & sine timore cum illis versari, vel hostibus saltem, ubi loci iniquitas equorum usum & impetum vehementiorem prohibet, resistere sciant.

Duobus supradictorum armorum generibus Turcæ destituuntur. Asappij hastas quidem gestant, sed sarissis breviores, & exiguis cuspidibus munitas, quibus punctim solummodo feriunt. Vnde nec hastis nostris, nec cum securibus comparari, nec iisdem resistere valent. Gladij nostri communes stricti & longi cum in eâ pugnantium turbâ ad cæsim feriendum vibrari nequeant, & parum etiam contra acinaces latiores valeant, optime ad punctim lædendum adversarium usurpantur: ijs remotiorem hostem, qui breviori gladio pugnat, facilius & tutius ferire vulnusque periculosius ac mortale infligere licet. Quæ omnia si probe observentur, licet exigui momenti videantur, magnum tamen pondus in militia habent. Turcicæ atque Vngaricæ hastæ, ubi cum impetu in hostem procurrere licet, utilissimæ quidem, sed propter longitudinem & quod pleræque sint concavæ fragiles sunt atque infirmæ. In locis parum impeditis & interruptis, ubi vehementi cursu impetum eques facere nequit, plane inutiles existunt.

Arma quibus eminus hostem oppugnamus, omneque genus missile, nocte & in tenebris plane nullum usum habet; quod meta proposita quo ictum dirigimus perspicere nequeat. *lib. 2. c. 4.* Paulus Æmilius difficilem quendam transitum, ubi legio propter angustiam loci inutilis videbatur, occupaturus, nocte id aggressus est, quod hostem missilibus potius quam Romanos instructum & in eo armorum genere probe exercitatum sciret, in tenebris autem jactus & ictus incertus est, & nusquam certo
dirigi

dirigi potest. Sed alio quoque defectu hoc armaturæ genus laborat, quod pedites in planitie & spatiofo campo, hastatorum subsidio & auxilio destituti, ne levissimo quidem equitatu resistere valeant: carent enim quod ingruentium equitum insultibus opponant, unde facillime disturbantur. Optimum ad hos fundendos remedium exstat, ut quam vehementissime urgeantur, & in eorum ordines prorumpatur; quod non modo alàs contra tormentarios sed moscetarios etiam in Belgio Hispani observare solent. Prima enim vice tormentis illis explosis, cum gladiis manus admoventur, illi in hostes strictis ordinibus properant, eorum ordines invadunt, & si fieri potest delere atque perumpere tentant. Ejus generis sunt arcus, bombardæ, tormenta majora quæ moscettæ vocantur, & æneæ machinæ seu catapultæ. Postquam bombardæ & tormenta inventa sunt arcuum usus desit, & parum apud nos amplius curatur. In bello Hungarico Tartari ut plurimum illis utuntur. Leviter enim armati, & ipsorum equi, velocissimi licet, propter debilitatem tamen ad faciendum impetum minus idonei, solummodo ad devastandam regionem, impediendos comعات, & simulandam circumventionem apti sunt. Vnde nostros aliter oppugnare cum nequeant, hoc genus missile usurpant; quod plus terrois quam periculi adfert ijs qui illi minus sunt assuetis optime equites bombardarii illis obijciuntur.

Selopetorum autem tria genera sunt, pro diversa magnitudine distincta, quædam minora sunt Italici *pistole*, alia media iisdem *archebusi*, denique majora quædam vulgo *mosquettæ* dicta, quorum hæc omnium maxima sunt quæ manu tractari & explodi possunt. Horum armorum magna est differentia, non inter se modo, sed etiam ratione usus in quem adhibentur. Alio enim modo ad venationem & inimicitiam privatam, alio ad bellum instruuntur & preparantur. Ad primum, sumendus est

Pp 3

pulvis

pulvir nitratus, qui bonus sit & iusta proportione probe infectus paratusque. Ad secundam, qui munitionum intermedius dicitur. Horum impletio, primis ejaculationibus exceptis, aut non proportionata est, ejecto sæpius frustra pulvere, aut non satis glande sua conferta & coarctata. Vnde summo studio cavendum est, ne primæ globorum emissiones sint frustraneæ. Ajunt enim mosquettum in velitatione conficere spatium ducentorum passuum, sicut & sclopetum quod inimicitiae causa gestatur: & sclopetum militis quantum bombardæ seu pistola inimicitiae, octuaginta nempe passuum, quorum quilibet quinque pedes in dimensione habet. Bombardæ vero militis omnino nullius est momenti, nisi adurat & consumat suumque conficiat ictum, proinde non nisi velut ad hostile petus admotam explodi volunt.

Hinc notentur sequentes observationes. *Manuarijs tormentis* seu sclopis equites qui ferreis thoracibus armantur plerumque uti solent. Iuramento hi adstringendi sunt, ne citius explodant quàm in hostem rectè ictum direxerint, & de eo vulnerando dubitare nequeant. Lanceæ igitur imperus prius expectandus; quo factò, vel hoste quam proxime imminente, feriendus est. Hoc armorum genus ad resistendum & impetum excipiendum, fortiterque stationem tuendam, quàm ad aliam in acie impressionem faciendam, accommodatius est; unde ordines eorum arte & confertim consistere debent. Apparet etiam, quàm imperitè & negligenter officio suo fungantur, qui cum primæ stationes exploserunt non expectant quò ordo eos quoque tangat; vel in aërem vel in socios vel procul ab hoste explodunt. Quæ negligentia & imperitia sæverissime inhibenda & castiganda est. Gallici quoque thoraces quam Germanici præstantiores sunt, & facilius ictum scloporum longiorum eludunt. Quin & magnum inter utrosque equites thoracatos descri-

discrimen adparet. Gallus unico tantum servo stipatus in militiam proficiscitur; Germanus contra non duobus equis pro se & servo, sæpius ne octo ne decem quidem contentus, ingens servorum famulitium post se trahit. Ea res abusum habet manifestissimum & periculosissimum, ob plures causas. *Prima* est, quod habita lustratione, quæ ab initio tantum & sub finem expeditionis fieri consuevit, multi ex servis illis desiderantur; siue quod dimissi sint siue quod ficta nomina gesserint & suppositivi fuerint. *Secunda* est: quod in tanto numero multi inveniuntur equi strigosi & ad bellum inutilissimi. *Tertia* est: quod turmæ ex vilissimis hominibus, servis & stabulariis, qui ad bellum ineptissimi sunt complentur. Vnde mirum nemini videri debet, si eos eventus expeditiones nostræ minime nanciscantur, quos speramus ex eiusmodi apparatu. Qui si in nobilibus & strenuis viris consisteret, eorumque virtus, vel pars saltem eorum, præstantiæ armorum corresponderet, quamvis velut etiam immensam multitudinem, ut Turcica plerumque est, excipere & reprimere valeret. Cum enim cominus manus conferendæ sunt, harpæ quocunque feriunt corpus ferro manitum offendunt, enses vero inermia Turcarum pectora eaque remotiora ubique penetrant perforantque; qui tamen in tanta cinguli, quo lateri aptantur, angustia à multis difficulter admodum evaginari possunt. Eo meliori conditione Gallorum thoracati propter verura quæ gestant existunt.

Bombardæ longiores, quas *archebusi* Itali vocant, levissima arma sunt, quibus equites atque pedites utuntur. *Pedites* eum in acie locum tenere solent, ubi plus dexteritatis & agilitatis requiritur: in campo aperto equitatui & hastatis pedibus resistere nequeunt, nisi alio munimento tuti reddantur. Vnde hastati plerumque eis adduntur, vel ad horum latera collocantur. Idque duabus fere rationibus. Siquidem quinque vel septem

septem primi ordines, quot nimirum hasta tegere & defendere potest, hastatis non indigent, cum firmiter contra oppositas hostium turmas consistant nec magis quam illa moveantur, licet inter dimicandum quidam immutari, & alij in sociorum locum succedere soleant. Hi proprie latus agminis vocantur. Alij brachia dicuntur, quod manuum & brachiorum instar à cohorte dependeant & nunc hic nunc illic hostem lædant: in defensorum locum recentiores & qui viribus integri sunt succedunt. Bombardariorum igitur particulares quædam cohortes haberi solent, iisque hastati quidam adduntur. Vulgo copiarum perditæ dicuntur, quod sæpius maximis periculis obijciantur, & capiendis fossis rupibus vineis vel aliis ejusmodi locis, unde hosti plus damni inferri possit, adhibeantur. Equites sclopetarii veterum sagittariorum vicem sustinent. Hi eminens hostes lædunt; unde extra reliquam aciem collocandi sunt; neque in uno loco nec firmiter subsistunt, nec impetum facere nec sustinere, & suis laborantibus difficulter subsidio accurrere possunt quin eisdem quoque lædant. Siquidem ictus bombardæ, ab equite in primis factus, incertus est & fallax. Quod igitur potissimum hoc armorum genus habet, in primo pugne initio conspicitur & plurimum valet. Cum vero in eos ab hoste impetus fiat, recedere & periculo se subducere possunt. Illorum officium præcipuum & ferè primum est, ut latus hostile oppugnent, suorum vero latera defendant. Nec certis ordinibus in acie distinguuntur, cum errabundi & volatiles sint: nec assueti ad vim atque impetum hostilem sustinendum, sed ut hastati turmatim & catervatim incedunt. Commodissime Tartaris opponuntur, quos propius, quam hi sagittis suis, attingere possunt: maxime si bombardæ sint aliquanto majores; ejusmodi Itali & Wallones gestant, Germanorum vero manuarum tormenta Gallica (pistolæ nominantur) minus apta videntur.

Mosquet.

Mosquettum propter gravitatem minus dextre & agiler tractari potest; longe omnium remotissime ferit. Vnde locus illis qui hoc armorum genere pugnant remotior ab impetu adversariorum conceditur; plerumque peditum cohortibus inferuntur & eorum tergo annectuntur. Hi bombardarios, qui ab hastatorum dependent lateribus, defendunt & forcem efficiunt. Quidam mosquettariorum ut & sclopetariorum ordines hinc inde oberrare, & prout commodum eis videtur vel à tergo vel à fronte hosti nocere solent. Ianizaris bombardarii non recte opponuntur: sed moscetarii perfectiores sunt, quod remotius feriant.

Tormenta & machinæ in campo spaciofo subito impediuntur ab incursionibus quò minus præter primum ictum sæpius in hostem explodantur. Plus terroris quam damni atque periculi inferunt; ut in clade Ludovici animadversum fuit, nostris timore & fumo potius quam glandibus perterritis. Huc venti commoditas recte observata plurimum conducit. Non solum autem propter machinarum defectus & imperfectiores ictus sæpius frustrantur, verum etiam propter distantiam scopi & metæ ad quam diriguntur. Cum enim non semper æquales sint planities, nec eadem hominum staturæ, facillime, vel nimis altè ultra capita eorū quos ferire debebant glandes ejaculantur, vel nimis remisse antequam metam attingant ad terram deprimuntur, iterumque magno interposito spacio resultant. Cum primi ictus perfecti sunt, leviter armati & velites emittuntur, ut rejiciant eos qui machinas occupare tentant. Vnde harum usus plane cessat, quando amici cum hostibus permixti internosci & distingui nequeunt: nisi fortè in loco eminenti vel munito undique positæ sint, vel aquarum aut locorum interruptorum adminiculo ab hostium incursionibus defendantur. Ad Ra. *Grieci.*
lib. 10.
vennam Galli hoc medio victoriæ potti sunt. Solent etiam aggeri-

aggeribus muniri, eisque peditum cohortes validæ adduntur. In mediam aciem plerumque collocantur peditatui vicinæ. A latere aurem locus eminens & natura munitus pro eis deligendus est, vel is propugnaculis & peditum cohortibus muniendus, ut contra equitatum hostilem tutæ consistent. Hic ordo in nostra acie inprimis conspicitur.

11. Vtrum primum aggredi hostem, vel ejus impetum sustinere præstet.

Secret. l. 3. c. 4. 4. 6. 63. **D**uo quondam Romanorum Consules pugnam inituri periculossimam, diversâ plane certaminis ratione in debellando & aggrediundo hoste usi sunt. Alter militibus suis edixit, ut ipsi sustinerent hostis imperum, quo primo aggressu fortiter rejecto & eluso futurum sperabat, ut paulatim ab ardore & furore vehementiori iidem remitterent, animumque sensim desponderent, faciliusque in fugam agerentur. Quod consilium ex sententia ei cessit, victoriaque potitus est. Alter vero quanta fieri posset vehementia atque audacia majori suos in objectam hostium aciem impressionem facere iussit. Sed hoste inferior hic exstitit, victusque accensus fuit.

Nec mirum: siquidem celeriter & festinanter incedentes tam probe ordines servare, pedem in constituto loco firmare, gressumque sistere & mutua conferre auxilia nequeunt, quàm ij solent qui intra stationes suas permanent. Huic accedit, quod commoditates, quibus hoste existunt superiores, negligunt & deserunt, adversarios in locis opportunis & qui ipsorum commoditatibus serviunt, in quibus haud superari & vinci possint, offendunt. Denique se suosque temere machinatum ac tormentorum ictibus obijciunt, & manifesto discrimini exponunt. Nec ea festinatio alium fructum habet, quàm ut vanam fortitudinis & audaciæ ostentationem ferat; quo parùm movebuntur milites, quos duces strenui jam antea certiores reddidere, moram
lon-

longiorem non ex timore proficisci, sed maturo consilio hostem
eà ratione vincere constitutum esse. Sanè milites de hostium
pugnandi & belligerandi modo diligenter edocendi & instituen-
di sunt; ne si quid forte novi interveniat, confusio in acie oria-
tur; cuiusmodi sunt clamores, ululatus, & saltus, aliaque id ge-
neris vanissima, quæ ut Mallius dicebat ipsis hostibus pluri-
mum detrimenti afferunt cum primo impetu fortiter repellun-
tur. Volscos in aciem currentes Romani pede firmo excepe-
runt anhelantes, eosque fugarunt. Hoc uti stratagemate in
campis Pharsalicis Pompeius constituerat; sed studio suos in
hostem Cæsar properare, & in medio cursu, ad recipiendum
anhelitum, subsistere iussit.

liv. l. 23.

Front. l. 2.

c. 1.

Bell. civil.

l. 3.

Front. l. 6.

Animadvertendum igitur, ubi hostium robur præcipuum
in primo impetu consistere novimus, commodissime adorien-
tem excipiamus, non sine spe victoriæ, ut plura testantur. Quin
& cum Turcis manus conferturi haud parum momenti hic re-
sistendi modus ad victoriam habiturus est. Sed contrariam ra-
tionem nostri observant, plus fiduciæ in potentiâ quàm in arte
collocantes; unde tot insignes in Hungaria strages Christianis
illatæ numerantur. Ad Nicopolim contentio inter ordines de
adoriundo hoste mota cladis non minima causa fuit. Ad Var-
nam in locis incommodis exercitus contra ducum imperium
hostes aggressus est. Ad Mohatz, nulla necessitate urgente,
milites impetum in hostem fecerunt, eundem in loca Turcis
quam Christianis oportuniore structasque insidias insecuti sunt,
Num quid horum ad Agriam proxime elapso anno commissum
fuerit, historia suo loco suoque tempore aperiet. Certa no-
bis & indubitata constaret victoriæ, si eadem industriâ in hostis
naturam fraudes & astutiam, ut ille in nostras solet actiones, in-
quireremus. Optime novit impatientiam nostram; ideoque
pugnandi occasionem præbet, nec tamen copias promovet, sed

1393.

1444.

1526.

1596.

Qq 2

ubi

ubi pugnae desiderio nostros aestuare cognovit, in praelium descendit, certâ victoriæ spe nixus, ut exempla superius adducta declarant.

Pugnandi igitur ratio & methodus immutanda, cogendusque hostis ut in locis quæ commodiora nobis videntur ipse nos adoriatur. Quod facile obtineri potest vel urbium vel propugnaculorum præcipuorum obsidionibus, vel ubi propius ad ipsum accedimus, nec unquam è conspectu ipsius discedimus, donec pressus penuriâ vel manus conferere vel copias reducere cogatur, vel arreptâ aliâ quâpiam peropportuna pugnandi occasione, quæ nonnunquam sese obferre solet. Neque velitationes majores ineundæ, in quibus laborantibus assidua mittantur præsidia: siquidem Turcæ hoc certaminis genere longe nostros superant. Quin potius junctis viribus, iisque in sua agmina recte distributis, hostem agrediemur: unde aciei formâ immutatâ, alius victoriæ & prælij successus sequetur.

III. *Quomodo praelium sit ineundum.*

Pugnae initium levioris armaturæ milites faciunt, qui eminus hostem petunt, ubi tormenta sunt explosa; sclopetariorum turmæ emittuntur, ut hostium machinas disturbent, ne damnum nobis inferant. Idem cum hostes facere conantur, levia certamina & velitationes oriuntur. Eodemque tempore ex alis equites arcularij seu tormentarij prorumpunt, qui latera & cornua hostium infestent: sapiens hi recedunt & à tergo impetum facere tentant, ut hostium ordines turbent. Quod si his auxilium feratur, vel obijciantur inæqualis armaturæ milites quibus resistere diffidant, paulatim recedere & priorem pugnae locum capere convenit. Sic alliciuntur hostes, ut insistant retrocedentibus, donec undiquaque pugnae initium fiat. Siquidem hostibus semper recentes copiae auxiliares advolant, augeturque pugnantium numerus, quos nostra acies excipit; quæ ta-

men

men non semper integra pugnât, sed pars ejus sæpius certamen
init. Multi hoc stratagemate usi sunt. Scipio nervum exerci-
tus in uno cornu collocarat, quo in pugnam educto alterum
debilius quietum tenuit. Exercitus hostilis parte fugatâ ambo
cornua ad reliquos devincendos conjunxit. Alia vice robur
militiæ in duo cornua distribuit, infirmiore exercitus partem
in mediam aciem coniecit, eamque validissimis hostium copiis
opposuit. Illis quiescentibus, cornua sua contra tergum aciei
hostilis, ubi debiliior erat, eduxit, eaque parte fugatâ, reliquos
facile superavit. Alij duces aliis hostem vincendi modis usi
sunt. Front. l. 2.
cap. 3.

Hoc imprimis observandum, ut dum agmina & turmæ
promoveantur, eadem distantia invicem milites incedant: ne si
nimium in hostem properent vel in densitatem inter equitan-
dum contrahantur, & alter alterum præcedere contendat, con-
fusio in ordinibus oriatur, unde non levia damna inferri solent.
Priori modo terminos à ducibus præscriptos milites transeunt,
nec ab officiarijs amplius regi, nec præsidia laborantibus ferri,
nec errores cognosci, aut priusquam in immensum crescant
corrigi queunt. Interequitando postea ordo eorum, qui ad
subsidia ferenda constituti erant, turbatur, & lura nostrorum
& vicinorum agminum denudantur, certisque intervallis ape-
riuntur, ut hostium incursioni pateant: denique occasio datur,
ut eodem in loco plurima agmina aggrediundo impingant.
Quod ut semper periculosissimum, ita maxime vitandum, ubi
cum immenso hostium exercitu congregiundum, qui quoad fi-
eri potest late distractis copiis oppugnari debet. Hunc erro-
rem Aladanius in Seghedinensi clade commisit, facto impetu Hortat.
1552.
cum duobus equitum turmis in immensum quoddam Turca-
rum agmen: quo cæso fugientes Christiani insecuti sunt, tunc
ad prælia conversi occisos spoliare & exuere ceperunt: sic pa-

Qq 3

Antes

lantes & nullo ordine dispersos duæ Turcarum alæ, quæ integre permanserant, aggressi eximia strage eos affecerunt.

Hæc duces ipsi noscere debent: siquidem belli imperator non ubivis locorum subsistere & sigillatim quosvis instruere potest. Ex horum imperitia & culpa confusiones clades & fugæ militum oriuntur, quæ imperatoribus plerumque adtribui solent, cum fugarum principia ut plurimum lateant.

Præter reliquos errores in Agriensi pugna à ducibus admissos, hi à viris belli peritis notantur. Quod exercitus noster cum superatis paludibus hostem aggredi vellet, dextrum cornu non rectè in oppositum hostium cornu sinistrum impetum fecerit, sed versus dextrum sese converterit. Contrà vero sinistrum Christianorum cornu in Turcarum cornu sinistrum movit, atque adeo in medio itinere obviam sibi facti invicem, crucis figuram incedendo effecerint, ordinesque interequitando turbant. Biduo antequam hoc contigit, in altâ quadam ripâ Turcæ fluvij vadum quærebant; nec retrocedere poterant propter sociorum multitudinem, qui eos premebant à tergo; ne procederent ulterius, Hungari quidam eis impedimento erant qui transitum tuebantur. Post hos Germani quidam equites excubias agebant, qui non modò in vanum manuaria sua tormenta in hostem exploserunt, sed multos etiam ex Haiduccis vulnerarunt, atque adeo triplici culpâ lapsi, majora damna amicis quam hostibus intulerunt. Quod si alibi hostes fluvij transitum, quem sedulo investigabant, reperiissent, actum sine dubio de omnibus ijs copiis fuisset. Priori tamen casu facultate utendi oblata occasione, posteriori vero peritiâ & scientiâ destituti fuerunt.

IV Hosti fugienti quomodo insistendum.

*Enicci.
lib. 2.*

Hosti fugienti aureum pontem struendum nonnulli judicant. Quorum opinioni repugnare videtur vulgo in bellis
recepta

recepta regula, victoria utendum esse, nec hosti tempus ad animum revolvendum viresque recolligendas concedendum. Hæc duo ut concilientur invicem, fugæ distinctio facienda. Vel enim hostis integras adhuc & incorruptas copias, armis probe instructas sub signis reducere & in tutum collocare tentat, vel apertâ fugâ desertis ordinibus & signis relictis armisque abjectis tergum vertit. Qui priores intercludere viamque illis præterire velleret, necessitatem pugnandi & sese defendendi imponeret, siquidem armati id facere possint. Non igitur impediendi sed evadendi commoditas libera eis relinquenda. Quia potius tantâ vehementiâ iidem urgendi sunt, ut in fugam solutam avertantur; quo impetrato secure ipsis via præcludi potest, ut majori strage afficiantur. Hanc opinionem Vegetius & Scipio probant; iter scilicet fugientibus hostibus non obstruendum, per quod fugere destinarant. Si enim apertum illud & liberum conspiciant, fugæ desiderium omnes invadit: semel in fugam coniecti ordines rumpunt faciliusque delentur: viâ autem impeditâ cum evadere nequeant, desperatio animum addit pavidis, timorque sapius arma ministrat ubi nulla spes salutis superest.

Qui igitur hostem fugientem insequi cogitat, primum videat necesse est, utrum tota acies an pars ejus cæsa & fusa sit. Posteriori casu pars fugiens tamdiu propellenda, donec dispersa undique suos recolligere & in ordinem reducere nequeat: postea ab insequendo retrahendi sunt milites, ut reparatis ordinibus vel à tergo vel à latere aggrediantur eos, qui adhuc manus conferre & resistere audent. Sapius enim contigit, ut exercitus pars victa sit, cui tamen ab alia parte victoria integra mansit. Hannibal ad Cannas Romanum equitatum fustum & fugatum non est insecutus, sed eundem impune elabi passus: recta vero in latus agminis hostilis inVectus, tam insigni victo-

lib. 3. c. 25.

Livius lib. 26.

712

ria potitus est. Si ad Varnam Corvinus hoc præcepto usus esset penes ipsum certissima victoria steterisset. Quin & Ludovicus superior evasisset, nisi Turcarum agmen fugiens liberius, tanquam in manifesta victoria, insecutus esset, cum ducenta hostium millia superessent, qui nondum in aciem descenderant. Ad Agriam temere nonnulli duces, ut primum hostes tergum vertere conspexerunt, ordines turbarunt, & immemores officij prædas agere milites permiserunt. Sed hoc posteriori casu, non solum pars quædam, sed universus exercitus hostilis in fugam coniectus videbatur. Nec tamen ea militibus in persequendo hoste licentia permittenda, ut ordines plane dissolvant. Velites & leviter armati ad insequendum hostem emittendi, gravioris armaturæ milites paulatim observatis ordinibus eos insequi debent; quo prioribus tutus recessus pateat. Nec tamen leviores isti nimis latè explicandi, vel longius invicem dispargendi sunt, nisi arma hostes abieciisse & ordines deseruisse constet. Tunc etiam fugientibus via solo equitatu obstruenda, & latè copiarum deducendæ, ut major strages edatur. Sic evitantur errores, quos vitare Vegetius jubet: existimans hostibus evadendi occasionem dari, dum recens victoria superbos & incautos victores reddit. Siquidem in insequendo major audaciæ quàm sollicitudo & cura viger, sed remissa illa securitas plena est immensi periculi. Qui nihil planè timent, inconsulte dispersis suis, sequuntur: quod qui faciunt quam ipsi acceperant adversario dare victoriam volunt.

Hæc militaria præcepta, ut & aliâ probe Turcæ observare & re exequi norunt. Contenti enim securâ victoriâ, nec spolia & prædas, nec qua clade hostis afficiatur curant, fugientes non insequuntur temerè. Cujus rei Varna Mohaz & Agria testimonium perhibent.

Fugam hostium & desertionem castrorum sequitur destructio

T. Liv.
lib. 6.

P. Iov. lib.
29.

Caic. lib.
13.

lib. 3. c. 25.

cap. 22.
cap. 20.

fructio & devastatio regionis, & locorum expugnatio, dum præ formidine cuncta trepidant, & faciliores quævis expeditiones, difficillimæ licet, existunt, propter autoritatem quæ victor pollet. Quæ in re usus victoriæ consistit.

R. Quomodo in tutum reducantur milites, & laborantibus auxilium feratur.

Aciei perfectio in eo conspicitur, cum primis turmis secundæ justo tempore subsidio veniunt, & hos tertiæ deinde in hunc usum reservatæ excipiunt.

In materia fugarum duo reperio notatu dignissima. *Primum* quod major plerumque conflictus graviusque certamen inter parvos vel mediocres exercitus committi solet, quam ubi immensa copiarum multitudo congregitur; cui major plerumque strages in fuga quam in prælio infertur. Cum enim manus conferendæ sunt non fugiendo sed in hostem properando, alij quidem animo confirmato incedunt, alij vero perterriti confusionem excitant, facileque sine certamine reperiuntur & in fugam convertuntur. Hujus mali causa est, quod in tantâ multitudine plurimi reperiuntur abjectissimæ sortis homines, qui nullo imperio sub ordinibus contineri possunt. Expectatio quoque primi impetus, qui semper vehementissimus esse & omnium animos suspensos tenere solet, confusionem causare & ordines perturbare potest. *Alterum* est, quod licet in priori militum serie nonnulli vacillent, & fugam inclinent, pedemque referre cogitent, fuga tamen plerumque in posteriori classe oritur; quibus firmiter persistentibus, priores resistere inviti etiam coguntur.

Hinc concludo, præcipuum belli ducis officium in eo positum esse, ut militum animos initio pugnæ probe confirmet, quo fortiter hosti resistent, vel saltem audaciam firmiter in hostem properando simulent, quod in ingenti exercitu

Rr

maximum

maximum pondus ad victoriam habet. Ubi primus impetus feliciter cecidit, posteriores animum recolligunt, adeoque roborant, ut prioribus cedentibus illi horum loca supplere non dubitent; maxime ubi ad fortitudinem à ducebus & officiariis fuerint adhortati, qui semper hac in parte strenue suo officio, turmas obequitando & hostium pugnandi modum declarando, fungi debent, ne milites novitate aliqua forte perturbentur. Non modò autem in primam seriem optimi & præstantissimi quivis militum & officiorum collocandi, sed in ultimam quoque classem pars eorum reservanda; quo illi fortiter pugnando reliquis exemplo suo præcant hi vero timidioribus spem fugæ adimant. In Romana acie, ut quisque videbatur fortior eo magis in novissimum agmen reservabatur, primipilis exceptis qui erant omnium strenuissimi. Ubi duces nec minis nec exhortationibus suos in hostem animare possunt, subsidiarios advocare & eorum adventum pugnantis certiores facere debent, quo citra confusionem recedant & recentibus pugnandi locum concedant, ne victi fugam meditari sed ad recipiendum anhelum cedere videantur. Hoc si duces à suis impetrare possunt, non minor laude digni censendi quàm si plenam victoriam potiti essent. Hæc enim in fortunæ ludibrio consistit, ad quam militum audacia & strenuitas accedit: in ducum vero virtute sola positum est, prudentiam præcavere periculum & cladem evitare atque avertere. Cum igitur hunc in modum è certamine milites deducti sunt, vulneratos curare, & defessos recreare, tum ad repetendum prælium, & auxilium ijs qui prius succurrerant vel à fronte vel à latere ferendum superstitibus adhortari & confirmare debent. Hoc utilissime plurimis cecidisse exemplum Xantippi & Sertorij demonstrat. Subsidiariorum dux diligenter inquireret, quæ in ea parte aciei cui ille substitutus est gerantur. Debet quoque de successu prælij cum militibus, ut præfenti

sint

Front. 1.
2, c. 3.

sint animo communicare; reluctantes rationibus veris vel verisimilibus refutare: & paulatim contra hostem eos incitare: hilari fronte tempus prælii exoptatum, ut virtutis suæ ac fortitudinis specimina edere possint, annunciare, eosque officij admonere. Tunc firmiter coarctatis ordinibus cum gravi & audaci incessu, qui magnanimitatis speciem præ se fert, proxime ad latus eorum qui recedunt copias promovere debet, priusquam in plenam avellantur fugam, quæ utrisque terrorem maximum solet incutere, ne fugientes animus protinus despondeant, ordines deferant, nec facile ducum imperio amplius pareant. Marcellus ab Hannibale cæsus & fugatus *Liv. l. 17.* fuit, quod lentè subsidio veniret laborantibus: quibus in fugam coniectis cum reliquo exercitu vim hostilem solus sustinere nequivit. Nec eâ tamen lege subsidiarij adstringendi, ut neutris præter sibi commissis auxilium ferant: quin ubi necessitas requirit, ex consilio, imperatoris belli vel aliorum summorum ducum, pro aciei successu aliò transferri possunt subsidia. Tum infinita alia stratagemata in variandis & immutandis aciebus ipso prælio durante, nunc equitibus peditum loca capessentibus, nunc peditibus equitum vicem suppleentibus, atque alia ejusmodi adhiberi possunt. Quæ etsi exigui momenti esse videantur, maximum tamen pondus sæpius ad clarissimas victorias reportandas contulerunt.

VI. Quomodo aciei tergum & latera munienda.

Cum à prima aciei fronte numerosissimus exercitus oppositus est, in maximo versatur periculo, ne à tergo quoque circumveniat. Nam ubi ante oculos hostis versatur difficulter ad tergum vel latera respicimus; tum strepitus varique clamores quibusvis etiam fortissimis terrorem incutere solent; quilibet enim propriam salutem perpendit, eamque in fortitudine alterius positam existimat. Tum diversæ voces

R r 2

nunc

nunc huc nunc illuc milites in diversum rapiunt, animos suspensos tenent, ordines perturbant, & fortiores etiam timidos reddunt.

Cum igitur acies non semper longius produci queat, ne nimium extenuetur & debilitetur in medio, varia huic in-
Front. l. convenienti remedia à ducibus excogitata fuerunt. Quidam
2. c. 3. aggeres ad latera aciei ad frontem usque erexerunt, eoque
Bell. Gall. lib. 2. machinis impositis muniverunt. Sylla & Cæsar sæpius hoc munimenti genere usi sunt. Ad Agriam simile quippiam decretum, sed re minus executum fuit. Alij copijs divisim ad utrumque latus subsidarios in excubias posuerunt. Quidam cornua & alas in lateribus duplicarunt, & plures copias, quam in media acie erant, illuc collocarunt; ut necessitate sic urgente extendere eas & latius explicare possent. Quidam ob paucitatem militum pugnae locum idoneum elegerunt, cujus oportunitate (vel quod præruptus esset, vel sylvis montibus fluviis aut paludibus confitus ac munitus) unum è duobus lateribus à vi hostili defenderetur; quod in pugna Pharsalica & contra Antiochum aliosque plurimos
Cic. lib. 10. feliciter cessit. Qua in re sciendum, machinis quibus hodie utimur, minùs commode hostem impediri eique noceri posse, & primariam causam cladis ad Ravennam acceptæ inde dimanasse. Sylla præter aggeres palos quoque terræ infixi curabat, quibus curruum falcatorum usum hosti adimebat, relictis in acie intervallis è quibus equites & levioris armaturæ pedites durante prælio prorumperent; eoque stratagemate, exiguum licet exercitum haberet, immensum Archelai equitatum vicit.

Artificia hæc curruum falcatorum & lignorum terræ infixorum commodè nostro tempore adhiberi, & merito nova excogitari debent; siquidem cum ejusmodi hoste bellum nobis gerendum, cujus potentia vires nostras longe superat.

Quoniam

Quoties Hungaricas pugnas cum Turcis commissas altius perpendo & mecum considero, sæpius mirari soleo artes tam parum illibi valuisse: unicum robur & vim in præliis adhibitam fuisse, quasi brutorum instar solis viribus nec rationibus etiam certandum nobis esset. Huniadem ac Stephanum Bartorium solos reperio agminum latera castris munivisse. Ludovico idem fuit consilium datum; & ad Agriam quoque eius mentio facta sed in effectu non fuit positum. Quin plurimi in Hungariâ ludibrio harum rerum artifices & structores habituri essent, licet nihil quicquam ad eorum rationes refutandas proferre in medium possent. Utinam Germani artium militarium majori cura tangerentur, quo tempore & militibus in expugnationibus parceretur! Fateor non magni momenti rem esse palos infigere aggeresque ducere; sed cum videamus harum rerum usum, ubi iusto tempore & locis idoneis adhibitus fuit, utentibus prospere cessisse, à nobis tanquam ineptæ & viles minime sperni debent.

Contra equitatum hostilem permulta sunt artificia, defensiva & offensiva, à veteribus usurpata nostro verò tempore revocata & aucta. Tum etiam quomodo in planitie pedites contra equitatum subsistere & se defendere valeant, nova excogitata sunt stratagemata: sed vilescunt, nisi ex improviso arripiantur hoste nihil tale cogitante; prævisa enim minus nocent & facile eluduntur.

VII. Quod sit officium ducum; & quem locum capeſſere in præliis debeant.

Proprium omnium belli ducum officium est, salutaria capere consilia. Armorum tractatio ad milites propriè spectat. Scipio ad duellum provocatus, non militem sed ducem se à matre genitum dicebat. Hinc ex veterum Spartanorum iudicio, major gloria ducibus qui arte quam qui vi hostem superarunt deferenda: priori ratione partâ victoriâ gallum

gallum, posteriori vero bovem sacrificabant. Constat equidem multos victorias lucratas fuisse, quod duces ipsi praesentes & participes fuerint periculorum; cum tamen vincendi modum minime probandum judico. Illi enim fortunæ debent, quod salvi & incolumes discrimen evaserint; cuius ope si destituti fuissent, maximo suo cum damno insignem ignominiam incurrissent, quemadmodum Vladislao & Ludovico contigisse novimus. Plus igitur ducem prudentia, quam manu certare: milites in ordinibus servandis, in itineribus faciendis, in armis tractandis exercere; imaginariis pugnis ad omnia belli munia fortiter & intrepide subeunda, ad impressiones, ad sustinendum hostilem impetum, ad recessiones, ad militaria impetia excipienda & exequenda assuefacere, conducit. Hinc enim promptiores & *lib. 2. c. 1.* cordatiores evadunt milites; siquidem, ut Vegetius dicit, *quilibet audacius illud faciendum aggreditur, quod cum didicit se effecturum putat.* Virtuti enim cum vis conjungitur, propter vinculum mutuum, cautior illa hæc validior in militia existit.

Primum belli imperatoris in prælio committendo officium est, ut priusquam impetus fiat in hostem, hilari & jucunda facie apud copias plerasque compareat, brevi sed gravi ac ponderosa oratione officij eos admoneat, honorem & gloriam propriam eis in mentem revocet, patriam denique ac religionem pro qua pugnant eis recommendet. adhortetur eosdem ut ducibus & officarijs debitam præstent obedientiam, sibi que certam & indubitatam promittant victoriam, ob justam belli causam quam defendunt: quod fortitudine & armis longe superent hostium exercitum, qui ex vilissima & inermi multitudine invite & coacte in bellum protracta constet, qui nunquam superiores nobis existissent, nisi confusio nostrorum victoriam eis creasset; nunc malis illis omnibus abundè prospectum & provisum esse, modò

modò obtemperent recte monentibus: nunquam eos non victuros, dummodo victoriam tanquam unicum omnium actionum scopum sibi certò proponant, & vel vincere vel mori secum statuant. Hac vel similia duces inferiores suis militibus continuo inculcare & repetere debent.

Tum imperator repetit locum suum peculiarem, in media acie, quo securior & undiquaque prospicere possit, ei destinatum: stipatus consiliarijs & nobilibus rerum peritis qui omnes successus probe intelligant & dijudicent, recteque renunciare sciant cum ab imperatore ad recognoscendum emissi fuerint. Nec imperator solum suos habeat delegatos, per quos singulis momentis statum pugnae cognoscat, sed reliqui duces inferiores, cornuum scilicet & alarum, tum vicarij & castrorum praefectus, quid geratur ei significant vel ipsi referant, centuriones atque tribuni ad duces suos recurrant, quò confusiones vitentur. Imperator tamen ubi necessitas requirit ipse auxilio accurrere laborantibus, & praesens omnia speculari ac cognoscere potest. Conducet ei in loco paululum eminentiori subsistere, ut commodius singula oculis intueri, & rebus dubijs consilium & auxiliũ ferre possit.

Praeter imperatorem nemo ducum auctoritatem habet quicquam in imperio militari & castrensi decernendi. De pugnis idoneo tempore & loco committendis imperator cum suis consiliarijs deliberet. De rebus concilij omnes strictè observent, & transgressores vel inobedientes saevissime puniantur. Quod unicuique sit officium scripto comprehensum singulis tradatur, ut discordiarum confusiones & rixarum causas praecidantur. Cunctis ejusmodi munera imponantur, quae sunt cujusvis officij; ne imperia confundantur: & diligenter in concilio perpendatur, quid cujusque duces jurisdictio requirat, ne inter officarios emulationes oriantur.

ubi

Ubi igitur pugnâ cum hoste decertare decretum fuerit, castrorum præfectus & tesserarius ad concilium referant aciei formam & ordinationem; quo maturè deliberetur, num præscripto modo instituenda, an quippiam in ea immutari placeat. De hac ubi constat, ducibus tribunis centurionibus ac reliquis officiarijs, quem locum capere & tueri debeant, indicandum. Quibusdam cornua regenda committuntur; viris scilicet qui autoritate pollent, principibus & provinciarum rectoribus. Alij peditatui & medio agmini præficiuntur, cujus curam tesserarius plerumque gerit. Turmæ proprios habent chiliarchas ac tribunos, qui eis imperant. Hi omnes quam diligentissime antequam ad manus venitur edocendi & instruendi sunt; quomodo incertamine, in subsidio ferendo, in clade denique ac victoriâ sese gerere debeant.

Legato imperatoris & castrorum præfecto certus locus non est designatus, sed libere hinc inde vagantur, ut periclitantibus undique succurrant, & decretorum executionem procurent. Nec armamentarij tribunus certo loco affixus est. Quæ enim ipsius curæ commissæ sunt machinæ & tormenta non uno in loco hærent, sed varie hinc inde pro sitis ratione disposita sunt; quibus semel explosis, diligenter in omnes occasiones attendendum, num promotis copijs denuò hosti machinis noceri & detrimentum afferri queat. Nunquam enim commoditates probe fungendi officio deerunt, qui solerter ijs invigilet. Cornuum & agminum ductores locum intermedium tenent militibus undique circumstipati; sed urgente necessitate ipsi accurrant ubi periculum eorum præsentiam requirit, vicario cuiquam iurisdictione delegata; in his auctoritas potius, ut decreta & mandata recte perficiantur, quam exacta rei bellicæ scientia requiritur.

Tribunos

Tribunos & centuriones, quibus rerum ac consiliorum executio commissa est, in primis decet prudentia, qui nisi officio suo recte fungantur, nihil proderit imperatori cuncta suo ordine recte disposuisse & salutaria de rebus agendis consilia cepisse. Fieri enim non potest, ubi vis locorum semper ille praesens adsit ad frenandam audaciorum temeritatem, confirmandos remissiores ac timidiore, instruendosq; imperitos. Ubi copiosus est exercitus difficilius sane hoc fieri possit. Unde imperatori merito adscribuntur errata bellica posthabitis ducibus, quorum tamen culpa ut plurimum evenire solent: siquidem penes ipsius stat arbitrium ejusmodi duces ac tribunos militibus praeficere qui apti & idonei sint ad munus tam grave ferendum. Secus tamen statuendum, cum imperator belli hac potestate destituitur; ut fieri solet in copijs auxiliaribus, cum penes externos Principes, qui mittunt auxilium, officiorum distributio consistit. Ex enim copiae non alios quam proprios duces recipiunt. Hoc casu merito parcendum imperatori, & clades authoribus suis, ducibus scilicet copiarum, imputandae sunt. De successu belli anno praeterito gesti, Historicorum erit veritatem scribere & ad posteros transmittere. In certamine centurio vel tribunus medium inter primipilos locum obtinet; ei reliqui officarii adstant; ipse omnes occasiones perspicit, & à tergo ac latere commode imperare potest. Ejus imperium vicarius à tergo excipit & ad reliquos transfert.

A latere & in novissima serie periti quidam & autoritate praediti duces subsistunt, militibus quibusdam strenuis comitati; eum scilicet in finem in primis illuc positi, ut quosvis trucidant sinu respectu, qui propter aliam quam hostis occidendi causam ordines deserunt. Poena quoque severissima ducibus proponenda, in quorum agmine prima confusionis causa datur. Prius tamen in exercitu publicandum, hoc

S s

non

321 TARDVCCII TURCA VINCIBILIS PARS TERTIA.

non fieri, ut de fortitudine militum strenuorum dubitemus, sed verendum, ne inter eosdem nonnulli abjecto & timido animo præditi lateant, quibus potius curæ sit fugæ & latrocinij quam pugnæ certamen inire; cavendum igitur ne horum culpâ ruina optimorum militum & totius exercitus proveniat, & eorum exemplo alij quoque seducantur. Quin (si ita videtur commodum) singuli quoque milites adhortandi & instigandi sunt, ut socios quos fugam meditari vident occidant, ejusque rei certa occisoribus præmia, ac si quempiam ex hostibus interfecissent, proponenda sunt.

Novissimo agmini turmæ quadam equitum adjunderet, quorum curæ sit hinc inde perpetuò vagari & excurrere, ut equites recte in ordine contineantur, transgredientes vero sine ullo respectu continuo occidantur. Quilibet enim firmiter subsistere debet, quousque primipili centurio & reliqui officarii, qui maximis periculis sunt expositi, perseverandum in acie statuunt. Quod si hoc supplicium homines abjectissimos & timidissimos in officio continere nequeat, cogitent illi, periculum ab instante hoste se nunquam evasuros. Quod nunquā incurrent, si cum reliquis audacter in prælio perdurent, nec eandem cum cæteris fortunam subire dubitent. Subsidiariorum dux dum vacat à certamine, & ipsius operâ pugnantes non indigent, aciei statum diligenter eminus perlustret, suos de prospero successu certiores reddat, errores & damna mitiget & extenuet, in reliquis suo officio probe fungatur.

Hæc præcepta, aliæque magis generalia, ubi recte in bello Hungarico observentur, non dubitandum quin eventu magis prospero pugnas cum hoste commissuri simus. Bonum enim ordinem ipsa fortuna semper comitari solet. Quo dextre observato, haud erit difficile Turcam vincere, qui hætenus cunctis invincibilis visus est.

Anonymi

Anonymi cujusdam
DISSERTATIO
DE STATV IMPERII TVR-
CICI, CVIVSMODI SVB AMV-
RATHE III FVIT: DEQVE EIVS
EVERTENDI MODO.

QVAM

EX ITALICO IN LATINVM
TRANSTVLIT

IAC. GEVDER AB HEROLTZBERGA.

DE STA-

DE STATV IMPERII TVRCICI, CV-
IVSMODI SVB AMVRATHE FVIT, ET DE
MODO EIVS EVERTENDI.

IN bello quod nuper in Persia gestum est Turci-
cus Imperator jaſuram sexcentorum millium
hominum fecit, præterquam quos pestis nu-
per Constantinopoli absumpsit; viros consilio
graves, autoritate & rerum experientia præ-
ditos amisit. Indies fere Chiausi seu nuntij ab
aula in diversas Imperij provincias ablegantur, qui militem
cogant: etiam loca maximi momenti sæpius præsidij denu-
dantur, quod in bellis præteritis ad annum usque 1585 non
fuerat tentatum. Sed cessit necessitati consuetudo & mos
antiquus. Aprili proximo nuntij Constantinopoli compa-
ruerunt, qui è Vallona & Gianina, Morea seu Peloponneso, &
Dalmatia seu Illyrico & Hungaria præsidarios avocarint.
Quod manifestissimum signum est penuriæ hominum & in-
colarum, amplissimum licet & vastuosissimum sit Turcicum
imperium. Id alio quoque argumento confirmatur. Cum
proximo Septembri Uechialy cum viginti duabus rirremi-
bus Pontum Euxinum superaturus esset, milites quibus clas-
sem instrueret fere nusquam reperit, sed eam multitudine ab-
jectissimorum & vilissimorum hominum complevit. Pluri-
mi Græci inviti & coacti ad remos fuerunt relegati. Octobri
sequenti multi Agiamaglani in Janizarorum numerum fue-
runt recepti: qui paucitate annorum à militiâ illâ liberâ, &
quæ magnam experientiam quondam requirebat, arceban-
tur. Eodem mense edictum fuit propositum, ut quicunque
officium vel munus ambiret, ab Osmano, tunc belli impe-
ratore,

ratore, in castris id obtineret; aliter impetratum irritum habitum iri. Quin & Janizarorum ordini fuerunt adscripti Turcæ nati; idque contra morem & consuetudinem aulae Ottomanicæ, quæ præterquam renegatis nullis alijs nisi ex singulari favore locum in eâ militiâ dabat. Hoc anno in Martio mense cum stipendia militibus persolvebantur, Spachi rebellarunt; in bellum amplius proficisci recusantes, Imperator ipse nisi militiæ interesset. Horum furori Amurathes cedere coactus decrevit, ne aulici amplius in bellum nisi præsentente Imperatore traherentur, sponte ni militare vellent. His diebus Archiducæ Croatiæ locum Ochozanchi nomine ceperunt, Vseochi vigiliâ Johannis Baptistæ suburbium urbis Broazzo exusserunt, utrisque pauci restiterunt. Namque Spachi in suis confinibus non excubant, & habitatoribus atque incolis provinciæ vacuæ sunt. Nec militum solum est raritas, sed imprimis viri consilio prudentiâ & bellicâ arte præstantes desiderantur. Imperator vitam otiosam in matris sinu in delicijs gynæcei degit, usu & experientia rerum prorsus destituitur: consueta Turcis arrogantia præpoller; morbo caduco nonnunquam laboravit, unde cerebrum illi laxum credimus, ut præcipitanter & non præmeditate sæpius decreta suserit perniciosissima, quæque in summum illi detrimentum vergebant. Id videre fuit, cum anno 1579. omnes Judæos qui Constantinopoli vivunt mortis supplicio addixit. Anno 1584 Christianos hac ratione è medio tollendos decrevit. Priores imperum ejus & indignationem declinarunt largiter & profusè numeratâ pecuniâ Sultanæ matri & Janizarorum Agæ. Et sententia illa in vanam legem transit, ut nimirum Judæi pro Turbante, usitato Turcis capitis tegumento, eo genere pileorum uterentur, quem Medici Judæi antea soli usurpaverant. Christiani præsentissimum evaserunt periculum, quod nulla arma in ipsorum ædibus

reperta fuerint, ut ex falsa delatione Amurathes suspicatus fuerat.

Ex his quæ diximus apparet, potentiam Turcicam indies declinare & assiduus illis ac diuturnis bellis imminui. Ad eam penitus evertendam, nihil aliud quidem quam concordiam Principum Christianorum requirimus. Cogitent salutem, quæ damna indies percipiant; quæ pericula immineant; amoenissimam ac felicem urbem Constantinopolis sedem ante oculos ponant. At facilius voto & cogitatione confœderatio & societas inter Principes, similis proximæ, concipitur, quam revera in effectum ponitur. Nos ab ijs Principibus qui periculo proxime sunt expositi ligna duntaxat milites frumentum & pecuniam requirimus: ut mediocris potentia colligi & in hostem duci possit. Successus felices propter incommoda quibus Turcæ premuntur speramus; cujusmodi alio tempore vix longe majoribus viribus contingent.

Quicumque igitur bello Turcas aggressurus est, tria imprimis ponderanda sibi proponet.

1. Ut expeditionem quampiam certam & finitam selectum decernat.
2. Ut constet numerus militum & reliquus apparatus quibus eum perficere possit.
3. Ut compertum habeat, unde hos apparatus habere possit & conquirere debeat.

Hæc postrema consideratio Imperatoris belli propria est; cui incumbit de omnibus diligenter prospicere. Id illi soli discutiendum relinquimus: nos brevitatis causa de prioribus loquemur.

1. *Priorem* quod attinet nulla unquam expeditio magis celebris, plusque laudis minusve periculi habitura esset quam Constantinopolitana, Africanis Illyricis & Græcis urbibus

bus omnibus posthabitis. Illius situs plus beneficij, quam facinoris gravitas terroris, ad expugnationem conferet. Hæc urbs intra duo freta posita est: alterum versus ortum ad Pontum Euxinum Bosphorus Thracius dicitur: alterum versus occidentem ad mare Ægæum Hellespontus vocatur. In vere & æstate naves Alexandrinæ oryza onustæ per Hellespontum Constantinopolim navigant; ibique exoneratæ per Pontum Euxinum in Asiam permeant, frumentum in eandem urbem reportantes. Quod si Christiana classis intra hæc duo freta confisteret, has naves facile impedire vel deprædari, denique etiam imperium maris sibi vindicare posset. Quæcunque alia classis nihil nostræ officiet. Navale enim Constantinopolitanum navibus vacuum. Nec ligna in promptu habentur. Unde naves construi possint, unde à Constantinopolitana classe nihil periculi incumbet. Quæ naves Trapezunte adduci vel ibidem fabricari possunt, tria obstacula & incommoda habent. 1. Quod naves ex recens secta materia & ligno modò cæso ædificatæ ad navigationem inutiles sint. 2. Etsi aliquem usum haberent, tamen in illo litore Asiatico nulli remiges, nulli milites, qui imponantur classi, reperiantur. Remiges enim mancipia sunt; quæ vel Constantinopoli vel in Barbaria conquiruntur, vel rustici Europæi coacti ad remum relegantur. Ut classis hostilis nova nec armis nec milite probe instructa nunquam nostram aggressura vel in fretum intrare ausura sit, si nostra ibi in statione maneat & mari dominetur. Eandem ob causam neque Africæ neque Asiatici & Orientales obsessis subsidio venire poterunt. Sed danda in primis opera, ut classis nostra mense Aprili & Maio parata & in procinctu sit: ne tempus & commoditates aliæ ad expeditionem plurimum conducentes amittantur.

In hunc modum obsessa Constantinopoli, non diu quæ
ad

ad victum necessaria incolis suppetent; commeatus enim fere omnis per Hellespontum infertur; nec ullum huic negotio impedimentum adferet Heraclea, Silicerna, Perinthus quæ Rodoslo vocatur, Palermo quæ Panormus dicitur, & Marmora. Namque Marmora & Palermo à nostra classe prohibebuntur: quod illa in insula, hæc in Asia sita sit. Tres priores in littore Europæ positæ, navigationis usu destituuntur. Quod si frumentum carris vel vehiculis in urbem deferre vellent, magna equitum multitudine ad arcendum nostrum exercitum (de quo postea dicemus) opus habebunt. Quin potius, quicquid commeatum erit hæc urbes ipsæ reservabunt, cum pauperes sint & nullius fere momenti. Si igitur undique prematur Constantinopolis, credendum illam brevi à plerisque desertam iri. Id quoque in considerationem venit, quod ibidem ultra ducenta millia Christianorum & Judæorum reperiuntur, qui Turcis insensissimi libentius Christianorum quam hostium imperium suscepturi. In ejusmodi vero confusione nihil minus verendum quam hos quieturos esse. Quin potius certo credendum, eos pro virili communem causam adjuturos, maxime si armis instruantur.

Hæc de spe prosperi successus hujus expeditionis dicta sufficiant: reliqua ad potentiam & robur bellicum spectant. Turcicum Imperatorem, rebus sic stantibus, validum exercitum educere posse minime quidem credimus. Id tamen si fieret, paratum est remedium quod omni metu nos liberat. Nam à quacunque parte Turcicus exercitus ad fretum accedet in ea subsistere cogetur, quia ad alterum latus, terrâ firmâ concedere nequeat. Equitatus trajici non potest, nisi multis defixis palis pons struatur. Id genus ædificij longo tempore & apparatu indiget, & facillime à nostris navibus disturbari potest. Contra exercitus noster libere poterit
vagari

vagari in eo litore ubi nullus erit exercitus hostilis. Liberum enim nostris mare relinquitur ab omni parte. Impedita igitur navigatione commectus nullus Constantinopolim inferri poterit. Neque annonæ comportandæ facultas commodior erit, si terrestres copias habeat; quod nulla ratione fieri possit, ut hoc tempore alium domi, alium in Persia, denique & Theodosia (quæ Cassa hodie) alium exercitum alat.

De modo ingrediendi Hellespontum quaeritur, quod illa duo castella quos Dardanellos vocant ad defensionem ejus freti & prohibendum aditum extructa, tormentis bellicis munita & in ipso fere mari posita sint. At sciendum eadem facilitate & temporis spatio utrumvis horum occupari posse, quo copiae in terram exponuntur. Quod si alterutrum eorum equitatus hostilis defendat, alterum eo praesidio carebit, quod mare interluat equitibus insuperabile. Ea quoque potentia Turcæ nunc plane destituuntur, ut præter priores alium insuper in Asiam alium in Europa exercitum, qui nunquam jungantur, sustineat. Et uno quidem castello capto classis turcæ transmitti potest, ne ex altero tormentis infestetur. Alia insuper stratagemata nocte dieque deducendi exercitus excogitari queunt. Sed de Dardanellis fusius dicendum. Hæ duæ arces antiquo more & forma ædificatæ, uno saltem & quidem simplici muro, nullis aggeribus nullis propugnaculis munitæ, nec magnæ sunt nec recte custodiuntur. Alia Dardanellus quadrangularis est, in planitie littoris situs, ubi facillime cuniculi agi possunt. Europæus ovali figura constat, positus ad radices montis qui illi totus imminet & dominatur. Nec in summo culmine propugnaculum ullum est. Muri plane similes prioribus. Mons non è saxo sed terra & arena constat ut plerimum. Pauci præsidarii sub præfecto & tormentorum magistro ibi excubant. In eo summa negotij

T r

totius

totius vertitur, ne in easdem insidias incidamus quas hosti
struimus; commeatu scilicet & rebus ad victum necessarijs ut
classis destituatur. Ante omnia frumenti insignis copia co-
cervanda, panis biscoctus parandus, isque iisdem navibus
quibus milites vehuntur imponendus. Quod si bellum lon-
gius protrahatur, in Candia vel Tinâ Venetorum insulis gra-
naria instituantur, & rerum omnium provisione instruantur.
Quod si hæc nimis remotæ à belli sede videantur, earum vicem
supplebit Marmora: quæ in ipso freto sita, facillime capi & mu-
niri potest. Expediet quoque ut præter arma quibus milites
nostri utuntur alia circumferantur, quæ inter Christianos di-
videntur; si qui pertæsi tyrannidis nobis se conjungere & ab
hoste secedere velint. Constat in bello nuper gesto Græcos
Peloponesios rebellasse, eosque Archiepiscopum in Italiam
ad arma comparanda misisse. Celanda quoque expeditio est
& diversus rumor spargendus, vel de Africa infestanda vel al-
lio loco oppugnando, & conformia quædam negotia instituen-
da, quæ rumorem illum comprobent.

II. Nunc de bellicâ potentiâ, quâ hæc expeditio tentari
& perfici possit, videndum. Hoc tempore, quo exhaustæ sunt
Turcarum vires, longe minor requiritur, quàm si integræ sta-
rent; ubi potius erit defensionis inniti, quàm hostem laces-
sere & irritare. Primum quadraginta millia peditum & duo
millia equitum ad hanc expeditionem sufficere putamus. Hic
exercitus semper in acie longa & protensâ procedat, & à mari
nunquam longius abeat. Vbi situs locorum colibus distin-
ctus, ei propugnaculi & munimenti instar contra hostilem e-
quitatum erit. Secundò classem centum trirremium (quas Ga-
leras vocant) requirimus; easque naves ita comparatas volu-
mus, ut quovis tempore quocunque locorum appellii & de-
duci possint. His aderunt quoque naves, quæ militem tran-
spor-

sportabunt; pro quarum parte decem navigia ejus generis, quæ vulgo Galeazze vocant, instruenda censerem, quorum usus commodissimus est ad hostis imperum excipiendum, ad fugiendum vero & insequendum parum conducunt. Belli sumptus quod attinet, quatuor auri milliones toti huic expeditioni ni fallor sufficient, si modò bonâ fide pecunia conferratur & expendatur. Pedes singulis mensibus quinque coronatos accipiet; quod uno anno summam duorum millionum & quadragintorum millium coronatorum facit. Ad equitatum alendum sedecem millia coronatorum unoquoque mense requiruntur. Vnde summa unius anni pro equitatu nonaginta duo millia coronatorum facit. Triremis quælibet decem millibus coronatorum uno anno constabit; unde tota classis millione & ducenties millibus coronatorum opus habebit. Reliquæ naves & decem Galeazzæ trecentis & quinquaginta millibus coronatorum constabunt. Summa igitur omnium sumptuum hujus expeditionis pro anno uno facit 41420000 coronatorum.


Quod si ad optatum finem expeditio produci nequeat, id saltem, quod fieri potest intentatum relinqui non debet. Hostis inprimis exagitandus & molestandus est, cogendusque ut duos exercitus in tres dividat. Quod fiet si Archiduci Carolo pars pecuniæ conferatur, qui suos subditos ab una parte ab altera Vscocchos in hostem immitteret, & paulatim aliquid territorij sub prætextu privatarum contentionum & incursionum ei eripiet. Vscocchorum hodie ultra duo millia numerantur, eorum dux Georgius Mesuh vocatur; nullus est qui in prælio contra Turcas quatuor virorum vicem supplere nequeat. Pax enim inter Austriacos & Turcas rupta nullo modo intelligitur, nisi machinæ & tormenta bellica proferantur. Proximis an-

nis impune ipsemet Budensis Bassa cum multis alijs in velitario-
nis certamine periit, nec quisquam eam cladem vindicavit. Re-
giones per quas iter exercitui foret Turcis subjectæ passim
Christianis hominibus incoluntur, qui natura robustissimi &
Turcis insensissimi sunt. Odii causa non tam dicenda misera
illa servitus, qua fere opprimuntur, dum quotidie à Timariotis
bonis omnibus spoliantur multisque insuper plagis afficiuntur;
quam quod singulis annis liberos sibi charissimos vi rapi & va-
nissimæ superstitioni Mahumetanæ mancipari proprijs oculis
intueri coguntur. Eodem momento pars triremium, quæ
otiosæ quædam sint, in plagam orientalem emittenda fo-
ret, ad deprædanda loca maritima & disquirendas naves, quæ
Constantinopolim petent. Quin & Romanorum Impera-
tor & Poloniæ Rex aliique Principes & dynastæ, si
feri possit, ad id bellum pertra-
hendi essent.

AVGE.

AVGERII GISLENII BVS-
BEQVII LEGATI CÆSAREI AD
SVLEIMANNVM TVRCARVM
TYRANNVM

EXCLAMATIO SIVE
DE RE MILITARI CONTRA
TVRCAM INSTITVENDA
CONSILIVM.





Ap̄tis à Cyro Persarum Rege Sardibus, cū ea
 urbs diriperetur maltaque passim cædes fieret,
 memoriæ proditum est, unum de Cyri militi-
 bus in ipsius Lydorum regis Cræsi cubiculum
 penetrasse, ignarumque quis esset, stricteogl dio
 mortem ei afferre voluisse: qua re commotum
 puerum Cræsi filium, qui aderat, ad id tempus mutum & elingu-
 em, soluto derepente linguæ impedimento clamorem sustulisse,
 eaque primum verba protulisse, quibus militem ab occidendo
 rege deterreret: ita pietatem in patrem & periculi magnitudinē
 sermonis potentem fecisse eum, cui usum ejus ad id tempus na-
 tura negavisset. Atque haud scio an mihi, quanquam in re dissi-
 mili, simile quiddam usu veniat: ut quem pieras dicendi rudem
 & imperitum, & qui publice verbum nullum umquam fecerim,
 diutius mutum esse non patiatur, sed in gravissimo patriæ disci-
 mine vociferari & exclamare cogat: non ut hostem ejus jugulo
 ferrum intentantem deterream (neque enim id ejus immanitas
 patitur) sed ut eam moneam ut sibi caveat, & simul cives meos
 commonefaciam, ut dum tempus est ei opem ferant & saluti
 ejus consulant.

Nam (Dij vestram fidem!) quid hoc, malum, infelicitatis?
 quæ hæc miseria est? Saxillimus hostis Turca, innumeris penē
 gentibus devictis, per tot regum regnorumque stragem atque
 cadavera ad nos iter sibi patefecit, patriæ nostræ jugulo mucro-
 nem admover: neque tamen commovemur, aut saluti ejus con-
 sulimus. In urbe si quod ortum est incendium, nemo est qui non
 relictis rebus ad restinguendum concurrat, qui non pro viribus
 opem ferre conetur. At nos qui patriæ cives amantes haberi
 volumus, in tanto ejus periculo ociosos duntaxat & inertes spe-
 ctatores nos præbemus: nec ejus aspectus turpissimè deforman-
 dus, non sacra, non religio mox abjuranda, non conjugum & li-
 bero-

berorum tacitæ voces, ne se in fœdissimam servitutem abripi patiamur deprecantium, commovent. Ignavissimum quodque animal ubi prolem periclitari sentit nulla vi retinetur; per ferrum & flammam opitulatum ruit. Contra nos viri fortes, posteritatem nostram nefariis hostibus ad omnem injuriam & turpitudinem ope nostra destitutam, prodemus? Nam quæ reliqua nobis spes, quod columen, quod præsidium? Num in ejus hostis bonitate atque clementia spei aliquid reponemus: qui postquam ex suis latebris erupit humani sanguinis rivus fluere nunquam destitit? An in ejus æquitate & moderatione? qui pacem qui fœdera nunquam pili fecit; apud quem nullæ valent communes reliquarum gentium leges; quem nullus pudor nulla honesti ratio continet; qui fidem qui jusjurandum homini Christiano datum violare, ubi rationibus suis conducit, non modò nullum nefas verùm etiam pium & sanctum putat; quem in nos profana stimulat religio, armat majorum æmulatio, regnique propagandi cupiditas; rapit denique sacra & inexplebilis bonorum nostrorum sitis. Nam totâ quidem nos erramus viâ, si aut patientiam nostram, aut injuriarum oblivionem, vel tantillùm ad securitatem nostram profuturam speramus. Quò nos modestiores, quò pacis atque pactorum, quoque æqui & boni observantiores ostenderimus, eò magis in nos ejus hostis insolentiam provocabimus: qui hæc omnia non virtuti non bonitati nostræ refert accepta, sed timiditati sed ignaviæ sed desperationi rerum nostrarum imputat. In hoste non est quod spem ullam collocemus, in nobis si nulla est. Neque sanè restat aliud, quàm uti solent homines judicum sententia morti addicti, ut placidè ad supremum casum nos componamus, & tanquam clausis oculis ferrum in præcordia recipiamus. nisi fortè vires aut fortunam ei defuturam putemus, quem ex ignotissimo, tot victoriæ tam terra quàm mari brevissimo temporis spatio partæ, tantoperè nobilitarunt: quo
velut

velut igne à parvis initijs orto omnes jam ferè totius orbis terrarum partes conflagravit: quem bellis fracti reformidant Orientis populi, Assyrij Persæ atque Armenij: cujus vim atque arma ipsi quoque Scythæ sæpè jam senserunt, & qui suis ex altera parte caloribus tuti esse poterant Æthiopes. Nam de nostra Europa quid dicam? Captum vidimus Belgradum, obsesam Viennam, & prædas Linzio usque hostiliter abactas. Tantos progressus ad nostram perniciem, præter alias victorias, unus Suleimannus facere potuit. Nostrorum regum est pro terræ cespite ab stirpe ultima ad seros usque nepotes inter se bella continuare: Othomannorum singuli (utinam ne tam verè quam dolenter dicant!) suis victoriis regna regnis semper accumularunt: ita ut quicquid olim florentissimæ nationes imperiis suis complexæ sunt, Assyrij Persæ Macedones Romani, soli jam suâ ditione continuasse videantur. Et nescimus adhuc quo versemur in periculo? Quod mare, qui montes, quæ solitudines, aut qui populi in medio relictî, quorum præsidio nos ab horum injuria tutos fore speremus? Amissa, prostrata omnia. Hærent in cervicibus nostris, quos procul perhorrescere debemus. Patriæ sanguine atque ultimo spiritu litandum est hosti cruentissimo. Nam ne id quidem solacium relinquitur, quod ferè solet in gravissimis mortalium cladibus, ut cum bona spe simus hæc mala non fore diuturna. Sæpè quidem Barbaræ nationes, multis provinciis, tanquam subita aliqua procella, gravem calamitatem intulerunt. Sic Gothi, Wandali, Alani, Hunni, Tartari multas regiones inundarunt, magnisque cladibus affecerunt: quæ tamen eò tolerabiliore videri potuerunt, quod cerra spes perpetuas non fore relinqueretur. Itaque postquam illa veluti tempestas præterierat, quæ afflicta imò penè deleta videbantur mox recreata revirescebant. Sed hic hostis ea est vigilantia, eam servat disciplinam, ea utitur in conservandis iis quæ sibi adjunxit ratione.

V u

ita

ita regnat ac dominatur; ut ubi semel vestigium fixerit inde se moveri nunquam patiatur, nunquam se attollat seges quam semel illa calamitas depressoerit. Adeoque difficile dictu videtur, sit ne in acquirendo acrior, an in tuendo quæ acquisierit firmior atque validior. Tanto igitur in periculo positi, cur non consulimus in medium? cur non molimur? cur non omnia tentamus? cur stupet in nobis ingeniosa illa necessitas admirabilium effectrix operum? Feras equidem videmus extremo casu deprehensas quàm multa pro sua libertate fortiter conentur, nihil non audeant, omnia periclitentur, si quam fortè evadendi viam invenire possint, neque antè cessent quàm vitam unà cum sanguine profundant.

Sed hîc fortasse dicet aliquis: Quid est ergò tui consilii? Nam præsentem rerum statum deplorare, de periculo atque imminentibus malis declamare, cuius facile est: remedio est opus: id exquiritur: de eo dic si quid habes. Dicam, & quidem paucis. Armis opus est: opus est armis: contra vim atque arma sine armis fieri nihil rectè potest. Horum præsidio salus patriæ munienda, aut nobis omnibus ad unum pereundum: nullum hoc verius oraculum. Sed Dii meliora! Arma capeamus potius. Quæ quidem non intimis terræ visceribus abdita latent (& si laterent, magnâ quavis molitione eruenda essent) neque aliunde procul ex ultimis terris arcessenda, sed sunt parata, sunt in promptu, sunt si velimus in manibus. Nascuntur etiamnum apud nos viri: est copiosa juvenus, bello apta, pro patria pro aris & focis sanguinem fundere parata. Non equi, non ferrum, non aurum, non opes, non machinæ tormenta que, non reliqui ad bellum apparatus defunt. Omnia quæcunque ad res magnas & suscipiendas & conficiendas requiruntur nobis largâ manu suppeditavit divina benignitas: modò ne sumere recusemus. Voluntas, inquam, nostra & manus tantum desiderantur. Quas nature

turè admoveamus, dum julia adhuc vires supersunt; antequam debilitata ruant omnia. Alioqui serò & nequicquam consilia prætermittamur respectabimus; nobisque idem eveniet, quod ægro-
tis: qui dum tempus est & vires sunt integræ ad medicinæ men-
tionem nausent, neque possunt ulla ratione adduci ut salutaribus in tempore potionibus utantur, sed ubi oportunitas præter-
iit morbusque adeo invaluit, ut debilitatis viribus medicamen-
to non sit locus, frustra medie fidem neglectaque remedia re-
quirunt. Quorum exemplo nobis cavere debemus, & antequam pluribus illatis vulneribus hostis planè nos conficiat, dum plaga nulla lethalis est, dum nondum omnis profluxit sanguis, remediū in tempore adhibere, hoc est arma expedire, totosque nos ad defensionem comparare. Quæ meditantes atque agentes Deo citè supplicabimus; eumque preces nostras haud averfaturum meritò sperare poterimus. Quòd si per simulationem pietatis inertiam nostram velificari volumus, & malè quæsito compendio à Deo sine opera sine studio sine labore nostro impendentibus malis opem solis precibus impetrare, ne ille injustæ petitioni nostræ se haud facillè æquum præbebit. Ipsi in primis nostro fungamur officio, & partes diligentia constantia virtutis & fortitudinis in hunc potissimum usum ab eo nobis datas impleamus: Nisi aret ferat ac metat agricola, frustra à Deo copiosam messem postulet. Certum in istis rebus inferioribus ordinem statuit Deus, quem haud temerè neglectum vult: labori diligentia assiduitati solertia virtuti multa præmia proposuit, quæ negavit inertia. Vis scire litteras, Musicam, Astronomiam, Mathematicam? discere, labora, nervos contende: hæc ocioso tibi nullum inspirabit numen: per eam viam eosque gradus quos Deus posuit tibi persequenda sunt: instrumenta ad ea consequenda, modò tibi ne desis, largitus est; ea adhibe, ut utere: dabit ille benedictionem & incrementum. Vis tueri patriam, hostem profligare, potiri vi-

etoria? non hoc consequeris sedens, non iners, non otiosus: insurgendum est, arma capienda, tractanda, adhibenda exercitatio. Assuescendum est labori soli pulveri siti atque inedia. His armatus atque instructus divinam opem implora: atque ita bonæ spei plenus procede in aciem. Munere tuo functus es: iis instrumentis quæ tibi Deus dedit riè usus es: servasti ejus ordinem: neque positas ab eo leges contempsisti, rei exitum piis precibus vitæque integritate ejus clementiæ & bonitati commenda. Non est nostri arbitrij neque facultatis victoria; sed Dei solius beneficio contingit: cujus tamen non legitime neque ordine petentem haud sæpè compotem fieri videmus: & si secus quandoque fiat (quod sanè fit rarissimè) id tribuendum est miraculo. At nos Deum tentare non debemus, neque temerè quicquam conari. Nec malè, meo quidem judicio, Cato apud Salustium, Senatum adhortatus ut contra Catilinam arma capiat, his verbis utitur: *Scilicet res aspera est: sed vos non timetis eam, imò vero maximè; sed inertiam & molliam animi, alius alium expectantes cunctamini: videlicet diis immortalibus confisi, qui hanc rempubl. sæpè in maximis periculis servavère. Non votis neque supplicijs muliebribus auxilia deorum parantur: viligando, agendo, bene consulendo, prosperè omnia cedunt. Vbi socordia te atque ignaviæ tradideris, ne quicquam deos implores; irati infestique sunt.* Nos ergo, quod est partium nostrarum exsequamur; eodemque tempore non injustis precibus divinam opem atque misericordiam imploremus, armati in castris in opere atque negotio.

Sed occurritur mihi à bonis atque prudentibus viris; istam publicæ calamitati medendi rationem aliquoties tentatam minùs feliciter evenisse; nosque, quoties ad arma & manus cum Turcis ventum sit, inferiores discessisse. Audio: neque nihil est quod dicitur: atque eò ut veniremus, hæc ferè mihi erat instituta oratio. Armis (inquis) contra Turcam hætenus parum proficimus.

emus. Esto. Sed quibustandem armis? Hoc expendere & in eo aliquantum morari est operæ precium. Cum Turca fines nostros infestaret, aut cum numerofo exercitu ad nos ascendere nuntiaretur, dedimus operam ut nos quoque copias cogere-
mus. Sed quas copias? quem militem coëgimus? num vetera-
num? num eum, cujus virtutem multis jam antè documentis co-
gnitam habebamus? quo vincere consueveramus? Non opini-
or, sed potius huic dissimilimum. Pulsata longè lateque tym-
pana: ad eorum strepitum convenère lucelli spe quibus visum
est: Tertius fortasse quisque qui lorica aut thoracem numquam
induerat, nec hostem vel à belli limine salutarat. Reliqui qua-
les: homines luxu perdit, deo octores, ganeones, aleatores, obæ-
rati, exsules, atque his similes (paucis exceptis) ferè reliqui: quos
eò perduxit non patriæ caritas, non æquitas causæ, non religi-
onis studium, non amor exercendæ virtutis, sed ebrietatis, alex,
rapinarum, sacrilegiorum, stuprorum, & (ut uno verbo dicam)
scelerum & flagitiorum omnium impunitas atque licentia. Cum
hujusmodi turbâ nullo delectu collectâ, vel potius cum fece
perditorum hominum, Deo pariter atque hominibus in viso-
rum, contra tantum hostem, sacrum videlicet auspicamur bel-
lum. Itaque non tam militum conventus, quàm Bacchanalia,
nostra castra videri possunt: ubi luxuria, corruptelis, libidine,
impietate, crapula, tumultu, rixis, atque cædibus strepunt &
permiscuntur omnia. Hic tamen tam bellus miles, magnis im-
pendiis procul est è suis sedibus excitandus: magnâque cum ja-
ctura temporis, ubi etiam res summam celeritatem exigit, per-
ducendus. Fortem & assuetum laboribus Hannibalismilitem
Campaniæ luxus & deliciae fregerunt: nobis nullâ opus est Cam-
pania; imbelles enervati perdit in castra venimus. Itaque si ho-
stis desit, mora paucorum mensium, aut caniculæ fervor, aut
primorum frigorum morsus, quantumvis magnas copias no-

Vu 3

stras

stras mactant & jugulant. Et nos miramur, cum hoc tali milite nihil nobis contra exercitatissimum hostem procedere? Si quas privatim paulò periculosiores simultates gerimus, aut per loca latrociniis infesta nobis fatiendum sit iter, non temerè nisi spectatissimis comitibus corporis nostri custodiam committimus: sed nec si gravioris quicquam negotij incidit id nisi hominibus experientibus & peritis mandare solemus. Hic ubi tanta res communisque omnium salus agitur, tam sumus negligentes, ut copias non modò non idoneas, sed jam penè profligatas antequam in aciem producantur, hosti tot victorijs claro oblicere non vereamur. Revertor itaque eò quod initio dixi: aut idoneorum armorum præsidio publicam incolumitatem tuendam, aut nullam rem relinqui, quæ nos ab universo exitio vindicare possit.

Quem igitur militem requiro? Nostrum imprimis; in nostris sedibus natum; de nostris popularibus delectum. Nam cum in rebus bellicis plurimum valeat celeritas, eaque vel maximè contra Turcam hostem expeditissimum necessaria sit; militare opus est eo qui non procul arcessendus diuque expectandus sit, sed sit in promptu & tanquam ad manum semperque nostræ potestatis. Atque hunc non temerè, neque casu oblatum, sed percensitis omnibus qui arma ferre possunt, magno iudicio delectum. In quo maximè cavendum, ne is eligatur qui molliori cultui atque victui assueverit; aut quem prava educatio vitiis infecerit, aut fregerit otium; ne vecors ne insanus ne contumax ne turbulentus ne seditiosus: sed sit adhuc à delicijs integer, aptus tolerando labori: & cum bono corporis habitu, tum verò qui simplicitatem animique magnitudinem quandam toto vultu atque omnibus oris lineamentis præ se ferat ac spiret. Qua de causa, arti alicui laboriosæ quàm sedentariæ assuetum, rusticum quàm urbanum, in monte quàm in
pla-

planitie, in re tenui quàm in medijs divitijs, natum malim. Hunc ita electum militaribus præceptis armorumque scientiâ erudiri velim. Armatus hastam vibrare & versare, gladio item & minore bombardâ scienter uti, servare ordinem, & sub armis ad multum spaciū decurrere consuecat: veram laudem appetere, flagitium peius letho odisse, pietatem colere, & ab omni in DEUM verborum contumelia sibi temperare, discat. Idem dicto audiens sit suo duci, ejusque animadversionem patienter admittat: in hostem ferox, in comilitonem lenis & tractabilis: victus parsimoniâ neque crapula neque ebrietatis suspitioni locum relinquat: postremò suo stipendio sit contentus, atque ab omni præda præterquam concessa se abstineat. Hujusmodi disciplina informari militem oportere dico, qui contra tantum hostem possit consistere. Neque tamen eum statim in aciem produci, aut de summa rerum tyronem cum veterano velim decernere: sed in stativis præsidijsve eum collocari, & excursionibus levioribusque prælijs paulatim in belli consuetudinem venire. Qua ratione vulnus pati, hostis conspectum ferre, & timorem, quem omnis novitas afferre solet, sensim deponere, consuecat. Hoc ita instituto & confirmato, non contemnendum gradum ad spem melioris fortunæ factum affirmare audebo. Quare in eo vel potissima laboris & curæ pars ponenda: ut homines armorum & rei militaris peritissimi conquirantur, à quibus ij quos dico tyrones veris & germanis disciplinæ militaris præceptis formentur. Hos summa virtute continentia & sobrietate præditos, nullis avaritiæ sordibus contaminatos requiro: ut non modo hanc sobolem, in communis salutis spem succrescentem, atque militari imbuant, verùm etiam vitæ & integritatis exemplis ad omnem virtutem erudiant, utque eorum fidei hic nosset exercitus, cum cum in hostem tem-
pus evocabit, rectè committi possit. Quibus sanè ducibus
peri,

periculum non erit, ne falsum militum numerum referentibus publicum fraudetur ærarium: ex quo communium præfectorum scelere hodie fieri videmus, ut quantumvis amplæ regum opes alendo paullo diutius exercitui non sufficiant, & sæpenu-mero ubi acie confligendum sit magnum adeatur periculum, dum imperatores ea ducum relatione decepti se copias numero- siores habere quàm res sit credunt.

Sed antequam longius progrediar, hic locus postulare videtur, ut quorundam bonorum virorum sententiæ responde- am; quorum cum omnis intelligentia ejus seculi atque regio- nis in qua nati sunt finibus circumscribatur, neque longius sit evagata, hæc dici vehementer admirantur, eaque ut nova & inusitata quæque in effectum perducere nequeant rejciunt. No- stri, inquiunt, majores eo milite eaque qua nos utimur rei mi- litaris ratione contenti præclarè multa gesserunt. Fateor, sed gesserunt adversus eos, qui in eadem pravitate ipsdemque vitij- versabantur. Fuit ex hac parte exercitus inexercitatus, collecti- cius, externus, imbecillus, disciplinæ expers: fuit & ex altera. Itaque inter pares neque vitia valdè eminebant, & parvo sæpè cum discrimine discedebatur. Vt si duo mutili, duo cæci, duo claudi concurrant; haud magnoperè in altero membrorum in- tegritatem requiras. At si cum manco integrum, cum cæco vi- dentem, cum claudò rectum committas; mox conditionis in- æqualitas apparebit. Nobis inter nos cum vicinis & penè po- pularibus nostris errare licuit ut libuit; paria enim, ut dixi, vitia non magnum inter utrosque discrimen constituebant. Sed nunc alia res est. Etenim negotium est nobis cum Turca, hoste vigilanti, industrio, sobrio, exercitato, labori assueto, rei militaris scientissimo, disciplinæ observantissimo. Quæris, quid ista valeant? A finibus Persiæ ad Viennæ usque mœnia omnia devicit. Quid nostra arma cum hoc collata possint, utinam igno-

ignorere nobis liceat; neque quotidiana clades tanto nobis documento sint. Et dubitamus adhuc, utrum vitia nostra emendemus potius quam defendamus?

At sunt nova, sunt inusitata, quæ proponimus. Nimirum quia novus & peregrinus hostis; cuius vis & usus armorum nihil vulgare, nihil commune, nihil remissum patitur. Fuerunt quondam sudor Anglicus & lues Gallica, morbi peregrini & incogniti: quos cum medici longè lateque vagantes usitatis & communibus medicamentis reprimere conati essent neque quicquā proficerent, tandem multorum pernicie edocti, novis remedijs adversus novas ægitudines sibi pugnandum intellexerunt. Quod quidem adeo feliciter cadebat, ut uterque morbus, qui antea invictum se præstiterat, mox cederet, & in ordinem redigeretur. Quod medicorum institutum proponere nobis ad imitandum debemus: & cum ad reprimendum Turcarum impetum frustra his temporibus usitata adhibuerimus arma, ad aliam armorum rationem transire, & novis malis nova remedia applicare. Quanquam minimè sunt ista nova sed antiquissima potius; quibus Populus Romanus tanta cum laude totum terrarum orbem ditionis suæ fecerit: tantumque abest, ut hac nostra ætate inutilia sint, ut hostis, de quo nunc maximè est sermo, nullā alia ratione cum nostram salutem in dubium quotidie vocet, tum ditionis suæ terminos cum Imperio Romano penè jam nunc adæquat.

Quibus de rebus paulò copiosius dicam infra; ubi istis iisdem ad eam quam sibi animis fingunt difficultatem respondero. Etenim ita ferè huius mollissimi seculi moribus receptum est: ut res quæcunque quantumvis præclara, quantumvis utilis, modò in exequendo aliquid difficultatis præ se ferat, pro eo habeatur ac si perfici nullo modo possit. Quæ animi imbecillitate illi quos dico adducti, cum in usitatis armis nihil esse præsidij satis sint ex-

X x

perti,

perti, ab ea verò quam probamus belli gerendi ratione difficultate absterreantur, eò subinde relabuntur, ut imminentem capitibus nostris pestem non aliter depelli posse credant, quàm pace aut inducijs quacunque ratione cum hoste pactis. A qua sententia tanquam à Iovis ara aut statua Imperatoris avelli se nullo pacto patiuntur: itaque facienda putant omnia, quo in aliquâ parte pacis cum Turcis, seu prece seu precio seu quacunque indignitate hæreamus. Neque animadvertunt, in rebus difficilibus hanc unam esse vel difficilissimam, quæque omnium minimè sperari possit. Quid enim? Tam capitalis hostis, tantum terrarum emensus, tot exhaustis laboribus, ut ad nos pervaderet: ubi se jam voti compotem factum videat: in tanta materia laudis, tanta prædæ opportunitate, tanta imperij, tanta religionis propagandæ occasione; subito velut attonitus consistat, neque longius progredi curet? Quòd si qua pacis spes relinquatur; quis adeò demens sit, ut bello cum hoste tam potenti contendere malit? aut adeò cæcus, ut certæ paci dubios incerti Martis eventus postponendos non videat? Sed non ea res agitur: neque enim alterum nobis liberum relinquitur. Ad bellum omni spe pacis sublata cogimur. Nullæ hic consilij, nullæ arbitrij nostri partes: vis necessitatis omne occupavit. Ad bellum violenter rapimur: bellum nobis vel invitissimis subeundum, gerendum, exantlandum. Quid frustra obnitimur? quid circumspectamus? quid vanis pacificationibus somniandis nos decipimus? In mediâ nimirum flammâ otium nobis falsâ cogitatione fingimus; malumque, cuius (si advigilaremus) remedia aliqua esse poterant, differendo nutrimus, & parum providendo reddimus insanabile. At præclarum est belli mala distulisse. Præclarum, nisi id eò valeat ut paullò post gravius erumpant, nosque certius pereamus: ut si medicus dum blanditur ægroto necessaria remedia differat, atque ex eo morbus ita ingravescat, ut brevi mors consequatur.

Nam

Nam nostras quidem res haud exiguis momentis quotidie deteriores fieri videmus: hostis verò econtrà indies magis invalefcit; & præterquam quòd de nostro semper aliquid decerpit quod adjungat suo, non desinit interea viam ad nos munire & complanare, omniaque comparare quæ ad exitium nostrum maturandum pertineant; ut, cum, amoris omnibus quæ moram aut impedimentum adferebant, visum ei fuerit alienissimo nostro tempore clallicum canere, nos alta quiete sepultos ac proinde à rebus omnibus imparatos, ipse paratissimus, intoleranda belli mole derepente obruat. Huc ejus omnia spectant consilia, hoc unum assiduè molitur & agit. Quo demum tempore, & tamen serò, nos in eum locum deductos intelligemus, ut nulla spe auxilij reliquâ, inevitabili exitio nobis pereundum sit. Et hic erit morarum nostrarum & intempestivæ cessationis fructus.

Quare etiam atque etiam, dum tempus est & res patitur, providendum moneo, ne falsæ spei præstigijs obcæcati nos inertæ & desidæ tradamus, qua ex re quantas jam clades subierimus cum meminisse possimus, tum ultimam reipublicæ ruinam appropinquantem prospicere. Ergo & judicio utendum est nobis acris; ne in re tanta allucinantes falsa pro veris remedia periculosis malis admoveamus, & cum rationibus omnibus subductis quæ spei summa residua sit deprehenderimus, hanc unam omniis reliquis complecti ad eamque omni studio incumbere debemus. In quo non labor, non difficultas, non novitas, nec quicquam eorum, quæ segnes & infirmos animos morari solent, nos merito retardaverit. Ingentibus animis pro rei magnitudine est opus. Nihil humile, nihil abjectum res tanta requirit. Supra seculi nostri captum hic nos efferamus necesse est, & eorum heroum virtutem paulisper referamus, qui fortitudinis & constantiæ magnitudine quosvis labores superarunt, qui nihil turpius nihil se indignius duxerunt quàm ullius difficultatis

ris aut impedimenti magnitudine deterreri, quo minus id quod cum reipublicæ dignitate & commodo conjunctum esse statuissent ad exitum perducerent. Quorum è numero unum silentio præterire Lycurgum Lacedæmoniorum legislatorem non possum. Qui cùm inter reliqua instituta (quibus optimè constitutam & fundatam Spartanorum rempublicam relinquere in animo habebat) bonorum æqualitatem in eam civitatem introducere, eaque de causâ rem possessionisque omnium ex æquo partiri veller, ut quantum divitibus detraheretur tantum accederet tenuioribus, nullumque, nisi quod virtus faceret, inter cives discrimen esset: in eo multos habuit adversarios, præsertim illos qui facultatibus pecunia & divitijs præstabant. Etenim indigne ferebant rem à majoribus traditam, aut suo labore quaesitam sibi eripi, & ad alienos possessores transferri. Cumque ea res & injusta & absurda haberetur, fiebat ut ejus legis perferendæ magna difficultas Lycurgo objiceretur. Sed illo nihilominus in sententia perseverante, & quod rectum & reipublica esse salutare in ànimū induxisset perficere contendente, variæ quotidie rixæ periculosæq; concertationes miscebantur; in quibus denique Lycurgo alter oculus effoditur. Poterat ea res bonum virum satis admonere, quantam rem quamque arduam suscepisset; ac proinde deterrere, ne persisteret in incepto, sed potius rei infelicitate tentatæ tanto accepto malo consilium deponeret. Quod sanè longè secus accidit: tantum enim absuit ut ille heros ob eam calamitatem desisteret, ut ei potius animum addidisse videretur, multoque ardentius in causam incumberet. Itaque non conquievit ante, quàm legem quam rogat de bonorum æqualitate omnium consensu perferret. Quo veluti fundamento reliquorum præclarissimorum ejus institutorum, talem rempublicam constituit, ut Græcia nullam habuerit parem, nomenque ejus etiamnum hodiè summa cum admiratione virtutis celebratur.

tur. Fecit hoc ille nullo imminente Turca, nullo vastitatem interitumque rerum omnium intentante: & nos hoc rerum statu gravius aliquid aut difficilius, quàm ut subire velimus, videri nobis patimur, in quo salutis nostræ summa posita sit. Pellenda est nobis ex animo ista segnities, prorsus nobis, nomine nostro prorsus, indigna; & reliquis cogitationibus vanis & fallacibus omissis sub unius secundum Deum rei militaris præsidium confugiendum.

Romani cùm gravior casus inciderat, unde mali aliquid timeretur, ibant ad saga, servabant iustitium, Consulibus denunciabat Senatus, viderentne quid respublica detrimenti caperet. Nobis multò magis magis idem faciendum: quibus non tantùm à communi respublicæ detrimento, verum ab universa ejus ruina periculum impendet. Eundum est, inquam, nobis ad saga; arma capienda, tractanda, meditanda: disciplina militaris depravatissima corrigenda; revocanda vetus & integranda. Hoc unum iustitio veluti indicto, hoc est clausis penè tabernis & reliquis rebus posthabitis, ardentissimo studio nobis agendum perficiendumque: si modò rem publicam, si nos, si liberos, si conjuges, si denique aras atque focos salvos & incolumes velimus. Quid enim, si Turcarum arma prævaluerint, nobis reliqui futurum est? Certè non pudor, non honestas, non dignitas, non libertas, non religio, nulla unquam gens non vilius periclitata est. Extremum, crede mihi, malorum est, vinci a Turca. Nihil erit quod illo victore (quod utinam ne tam sit in propinquo) rapi, agi, ferri, dissipari, incendi, conculari, & profanari non videamus. Quod ut ne videamus ac ferre cogamur; ad saga potius & ad arma eamus, & (ut Probus inquit) *mitemus*. Qui cùm esset renunciatus Imperator, multa que damna, quæ ijs temporibus Romana Respublica acceperat, rei disciplinæque militaris corruptelæ referret accepta,

X s 3

cui

cui emendandæ imprimis studendum duceret, in huius rei argumentum hanc primam tesseram militibus suis dedit. Nec verò minus ille re præstitit quàm verbo ostenderat. Siquidem exiguo tempore adeò profecit, remque militarem penè totā prolapsam ita restituit, ut nomen Romanum, quod plerisq; gentibus contemptui esse cœperat, amplitudini & majestati suæ denuò redderetur. Cujus exemplo militemus & nos; armaque, quæ vetustate & vitio temporum obtusa & ærugine corrupta habemus, multo studio ad pristinum nitorem bonitatemque revocemus.

A quo (ut dixi) cùm labor & difficultas nos avertere non debent : tum verò minimè omnium sumptus rei-que familiaris diminutio. Vbi enim sumptum ponemus rectius, quàm ubi vitam ipsam impendere grave nobis videri non debet? Aut quâ in re bonorum nostrorum partem melius consumemus, quàm ut caput & summa collocentur in tuto? Boni certè patres familias nulli sumptui neque impensæ parcunt; nullum claudendi sepiendi muniendive finem faciunt, dum res & possessiones suas in tuto constituent: quas se instabiles & caducas habere arbitrantur, quandiu eas fortuitis casibus, incursionibus latronum, aut furum insidijs expositas habent. Nautæ quoque sæviente tempestate potius quàm navem frangant & de vita in dubium veniant, quamvis pretiosarum mercium jacturam facere malunt. Sed nec medici aliquot humani corporis partium jactura reliquorum membrorum & totius corporis incolumitatem redimere dubitant. Enimverò quid est quod quisquam tali hoste vicino ullam cujusquam rei possessionem stabilem aut diuturnam promittere sibi possit? Cum singulis momentis expectanda sit dies, quâ vicini improbitas cuncta eripiat, contraque omnium edicta Prætorum ad se transferat. Quid feris? quid metis? quid colligis ac recondis? cùm non minus tua omnia hostis sua numeret, quàm quæ Asiaticis, quæ

Græcis

Græcis, quæ Thracibus, quæ Bulgaris, quæ Illyricis, quæ Hungaris (ut alios populos taceam) jam diu erepta possidet? Neque enim opes facultatesque nostræ, sine justo militum (quos dico) præsidio illius avaritiæ minus patent, quàm pateat furibus nullo custode nullis clavibus in publico projecta vis auri aut preciosa supellex.

Quod si inopiam dementiæ prætexere & pauperratem ementiri juvat, videamus, ne nostro interitu nostrisque spoliis dives factus hostis, magna cum nostrâ infamiâ mendacij nos redarguat. Sed tamen eos sumptus non requiro, quos magnopere pertimescamus. Quos quidem extra belli tempus minimos esse velim, belli verò tempore mediocres, certè longè tolerabiliore, quàm quibus vulgaris & tumultuarius miles conducitur. Quæ ex re duo etiam consequuntur commoda: unum, ne pecunia extra ditionis nostræ fines eliminetur; alterum, ne tribunorum & præfectorum nefario quæstui locus sit, quibus hodie per fœdissimum peculatum cum summo reipublicæ damno locupletari præclarum stratagema habetur. Sed hæc alterius sunt loci; neque enim in præsens particulatim de singulis, sed summatim tantum quid hac de re universa sentirem, significandum mihi esse statui.

Ergo imitemur in reipublicæ communique salute munienda, Populi Romani prudentiam; qui semper præsidio militum ex suis hominibus delectorum, imperium suum remque publicam & privatam tutatus est. Neque enim ille aut irrumptum Gallorum ferocitati par, aut bella subinde renovantium Italicorum pertinaciâ superior, esse potuisset, aut tam fortiter adversus vim Annibalis integrum imperium conservasset, aut de Philippo deque Antiocho triumphasset, nisi suum & proprium militem habuisset, eamque quam dico in eo instituendo rationem securus fuisset. Quæ de re tota tempus est,

¶

ut copiosius exponam : quò magis perspicuum sit . nihil me novi introducere ; utque nobis exemplum propositum sit quod sequamur .

In quo quidem omnes , qui de rebus Romanis scripserunt consentiunt : passimque apud eos videre est , quantum curæ Romani posuerint in tyrone deligendo instituendo & exercendo . Sed ego , ne sim prolixus multis auctoritatibus colligendis utar compendio ; uniusque antiqui moris & disciplinæ militaris gravissimi auctoris Vegetij testimonio ero contentus ; qui ea quæ sequuntur diversis in locis , in libris De militiæ Romanæ institutis ad Cæsarem Valentinianum scripta reliquit .

lib. 1. c. 1. IN OMNI PROELIO NON TAM MVLTITVDO ET VIRTVS INDOCTA , QVAM ARS ET EXERCITIVM SOLENT PRÆSTARE VICTORIAM . Nulla enim alia re videmus Populum Romanum sibi orbem subiecisse terrarum , nisi armorum exercitio , disciplina castrorum , usuque militiæ . Quid enim adversus Gallorum multitudinem paucitas Romana valuisse ? Quid adversus Germanorum proceritatem brevis potuisset audere ? Hispanos quidem non tantum numero , sed etiam viribus corporum , nostris præstitisse manifestum est . Afrorum dotis atque divitiis semper impares fuimus . Græcorum artibus prudentiæque nos vinci , nemo unquam dubitavit . Sed adversus omnia profuit , tyronem solertem eligere : ius (ut ita dixerim) armorum docere ; disciplinam quotidiano exercitio roborare : quæcunque evenire in acie atque in præliis solent , omnia in campestri meditatione pernoscere : severè in desides vindicare . SCIENTIA ENIM REI BELLICÆ DIMICANDI NVTRIT AVDACIAM : NEMO FACERE MELIUS QVOD SE BENE DIDICISSE CONFIDIT . ETENIM IN CERTAMINE BELLORVM EXERCITATA PAUCITAS AD VICTORIAM PROMTIOR EST : RVDIS ET INDOCTA MVLTITVDO EXPOSITA SEMPER AD

AD CÆDEM. Si quis igitur pugnam publicam superare Barbaros ca. l. 2. c. 18.
 pit, ut divinitatis nutu, dispositione Imperatoris invicti, reparentur
 ex tyronibus legiones, votis omnibus petat. Intra breve autem tem-
 poris spatium, juniores diligenter electi & exercitati, quotidie non
 solum mane sed etiam post meridiem, omni armorum disciplina vel
 arte bellandi, veteres illos milites, qui orbem terrarum integrum sub-
 egerunt, facile coaquabunt. Nec moveatur, Cæsar, tua Majestas, quod
 olim consuetudo est mutata quæ viguit. Sed huius provisionis ac felici-
 tatis est perennis tua, ut pro salute reipublicæ & nova excogitet
 & antiqua restituat. Omne opus difficile videtur antequam tentes.
 Cæterum si exercitati & prudentes viri delectui præponantur; cele-
 riter mania bellis apta poterit aggregari, & diligenter institui. Quid l. 2. c. 18.
 vis enim efficit solertia: neque longitudo ætatis aut armorum numerus
 artem bellicam tradit, sed continua exercitationis meditatio. POST
 QUANTA VOLVERIS STIPENDIA INEXERCITA-
 TUS MILES SEMPER EST TYRO. Nunquam credo po. l. 1. c. 3.
 tuisse dubitari aptiorem armis rusticam plebem, quæ sub dio & calore
 nutritur, solis patiens, umbræ negligens, balnearum nescia, deliciarum
 ignara, simplici animi, parvo contenta, duratus ad omnem laborum to-
 lerantiam membris, cui gestare ferrum fossam ducere onus ferre con-
 suetudo de rure est. ET NESCIIO ETIAM QVOMODO ibid.
 MINVS TIMET MORTEM, QVI MINVS DELICIA-
 RVM NOVIT IN VITA. Nunc qua ætate milites legi conve-
 niat, exploremus. Equidem si antiqua consuetudo servanda est: in-
 cipientem pubertatem ad delectum cogendam nullus ignorat. NON
 ENIM TANTVM CELERIVS SED ETIAM PERFE-
 CTIVS IMBIBVNTVR QVÆ DISCVNTVR PVERIS.
 Deinde militaris alacritatis saltus & cursus ante tentandus est, quàm
 corpus ætate pigrescat. Velocitas enim est, quæ percepto exercitio
 strenuum efficit bellatorem. Adolescentes legendi sunt, sicut ait Sallu-
 dius. Nam primum juvenis, simul ac belli patiens erat in castris

per laboris usum militiam discebat. Melius enim est, ut exercitatus juvenis causetur, ætatem nondum advenisse pugnandi, quàm doleat præteruisse. Habeat etiam spacium universa discendi. NEQVE ENIM PARVA AVT LEVIS ARS VIDETVR ARMO- RVM. Sive equitem, sive peditem sagittarium velus imbuere, sive scutatum armaturæ numeros omnesque gestus docere, ne locum deserat, ne ordines turbet, ut missile & destinato iclu & magnis viribus jaci- at, ut fossam ducere, sudas scienter figere norit, tractare scutum, & obliquis ictibus venientia tela deflectere, plagam prudenter vitare, au- dacter inferre. Huic taliter instituto tyroni pugnare adversum quos-
li. sap. 6. libet hostes in acie formido non erit sed voluptas. Sed qui delectum acturus est, vehementer intendat; ut ex vultu ex oculis ex omni con- formatione membrorum eos eligat, qui implere valeant officium bella- toris. Namque non tantum in hominibus, sed etiam in equis & cani- bus virtus multis declaratur indiciis. Sit ergo adolescens Martio o- peri deputandus, vigilantibus oculis, erectâ cervice, lato pectore, hu- meris musculosis, valentibus digitis, longioribus brachiis, ventre mo- dicus, exilior cruribus, suris & pedibus non superflua carne distentis, sed nervorum duritia collectis. Cùm hæc signa in tyrone deprehen- deris, proceritatem non magnopere desideres. Virilis est enim for-
li. sap. 7. tes milites esse quàm grandes. Sequitur ut cuius artis tyrones vel eli- gendi vel penitus respuendi sint, indagemus. Piscatores, aucupes, dul- ciarios, linteones, omnesque qui aliquid tractasse videntur ad gynæcea pertinens, longe arbitror pellendos à castris: fabros ferrarios, carpen- tarios, macellarios, & cervorum aprorumque venatores, convenit assu- mere in societatem militia. Et hoc est in quo totius reipublicæ salus vertitur; ut tyrones non tantum corporibus sed etiam animis præstantis- simi deligantur. Vires regni & Romani nominis fundamentum in pri- ma delectorum examinatione consistunt. Nec leve putetur hoc offici- um, aut passim quibuscunque mandandum: quod apud veteres inter tam varia genera virtutum in Sertorio præcipuè constat esse laudatum. Tu-

ventus

ventus erim, cui de se ipso provinciarum, cui committenda bellorum fortuna, & genere si copia suppetat & moribus debet excellere. Honestas enim idoneum militem reddit. Verecundia dum prohibet fugere, facit esse viduam. Quid enim prodest, si exerceatur ignavus? si pluribus stipendiis moretur in castris? Nunquam exercitus profecit tempore belli, cuius in probandis tyronibus claudicavit elector. Et quantum usu experimentisque cognovimus: hinc tot ubique ab hostibus illatae sunt clades, dum longa pax militem negligentius incuriosiusque legit, dum honestiores quique civilia sectantur officia, dum possessoribus addicti tyrones per gratiam aut dissimulationem probantur, talesque sociantur armis quales domini habere fastidiunt. A magnis ergo viris magna diligentia idoneos eligi convenit juniores. Sed huius rei usum dissimulatio longa securitatis abolevit. Quem invenias, qui docere possit, quod ipse non didicit? Primi Lacedaemonij experimenta pugnarum de exercitiis colligentes rem militarem, quae virtute sola vel certe felicitate creditur contineri, ad disciplinae peritiæque studia revocarunt, ac magistros armorum juventutem suam usum varietatemque pugnandi praeceperunt edocere. O viros semina admiratione laudandos! qui eam praecipue artem discere voluerunt, sine qua aliae artes esse non possunt. Horum sequentes instituta Romani, Martij operis praecepta & usu retinuerunt & literis prodiderunt. Quantum in praelijs Lacedaemoniorum disciplina profuerit (ut omittam ceteros) Xanthippi declaratur exemplo: qui Attiliam Regulum Romanumque exercitum saepe victorem, cum Carthaginensibus non virtute sed artis ferè solo auxilio prostratus exercitibus, cepit ac domuit: unaque congressu triumphans bellum omne consecit. Nec minus Hannibal petitorum Italiam Lacedaemonium doctorem quae fuit armorum, cuius monitis tot Consules tantasque legiones inferior numero ac viribus interemit. ERGO QVI DESI-
DEBAT PACEM PRÆPARET BELLVM: QVI VICTO-
RIAM CVPI T MILITEM IMBVAT DILIGENTER:
QVI SECVNDOS OPTAT EVENTVS DIMICET AR-

TE NON CASV. NEMO PROVOCARE NEMO AVDET OFFENDERE QVEM INTELLIGIT SVPERIO.
 l. 2. cap. 23. REM FORE SI PVGNET. *Tempore hyemis de regulis & scandulis, quæ si deessent certè de canis ulva & culmo, & porticus tangebantur ad equites & quædam veluti basilicæ ad pedites; in quibus tempestate vel ventis aère turbato, sub tecto armis erudiebatur exercitus. Cæteris autem hibernis diebus, si nives pluvieque cessarent, exerceri cogeantur in campo: ne intermissa consuetudine animi militum debilitarentur & corpora. Sylvam cedere, portare onera, transilire fessas, natæ in mari sive flumine, gradu pleno ambulare vel currere etiam armatos cum sarcinis suis, frequentissimè convenit; ut quotidiani laboris usus in pace difficilis non videatur in bello. Sic ergo legio suærit sive auxilia, exerceantur assiduè. NAM QVEMADMODVM BENE EXERCITATVS MILES PROELIVM CVPIT, ITA FORMIDAT INDOCTVS. POSTREMO SCIENDVM EST, IN PVGNA VSVM AMPLIVS PRODESSE QVAM VIRES. NAM SI DOCTRINA CESSET ARMORVM NIHIL PAGANVS DISTAT A MILITE.*

Omitto hic brevitatis causa multa, quæ varijs in locis ad eandem rem pertinentia ab eodem Vegetio præclarè dicuntur: & quemadmodum tyrones ad gradum militarem & cursum, & ad palum, & usum natandi exerceri velit: præterea ut potius punctum quàm cæsum ferire; ut missilia destinato ictu, lapidem item jacere, arcu scienter uti, pondus grave portare, decurrere, servare in acie ordinem, castra solerter munire discant. Quæ qui velit apud eum videat: mihi hoc unum quod sequitur caput e.
 l. 1. c. 28. pilogi cujusdam instar adjecisse sat erit. *In delectu atque exercitatione tyronum si quis diligens velit existere, ad antiquam virtutis imitationem facile corroborare poterit exercitum. Neque enim degeneravit in hominibus Martius calor: nec effata sunt terræ, quæ Lacedæmonia, damonios, quæ Athenienses, quæ Marfos, progenere. Sed longe securitas*

caritas pacis, homines partim ad delectationem otij, partim ad civilia traduxit officia. Ita cura exercitij militaris primò negligentius agi; postea dissimulari, ad postremum olim in oblivionem perducta cognoscitur. Nec aliquis hoc superiore ætate accidisse miretur, cum post primum Punicum bellum, viginti quatuor circulis & quod excurrit annorum, pax ita Romanos illos ubique victores otio & armorum desuetudine enervaverit, ut secundo bello Punico Hannibali pares esse non possent. Tot itaque Consulibus, tot ducibus, tot exercitibus amissis, tunc demum ad victoriam pervenerunt; cum usum exercituumque militare condiscere potuerint. SEMPER ERGO LEGENDI ET EXERCENDI SVNT JUNIORES. VILIVS ENIM CONSTAT ERVDIRE ARMIS SVOS, QVAM ALIENOS MERCEDE CONDVCRE.

Ex his unius Vegetij scriptis, quibus omnium historicorum consensus accedit, satis constare arbitror: quæ fuerit olim apud Romanos rei militaris disciplina atque institutio. Neque ea solum Romanis fuit, sed & Persarum antè fuerat, & nonnulla etiam ex parte Macedonum, & omnium denique populorum qui claram nominis sui memoriam ad posteros transmiserunt. Qua de re videat qui velit Xenophontem, hominem rei bellicæ peritissimum, quæ scribat de Cyri majoris in militibus legendis exercendisque ratione, ab ea quam modò dixi Romanorum consuetudine haud longè diversa. Quo quidem ille ita parato exercitu brevi tempore penè totius Orientis imperium sibi adjunxit. Arrianus etiam haud ignobilis scriptor concionantem in Macedones Alexandrum, eosque ut beneficiorum immemores accusantem, his verbis inducit: *Philippus pater vos errantes ac vagos, rerum omnium inopes, plerisque etiam pellibus amictos pastores, pro quibus cum Illyricis Triballis Thracibusque finitimus continuè pugnabatur, in tutelam ac fidem suam recepit: ex montibus asseris in plana & culta deduxit: pro pellibus*

Ty 3

chlamy

chlamydes ornatas ferre dedit: armis instruxit: rem militarem docuit: ut non magis. locorum munimentis ac situ contra finitimos quàm armis & virtute vestratuti essetis. Quibus ex verbis satis apparet: quibus primordijs iacta sint illius celebris rei militaris Macedonicæ fundamenta: nimirum ex hominibus agrestibus montanis & pastoribus. Sunt etiam ijs quæ supra dicta sunt consennæ, quæ memoriæ prodidit Diodorus Siculus: *Philippus, inquit, conversus ad emendandum militarem disciplinam, curavit, ut decentibus armis milites sui instructi essent, ut meditationibus bellicis exercerentur.* Excogitavit præterea ordinem illum Phalangis, quæ Macedonum peculiaris fuit, sumto exemplo heroum qui clypeos clypeis conjungebant in bello Trojano. De his jam factis veteranis, deque eorum fortitudine, ubi Alexandrum urbem Halicarnassum oppugnantem describit, idem Diodorus ita meminit: *VETERANI Macedones, qui per totum ætatis spacium semper in rebus arduis & periculosis versati erant, & sub Philippo merentes frequenter victoriam consecuti ad summam fortitudinem ita provecti fuerant: prudentia & rei militaris cognitione longè omnibus præstantes: tyronibus pugnam detredantibus amarissimis verbis ignavia exprobatâ, ipsi in unum coacti consertis simul clypeis, hostes, qui jam se vicisse arbitrabantur, exceperunt, Ephialteque & multis alijs interfecit reliquos in urbem fugere compulerunt.* &c. Horum militum virtuti devicti orientis & tanti imperij gloriam Alexander acceptam retulit.

Sed jam eosdem (quos supra dixi) obclamantes audire mihi videor, aliam fuisse illorum aliam nostri temporis esse rationem: illa jamdiu obsolevisse: puerile ac nugatorium esse, vetustate sepulta in lucem & usum velle revocare: debere nos nostri seculi sapientiâ contentos esse. Ego verò etsi possum ostendere, quod illis temporibus utile & fructuosum fuerat non minus utile & accommodatum fore rebus nostris, ta-

ome

men non agam multis rationibus cum iis, qui rationi non facile videntur velle dare locum, sed ratiocinatione omitta ducam eos in rem presentem & veluti digito fontem commonstrabo. Rogabo itaque ex istis, qui cum ipsi nihil quod opus sit facto in medium adferant, tamen ne nihil sapere videantur alienis consiliis impensè detrectant: Num militem Turcicum in militibus numerari patiantur? Ac credo equidem, qua sunt pervicacia, non facile assensuros. Sed tamen si dubitent, ego pro eis respondere non dubitabo: eum qui tantum terroris toti terrarum orbi intulerit, quaeunque ingressus sit tantam flagem fecerit tantum trophaeorum erexerit, jure militem censerè. Rogabo deinceps, hic miles quomodo in militiam legatur, quomodo instituat.

Quod si se scire negabunt, dicam quæ ipse praesens vidi, quæ meo periculo didici: Militem Turcicum nihil aliud esse; quam hominè ita natum, ita lectum, ita informatum & exercitatum, ut paulo ante de Romanis dixi, & à nobis contendo fieri oportere: nisi quod hic aliquanto deteriore conditione est. Nam quod ad militem attinet, qui ituro in expeditionem Turcarum Principi ultrò se offert ac nomen dat, quem Alangiam vocant, ei apud Turcas exiguus honor est. Is miles habetur in pretio, qui perpetuo ejus Principis stipendio meret, quique certo judicio ac ratione in ejus Principis legiones praetorianas relatus est. Cujus deligendi hæc ferè ratio est. Mittit quorannis Turcarum Princeps certos homines in diversas provincias, qui de pueris è Christianis hominibus nat s tertium aut quartum quemque possant. Horum puerorum gregibus Constantinopolim perductis, qui liberaliore sunt aspectu, aut ingenij majorem indolem præ se ferunt, ipsius Principis, aut Bassarum, aut aliorum Satraparum domesticis usibus applicantur. Reliqui perducuntur in locum, in quem magna omnis generis hominum

minum multitudo præsertim rusticanorum confluit. Hi de istis pueris ab eo qui ei negotio præest quos visum est deponunt. Ille, accepro nummo aureo, puerum petenti tradit: prius nomine ejus patria & conditione pueri, item annis signisque quibus per omnem ætatem dignosci possit, in publicas tabulas relatis. Sic illi liberum est, seu rusticus sit sive urbanus, puerum trans mare in Asiam, seu quocunque terrarum velit, ubi domicilium habeat, abducere: ubi assidue labore atque opere cum ut mancipium exerceat. Pueri cibaria præbentur panis & aqua, & interdum, loco obsonij, pultis aliquid aut fructuum aut herbarum: vestitus suppeditatur, quo se adversus cœli injuriam tueri utcunque possit. Ad hæc disciplina & religione Mahumedana instituitur. Ita deliciarum nescius, procul à propinquorum blanditijs, in virum robustum & cuius labori ferendo parem adolescit. Hic cum est opus ab illo fiduciario hero reposcitur, & ad rem militarem traducitur: atque ex hoc veluti seminario, diminutis Gianizarorum legionibus, supplementum subrogatur. Ad Gianizaros rescriptus primò meret menstruo stipendio, paulo plus minus unius ducati cum dimidio. Id enim militi novitio & rudi satis esse censent. Sed tamen ne quid victus necessitati desit, cum ea decuria in cujus contubernium ascitus est, gratis cibum capit; ea conditione, ut in culina reliquoque ministerio toti ei decuriæ seruiat. Sed eum rursus, qui est ejus decuriæ armorum peritissimus, præceptis militaribus erudit, quotidianaque exercitatione arma scienter tractare docet. Ita robur laboris patientiam & usum armorum adeptus tyro, nec dum tamen suis contubernalibus honore neque stipendio par, unam in sola virtute se illis æquandi spem habet; utpote, si militiæ, quæ prima se obtulerit, tale specimen sui dederit, ut dignus judicetur qui tyrociniq̃ exemptus honoris gradu & stipendij magnitudine

rudine reliquis Gianizaris par habeatur. Qua quidem spe plerique tyrones impulsu multa præclare audent, & fortitudine cum veteranis certant. Itaque ampliore honestantur stipendio; quod octo ducatorum in Gianizaro summum est. Quem tamen si virtus ac merita ad altiore locum vocent, aut ordinibus inter suos ducendis præficitur, aut equitibus prætorianis, quos Spahias vocant, adscribitur. Qui supersunt ex ijs pueris quos supra dixi, Constantinopoli varijs operibus exercentur. Itaque sæpe videas eos aut ecc purgare aream, amoliri rudera, ferre lapides aut tigna, aut alia onera. Otium nulli permissum, nec cui victus gratis constat. Hi similiter postquam adoleverunt, aut in terrestres aut maritimas copias transferuntur. Et qui in Principis aulam servitiumque lecti sunt, ferè evadunt in viros primarios, maximisque muneribus, ut cujusq; aut sors aut mores tulerunt, præponuntur. Ex his supremi Gianizarorum duces, classium præfecti, Bellerbeghi, atque ipsi denique Bassæ Visirij deliguntur; his etiam in matrimonium ipsius Principis filia collocantur. Quibus me satis planum fecisse arbitror, qui sit ortus, delectus, disciplina, atque educatio, istius toto terrarum orbe tantopere formidati militis Turcici. Neque tamen negavero, patere item alios ad ordinem militare aditus: sed hæc ratio atque via inter illos usitatissima est. Nam quandoque etiam militem legunt ex ijs pueris aut adolescentibus, quos excursionibus aut bello nobis indicto captos, intra claustra domosque, quas Serraglia vocant, multos annos inclusos habuerunt. In quibus, posteaquam omnem memoriam sensumque patriæ & rerum nostrarum ac præsertim religionis deposuisse, atque in ludis cum Arabicarum literarum tum armorum Turcicorum sub præceptoribus eunuchis satis magnos progressus fecisse videntur, eos demum scriptis illis emissos caelo restituant, & ad ea rei militaris munera traducunt, ad quæ maximè videntur idonei. Bassarum

Zz

quo-

quoque atque aliorum purpuratorum servi, bello vel alia ratione quæsit, in numerum militum sæpe reponuntur. Nec tamen ex his, quos dixi, quisquam sine certo discrimine iudicioque recipitur, sed explorata prius uniuscujusque corporis atque animi firmitate, ut tueri eum locum possit cui sit ascriptus. In quo sanè sæpenumero sum admiratus vim disciplinæ atque institutionis Turcicæ, cum viderem homines apud nos contemptos & abjectos, paucis annis tantum profecisse apud istos, non modò ut gregarij militis nomen egregiè sustinerent, verum etiam omnium Turcarum iudicio digni haberentur, quorum disciplinâ alij militiæ rudimentis imbuerentur. Fiebat enim nonnunquam, ut cum animi causa de fenestra in publicum prospicerem, assidentes Turcæ quosdam mihi commonstrarent, quos propter egregium armorum usum tyronibus instituendis præfectos dicerent. Rogabam qua gente aut qua natione essent oriundi. Nam qui inter eos armorum opinione tantopere excellent, nescio quos Parthos Bactrianos aut Massagetas cogitatione mihi fingebam. Sed audiebam, hunc esse Hungarum, illum Croatam, tertium Germanum. Mirabar equidem; verum tamen hanc tantam præstantiam ex usu armorum quæ apud nos tractassent, quòd nobili loco nati, quòd liberaliter instituti, quòd militassent, proficisci suspicabar. Pergebam quærere, num scirent, quem illi apud nos locum tenuissent, quodue genus vitæ secuti fuissent. Illi cum aliquantisper cogitassent, in memoriam venire sibi aiebant: hunc solitum dicere, se nescio cujus coqui fuisse puerum: alterum se vitæ monasticæ initiatum: illum verò cauponi promendo vino locasse operas: cosque belli vel induciarum tempore interceptos, atque in reliqua præda Constantinopolim perductos, in istius vel illius Basilæ familiam pervenisse. Hic ego etiam magis admirans: & quidam, inquam, fieri potuit, ut isti evaderent in tantos bellatores?

tores? Commemorabant, dominos quibus illi obtingissent domi habuisse viros insignes magistros armorum, magno iudicio scientiaque rei bellicæ præditos, quibus (cùm eos tum ex corporis tum ex animi signis dignos judicassent, quibus operam impenderent) in disciplinam traditi essent: sub quibus brevi tempore tantum profecisse, ut omnes æquales longè superarent, & non obscuram futuræ virtutis spem de se darent: secuta deinde fuisse bella, in quibus navatâ strenuè operâ eximiæ fortitudinis ab omnibus laudem ac testimonium reportasse: hinc ad tantam auctoritatem pervenisse. Cum hæc audirem afficiebar non mediocri dolore; nostros mores ab hac Turcarum consuetudine tantum differre; hanc illis rationem invidēbam. Habent enim hoc omnino Turcæ, ut hominem nacti cægregium, tanquam adeptirem preciosam, vehementer gaudeant; neque in eo excolendo quicquam laboris aut studij prætermittant, præsertim si ad rem militarem idoneum esse cognoverint. Nostra longè diversa est ratio. Nam nos quidem si quem bonum canem, accipitrem, aut equum sumus nacti, valde lætatur: neque ulli rei parcimus dum illum ad summam in suo genere perfectionem perducamus: in homine verò si quem præclara indole nancisci contigerit, non perinde elaboramus; neque ejus institutionem ad nos magnopere pertinere existimamus. Ac nos quidem ex equo cane atque accipitre bellè assuefactis varias oblectationes multiplicemque usum capimus: sed Turcæ ex homine bonis moribus informato tanto maiorem, quanto reliquis animantibus natura hominis præstantior est atque excellentior.

Iam verò ex ijs, quæ hætenus dicta sunt, satis constare arbitror: non novum neque inauditum esse, quod de milite certo cum iudicio deligendo instituendoque contendo: sed cum ab ipsis Romanis, tum à cæteris gentibus quæ imperia tenuerunt

Zz 2

aut

aut armorum laude floruerunt, usurpatum; neque rursus adeo obsoletum aut à nostræ ætatis moribus tam remotum, ut ad usum nostrum revocari non possit, quandoquidem experiamur quotidie, quid ex culta tali disciplina Turcorum arma valeant: modò ne nos pigeat rei adeò necessariæ ab illis partem mutuari, quando illos tam multa quæ ex usu suo essent de nobis sumere non puduerit. Quod si fecerimus, faxim profectò, ut brevi cognoscamus, non minus ad salutem nobis bonam disciplinam valere, quàm hactenus ad nostram perniciem valuisse senserimus. Quæ quidem una restat, in hac periculosissimâ tempestate veluti anchora sacra: qua afflictæ reipublicæ nostræ penè naufragam navem retinere, jugum à cervicibus, eadem à capitibus nostris depellere queamus. Vnaquæque res qua ratione paratur eadem stabilitur & conservatur. Vt regna atque imperia virtute militari beneque instituti exercitus viribus quærantur, eadem etiam ratione conservantur. Si tollas arma, removeas militem, disciplinam negligas: mox aut per se regnum concidet, aut in prædam cedit finitimus. Ad regni majestatem conservandam non tam diadema aut sceptrum prodest, quàm ferrum. Frustra illo caput ornes, hoc dexteram, nisi gladio accinctum sit laevis. Nisi ferro muniatur, debile ac mancum fuerit omne imperium. Neque ulla unquam diuturna potestas erit, quàm arma non tutentur. Sed arma dico; non falso nitore specieque fallentia, sed vera, sed solida, sed omni vitio expurgata. Quicquid corruptum est atque à sua perfectione degeneravit, aut minimum adfert utilitatis, aut non modò nihil prodest verùm etiam nocet. Quamdiu arma Romana militari disciplinâ viguerunt, extremæ tum quæque orbis terrarum oræ eorum legionibus paruerunt: sed postquam disciplina corrumpi, virtusque militum neglectis veteribus institutis remolliri cœpit, non modò maxima Imperij pars amissa,

sa, sed ne ipsius quidem urbis Romæ mœnia suo præsidio Quirites à cæde direptioneque incolumes præstiterunt. Itaque tunc illa gentium omnium caput ac princeps civitas cunctis nationibus prædæ aut ludibrio fuit: non secus sua spolia atque exuvias repetentibus, quàm ab illo graculo Æsopico cæteræ aves suas plumas. Nobis verò eò minus tergiversandi occasio datur, quò mortiferum vulnus nobis propinquius imminet, quò magis viscera nostra hostium telis nuda patent, nec ulla nobis præter hanc unam ad spem salutis via proponitur. Quam superatis & perruptis quibuscunque impedimentis, si quicquam nobis rerum nostrarum carum est, sine dubitatione persequi debemus. Est ubi reipublicæ moderatori, propter rei novitatem, propter præsentis sæculi mores, propter civium captum & ingenium, aliasque item manifestas difficultates, ab eo quod erat rectissimum nonnihil interdum desistere liceat. At in hujusmodi angustijs deprehensis, ubi certum communis salutis excidium ante oculos positum sit, constanti animo per eam semitam, quæ sola ad arcem & præsidium patet, enitendum. Is populis, quibus adhuc longæ sunt spes quòd ab hoc hoste procul disjuncti sunt, licet quibusvis vel linteis si velint armis corpus regere, adversus tela quæ nondum ad eos perungere possunt. Nobis, qui intra hostilis teli jactum versamur, vel qui cum hoste potius jam ad manus & gladios venimus, non nisi probatissimis & firmissimis armis salutis nostræ tutela committenda.

Sed non deerunt, quibus hic nostrarum virium apparatus tenuior, neque satis idoneus videbitur qui tantis Turcarum opibus atque potentæ opponatur. Quibus respondeo; à me id agi, ut solida perennis exercitus fundamenta jaciatur, usque semel constitutis in reliquo ædificio construendo

non multum fore negotij polliceri. His enim initiis positis, quicquid accesserit auxiliorum mox iusti exercitus corpus efficiet. Accessura autem impensius auxilia, ubi jam nos nobis de non contemnendo præsidio prospexisse, paratisque in hostem copiis excubare, longè lateque fama dissipaverit, clarius est quàm ut multis demonstrare sit opus. Etenim natura penè ipsa nos ijs conciliat, quos armis atque animis ad quemcunque fortunæ motum conatumque paratos videmus. Contrà verò ab eorum benevolentia nos revocat, quos inermes imbellesque cuicunque obnoxios injuriæ animadvertimus. Itaque præclare Xenophon ut reliqua omnia, eos qui semper in promptu & expedita habent arma hoc consequi dixit, ut amicos habeant multos, inimicos nullos: siquidem ad eorum amicitiam qui possint prodesse omnes libenter accedere, tanquam ad arcem ubi rebus suis dubijs temporibus perfugium paratum sit: quemadmodum ex altera parte inimicum habere nemo velit, quem ita semper instructum & paratum horrit, ut cùm velit nocere possit. Quæ ratione fit, ut dum cessamus ipsi neque quicquam conamur, dum hastas abicere ac de nostra salute desperare videmus, atque ex alienâ tantùm ope pendemus, omnes propemodum non modo vicinitatis sed etiam sanguinis necessitudine nobiscum juncti nos contemnant & deserant: ad armatum vero & sibi præidentem hostem etiam illi sese aggregent, quos si nihil aliud certè diversissima religionis ratio retraxisse debeat. Tanta vis est expeditorum armorum. Quod itaque felix & faustum sit, in DEI omnipotentis nomine eamus ad saga, capeamus arma; eo quidem animo quo decet contratantum hostem. Ipsi primi armipotentis Minervæ sacris initiemur; ejusque studiis nos totos devoveamus: primi manum adhibeamus stiræ: & nostro pro viribus fungamur officio. Deus mox conantibus aderit. Neque deerunt

destrunt cū vicinorum tum necessariorum auxilia; ubi nos nobis non deesse cognorint. Non conquiescamus; donec ut minimum (quod exempli causa dictum velim) præter ordinaria præsidia XII millia peditum (nam de equitatu dicemus aliàs) ex nostris popularibus delecta, probè armata exercitataque habeamus. Hic animus & hoc institutum nostrum non modo vicinorum & necessariorum nostrorum, verū etiam alienorum insperata auxilia cum res poscet conciliabit & adjunget. Quod si quandoque nos omnia destituant, his tamen copijs, & æstatis tempore munitionibus inclusi hostium impetum reprimere, & hyeme ita in eorum fines incurrere poterimus, ut lacerasse illos pœniteat; atque inducias, quas vix nunc à se redimi patiuntur, cū perant ultro, tum multò quàm fert eorum consuetudo servant diligentius. Nunc quicquid in repuerit trepidare cogimur: & si præsidia nostra laborent, aut nec opinata aliqua vis subitam opem requirat, nihil habemus, quo vel nostris subsidio ire, vel hostium impressionem morari saltem & retardare queamus.

Sed hæc (dicendum est enim tanta de re sæpius) studium quoddam eximium & singulare desiderant. Neque verò alibi non modo cogitationum sed nec delectationum nostrarum maiorem partem rectius collocaverimus. Neque ulla ex re laudem iustius quæsierimus: quàm si nostras copias indies virtute & disciplinâ magis magisque proficere & coalescere videamus. Placeant sibi alij auratis rectis: alij exquisitis hortorum amœnitatibus delectentur: ornamenta domus alij signa tabulas & plurimum lautæ supellectilis ostentent. Nobis hæc pacis decora, hæc belli præsidia faciant animos, his nos amicis qui ad nos diverterint venditemus, his gloriemur. Quid enim præclari hospitis oculis possit esse grauius, quàm videre
tan-

tantum selectæ juventutis numerum , armis fulgentem , robore & velocitate præstantem , sclopeto hasta gladio & quocunque teli genere pulcerrimè decertantem , ad omnes præfectorum nutus quacunque se circumagentem versantemque, denique summa vultus atque animi alacritate hostem & prælium deposcentem ? Hujusmodi juventutem, imperii spem ac fundamentum, videlicet Gianizaros, non immerito Turcarum Princeps filios suos vocat. Memorant Philopœmenem, quem Græcorum imperatorum ultimum dixerunt, cum videret antiquam Græcorum rei bellicæ laudem per ignaviam & disciplinæ militaris neglectum senescentem brevi intermorituram, atque ei rei ut patriæ amans civis inprimis subventum cuperet, haud parvum nobilissimæ juventutis comitatum sibi ascivisse, quem belli artibus institueret: cumque aliquando cum hoc juvenum globo, militari vestitu decenter ornato, in quoddam Græciæ theatrum multitudine hominum refferum introiisset, magnum illi ab universo illo populo plausum datum, summisque exceptum laudibus. Cujus quidem plausus is sensus fuit; quòd ille populus intelligebat quid ei civi deberetur, qui patriæ gloriam quantum in se esset ab interitu revocaret, & juventutem ad militare decus virtutemque capeffendam excitaret. Nos quoque quis dubitet, quin Diis hominibusque approbantibus, summo totius populi Christiani applausu, communis salutis causam simus suscepturi, labentemque rei militaris laudem in pristinam dignitatem vindicaturi.

Sed non ero longior; & finem faciam si prius eò paucis me retulero unde hæc defluxit oratio: si monuero & inclamavero, si obtestatus fuero, ut in tanto periculo, inquanto post orbem terrarum conditum nulla unquam gens versata est, ab eo cui

eo cui indormivisse videmur veterno aliquando excitemur, relique publicæ ad exitium ruenti succurramus: has sedes, hoc nomen, hæc decora, tantâ cum laude à majoribus nostris par- ta & nobis tradita, conservata velimus. Conservandi autē uni- cam esse rationem: si adversus vim ad vim & arma nos conver- tamus; arma verò non fortuita neque tumultuaria nec procu- l quaesita, sed expedita, sed magno iudicio magnâque ratione delecta exculta & instituta. Nihil postremò nobis debere vi- deri tanti sciamus, quod ut huc perveniatur non cupidè sube- amus. Exemplo eorum qui loco parùm munito formidolo- sâ premuntur obsidione: qui cum jam jamque in hostis pote- statem venturos se videant, omniaque extremæ crudelitatis exempla ab insolenti victore timeant, ad eum repellendum ni- hil non perpetiuntur & faciunt, neque quicquam grave sibi ducunt, neque ulli rei parcunt, modò summæ rerum & publi- cæ saluti consulant. Quòd si secus statuerimus, nobisque & reipublicæ per ignaviam aut mentis errorem defuerimus, re- lictum iri aliud nihil, quàm ut aut migremus in alias terras, (quod multæ sæpe fecerunt gentes vicinorum injuria coactæ) avitisque possessionibus hosti pro victoriæ cumulo relictis ejus inmanitatem fuga declinemus, aut certè ad unum pereamus omnes. Sed migremus citius: (si adeò in nobis omnis obso- levit virtus) bonaque nostra agros tecta lares hostis ante pos- sideat, quàm corpora: quàm sanguinem nostrum hauriat, quàm liberorum & conjugum pudori fœdissimè illudat, & (ut uno verbo dicam) potius quàm eam rerum omnium indigni- tatem videamus, quam tot Asiæ Africæ atque Europæ popu- li ab Orientis regionibus ad nostros usque fines majore ter- rarum quam temporum intervallo subierunt. Nam cum iis- dem nos quibus illi vestigiis ad exitium præcipitemus, sitque

A a a

idem

idem prorsus rerum nostrarum qui fuit illorum antequam perirent status, idem in caussa pari nos exitus manet. Sed cur migremus? Militemus potius: & quæ nobis salutis subsidia largissimâ manu Deus benignè suppeditat, alacres & grati suscipiamus. Nos ad arma, in quibus post Deum spes una salutis superest, ingentibus animis atque ita convertamus, ut virtute nostrâ, & magnitudine periculi, & exitio quod nobis impendet, dignum est.


JOAN-

JOANNIS COMITIS TAR-
NOVII, IN POLONIÆ REGNO
STRATEGI NOMINATISSIMI

DE BELLO
CUM JURATISSIMIS CHRISTIANÆ
FIDEI HOSTIBVS TVRCIS
GERENDO

DISPVTTATIO SAPIENTISSIMA.

CUM PRÆFATIONE JOANNIS STRA-
SII AD CAROLVM V. ROM. IMP.
SEMPER AVGVSTVM.



Esi nullum tempus prætermitti, CAROLE IMPERATOR, tua Majest. certum est, assidue cogitandi de communi Christianæ reip. salute, atque immanissima barbarie Turcica propulsanda: non ob id tamen arbitror ejus officium reprehensum iri, qui tam anxio & perturbato planeque confuso communium temporum statu, humiliter atque fideliter consulere aliquid in medium piâ quadam & Christiana propensione conetur. Siquidem hujusmodi rerum facies oculis obiecta est, ut meritò cuiusvis consulenti pro communi salute, tanquam gregarij militis voci inclinatis rebus in acie apud Imperatorem, locus esse debeat. Immo sæpe profuisse in publica trepidatione infirmorum consilia, haud obscuris documentis est cognitum. Neque enim, IMPERATOR INVICTISSIME, hoc quisquam suscipit aut tentat, ut curas aut sollicitudines divini animi tui, orbis terræ procuracionem complexas, se acueri, augere, aut limare posse existimet. Quod in tantâ sapientia tua, ac tanto maximarum rerum usu, & summa copia prudentissimorum hominum, cogitare esset extremæ dementiæ atque intolerabilis arrogantia. Sed cum ipsum periculum in præsentia vel longissimè distitos attingat; jamque hoc flagrans incendium longè lateque devastationem ac ruinam minetur: æquum est omnes paratos promptosque ad ejus exstinctionem accurrere: ac tua M. Principi & auctori pulcerrimi operis præferenti signa, officium quisque suum pro virili exhibere. Sic ego, etsi forte sapientiæ tuæ in tanto Imperij fastigio probare meam sedulitatem & conatum minimè possim, tamen deferendum putavi: ne in tanta concursatione proferentium undecunque debitum suum officium, solus relictus ignaviæ ac jocordiæ maculam sustineam.

Quod interim ita à me exhibetur, ut nihil hîc sit meum, atque proprium, exque meo penu depromptum. Totum est illius viri, qui propter summam autoritatem, & incredibilem rerum omnium experientiam, in subsellis omnis prudentiæ consultissimorum meritisimò principem locum obtinebit. Non sum nescius, SAPIENTISSIME IM-

PERATOR, Comitem Tarnovium supremum ducem Regni Poloniæ, Majest. Tuæ notum esse & acceptum: qui propter peritiam rei bellicæ, & insignes victorias à barbaris hostibus reportatas, toto terrarum orbe illustrium meritorum fama celebratissimum nomen est consecutus. Hic tantus vir, optimus dux & gravissimus Senator, non modò sustinet personam huius consilij sed ejus indubitatus autor est & architectus. Apud quem è castris Hungaricus reversus, & Austriacam pestilentiam vitans, complures dies commoratus: pro veteri mihi constituta cum illo observantia & familiaritate, operam dedi, ut, quæ ille pro singulari suâ erga rempubl Christianam pietate, & incredibili erga M. Tuam ejusque fratrem Ferdinandum studio, tam necessario tempore maximè necessaria est locutus, in scripta referrem. Quæ nunc in cætu palàm se aduentum decumbens ex dolore pedum dixit: nunc remotis arbitrum seorsum mecum tractavit. Quæ quidem ex illius ore excepta, sine ullis orationis circinnis & calami stru purè simpliciterque recensebo. Et quamvis ejus vim & gravitatem in dicendo exprimere non possum: tamen enitar ut fines & terminos illius sermonis non excedam. Qui sanè sermo quamvis non uno tempore ab eo decursus est continenti oratione; sed interpolatus diebus & successivis horis habitus: tamen ita dilucidè graviter articulatè de toto negotio Latine disseruit; ut faciliè animadverti poterit, in quot partes sermo ille per eos dies habitus esset divisus. Primum enim ratiocinatus est de concordia Christianorum Principum: Deinde de officio Imperatoris ad tantum bellum, & quibus rebus nobis Turci prastarent; Postremo quibus copijs & viribus, DEI ope, cum hoste barbaro possit configi, ac quibus Christiani illos antecellant.

Ptinam Majest. Tuæ, INVICTISSIME IMPERATOR, conatus hic meus tam gratus existat, atque magnâ animi abacritate suscipitur: ut si forte vir ille, ex raro hominum genere Dux, institutum tuum nullo invento juverit: tamen non inglorium putandum est, Principes viros, longissimis locorum spatijs disjunctos, cum Majest. Tua multò sapientissima, idem sentire. Sed jam ipsum loquentem audiamus:

*mus. Quis sit ejus sensus de universa re exponam. Ipse autem introdu-
citur perpetuo contextu singulas partes tractans, ne molestissima
illa voces, inquam & inquit, sepius repetantur. De concordia au-
tem sic exorsus est.*

Equidem mihi conscius sum in omni rerum usu mediocritatis atque adeo potius tenuitatis meae: tamen cum post hanc funestam cladem, tantam ubique trepidationem, pavorem, ac consternationem secutam audio; ut Christiani fracti ac debilitati barbari hostis adventu animos despondere videantur; putavi me sine scelere & communis religionis offensione praefermittere non posse, quin sensum meum de hoc statu rerum aperirem, & si tortè nihil novae medelae prae ceteros asserrem, benè tamen & rectè sentire voluisse cum alijs bonis viris cognosceret. Sed cum de modo & ratione arcendi hujus hostis cogito, nihil tam adversarium est, nihil tam obstat spei & fiduciae conficiendi hujus belli, quàm dissidium Principum Christianorum, ac mutuò se delendi, nunc clam, nunc palam, mirifica studia. Quae sanè nisi restructa fuerint, remissa, aut sedata; frustra recipitur omnis cogitatio de Turco profligando. Quare non possum non aperte & liberè, quid de hac parte sentiam, referre; antequam rationem ipsam gerendi belli attingam. Longum esset Christianos Principes admonere sui officij: cujus rationem referendam esse aliquando Summo Deo, non possunt ignorare. Taceo illa, quae etiam in privatorum reconciliatione interponuntur: hoc vel illud resarciendum: si quid delictum sit compensationem inducendam, atque id genus passim nota. Hoc autem animadvertant, ultionem ex privato odio, quam arbitrantur in inimicum tendere, omninò in detrimentum ac perniciem totius Christianitatis vergere. Deberet profectò maledictio, & dira hominum imprecatio, atque perpetua illa infamia, quae ipsis ob hujusmodi facta inurit, aliqua ex parte eos

te eos movere. Deberent Reges nominum dignitatem & vim
tueri quam sustinent, nisi se notatos omni macula & turpitu-
dine apud posteritatem velint. Deberent in idem incumbere &
facto qui Evangelium sequi se purè profitentur. Nam vel ipso
sole clarius est, religionem nostram, nobis dissidentibus inte-
stinis odijs & bellis, opprimi & extinguì, Mahometi sectam
crescere & propagari. Discant Christiani Principes, exemplo
verborum hostis nostri fidem suam propagare. Is in confœde-
ratione olim cum Ioanne Rege requisitus, ut aliqua castra re-
stitueret; respondit, id se libenter facturum, nisi obstarent tem-
pla Mahometicæ religioni dicata: quæ non licere sibi tradere
in manus GAVRORVM (ita enim Christianos vocant) profe-
rebat. Si commiseratione & pietate non moventur, cogitent
commune periculum, & futuram calamitatem aliquando in
ipsos redundaturam. Nam constat, non defuisse potentes Mo-
narchas, florentes magnis opibus, quos publicus Christiani no-
minis hostis ejusque majores subjugarunt. Decimus jam Tur-
corum Caesar dominatur: qui sanè quantum sibi ditionum sub-
jecerit, nemo est qui non videt. Fallitur, qui putat eorum am-
bitionem facturam modum. Grassabitur hoc malum, quo us-
que pervadat eorum dominia, qui nunc sunt non parva causa
hujus dissidij. Nemo arbitretur ab eo occupatam Hungari-
am, ut conquiescat, ejusque finibus contenta aut expleta sit in-
finita & insatiabilis Barbari cupiditas. Non est existimandum
aliter, quàm eos multò acrius gloriæ & famæ stimulis agitari, quàm
Christianos. Vbicunque trophæa fixerunt, ibi non modò finis
cupiditati, sed initium aliud ex alio novæ cupiditatis novo suc-
cessori locatur. Certè ob privatas similitudines non deberet Chri-
stiana respublica negligi; cum videamus omnibus seculis apud
Ethnicos privatas offensiones crebrò salutis reipublicæ causa
sapienter condonatas. Quanto æquius est nos fatere; quibus
ne pri-

ne privatis quidem mutuo inter se flagrare odio, nostra persuasione concessum est: Turcus non propulsat, sed infert bella Christianis: Principes autem Christiani potius in mutua viscera hastas vibrant, quàm in illum hostem capitalissimum eas contorqueant. Cum verò id agunt ut videantur velle resistere, nunquam talem ordinem & delectum faciunt, ut iustis viribus eum propulsare queant. Plus hoc modo hostem irritant, quàm marceant, aut populos fidemque Christianam defendant. Vereor ne quis me concionatoris munus obire loquatur, si dixerò: Principes à Deo in terris constitutos, ut iustitiam ex æquo administrarent omnibus, subditos defendant, fidem propugnent. Adhæc infimum quemque de plebe coram Deo & hominibus reum agi, si non satisfaciat debito suo officio ac vocationi suæ: Quarrò magis ipsos Principes, quorum fidei & tutelæ commissi sunt, id facere par est? Sed hæc & id genus complura non dubito ab alijs dicta esse multò disertius. Vtinam à Principibus in actionem deducantur, quæ optima mente, quamvis odiosè, à viris bonis proferuntur! Non est ambigendum, si quis producto catalogo bonorum & malorum Principum interrogetur: cuius se similem esse optaret; quin respondeat mox nisi amens sit, se malle potius Principis boni nomen & vitam referre, quam mali, ut Neronis utpote tyranni, famamque sibi peroptare superesse bonam quàm malam. Nihil enim magis tyrannicum, quàm negligere suam famam, nec curare quid quisque de se existimet. Hanc si viam affectant; ita se gerant in administranda republica, ut laudabilem & sempiternam famam bonis operibus post se relinquant. Habet Cæsar & Rex Galliarum cæterique Principes Christiani latissimum campum benè merendi de fide nostra, sibi quæ & posteris suis æternum decus & nomen immortale comparandi. Summi Pontificis partes viderentur vel præcipuè, posthabitis privatis negotijs, Imperatorem & Regem Galliarum ad concordiam

Bbb

am.

am reducere: & si non possint firmam stabilire pacem, saltem in aliquod tempus, ut si Rex tam sanctum institutum adjuvare nolit nec tamen impediat. Eorum enim dissidio Turcus nanciscitur opportunitatem Christianos vexandi & affligendi bellis. Quod ad Imperatorem attinet, non est obscurum, & olim cum magnis sumptibus in exercitus atque apparatus classium factis, multis fœderibus initis, dissimulatis & condonatis injuriis, strenuam operam rei publ. Christianæ navasse: (Sic Viennæ, & in Aphrica, aliisque in locis factum: sed semper nescio quo fato, impeditum) & nuper Ratisbonæ, quantum fieri potuit, Principes inter se conciliasse: idque sedulo eum facere & facturum perpetuò minimè dubito. Utinam complures ad hoc sanctum opus sua pietate provocet, incendat, atque inflammet! Utinam tandem eatur obviam hosti; ne ultra grassetur in Christianos, lanietque ac dissipet & in nihilum redigat ovile CHRISTI! For- san DEVS servat IMPERATORI hanc laudem, ac omnibus qui ad tantum tam pium opus exsequendum suas vires conferent; nimirum ad propulsandum Turcum à cervicibus Christianorum. Si Rex Franciæ negat opem, aut ad hanc rem multò sanctissimam perficiendam subsidium, saltem non sit impedimento: & vel hac modestia præmium à DEO ab hominibus laudem promerebitur. Perspecta est optima voluntas Regis FERDINANDI, tot jam annos maximos labores sumptus & pericula pro rei publ. Christiana sustinentis. Credibile est etiam, domesticas discordias Germaniæ non futuras impedimento: Si Casarea Majestas suspensis controversiis ad aliquam legitimam cognitionem, concedat partibus pacem, vel ad tempus aliquod. Nam & proprium periculum quod impendit à Turcis, & alia multa impedimenta retinent eos, ne moveant ulli intestina bella. Quod si IMPERATOR conspirantem bonorum Principum voluntatem offendet, & hanc tam necessariam tam piam expeditionem parabit,

rabir, providendum erit, ut id sit certum ac cum constantia quadam ac fide bona agatur: ne posthac relinquuntur in periculo qui eos adjuverint, quique viciniore fuerint. Ut Venetis conrigit bis: nec non Vladislao Vngariæ & Poloniæ Regi, ad persuasionem Pontificis Eugenij suscipientis bellum. Nunquam patuit Christianis facilius aditus ad eum invadendum, quàm hoc tempore, quo penetralia Christianarum ditionum est ingressus. Non erit per asperos difficilesque montes quærendus: non per longè distita peculiosaque maria insectandus: sed jam est in visceribus Christianitatis. Nunquam hominum memoriâ potuit facilius & cum minore periculo quàm nunc debellari. Quando autem tam sanctum opus, justum, pium, & necessarium est agrediendum? Neque enim sine extremo malo omitti potest. Est hic hostis invadendus, antequam in Hungaria possessionem corroboret pedemque figat. Difficile enim posthac eijsci posset. Hungaria enim est provincia fortissima, validissimis oppidis & arcibus ac pluribus castris mirabiliter munita, Danubij fluvij infinita commoditate provisa. Est profectò Hungaria propugnaculum Christiani orbis. Inde nisi in tempore occurratur, hujus barbari hostis furore amissis copijs, reliquæ florentissimæ nationes longè lateq; direptione & incendijs deformari ac devastari possunt, multo etiam quàm olim ab Attila crudelius & immanius. Videmus enim & olim Romanis Imperatoribus maximæ curæ fuisse Pannonias, tanquam medium locum Europæ & cor Imperij. Inde patet aditus in Italiam, Germaniam, Poloniam: & ab altera parte in Illyricum & Turciam & totum orientem, nec ad Europam occupandam ulla sedes oportunior est. Magnitudo rei quam cautionem & provisionem requirar, ipsa me tacente per se loquitur. Si in illa provincia (quod Deus prohibeat) dominum suum firmaverit, difficulter extirpabitur. Quod si barbarus ad inducias aliquas se demittat, non est existi-

Bbb 2

man-

niandum, eas diuturniores fore, quàm quoad ille voluerit. Nec diutius sanè voler, donec in solo Hungariæ firmum pedem fixerit. Nemo debet ambigere, nisi prorsus alienus à Christiana fide, quin collocatâ fiduciâ in DEVM, Turcam possimus propulsare, ac etiam delere. DEVS non solet pro fide sua pugnautes deferere, si id bona fide egerint. Nec timenda est eorum multitudo: quæ magnâ ex parte imbellis est & inermis. Qui velint animum ad hoc institutum intendere, possunt animadvertere; non multitudine eos vincere, sed præcipuo adiumento eos uti ad victoriam dissensione Christianorum. Multa sanè exempla adduci possunt, quod Turcus ferè nihil obtinuerit, quin semper innixus hac vel illa inter Principes Christianos discordia: quibus inter se digladiantibus pro hoc aut illo loco (ut nunc in Hungaria factum est) cum magnâ prærogativâ suæ fortunæ nos adortus est.

Hæc sunt, quæ DVX TARNOVIVS, non minori doctrinâ quàm eximia prudentia insignis, de Principum discordia disseruit: ad quæ me aliquid affingere vel adsuere de meo, & ipsius dignitas vetat, & mea me existimatio prohibet, ac ipse pudor non sinit. De his, quibus Turci Christianis superiores sunt, deque officio Imperatoris belli provinciam suscepturi, in hunc modum verba fecit.

Et si multa sunt, ad quæ advertere animum ducem hujus expeditionis deceat: quorum singula persequi non est necessarium: hoc in postremis ponendum non est, diligenter expendere, quibus Turci Christianis præstent. Videmus autem illos uti in primis præcopioso equitatu, Christianos peditatu. Quod non arbitror magno commodo nobis cedere. Nam certum & exploratum habetur, Turcos à peditibus nostris, qui paucos aut nullos habent equites, detrimento affici non posse. Præterea hoc incommodi accedit; quòd equites nequeant Turcos profligare separatim istis levioribus præliis. Ita illis
relin-

relinquitur facultas, quaque versus, sine ullo obstaculo, libere depopulandi ac devastandi. Deinde multum contra nos facit, quod Turcus habet gentem unius subjectionis atque obedientiae: apud nostros longe est diversum. In Christiano quippe exercitu diversae militant nationes, diversorum inter se animorum. Una natio aliam odit. Ut nonnunquam acciderit, tantam in uno exercitu discordiam atque dissidium ortum, ut vix (quod valde detestandum est) à mutua cæde sibi temperarint. Quid dicam de ducibus & praefectis ordinum, ex varijs nationibus conflat? quàm crebrae inter illos non modò rixae & altercationes, sed noxiae dissensiones? dum unus alteri non concordat, ac non modò non faver, sed apertè invidet. Hinc efficitur, ut si iustus aliquis exercitus cogatur, discordia tamen huiusmodi facile dilabatur ac dissipetur. Nunc quanta vis atque facultas Turcorum Cæsari in thesauro posita est? quem in sua manu ac potestate obtinet, eumque erogat pro arbitrio & necessitate, uti illi melius & consultius videtur. Contrà verò habent necesse Christiani, si velint resistere, ex diversis loculis depromere atque omninò contribuere necesse est: quod ipsum tamen perexiguum est, neque eo numerosus exercitus ali aut certè diu sustentari potest. Inde insignis ille error sequitur, sæpe conduci militem cum minimè res tempusque postulat, maxime autem necessario tempore desiderari. Videmus Turcas in oppugnandis civitatibus & castris abundare numero operariorum, ad fossas ducendas & vineas agendas aliaque onera subeunda: Christianis verò magna ex parte decesse, aut pauciores omninò esse quàm necessitas deposcat. Illud haud scio an primas teneat in rebus feliciter gerendis: occulta hostis habet sua consilia, apud Christianos nostra passim vulgari ac dissipari pingendo & scribendo, antequàm ad rem veniatur, non levis error est. Vnde hostis non modò edoceri commouè no-

stra consilia, sed jure sumtibus in exploratores parcete potest. Quanquàm interim ille abundat pessimis hominibus, qui se à religione nostra abdicarunt; etiam Iudæis, quorum impigrâ in nostris rebus speculandis utitur operâ, eaque non ignavâ. Principes verò Christiani vix ullam impensam in exploratores faciunt; rem ad eò necessariam, ut talium beneficio res maximas perfici posse, nemo paulo peritior neget. In præsentì verò summa commoditas istarum rerum ad manum est: parvo sumtu, tum nullo penè negotio in vicinis locis, & quasi domi nostræ, ne procul sint, in certa spe reditus, ablegandi. Quid jam de victu Turcorum dicemus? Illi non alio cibo neque potu utuntur in castris quàm domi: atque eam ob rem non incidunt in ægitudines istas, quibus Christiani plerumque sunt obnoxij. In exercitu enim Christiano, quamprimum milites aquam continuò potant, pecudum recens excoaratarum carnes adhuc tepidas aut fructus avidius vorant: quò sæpe impellit lautitiarum inopia: mox febribus, dysenteria, atque alijs morbis corripiuntur: Turcis verò hic victus familiaris est & quotidianus. Quibus rebus omnibus superius à me commemoratis ut obviam eatur & prospiciatur, hæc quæ sequuntur ab Imperatore aut ejus vicario vel substituto aut primario belli duce curari & provideri convenit. Principio ut belli nervus talis congregetur, qui stipendio militibus dando (de quorum numero mox agemus) ad biennium sufficiat: deductis interim singulis annis trimestri stipendio: ut paulò infra ostendemus: ne defectus stipendij, hac ratione parandi nervi posthabita, memorabiles occasiones remorerur impediat aut perimat. Nam cum his rebus in tempore minùs prospectum est, emendanda laboriosè venit pecunia, & à multis agrè præstatur ac vix unquàm opportunè apportatur. Et hoc pacto exercitus aut seriùs constatur, aut citius dimittitur quàm expediat: ac tùm opera (quod
ajunt.)

ajunt, & impensa perdita est, hosti animus crescit. Summo opere præstandum est duci belli, ut persuadeat ac annitatur, ut quæcunque in exercitu fuerint nationes, earundem sint voluntatum & similium studiorum: procul exterminatis odijs, tumultu, factionibus, verissimis pestibus clarissimorum exercituum, atque adèd rerum in omni administratione maximarum. Præterea cavendum, ne indies in socios prædas atque rapinas exercent: quod pessimo exemplo nonnunquam contigit. Quâ insolentiâ non modò hominum odia in se concitant: sed & DEI OPT. MAX. majestas gravissimè offenditur. Meminisse consensaneum est eos qui bello interfuturi sunt, se non ad diversa opera, sed omnes in unum maximè idque maximè pium & Christianum opus convenisse: nimirum ut sempiternum hostem omnium nationum & Christiani maximè nominis propulsent, fidemque sanctam defendant. Ita danda est opera, ne una natio alteri sit infesta atque infensa: & quamdiu stipendia simul faciunt se mutuò fraternâ benevolentia atque amore complectantur: nec aliud quærant ex hoc, quàm gloriam Dei & honorè, & gloriam quæ ultrò & spontè præclara gesta comitatur. Ducum belli, tribunorum militarium, & centurionum munus est: ne alius in alium hostili aut inimico sit animo. Quod quisque intelligit ac providet, liberè in medium proferat atque consulat: benignè quisque alium audiat: nemo alterius dicta aut facta impediat, quæ ad utilitatem aliquâ rei benè gerendæ faciunt. Quilibet enim persuasum habeat; ubi res prosperè gesta fuerit, omnes participes & socios ex æquo præclari facti & partæ gloriæ futuros. Quò autem à me adducta concordia & consensio animorum, inter tot dispersas nationes, lingua & moribus discrepantes, coëat: necesse est, ut aut IMPERATOR CAROLVS, aut Rex aliquis, vel loco sui vicarius, summâ belli administret (nec aliter res succedent) quem externæ nationes ament, revereantur, observent, atque exactissimâ obedientiâ colant.

lant. Ipse etiam præstandum curet, severitate disciplinæ militaris, & delictorum pœnis sine exceptione aut respectu infligendis. Hæc una vel adeo sola mihi videtur ratio, tollendi hujusmodi dissensiones: si omnes subsint uni capiti, ac unius imperio obtemperent. Nec par est, ad tantam belli molem gestandam aliam rationem iri. Nam si quis inferiore conditione homo imperio præficeretur, non aut Rex aut Dux sive Princeps, (cùm raræ Regum personæ sint, & jure omnibus tanquam numina venerandæ) non deessent, qui verecundiâ impedirentur, aut honorem aut se submittere: quem, tantum abest ut timerent, aut honorem aut triumphum illi faverent, ut ne obsecundare quidem illi aut morem gerere ulla in re vellent. Quo statu rerum nihil perducere ad laudatum exitum potest, nec natio nationi ullo modo studebit aut ex animo cupiet. Multa mihi dicenda essent de correctione disciplinæ militaris: sed quia ea res à multis est animadversa, brevior sum. Hoc quidem in primis gravi pœna sanciri vellem: ne quis sacrosanctum Dei nomen flagitiosè proscinderet, & præter incommodum luxum, tantam quoque colluviem scortorum secum pertrahendi illaudatum morem posthaberent: unde non modò comæatui pernicies, sed dedecus quoddam ac infamis dissolutio nascitur. Commoveat eos indignissima vox cujusdam Bassæ; qui in superioribus præliis, in expugnatis castris Germanorum intuitus copiam meretricum, dicebat iratus: se adductum non ad oppugnanda castra militum sed luparum. Quisquis itaque Regum hoc onus ac provinciam administrandæ atque moderandæ hujus gubernationis suscipiet: is, cùm se mortalem gentium esse sciat, si fortè in tam memorabili ac Christiana occupatione mortem oppetet, nullum desiderium de se clarius, nullam famam celebriorem, nullam gloriam denique magis perennem relinquere optimo jure potest.

*Hæc eisdem fere verbis pertrahavit vir peritissimus; gravitate
qui-*

quidem alia, sed mihi inimitabili; nusquam tamen ab eius sententia discessi. Nullam ego hic laudem eloquentiæ, aut gloriolam industriæ aucuper: modo candoris mei & fidei ratio Majest. Tuæ constare possit. Sed nunc illum ipsum, de numero militum ad hoc bellum necessario, audiamus, & de ratione superandi hostes.

Reliquum est, ut dicam (est enim hoc summopere necessarium) quanto numero militum animosè cum hoste configi & conferi manus possint. Interim illud observari præcipiendum, ut supplementa semper in tempore mitrantur. Accidit enim, nunc morbis, nunc parvulis prælijs, sæpè etiam fuga, milites absumi, aut desiderari. Exercitus erit, Equitum levis armaturæ XXXII millium; gravis armaturæ VI millium: Peditum XXXII millium: Fossorum duo millia. Adhæc bombardarum, quanta parari potest copia. De qua re nihil præscribo, nam duces rei bellicæ periti faciliè judicare possunt, quali apparatu & quanto numero ad talem exercitum sit opus. Sed cum ad talem exercitum multâ impensâ sumtuque sit opus (non quod aut fieri aut perfici nequeat: imò spes certa & fiducia mihi est in Deo, his copijs impigrè & graviter illi resisti posse: ad vires Imperatoris & Germaniæ accedent Bohemi Moravi Silesiæ ac pars Hungariæ; quorum adjunctione hunc numerum compleri facile posse existimò) qui cum potestate in expeditione futurus est, si qua fieri poterit ut stipendium minuat, curet. Haud æquum est quemquam terreri multitudine hostium; sed etiam alia consideranda sunt, num hostis in omnibus superior sit? Omnia vero fortunæ potestati concedere, esset nō modò male mulctandæ stultitiæ, sed extremæ cujusdam ac exitiosæ dementiæ. Hoc porro diligenter & accuratè considerandum, quo hostis antecellat, quo vè rursus nobis sit inferior. Quanquam Turci sint copijs numerosiores, gratia tamè & ope Dei bellicosiores sunt Christiani, & armis melius instructi, & equos habent in congressu robustiores

Ccc

res


res & valentiores, suntque equites omnes hastati. Turci non omnes hallis utuntur, suntque plerique inermes. In Turcorum exercitu multi sunt servi (quos Sclavos vulgò vocamus) multi illiberi homines diversarum nationum: qui in bello non solent esse constantes. Quòd autem in hostili exercitu constanter manent, id minimè mirandum est ab illis fieri. Vident Christianos negligenti ordine, ac pravo regimine, & corrupta disciplina res suas constituere: fortunam Turcarum optatis uti successibus. Non dubium est: si Christianorum fortunam viderent mutari, animum & ipsi mutarent. Quis enim illiber potest constanter in prælio manere? cùm peroptaret potiùs suum Dominum extinguere, ut libertatem recuperaret. Ad institutum nostrum non parum facit: quòd cum parvus sit exercitus noster, commeatus erit facilior procuratio. Ad hæc in certam spem venio, Christianos in congressu fortiores fore. Si in angusto loco erit cōgrediendum, adjuvabit loci commoditas. Si in plano & spatiofo; profuerit majorem in modum carris in orbem connexis pro vallo uti, illis, quando res postulat, progredi, & castra metari. Postremò hoc nobis non parvos animos addit fiduciamque confirmat: Turcorum Cæsarem non posse habere supra sexaginta millia delectæ gentis: idque ita esse experientiâ sumus edocti. Sed jam præter ipsas vires & robur, quæ res externæ sunt, nonnè fide in DEVM nos erigi decet, qui justos & sperantes in se nunquam non juvare solet? Stat pro nobis justitia. Illi enim inferunt bellum: Christiani propulsant. Si viri sumus, confortatos nos esse decet. Ipsi enim agunt pro dominatu, pro ambitione, pro opinione illa insculpta illorum mentibus, sectam armis propagandam. Nos religiosius multò, pro vera fide, pro ipsa vita & sanguine, pro liberis uxore parentibus atque omnibus denique fortunis nostris: ne vel hostili gladio ut oves sine protectione pereamus: vel in sædam & crudelem servitutem rapiamur. His supra commemoratis

ratis adiungenda & illa ratio est: omnes qui in bello cum imperio aliquo futuri sunt, ipse autem supremus imperator in primis, genus belli dignoscere debent: ut cum quo hoste pugnandum sit, & quomodo se in conflictu gerant, suos sciant edocere, & quo pacto se habere debeant. Turci enim pugnant fugiendo: & quamvis videantur fugere in primo congressu, (simulant enim & pulchrè mentiuntur fugam) duces deberent cavere, ne temerè eos insequantur; sed providè & cum ordine: ne nostros palantes & dispersos nacti circumdatos opprimant. In hoc quoque non minimū momenti erit, immutanda esse multa in exercitu Christiano; utpote ordinationē & dispositionem acierum. Nam Christiani non alio ordine incedunt contra Turcum, quàm inter se congregi consueverunt. Quare summa cura providendum erit, ut perpendatur modus Turcorum in congressu: ad quem accommodanda erit ratio instruendi Christianorum aciem. Quæ sanè consideratio mihi non videtur in postremis collocanda. Totus autē fortunæ eventus pendet ab una victoria. Nam Turcus non externis sed suis copiis utitur, & quocunq; ille proficiscatur eò robur suum omne educit: quo semel profligato & prostrato nunquam amplius cervices eriget. Et sanè vanus est ille terror; existimare, cum perpetuam habere fortunam, cum homo sit non Deus, poteritq; profligari deleri vinci & quidvis aliud. Quòd si etiam justa acie profligatus aut superatus non fuerit: satis tamen victoriæ & non parum gloriæ partum erit, si Hungaria ab illius tyrannide vindicata fuerit, & Christianorum virtute compellatur ad remotiores sedes retrocedere, atque intra sui regni fines se continere. Non est in ejus manu, ut annis continuis bella gerat: necesse est, eū gentibus à se longissimè distitis dare orium, quietem, tempus. Ad huncem possunt de stipendio majoris exercitus partis deduci tres menses; & servari duntaxat aliquot millia equitum leviter armatorum: ne Turci vastent illa loca, per quæ Christianorum exercitui faciendum est iter: quos equites qui servabuntur levibus præliis arcere poterunt.

Hæc TARNOVIVS magna ex parte his verbis, commemoravit: suam curam & sollicitudinem, quam animo circumfert de repub. Christiana, sæpe magno cum gemitu significans: repetens omnes veteres & nostri temporis expeditiones, susceptas adversus tyrannidem Turcicam, præcipuè ab Hungaris & Polonis; quorum voluntatem & virtutem prædicabat. Horum armis diu reliquam Europam defensam esse dicebat: nunc verò ceteras nationes intellecturas, quanto sint in periculo, quasi nudatas vallo & muro, amissa Hungaria. Sed hac se consolatione sustentari ostendebat, quod certum esset, DEVM non concessurum esse, ut penitus deleatur Christi nomen: deinde, quod, cum Imperatoris CAROLI excellens sit virtus auctoritas pietas felicitas, spes esset DEVM ejus consilijs adfuturum esse. Magnum etiam in Regis FERDINANDI diligentia & virtute, & in Divorum fratrum concordia & mutua pietate præsidium esse dicebat. Videtur & hoc singulari DEI clementia in hoc extremo periculo orbis terrarum provisum esse; ut Imperij fastigium teneret CAROLUS IMPERATOR, non solum potentia sed etiam auctoritate & charitate multarum gentium antecellens prioribus Imperatoribus. Multum enim momenti allatura est ad rem tantam conjunctio Italia, Hispaniæ, Germaniæ. Denique sæpè testabatur TARNOVIVS: se nihil magis optare, quàm ut reipub. Christianæ opera sua, consilio, studio, & amore, ac omnino qualicunque ratione prodesset.

Habes invictissime IMPERATOR, Domine Clementissime, TARNOVII Ducis fortissimi sententiam de bello gerendo: quam duxi significandam esse Majest. Tuæ: ac oro, ut studium meum pro tuâ heroicâ clementia boni consulas. Non ambitione, non curiositate, ad hæc significanda incitatus sum; sed quadam pia consolatione, in hac tantâ trepidatione publica, ac observantiâ debitâ Majest. Tuæ. Quam, precor, ut DEVS Pater cælestis, verus exercituum dux & dominus, ad propugnandam Filij sui gloriam, ad tuendam & propagandam Christianam salutem, cum sempiternâ nominis sui gloriâ, quàm diutissimè pro ejus merito, servet incolumem. Datum Cracoviæ XIV. Cal. Octob. M. D. XLII.

LAZARI SVENDII
L. BARONIS CONSILIARII ET ARCHI.
STRATEGI CÆSARII
QVOMODO TVRCIS SIT
RESISTENDVM
CONSILIVM.



QUoniam Imperium Turcicum sit haud dubiè percussio & flagellum Dei ad vindicanda peccata Christianorum, ideoque inauditos habuerit hactenus successus & incrementa, cum admirandâ serie & successione domus Othomannicæ: cumque nullus hactenus populus, nulli Imperatores, Reges, & Principes, illius potentia resistere potuerint, & vel tempestive pacis vel fœderis condiciones cum aliqua subjectione & tributi exsolutione acceptare, vel durum jugum servitutis & tyrannidis cum publici status exitio ferre coacti sint: & nos in Imperio Germanico in eodem periculo ac præcipitio indies magis ac magis versemur: hostis autem potentia, & regni sui firmitas, & distractio nostra talis sit, ut neutiquam ad illum debellandum pares & satis instructi esse queamus: imò cum nobis difficilimum sit, nos & nostra ab imminente illius tyrannide & certo quasi exitio sustinere & defendere: maximè cum onus belli nobis solis quasi intolerabile sit, & à reliquis Christianis in ista perversitate temporum nulla nobis aut per exigua auxilia speranda sint: facillè hinc apparet, qualia de nostra conservatione & salute nobis consilia instituenda, & quorsum nostri conatus bellici dirigendi & expediendi sint: ut possibilem & salutarem finem & effectum, Deo dante, consequantur. Itaque de bello Turcis ultrò inferendo, cum viribus, cum nervis belli, cum auxilijs, cum occasione, cum ducibus, cum ordine & disciplina militari, cum denique belli continuatione longè impares simus: cumque non tantum cum hostium potentia, sed cum ira & vindictâ numinis res nobis gerenda sit. item cum tam calamitosa tot seculorum exempla, tot Imperatorum, Regum, Principum, populorum, civitatum, qui bello devicti, etiamsi viribus & multis alijs commoditatibus essent instructissimi, præ oculis habeamus: non puto in hac temporum necessitate ullam consultationem frustra suscipiendam esse. Nam sicut res omnes creatæ & naturales

rales certo ordine & providentiâ divinâ reguntur, & suis vicissitudinibus sunt obnoxia: ita non est dubium res hominum & imperiorum maximè gubernationes divino consilio & per suas vicissitudines corrumpi, debilitari, labascere, mutari, interire. Haftenus res Turcica spacio aliquot seculorum proximorum in perpetuo & fatali quodam successu & incremento fuerunt: itaque frustra conati sunt vicini Imperatores, Reges & Principes eas viribus & conatibus suis opprimere, vel cursum felicitatis suæ impedire. Iam nostro tempore cum plus, quàm aliàs unquam, illorum potentia ordo & virtus militiæ & gubernationis vigeat; cum nihil appareat quod nutet aut labascatur, cum totum ferè Orientem & Europæ majorem partem duro servitutis iugo oppresserint, vel sibi confederatam & tributariam habeant, cum reliqui Christiani inter se minùs quàm antea unquam stabili unanimitate & concordia sint colligati: quæ insania esset, Germanos solos tali rerum statu bellum Turcis velle ultrò inferre? Certè ratio & nostra necessitas potius suadet & postulat, ut omnibus modis pacem amplectamur: canem dormientem in certum nostrum exitium minimè excitemus. Immo ut omnes potius causas & occasiones evitemus, quibus tantus hostis ad bellum excitari vel irritari possit. Et quanquam fateri oporteat, pacis & foederum nullam certam apud tyrannum & religionis nostræ hostem esse affecurationem: interim tamen videmus multa regna & populos Christianos longâ cum illis pace, ratione foederum vel tributi & subjectionis alicujus, frui: ut Polonos, Persas, Moldavos, Walachos, Armenios, Georgianos, Marguillos. Deinde si paci cum Turcis constanter insistimus: nihil inde nostris viribus, nihil defensionis & conservationi nostræ decedit: modò homines esse & viri, & rerum nostrarum satagere velimus. Imò quò magis pax est dubia, & belli periculum ac discrimen nobis certò impendens: eò magis eam pacem
appe-

appetere & amplecti debemus: ut interim, dum illa frui licet, cum rebus nostris tam male sit provisum, nostram defensionem melius instituamus, & provideamus, ut, vis belli Turcici si ingruat, nos non simul opprimere, sed quasi claustris & repagulis per meliorem confiniorum fortificationem & defensionis nostræ præparationem impediri atque infringi queat.

Experientia hætenus nos docuit, apertis præliorum conflictibus Turcas vinci & debilitari non potuisse: & si aliquando cladem à Christianis acceperint, eos irritatos ad vindictam paulo post bellum majoribus viribus restaurasse: imò pleraque regna & populos propterea, quod salutem suam præliorum discrimini temerè exposuerunt, miserè interiisse & sub jugum Turcicum venisse. Facile quoque est considerare & cernere, quod ex nostra parte sola natio Germanica non possit esse instructa & sufficiens ad eum potentem & solertem hostem publico prælio debellandum: aut, si hoc fieri posset, sicuti victoria apud solum Deum stat, tamen non nisi summâ necessitate vel ex nobis divinitus oblatâ meliori aliquâ occasione id tentandum esse. Nam etsi robore equitatus & armorum genere multum valeamus: tamen numero, disciplina, agilitate, patientia, ordine aciei, & solertia configendi longè inferiores & impares sumus Turcis. Et si contingeret, nostrum equitatum in prælio Turcarum equitatum primo impetu profligare (sicuti non puto esse, divina voluntate non repugnante, dubium) tamen adhuc longè à victoria absumus: cum illorum equitatus sit quadruplo aut quintuplo numerosior, quàm noster esse possit: & cum per turmas sibi invicem succedentes, non unâ fronte & acie pugnare soleant: & illorum acies, etiamsi semel profligetur, non propterea in plenam fugam effundatur: sed ordines statim replet, & iterum in prælium redeat, vel ad munitiones pedestris aciei, tanquam ad munitionem civitatem sese recipiat, ut ibi conjunctis viribus, si hostis

D d d

cò

eò usque victoriam prosequatur, iterum ac longè validius pugnet. Est autem pedestris acies ita apud Turcas instructa: & tormentis, curribus, camelis, & si opus sit, vallo & fossa munita: & Ianizerorum virtute & præstantissimorum equitum robore subnixa, ut impossibile quasi sit equitibus illam interrompere ac profligare. Sicuti etiam hætenus in multis præliorum conflictibus invicta semper permansit. Et exempla testantur, tam apud Christianos quàm Persas & alios populos: etiamsi primò victores extiterint, tamen ad ultimum, cum denuò ad munitiones & vallum pedestris aciei esset pugnandum, iterum fuisse profligatos. Ita olim Rex Vladislaus & Hunniades: ita Sigismundus Imperator: ita Sophus Rex Persarum: ita Sulthani Ægyptiaci: ita Rex Ludovicus Hungariæ fuerunt devicti. Nostra autem moderna ratio confligendi eò est deterior: quòd levioribus equitibus, quibus antiqui abundabant, ferè omnino destituamur, & quòd Germani equites in prosequendo hoste prorsus sint impares atque inutiles. Deinde quod restauratio prælij, & reparatio ordinum, si semel in conflictu vel insecutione dissolvatur, apud nostros fit etiam valde difficilis: maximè cum contra tam versatilem hostem vel nulla vel parva experientia bellandi & confligendi ex nostrâ parte accedat. Tandem est hoc periculossimum: quod in nostra bellandi ratione nunquam pedestres copiæ in eam disciplinam & ordinem fuerint redactæ: ut simul cum equitatus robore progredi ac pugnare, & cedentibus hostium turmis usque ad pedestris aciei munitiones penetrare possint: quod omnino necesse est fieri, si de Turcis victoriam consequi voluerimus. Accedit & aliud, quod nostram bellandi conditionem etiam nobis periculosam & difficilem reddit. Turcæ mirabili celeritate & levitate belligerant, progrediuntur, retrò cedunt: quomodo & quando volunt, locant faciliè & mutant castra: excurrunt dies & noctes, commeatu serè nunquam destituuntur.

untur. Noster exercitus contrà difficulter se movere, progredi, castra locare & mutare, & hoste propinquo ad frumentationem excurrere potest: & si commatu, aquatione, frumentatione intercluduntur, si per plures dies equis insidere, æstus & sitis famem & laborem ferre oportet, illicò viri & equi languescunt: quod hostibus nostris de nobis optimè notum est. Itaque hoc solum urgent, ut in planiciem nos provocent: prælium, ad quod ipsos invitos vix cogere possumus, quotidie ostendent: & continuis assultibus & velitationibus nos infesient: & delassatos, & à commatu ac frumentatione exclusos & debilitatos tandem cò melius vincere possint.

Inde factum est etiam, quod proximis annis, post devictum prælio Regem Ludovicum, quotiescunque Turcarum Imperator personaliter est egressus, noster exercitus nunquam ausus fuit illi obviam progredi, & aperto campo occasionem pugnandi querere: sed semper se munito loco, & commatu accommodo continere: atque inde hostis ulteriorem & liberiore progressum impedire & detinere coactus fuerit: ratione scilicet & experientia extorquente, ac nobis imprimente: quod salus & conservatio nostra pro statu rerum nostrarum potius ex bello defensivo, quàm offensivo dependeret. Vidimus quoque nostris oculis, postquam Germani defensionem Vngariæ reliquæ susceperunt, & ratione defensivâ maximè bellarunt: Turcas, etiam si sapius potentissimo exercitu egressi sunt, tamen per tot jam annos Vngariam planè devincere non potuisse: sed coactos fuisse frustulatim jam hæc, jam illa confinium loca, non sine magna temporis & exercitus jacturâ expugnare & ad sua reverti.

Ex causis suprâ dictis & multis alijs rationibus, quæ brevitatibus causa omittuntur, plus satis apparet: de bello offensivo & spontaneo contra Turcas, rebus sic stantibus, non posse ulla consilia & conatus salutariter ac commodè institui: sed potius paci,

D d d 2

quo.

quoad fieri potest, insistendum esse; ac providendum, ut hostis per subitam pacis fractionem nos minùs subito opprimere queat. Minùs enim tale aliquid audeat, cùm nos probè ad nostram defensionem instructos & paratos videat. Et cùm facile quoque sit animadvertere, exterarum nationes hoc jam callidè agere, ut bellum Turcicum à se avertant & in cervices nostras convertant: tantò magis certè nobis elaborandum est, ut pacem conservare cum Turcis possimus: ut ita vires suas in continuationem belli maritimi convertant, & in illo magis ac magis implicentur. Nam ita ex nostra parte tutiores permanebimus: & interim eò melius, quæ ad defensionem nostram pertinent præparare ac instituire poterimus.

Pacis conservatio in quibus consistat.

Pacis autem conservandæ ratio potissima hæc erit. *Primo* tributis sive honorarij ordinaria & tempestiva solutio. *Deinde* pacifica confinium custodia per bonam disciplinam & sufficientia præsidia: ita tamen ut hostiles hostium excursiones, hostiliter & fortiter etiam repellantur atque reprimantur. *Tum* reliquarum pacis conditionum sincera observatio. *Præterea* omnium rerum evitatio, quæ Turcas irritare possent. *Postremò* abstinentia à regno Poloniæ; cum tali tractatione & accordatione, quæ perpetuam amicitiam & confæderationem cum domo Austriacæ & Rom. Imperio conservare possit, & nihil indignitatis habeat. Hanc haud dubiè Battorius offeret ac spondebit ultrò, cùm nihil magis appetere possit, quàm quietam regni obtentionem: & non sit tam vacors, quin benè intelligat, sibi ab auxilijs Turcicis multò magis quàm ab hostilibus nostris conatibus extimescendum esse.

Bellicæ defensionis ratio duplex.

Est autem belli defensionis ratio duplex contra Turcas. *Primum* necesse est confinium loca sufficienter munire, & necessarijs præsidijs custodire, item artilleria ac commeatu providere. *alterum* est, majori vi belli ingruente, majoribus subsidijs & auxilijs

xiliis succurrere confiniis, & iusto bello si opus sit resistere. Quod duplici ratione fiet: videlicet per militiam ordinariam, si-
ve ordinem defensivum inter ipsos provinciales institutum &
intertenendum: deinde copijs auxiliaribus à Statibus Imperij
submissis.

Quod ad confinia attinet, primò hoc considerandum est & ^{Prima ratio} ^{belli defen-}
maximè ponderandum, summopere interesse Germaniæ: ut Vn-
gariæ restantia confinia pertinacissimè defendantur: ne hostis ad
ipsam Germaniam penetrare possit: ubi longè difficilior & peri-
culosior bellandi necessitas nobis incumberet, quàm præsens in
Vngaria est. Nam ibi confinia jam ex magna parte sunt munita:
populus ad bellum assuefactus: & ad omnes calamitates & ne-
cessitates quasi induratus. Taceo mille alia incommoda, damna,
clades, calamitates, miseria; quæ inde consequuntur, & cuilibet
sunt præ oculis. Deinde hoc quoque certum & evidens est, Cæ-
saream Majestatem cum suis provincijs ad retentionem neces-
sariam & ordinariam confinium non posse solam amplius suf-
ficere: & multa damna & iacturas & amissiones in confinijs ex
eo solo defectu contigisse, quòd confinia necessarijs præsidijs
& provisionibus fuerint destituta: videlicet milites pauci & illi
non soluti, & vix ex media parte instructi ac præsentis, loca
non sufficienter munita sive fortificata & à comæatu & artille-
rijs provisa: item in periculo & necessitate nullus succursus,
nulla auxilia, nulla majora præsidia in promptu. Ergo omnino &
inevitabiliter modus & ratio invenienda est, confinia securiùs &
melius conservandi & intertenendi.

PRIMO ut eò magis custodiæ & conservationi confinium ^{Quomodo}
invigiletur, & tempestive ac bono ordine omnia provideantur ^{confinia cõ-}
& gerantur, & animi subditorum eò magis excitentur ad solici- ^{tuenda &}
tudinem & exercitum bellicum: necessarium omnino erit, mili- ^{interten-}
tiam ordinariam, si-ve ordinem defensivum inter provinciales ^{da.}
I.

Ddd 3

nuper

nuper institutum, strictissimè & severissimè observari. Deinde erit consultissimum, confinia inter ipsas provincias distribuere, & cuilibet certa loca assignare, quorum curam gerere debeat: videlicet exsolvendo militibus ordinaria & menstrua stipendia: providendo illis de com meatu & alijs rebus necessarijs: lustrando milites, ut semper iusto numero adsint: promovendo fortificationes necessarias, & his à Cæsarea Majestate præscriptos ac definitos sumptus suppeditando: & invigilando, ut omnia debito modo fiant, & expensis inutilibus parcatur; è contrà concedatur cuilibet provinciæ, ut sumptus ad sua confinia impendendos, ex præscripto Cæsareæ Majestatis deputatos ex suis contributionibus, quæ alioquin in Cameram deportantur, desumere ac retinere possit.

- II. SECUNDO cùm antiquitus Ordo Teutonicus in hunc finem & usum sit constitutus, & tantis divitijs dotatus, ut contra infideles perpetuis suis præfidijs militet: jam autem longo tempore otiosus domi desideat, & rei familiari tantum intentus sit: reformetur ille in ista necessitate & discrimine publico, & in Vngariæ confinia transferatur: & illuc custodiam certorum aliquorum fortalitorum in se recipere teneatur. Eodem modo ac ordine, quo Melitenses Equites in Italia militant, & Melitam insulam defendunt. Augeantur illorum reditus: & constituentur novæ & plures Commendariæ ex monasterijs & bonis Ecclesiasticis collabentibus, & alioquin in Secularium manus devenientibus.
- III. TERTIO cùm nec istis prædictis medijs, provincialiū scilicet ordinis militia, & Ordinis Teutonici reformatione ac translatione, sufficienter confinia præfidijs firmari & interteneri possint: omnino & inevitabiliter faciendum est, ut Status Imperij sua quoque auxilia ordinaria addant, & provinciales Ordinemque Teutonicum certâ summâ pecuniæ annuatim juvent. Deliberetur ergo de modo perpetuæ contributionis, prout Statibus Imperij commodissimum videbitur. Ha-

beat

beat Imperium suos ac proprios quæstores & commissarios qui pecuniam distribuunt, & enumerent in tales usus, in quos fuerit destinata. Supputentur rationes sumptuum singulorum confinium: & ratione subductâ sustineat Cæsarea Majestas cum suis provincialibus & subditis mediam partem: alteram Status Imperij præstent. Fiat denique Confiniorum certa distributio, & designatio cum bono modo & ordine. AVSTRIA curam habet at præsidiorum Iaurinensium, Toccaviensium, Gomorrensi-
um, Vesprinensium. Bohemia cum Silesiâ & Moraviâ superioris Vngariæ & montanorum. Archidux Carolus cum suis provinciis curam gerat Croatiae & Dalmatiæ: & juvetur quoque certâ summâ pecuniæ ab Imperio. Ordo Teutonicus suscipiat in se defensionem Canisæ & vicinæ regionis.

Confinio-
rum distri-
butio.

Præterea ordinetur in quolibet loco numerus sufficiens. Videlicet si præsidium, quod in præsens est collatum, sufficiat, relinquatur ita: sin minus, augeatur. Imponantur in omnia potiora loca præsidia Germanica: & illis sit potissima cura, custodia defensionis demandata: addantur aliquot pedites Vngari: item equites Vngari: item certus etiam numerus equitum Germanorum in potioribus locis. Item Vngari equites magno numero cum non reperiantur: interteneatur certus numerus Archibufianorum equestrium, ex omnibus nationibus collectus. Deputentur Capitanei in quælibet loca ex illis ipsis provinciis, qui illorum locorum curam gerant; si idonei reperiantur. Milites quoque Germanici, pedites & equites ex provincialibus ad præsidia deligantur, vel paulatim suppleantur; ita ut in demortuorum vel discedentium locum semper aliqui ad militiam apti ex quâlibet provincia succedant: & eò deputentur ea conditione: ut per biennium vel triennium ibi permanere & militare teneantur: & antea non dimittantur aut mutentur. Ut ita paulatim usus & exercitium militiæ inter provinciales inducatur. Ita ta-
men

Præsidio-
rum ordo.

men ut milites ex Imperio nobiles & ignobiles, qui in Vngaria militare volent, liberum etiam accessum ad stipendia habeant. Præsidia Ordinis Teutonici eodem ferè modo & ordine instituantur: quo Equites Iohannitæ in insula Melitenfi utuntur.

Milium
numerus.

COHORTES aliquot militum supernumerariæ interteneantur: & collocentur in certis quibusdam & diversis confinium locis: quò ad omnem subitam hostium incursionem parata esse, & conjungi, & à provincialibus, secundum ordinem defensionum, maioribus subsidij, si opus sit, iuari & augeri celeritate possint. Aut si melius videbitur, supernumerarij milites isti, secundum allegatum defensionis ordinem, ex numero peditum tricesimorum electorum capiantur: & ex ijs equitibus, quos Nobilitas pro quantitate facultatum & census centum librarum alere, & ad prima quæque pericula & necessitates paratos & instructos habere tenetur: ita ut per vices sufficiente numero ad confinia eligantur & mittantur, & per trimestre ibi permanere cogantur: donec scilicet alij successerint: ut ita omnes provinciales successivè militiam discant & experiantur.

Militia or-
dinaria five
ordo de-
fensivus in
omnibus
provincijs

PLANE natura & ratio, temporumque necessitas, & omnium seculorum & populorum exempla nos docent; pro patria, pro liberis, pro aris & focis pugnandum & viriliter pugnandum esse. Armentur igitur, lustrentur, exerceantur omnes Cæsareæ Majestatis subditi ad militiam apti, in omnibus suis hæreditarijs provincijs. Nobilitas in primis teneatur, pro cuiuslibet facultatibus & viribus, militiæ equestri esse addicta & instructa. Cæsarea & Regia Majestas, & filij Principes in suis aulis, & inter suos nobiles & aulicos primum exemplum præbeant. Sint in honore & æstimatione militares viri: & promoveantur ad dignitates & officia. Statuantur severæ leges militares & sumptuariæ. Strictissimè & severissimè observetur ordinatio & prompta evocatio ad confinia tricesimorum peditum & equitum, secundum censum centesimum.

simum. In majori necessitate insurrectio nobilitatis, & decimi vel quinti cujusque ex subditis sequatur: prout in ordine militiæ defensivo latius ista explicantur.

JAM cum magis ac magis constet, quæ vis, quæ industria Turcarum sit in expugnandis locis munitis: & cum præcipua ratio salutis & conservationis nostræ, ut supra dictum est, ex defensione confiniorum dependeat: omnino Cæsareæ Majestati & Statibus Imperij faciendum est, ut munitiones magis necessariae accelerentur & perficiantur, ac rebus necessarijs provideantur. Videlicet Canisæ fortificatio: cum ibi hostis liberum habeat ingressum ad Austriam & Stiriam, & non sit aliud obstaculum. Gomorri quoque fortificatio emendanda & extendenda est: prout multoties fuit consultatum: cum castrum modernum vim hostilem minimè sustinere diu queat. Vienna perficienda item: cum non parum sit periculi, ne illius obsidionem hostis tentare velit, si personaliter egrediatur. Omnino autem sunt in tempore suburbia demolienda, aut, quantum fieri potest, transferenda, ut ibi nova civitas constituatur, & etiam fortificetur. Nam hoc modo Vienna fuerit difficilis occupationis: & semper poterunt subsidia immitti. Silesia & Moravia & provinciæ Boëmiae rectissimè facerent, si fortificationem Turnaviæ in se vellent recipere: cum illuc summopere etiam ingressus hostis sit timendus, & non sit aliud propugnaculum. Ad pleniorum fortificationem Jaurini propugnacula aliqua ex altera parte Danubij addenda. Agria omnino perficienda & acceleranda. Cassoviæ quoque fortificatio non negligenda, cum sit principalis urbs totius Sepusii, & sustentaculum reliquorum locorum & fortalitorum: item receptaculum commæatus, artilleriæ, militum supernumerariorum. Ad labores fortificationum colonorum opera per vices continuè adhibenda: & nullo modo illis parcendum est.

SUMPTUS in fortificationes faciendi, similiter ut alix impensæ bellicæ, ex media parte à Cæs. Majestate & suis subditis ac

Ecc

provin-

Fortifica-
tio certor-
um locor-
um,Sumptus
fortificati-
onum,

provincijs, & altera media parte à Statibus Imperij præstentur. Fiat revisio & æstimatio structurarum, & operum necessariorum in singulis confinijs: & quoad fieri potest, certa sumptuum computatio: & conveniatur inter Cæsaream Majestatem & Status Imperij vel Commissarios ejus: quantum quolibet anno impendendum sit, & quæ loca maximè acceleranda.

Commeatus ratio.

COMMEATVS verò providendi & sufficienter & utiliter subministrandi in singulis confinijs non est melior ratio: quàm ut potioribus locis sui coloni, qui agriculturam exercent, designentur: ut proxima dominia, quantum emptionibus & justis rationibus fieri potest, applicentur: ut ita suos certos redditus & proventus & servitia habeant. Deinde ut decimæ omnes ad propinqua loca advehantur: & militibus ad rationem stipendiorum distribuantur: sicuti jam in Ungaria in aliquibus præsidijs fieri solet. Destinentur etiam certa & commoda loca: in quæ copia commeatus reponatur ad alendum exercitum: si necesse sit bellum gerere & exercitum educere. Sumptus in commeatus provisionem faciendos sustineat Cæsarea Majestas cum suis provincijs: & commode etiam fruatur, quod ex tempestiva provisione & distributione vestigalium inter milites, sive venditione, sequi & acquiri potest.

Artilleriæ
modus in
confinijs.

TORMENTA, arma, pulverem & reliqua ad defensionem locorum pertinentia, & in armamenta necessaria Cæsarea Majestas ipsa de suo ad singula præsidia provideat: & juvetur certâ summâ pecuniæ ab Imperij Statibus.

Altera ratio belli
defensivi.
Modus triplicis
succurrendi
confinijs
in periculo.

SEQUITUR nunc altera pars belli defensivi, nimirum de confinijs in periculo succurrendis, & aperto bello resistendo.

TRIPLICITER confinia periclitari poterunt: etiam si præsidia sufficienter commode, quo dictum est, sint constituta. *Primò*, si Turcæ in confinijs se conjungant, & nostra confinia ex improviso invadant; sicut anno superiore factum est. *Secundò*, si novæ copię & auxilia illis ex Turcia mittantur: veluti si Bassa aliquis vel Beglerbegus Graciæ exeat. *Tertiò*, si Turcarum Imperator

perator personaliter exierit. Itaque ex nostra parte triplici etiam modo resistendum, & confinijs succurrendum est. *Primo*, ut secundum suprà allegatum militiæ defensivæ ordinem in proximis confinium regionibus, utpote Austria, Stiria, Silesia, Bohemia, & provincijs Archiducis Caroli, itemque Ungaria ipsâ delecta sint & in promptu habeantur copiæ equestres & pedestres: ut subito ad confinia evocari & accelerari possint: & sufficientes sint ad Turcarum præfidiarios sustinendos ac repellendos, & ad vicissim aliquid conandum & tentandum, si occasio se obtulerit. *Secundo*, si novæ copiæ ex Turcia exeant, ut tempestivè confinia, ubi majus periculum imminere videtur, sufficientibus præfidijs & alijs rebus necessarijs firmantur. Deinde ut prædicti populi & regiones vicinæ ex præscripto & ordine institutæ militiæ iterum majori equitatus & peditatus numero, pro hostilis periculi qualitate, insurgant, & ad confinia properent. Item ut in tali casu certa subsidia ab Imperio in promptu sint: videlicet ut publicis sumptibus aliquot millia equitum & peditum conducantur, & in auxilium Cæs. Maj. militantur. In quem finem reponatur certa summa pecuniæ certis locis in Imperio. Conducantur etiam, & certis annuis stipendijs interteneantur certi Capitanei & præfecti, tam equitum, quàm peditum, virtute militari & amore patriæ præstantes: qui in necessitate milites promptè colligere, & ad confinia ducere possint. Totius exercitus officia & præfecturæ distribuantur, æqua ratione & proportionem inter viros idoneos ex Imperio & provincijs ac subditis Cæs. Majestatis. Præsit bello gerendo sua Majestas consilio, mandato, auctoritate: prout necessitas & occasio id postulabunt: sive sit præveniendus hostis: sive succurrendum loco oblesso: sive denique cum hoste confligendum. Habeant Status Imperij suos Commissarios & Consiliarios deputatos, qui suæ Majestati assistent, sive belli Duci assistant. *Tertio*, si Turca personaliter exeat: ut tunc non tantum prædictæ vicinæ provinciæ totis viribus pro defensione

I.

II.

III.

Ecc 2

patriæ

patriz insurgant: sed ut totum Imperium omnes suas vires cò
conferat: & à reliquis Christianis, quæ possit, etiam impetret au-
xilia: & ut tunc maxime bellum bono modo & ordine geratur:
& hostis à confinibus repellatur vel sustineatur: ut tandem, re
infecta, cùm diu manere non possit, reverti cogatur: & aliquid
præclari, Deo iuvante & occasionem demonstrante, peragatur.

Modus &
ordo belli
gerendi
contra
Turcas.

MODVS autem & ordo tanti belli sustinendi ac repellen-
di is esse poterit. Primo, cùm apparatus & exitus Turcarum
Imperatoris adeò clàm & subito fieri nequeat, quin aliquot
mensibus antea certò sciri per exploratores possit: omninò
curandum est, ut in exploratoribus non sit defectus. Deinde
deliberandum & conandum; ut vel hyeme præcedente, quod
longè esset consultissimum, vel primo saltem vere, pars exer-
citus nostri ex confinijs & provincijs hæreditarijs: item ex Im-
perio sufficientibus copijs educatur: & hostis, qui ante me-
diam æstatem adventare non potest, bello præveniatur. Vide-
licet, tenteretur oppugnatio unius vel alterius loci seu forta-
litij Turcici: quod erit cò facilius; cùm munitiones eorum
magni momenti non sint, & violentiæ artilleriæ, si rectè
instructa & adhibita fuerit, resistere diu non queant. Expu-
gnentur & demoliantur omnia ipsorum minora castella & for-
talitia per Ungariam, ubicunque ea noster exercitus attingere
poterit. Exuratur & devastetur tota provincia Ungariæ ci-
tra & ultra Budam: ut hostes advenientes cò magis commea-
tu & alijs commoditatibus destituantur. Muniantur & fir-
mentur ea loca maximis præsidijs: quæ illi adventanti primò
erunt obviæ: & quorum oppugnationem maximè tentare
velle & posse videbitur. Ponantur nostra castra in loco ali-
quo vicino & securo: item opportuno ad succurrendum,
& occasio fuerit, loco obfesso: & ad impediendum hostem:
ne pro libitu ulteriùs progredi possit: & unde, cùm hostis ac-
cesserit, liberè cum illo configere; vel tuto ibi nos sustinere
vel recedere possimus. Observetur ubique certus modus
castra

castra metandi & muniendi; ut commeatu & pabulatione non destituamur: & ut à celeritate & assultibus hostium opprimi ex inopinato non possimus. Instituitur ab initio severa disciplina militaris, & ordo militiæ. Prohibeantur serio nimia illæ & perpetuæ commensationes, epulæ & crapulæ: quibus morbi in castris causantur, & nulla copia sufficere potest. Velitationes, excursiones, frumentationes bono ordine & securè permittantur: ita ut nostri milites non temere hostibus obiciantur, & non necessarijs periculis exponantur. Instituitur certus modus & ordo configendi cum hoste; si necessitas vel occasio ita tulerit, & edoceantur milites illum observare. Videlicet *Primò*, ut integris ordinibus pugnetur cum hoste: & turmæ equitum & peditum nunquam, etiam fugiente hoste, dissolvantur. *Deinde*, ut primum agmen tantum insequatur hostem, nec aliter quàm turmatim. *Tertiò*, ut in media acie pedites & equites semper progrediantur, & maneat conjunctim. *Quartò*, ut peditatus sit circumvallatus levioribus tormentis concatenatis: item curribus, sclopetis & bombardarijs instructis, prout specialiter explicabitur. *Quintò*, si equitatus Turcicus à primo agmine fuerit repulsus, ut nostri non nimis procul insequantur: neque mediam aciem nimis procul deferant: cum hostium maximus sit numerus, & facile ad pugnam redeant: sed potius se ante mediam aciem recipiant, ut junctim cum illa ad equestrem & pedestrem hostium aciem, & totum illorum robur oppugnandum progrediantur. *Sextò*, sequatur illicò posterior acies: atque ad latera, & ubi opus fuerit, prioribus succurrat, & à tergo hostes sustineat. *Septimò*, pugnandi occasio Christianis præbebitur, si hostis in oppugnatione alicujus loci diu vel frustra defatigatus fuerit: si tabes vel pestis vel fames exercitum invaserit: si lassus & debilitatus retrò cedere ac reverti cogatur. *Octavò*, quòd si contigerit, illum Deo dante etiam non profligatum reverti: consultißimum esset, bellum per totam hyemem sufficientibus &

Ecc 3

integris

integris copijs continuare, & confinium integrum expugnationem tentare, & loca recuperata summâ celeritate munire: ut ita hostes quàm procul à confinijs arceantur: & majore belli difficultate in posterum detineantur. Reliqua quæ sunt, & quæ huc etiam possent adduci, tempus & occasio, necessitas, experientia, & ducum militarium virtus edocebunt. Numerus copiarum pedestrium & equestrium, item diversitas nationum, & militum exterorum, quorum opera etiam necessaria est ad tantum bellum, poterit singulari scripto explicari, & Statibus proponi: si eò usque in tractatione fuerit processum.

Qui belli
Duces.

PORRO frustra fortificantur confinia, & præsidia aliæque res necessaria imponuntur, & damnosus est universus belli apparatus: nisi à bonis ducibus cum bono modo & ordine regatur. Est autem proprium munus Regum & Principum, bellum recte administrare & subditos defendere. Sit ergo Imperator ipse summus belli dux: substituatur aliquem ex filiis, cui cura & administratio rerum bellicarum sit demandata: ad quem omnes reliqui duces & præfecti post suam Majestatem respiciant: & ad quem omnia negotia bellica expedienda & tractanda deferantur. Adjungatur illi Bellicum Consilium, ut mox dicetur: referat hoc negotia magis importantia & urgentia ad resolutionem suæ Majestatis. Sub eo habeat suprema Ungaria suum supremum belli ducem: habeant loca antemontana: habeat Jaurinum & loca vicina: Canisæ sit Magister ordinis, vel suum locum tenens: in Carinthia, Stiria, Croatia sit Archidux Carolus. Quilibet præsit militiæ in suis confinijs: & pendeat à mandatis Cæsareæ Majestatis & generalis Capitanei. Si exeundum sit ad bellum apertum, vel contra Beglerbegum, vel ipsum Turcarum Imperatorem: exeat ipse Capitaneus generalis: vel subcapitaneus & Locum tenens: prout tempus, occasio & necessitas id postulaverit.

Consilij
Bellici of-
ficium.

CONSILIVM Bellicum, quod Viennæ residet, ea negotia, quæ in confinijs se quotidie offerunt, & adeò magni momenti

menti non sunt, tractare & expedire debet: ne Cæs. Majestas vel Capitaneus generalis ijs nimium molesteretur & obruatur: ita tamen ut de singulis ad Capitaneum Generalem referatur: & ipse in tractatione arduorum negotiorum præsens sit. Summa cura & sollicitudo Consilio Bellico esse debet: ut ordo confinium interteneatur & observetur: ut singuli Capitanei & Præfecti & Officiales suum officium ex præscripto suarum conductionum & instructionum bene administrent: ut ubique confinium necessitatibus tempestivè provideatur & succurratur: ut milites, qui à Præfectis ad aulam mittuntur, vel propter privatâ negotia veniunt, promptè & humaniter tractentur & expediantur: & oretenus potiùs cum illis agatur, quàm per scripta: ut exploratoribus hostilibus diligenter intendatur: ut contentiones & querelæ militum ex æquo & bono concordentur: ut nostrorum militum temerariæ & non necessariæ excursionses & periculationes in tantâ Ungarorum paucitate non ferantur; nec per illas hostibus causa justarum querelarum præbeatur: sed pacta pacis strictè observentur: ita tamen ut excursionses Turcarum hostiles fortiter inhibeantur atque reprimantur: & si contigerit Turcas à nostris cladem pati, ut illicò ad vicinos Bassas scribatur, & factum nostrorum excusetur & justificetur, ne falsæ querelæ Constantinopolim delatæ Imperatorem Turcarum irritare facile possint. Lustrationes & solutiones militum singulari fide & sollicitudine fieri curent: videlicet, ut bonos & fidos viros & industrios pro Commissarijs & lustratoribus deligant, & stricto juramento obligent: ut diligenter revisiones & secretæ inquisitiones fiant super lustrationes, & Commissariorum acta & regesta: ne nervi belli fraudulentè & malè consumantur. Ut experti & fidi architecti & ingeniarij sint liberalibus stipendijs conducti, quorum consilio & operâ fortificationes rectè designentur, promoveantur, & perficiantur, & nihil frustra vel inutiliter impendatur. Ut sæpius aliqui ex Consiliarijs bellicis structu-

ras


ras revideant; ne error vel culpa admittatur: & ut ea quæ necessaria sunt tempestivè subministrentur. Ut simul etiam revideant confiniorum statum, & inquirent de sufficientia & defectu Capitaneorum, Præfectorum, militum, item commæatus, artilleriæ &c. Utque provideant illicò de remedio, vel super illo ad Cæsaream Majestatem vel Capitaneum Generalem scribant. Ut modus & ordo statuatur utrique Consilio, tam Bellico quàm Camera: ut quodlibet cum altero super negocijs & necessitatibus quotidie emergentibus, moderatè & absque rixa & invidia tractet, suum officium faciat, & publicam utilitatem respiciat. In Consilium Bellicum adhibeantur semper, & tunc maximè sequentes Præfecti, quando de rebus ad illorum officium spectantibus tractatio & deliberatio incidit: nimirum Præfectus artilleriæ & fortificationum, Præfectus commæatus, Supremus Commissarius lustrationum, Capitaneus sive Præfectus Viennensis. Deligantur ad functiones horum officiorum viri præcipui, auctoritate experientia & fide præstantes; sine ulla prolongatione & stipendiorum respectu: cum absque hoc ordo & recta rerum bellicarum administratio constare non possit.

Quales
Commis-
sarij &
Consiliarij
& Quæ-
stores Im-
perii esse
debeant.

POSTREMO cùm Imperij Status medietatem sumptuum ad intertenenda confinia contribuant: cumque in majori necessitate belli præcipuum robur militum & exercitus subministrare debeant: æquum est, ut omnia communicatis consilijs, mutuâ operâ, & æquali scitu & intertentione regantur & gerantur. Itaque ordinentur certi Quæstores & Commissarij ad tractandam rem pecuniariam, ad solvendo milites, ad lustrationes inspiciendas, ad promovendas fortificationes, ad debitas expensas subministrandas; unà cum Commissarijs & ministris Cæsareæ Majestatis & Provinciarum. Sint deputati Consiliarij Bellici unus atque alter ab Imperio, qui bellico Consilio intersint, & adjuvent rectam & necessariam rerum bellicarum administrationem,

FELI.

FELICIS PETANCHI CAN-
CELLARII AD VLADISLAVM
HVNGARIÆ ET BOEMIÆ
REGEM
LIBELLVS
DE ITINERIBVS AGGREDIENDI
TVRCVM.



Accepimus, Serenissime Rex, majores nostros, cum de inferendo bello consultarent, prius itinera, quibus tunc in hostes pergerent, multorum & scriptis & documentis accuratius investigasse. Qua ex re tunc compertum est, eos fuis validioribus copiis amplissima regna atque opulentissimas provincias occupasse adeptos. Ea propter operæ precium erit Majestatem vestram commonuisse, quos terrarum limites quasve gentium regiones adeat in Turcos expeditionem affectans. Et quamvis decenti & matura persuasione ad provisionem ruinæ Christianæ opus esset exordiri prolixioribus verbis; status tamen perturbatissimus rerum me prohibet: eoque maximè, quod majores nostri, quorum exemplis innitimur, in hujusmodi arduis & maturè navandis rebus impigri ac semper citissimi extiterunt.

Igitur omittis oris maritimis, quæ versus Asiam navigantibus patent, referam duntaxat, qui tramites ex Septentrionali plaga in Thraciam & Orientem dirigant. PRIMUM igitur ex Pannonia ad Istri & Savi confluentem trajicitur in superiorem Mysiam, prope Belgradum oppidum. Vbi duæ concurrunt viæ: altera superior in Thraciam, sive Romaniam; altera inferior ad Dardanos & Macedones mittens. Sed superiorem viam sequendo patentibus campis Godomiri præter celebre sanum Resfare, Regum atque Principum illustratum sepulchris, non procul superato amne majoris Muravæ, relictisque sinistrorsum agris Dardaniæ, per pagum Branicerum pergitur ad Nesum; olim (ut ex ruinis cernitur) civitatem peregreiam, nunc instar vici redactam & à Turcis & Bulgaris habitaram. Adjacet ea altissimis montibus ex finitimo Rhodope progressis, fluvio Nisava à quo denominatur; magnæque venalium copia rerum inter alios Mysiæ & Triballorum pagos censetur præclara. Abest à trajectu Belgrad. sex millibus passuum. Ex eâ ascendendo ad vicum

Fff 2

Pirothi,

Pirothi, situm in montanis; peragrato vasto montis Cunoro-
vicæ jugo arduo atque difficili; cum ob profunda circumvenien-
tium rupium concava, tum propter densissimum nemus, lon-
gioresque anfractus, fit per quinquaginta miliaria accessus ad
Sophiam metropolim Triballorum; imperium nostro sæculo
memorandum. Iacet in plano; spectans ab oriente inferio-
rem Mysiam, hoc est, Sagoriam: ex Chyabro flumine, circa
Bionium & Nicopolim oppidum, porrectam per limites Illyri ad
mare Ponticum; à meridie Thraciam; ab occasu & septentrio-
ne Cordiscos, Triballos, & excelsas montis Vassiglicæ alpes.
Hinc Rhodope præ alijs quam plurimis, quos habet, verticibus
est eminentior: quasi omnibus finitimis montibus imperitans:
quod ex ipsa Græca denominatione planè innuitur: per cujus
asperos & angustissimos aditus biduo pertransitur ad plana Phi-
lippopolis vel Romanicæ. Hæc Romani Asiæ quondam impe-
rium sibi vindicantes iter habuere: quorum insigne ad hæc usq;
tempora in montis medio marmoreis erectum columnis con-
spicitur. Hinc & Gotifredum Bullionium, dum terram promissio-
nis recuperaturus pergeret, ad Hellepontum sive Callipolis
trajectum ex superiori Mysia transcendisse, memoriæ prodi-
tum est. Hisce etiam angustijs Vladislaus Pannoniæ & Poloniæ
Rex olim ab Amurathe Turcorum principe obsessus, retrocede-
re, & in Pannoniam ire fuit compulsus. Ex Philippopoli via
tridui, eaque campestri continuè ad latus Maricæ sive Hebri flu-
minis pervenitur Adrianopolim: vocatam apud priscos Odry-
sum sive Orestida. Ea quantum pulchritudine & rerum getta-
rum gloria inter omnes Thraciæ urbes semper claruerit, hinc
vel maximè deprehenditur; quod ejus fecunditate veteres Bi-
thyniæ Reges allekti, ex Asia in Europam commigrantes ipsam
sibi in domicilium atque imperij sedem diu ante Byzantij expu-
gnationem tenuere. Ab ea in Propontidem & Hellepontum
sive

sive Callipolim milliaria LX; in Constantinopolim verò cxx computantur.

Altera via inferior, quæ ex eodem Belgrado per Dardanos & Triballos montes Amum transgressa, prope Ilebium cum superiori via conjungitur.

ALTERA inferior via est accessu perfacilis. Paret enim ex Belgrado ad limites Myſiæ & Dardanorem cclxxx millibus passuum. Progrediens circa Ostermicæ oppidum & Racanicensē monasterium: adducit primò ad Moravam (olim Moschū dictum) ad latus arcis Crusceavæ fluentem, quandoque inbrium exundatione invadibilem: dehinc ad Basilicam albam, & Appennini montes, Myſiam invicem separans. Rasciani enim primi hujus provincie populi feroces ac bellicosi eam partem incolunt, quæ ad Dravum Savum & Iſtrum flumina spectat: Valachi montani, genus agreste hominum: hi gregibus tantum pollent & armentis. Aliam autem, quæ ad Dardanos Macedones & Triballos vergit, Serviani; gentes usu mitiores, & siederum aspectu benigniore eo quòd magis ad meridiem tendant, & frequentia commearum mercatorum. Pertransitis itaque montibus, sequitur planum Dubotizæ frequenter inhabitatum. Sed dimisso aliquantisper ad lævam tramite; qui ad villam magnam Procopiæ & Nisum dirigit: non procul offert se vallis Colſavicæ, cum Labo flumine per medium ejus decurrente: procedens ad latissimum Colſorum campum, celebratum tories diversarum gentium certaminibus. Verùm ex multis quæ hic præclare gesta in antiquis narrantur annalibus pauca in hujus campi memoriam repetam. Galli olim Græciam atque Asiam occupaturi, illic primò tumultuantes cum circumfinitis populis prælium inêre, non sine magna strage: ut ex eorum monumentis apparet. Precibus namque vix inducias obtinuerant,

Fff 3

donec

donec traditis sepulturæ occisorum corporibus, à provincia abirent. Præterea anno jam cl. Amurathi Turcorum Regi magna cum Barbarorum multitudine ex Thracia in Mysiam irrudenti Lazarus Despotus hic cum multis millibus obvians, fuit occisus; paucis ex suo exercitu supersticibus, apud Turcos victoria remanente: non incruenta tamen; peremto ibidem eorum rege: ubi ejus adhuc intestina marmoreo condita tumulo jacent. Cadaver enim in Bursam sive Byrsam Bithyniæ metropolim deportatum est cum alijs ex Othomannorum familia Regibus sepeliendum. Postremò hic fuit illa infausta & omnibus sæculis execranda clades, Ioannis Huniadis, genitoris D. Matthiæ Pannoniorum Regis: ex conflictu habito cum Amurathe & Mahumete Calepino ejus filio: qui fuit pater moderni Turcorum Imperatoris. Hujus campi planicies protenditur circiter Lxx millia passuum; usque ad viam Cuzamici, & fauces Chissuræ quæ ad Scopiam ducit: posita inter duo flumina Sithnizum & Labum, vallata undique montibus; quorum extrema perabundant vicis & pagis; habens ad latus opulentissimum pagum Pristinam, qui ob maximam ubertatem fuit quondam Mysiæ dominis in maximis delicijs. Est insuper ad decem milliaria Novo montana civitas, Germanorum colonia. Principiò namque Saxones in Mysiæ partibus metalla & argenti materiam reperere. Caterùm juxta Horavizæ lacum & paludes, divertendo ab ea via quæ ducit Binzum; Moravam, ad montes Crivicina infra Mysiam & Dardanos jacentes, itinere unius diei ab ingressu Chissuræ, pater accessus ad Scopiam, caput Dardanorum & terminum Macedoniæ. Hæc civitas est ferax, & abundans omnibus preciosis terræ fructibus: plena divitijs: diversorium peculiare principis: irrigua salubri flumine Vardaro; scaturiente ex jugis altissimis Orbe montis: qui imminet Macedoniæ, Triballis, Mysiæ, Dalmatiæ, ac Epiro: propterea opportuna ad con-

convocandum exercitum. Inde iter arripiendo per planiciem Gegligovæ, vallem Conopnizæ, Balnea Beobusci, pontemque Strymonis, dirimentem Macedones à Triballis sive Bulgaris, prope villam ripæ Rubæ: perlustratis campis Samocovi & silvis vastisque solitudinibus montis Hæmi: apud Triballos ejus accolæ Costegnazo difficili admodum via descenditur ad Marizam, hoc est Hebrum fluvium, & campos Philippopolis sive Romanæ. Vbi hæc via inferior, distans à Scopia cxxx millibus passuum, conjungitur cum superiore: ex monte Vasiglita sive Rhodope ad hæc plana progrediente.

De cognomine & situ Romania.

ROMANIA autem, de qua paulò superius mentionem fecimus, est regio aprica; affluens omnibus, quæ ad humanum expediunt usum: à Romanis olim ob magnam situs amœnitatem diu habitata. Vnde propter frequentes in ea provincia Romanorum colonias, & præsertim Constantinopolim, quæ quasi altera Roma vulgò nominari consuevit. Ejus longitudo à littoribus Ægæi æquoris & Strymone fluvio cccxc millibus passuum progressa; ab oriente, Ponto; à septentrione Istri ambitu, non longè à Rhodope, juxta Ciabrum amnem, cum inferiori Mysia finitur: latitudo verò ex vicinis Hæmi latebris incipiens ad meridiem clxxx versus Callipolim protenditur.

Alius locus unde ex Pannonia in Mysiam juxta Saslon oppidum trajectus est.

SECUNDVS autem locus, unde ex Pannonia transitus in Mysiam est, prope Saslon, sive Sabacum oppidum; non procul inde ubi Drina ex Dalmatia decurrens Savo immiscetur. Ultra Savum duæ sequuntur provinciæ, Belgina & Maza; relictis ad dextram flumine Albo, & his montibus, Sacero, Chibenco, Cru-

Crupino, Saëza. Et tunc itur ad famosum vicum Vagbeim, montesque Larzi: exercitibus propter currus & alia impedimenta immeabiles. Ex parte sinistra fit progressus ad vadum majoris Muravæ, alluentis ibidem Crussevam arcem: adhærendo semper alijs itineribus superius memoratis.

Via quæ ex Pannonia per Transylvaniam mittit versus Thraciam & Pontum.

Est & tertium iter opportunius minusque laboriosum; ducens ex Pannonum finibus in Thraciam, & ad alia loca vicina Ponto. Verùm quia tam ipsos Pannonas, quàm reliquos trans Danubium commorantes populos, illud minimè latet: cùm ex concursu comitantium invicem mercatorum: tum ob continuum bellum, quod circa oram Istri & eas regiones Turcos propulsando exercent; pauca tantummodò ad hanc viam necessaria aggrediar. Buda itaque abest à Varadino Lxx x millibus passuum; interjacentibus Cumanorum locis & flumine Tibisco. Hinc ad Rhium oppidum prope Crissiam amnem est via unius diei, semper campestris. Ex eo patet accessus per vallem longam in Colusvariam sive Themisvariam. Inde ad Sibinium, pari spacio itineris & perfacili. Hæc civitas est principalis ex Septem Castris. Quæ regio vulgò Transylvania sive Herdelia appellari consuevit: bello insuperabilis. Parit enim strenuos, ac fortissimos milites. Est in ea Huniad oppidum, loci natura munitissimum: unde Ioannes pater D. Matthiæ regis oriundus fuit: qui hîc primùm Turcis, eorum duce Mesribecho interfecto, melioribus semper auspiciis victoriam persequendo, aded hostibus terrori, & suis admirationi extitit, ut omnium sententiâ in regni gubernatorem deposceretur. Ex Sibinio sequitur Corona sive Bresovia: ultimum oppidum Transylvaniæ: adjacens montibus: qui dividunt eam provinciam à majori Valachia

seu

seu Dacia. Hinc tertia die aditur Tragoviscus, metropolis Valachorum, & sedes peculiaris Principum inaccessibilis: non muro, non mœnibus cincta, sed fossa, vallo & aggeribus tantum, cum sudibus præcutis exterius positis; sita inter paludes, obductas lutosissimis sylvis & lacunis aquarum: ita ut hyeme tota penè circumfinitima regio immeabilis sit. Hæc est provincia Dacia dicta apud veteres, Romanorum colonia: unde ejus aborigines hac etiam nostra tempestate passim Latino utuntur colloquio. Est ea gens barbara, crudelis, divinationibus & augurijs dedita, rapinis semper & prædæ inhians. Ex his locis declinando viam ad trajectum Bidinii & Nicopolis dirigentem: ad lævam offert se Vasilum castrum: medium fermè consistens inter Valachiam majorem & minorem, quæ & Moldavia dicitur: ubi sæpè cum Turcis certatum est. Dracula enim cum paucis sed delectis militibus Mahumetum Turcorum imperatorem potitum jam majori Valachia, & ad minorem occupandam maturantem; hic ad secundam vigiliam noctis aggressus, conversum in fugam ad Danubium, cum magna suorum cæde & ignominia, regredi coëgit. Hic denique Stephanus Moldaviæ princeps Soleimannum Bassam & Ducem Romanæ sic prostravit, ut ex xxx Turcorum millibus pauci admodum, qui fortè velocioribus equis insederant, evaserint. Ex Vasillo circiter xxx millia passuum pertransitur Ister ad Brilagum, sive Brailorum oppidum. Ultra quod occurrit Græcia; procedens ultra septem ora Danubii usque ad Pontum. Vbi est campus Varnæ; celebratus primo conflictu Imperatoris Sigismundi & Ducis Burgundiæ; postmodum cæde Vladislai Pannoniæ & Poloniæ Regis atque Legati Apostolici.

*Via per quam ex Varbosania itur versus
mare & montes Corbaviæ.*

RELIQVVM est, ut quàm brevissimè enarretur: ex quibus
Ggg Dalm-

Dalmatiæ partibus Turci irruant in Germaniam, & in alias circumfinitimas nationes. Est igitur in ea provincia locus qui Varbosania dicitur: caput & sedes principalis Ducis ejus gentis: quò omnes ex Asia & Europa barbari prædæ ac rapinarum avidi confluunt: propterea quòd inde facilius discurretur sive ad oram maritimam, seu per Licham & montes Corbaviæ, in Liburnos, Istros, Lubianam, & Forum Iulium: vel ex monte Adrio, qui fermè medius inter Bosnam & sinum Adriaticum consistit, ad Croaciam declinando, in Carniolam, Ciliam, Carinthiam, Suriam usque Austriæ penetratur fines. Sed ex declinatione itinerum, quibus ad eas transfitur gentes, ubi quæque regio sita sit pleniùs apparebit. Hostes itaque ex Varbosania ad planitiem Thimæ sive Sethiæ, distantem clxxx millibus passuum, & ad alia loca proxima mari discurrere volentes; etsi plures aditus habeant, duos tamen continuis excursionibus sibi magis cognitos, & quasi faciliores frequentant: altero circa Visochij Ganzam & Proforium oppida descendunt ad Clissum, Spaletum, Tragurium & Sebenicum: altero autem longiùs ad Cluci arcem porrecto, præter Bistrizam, intrant in Jadræ plana usque ad fretum patentia, dirimens Insulas ab invicem à promontorio Corbaviæ, cæterisque mediterraneis locis. Verùm regrediendo ex istis campis ad Cluci oppidum & montes, unde in hæc littora divertitur, duæ offerunt se viæ: alia versus Bichachium & Hunam fluvium pergens: altera per angustias Corbaviæ plerisque in locis transitu difficili & arcto, vix pedibus peragrandò, dimissis ad lævam Novij & Buchari oppidis, cum Istria, Tergesto & Monte Falconis. Feruntur ex limitibus Bosnæ cccxx millibus passuum, ad Hisunitium amnem.

Via

Viaque ex Cluci oppido versus Hun fluvium progreditur, & per quam itur in Germaniam.

SED superiorem viam tendendo; trajicientes Hun fluvium ad latus Bichachij; relicta Cruppa ad dexteram; semper locis campestribus spacio L milliarium offendunt omnem regionem Croaciæ circa Modrusium, usque ad Cruppam & Savum fluvios. Hinc etiam Lubianam excursions fieri possunt per eosdē montes Corbaviæ; via stricta, lapidosa & aspera. Post Cruppam amnem sequitur Methlica: in cujus finibus est mons arduus, transitu difficilis, porrectus ad quatuor millia: ubi paucodum præsidio iter hostibus præcluderetur. Inde ad Savū & Carniolam transcurreunt, & ultra Savum per Ciliam, Carinthiam & Stiriam provincias Dravo flumini adjacentes depopulaturi, dextra Muram fluvium & Austriam adoriuntur.

Via Egnatia ex Epiro sive Dyrrhachio, per Æmathiam in Thraciam progrediens.

DVXI præterea peropportuno fore, si nostræ ætatis hominibus simul atque posteris notum fieret: per quæ itinera olim Romani exercitus ex Epiro in Macedoniam sive in Orientem transibant: præsertim cum & assidua bellorum vastitate & temporum vicissitudine nomina urbium atque locorum oblitterata, omninoque hodiernis Christianis militibus incognita existant. Proinde duæ sunt viæ. Altera Egnatia, ex Dyrrhachio in orientē: quam Strabo geographus ad Hebrum fluvium Thraciæ per millia passuum DXXXV mensus est. Altera autem ex Apollonia: quæ Candavia à monte Illyrici denominatur, in Macedoniam cCLXVII Thessalonicam usque progrediens. Sed prior Egnatia ex Dyrrhachio per Pharsalicos & Æmathiæ campos: linquendo sinistrorsum Fandam fluvium, & montes Ducagmorum; circa Lisum, Æmathiæ quondam nobilissimam civitatem, & frequentissi-

Ggg 2

mos


mos Vrachia & Dibri pagos: pergens ad Belgradum oppidū fer-
mè medium inter Æmathiam, Thessalos, & Macedones: dimissis
ex parte dextera Thessalonix montibus: læva verò Drina fluvio;
peragatis sylvis & nemoribus finitimorum montium; descendit
in planiciem Macedonix, extensam versus Hebrum & Thraciam.

*Via Candavia maritima, ex Apollonia ad
fauces Propontidis extensa.*

SECUNDA verò via quæ Candavia dicitur, ex Apollonia,
unde sumit initium Epirus, ad sinum Ambracium, præter Aulo-
nis sive Valonæ lacum procedens. Dextrorsum adjacent sibi
gentes Epiroticæ: quas Siculum mare alluit. Hæc regio vulgò
Arbanus nuncupatur; diu sub Aranitorum dominio habita; cum
Achelloo, vel (secundum accolas) Pachicolamo amne è Pindo de-
currente conjungitur. Illic terminus Epiri. Ab eo per Acarna-
nes ad Evium seu Phidarim fluvium; qui in os sinus Corinthiaci
influit: dirimentis Ætoliam à Peloponneso; ad Anthirium flu-
men Isthmo pertinet. Verùm tota hæc via superius memorata
continuè extenditur per oram maritimam; aditu quibusdam in
locis aspero, & longius à mari ambiendo; ob crebros prominen-
tes in hæc littora montes. Ea post Isthmum ab Ægæo excepta
pelago, per Locros, Phocenses, Bœotios, Atticos, & Megarenses,
Græciæ maritimos populos: circa Eubææ atque Thessalonix
sinus, dimissâ ad lævam Larissâ, descendit usque Thessalonicam
clarissimam Macedonix urbem. Dehinc rursus ad latus ejusdem
freti versus meridiem, Athon montem declinando: per plana &
montes Strymonem transgrediens: qui Macedones à Thracibus
dividit: locis semper maritimis ad Æmionem oppidum extendi-
tur; ubi Hebrus Thraciæ fluvius Ægæo immergitur æquori. Hinc
duo patent itinera: Alterum per LX millia versus Adrianopo-
lim: Alterum autem ad lævam per pontem Æginæ, supra palu-
des & lacus miro artificio tribus millibus passuum extensum,
præ-

præbatur accessus ad Callipolim: ex ea in occasum divertendo facile ad fauces pervenitur Propontidis, sive Dardanellum.

Hæc sunt itinera à Romanis olim toties peragrata exercitibus: nunc à Christianis obnixius affectanda, si pulsus ex Europa barbaris perpetua pace potiri concupiscunt. Non est itaque expectandus hostis: neque dimicandum cum eo in limitibus & gremio Italiæ. In Epirum sive Macedoniam transportandæ sunt copiæ uno atque eodem momento. Hinc ex Pannoniæ oris bellum Thraciæ inferendum esse, nemo jam ambigit: non futurum enim militem, neque commeatum; omniaque necessaria præstò fore. Aderunt & ex circumfinitimis provincijs undique fideles populi, solam expeditionem Christianam præstolantes, parati hostes undique adoriri, ubi primum senserint Christianorum castra Istrum, & ex Italia exercitum Adriæ fretum trajecisse. Hæc est una atque extrema via debellandi hostem. Legimus namque Alexandrum Magnum cum Dario Persarum Rege in Asia decertasse. Xerxes ne ab Atheniensibus in regno suo circumveniretur, prior ipse Græciam invasit. Hannibalis quoque una atque eadem sententia semper erat: ut in Italia bellum gereretur: neque ab ea jam victor revocari potuit prius, quàm translato in Africam bello. Cæsari etiam tanta in opprimendis hostibus celeritas inerat, ut plerumque ipse famam sui adventus præveniret. Sed prætermittenda sunt tot exterarum gentium exempla. Solummodò unum relinquitur dignum memoria, ac celebrandum posteris documentum Ioannis Huniadis. Qui nunquam passus est Turcos adversus Christianos expeditionem movisse: quin eos in ipsa Thracia aggredereetur. Cujus præclara ac sanctissima pro defensione orthodoxæ reip. incepta nostræ tempestatis Principes æmulari atque imitari, Dominus IESVS CHRISTVS, DEVS OPTIMVS MAXIMVS faxit.



CHRISTIANI FRANCI
DOLIVM DIOGENIS,
STREPITV SVO COLLABO-
RANS DYNASTIS CHRISTIANIS,
BELLVM IN TVRCAS PA-
RANTIBVS.

Inmultantibus Philippi Macedonis hostili adventu Corinthijs, atque alijs aliam ob causam sollicitè per urbem, ut sit tali rerum statu, discurrentibus: legimus Diogenem, Corinthi tunc fortè habitantem, etiolum in tumultu illo non fuisse: sed dolium suum, volubilem domū suam, tam serio sursum deorsum volutasse, quàm ceteri arma reliquaque ad bellum necessaria comportarent. Vos jam, ô Germani, ceterique bellatores magnanimi gerendo bello Turcico incumbentes, me de re tanta scribentem cogitate tantulum quendam Diogenem, vel miserum etiam quendam Tantalum: nec tam suaviter deridete, quàm Hannibal Phormionem illum derisit Peripateticum: qui homo minimè militaris, de militia tamen, coram tanto Duce, ausus fuerat differere. Non enim ad scribendum mea sponte veni, aut ostentandi ingenij, aut venandi proprij alicujus commodi causa: sed rogatus, ut in hac omnium cura & solitudine parandi belli, ipse quoque aliquid agerem: si nihil aliud possem, vacuum potius Diogenis quam plenum Bacchi dolium volutarem. Igitur Diogenico hoc dolio excirabitur quidam tantum strepitus: tum ad alios quosdam excitandos; tum ad sua sponte pronos & currentes magis etiam incitandos. Bellum enim infert Christianis, nominis Christiani hostis barbarus, sed prudentia minimè barbara. Nam si non est literarum, nec tamen poculorum, sed armorum studiosus, sobrius, vigilans, belli sciens, in omnes fortunæ occasiones intentus. Vider ille optimè, perpaucos jam Germanis esse claros militiæ duces: Regem Hispaniæ bello distineri, & distrahi Belgico: Galliæ Principes de sceptro decernere ferro: Angliæ Reginam capitali odio à reliquis Christianis dissidere: Polonos, Venetos patris inducijs non posse adjumento esse Germanis. Et hos ipsos non esse concordēs: non consulere in commune: plerosque

que privatis, quàm publicis commodis esse propensiores. Ex præteritis conjecturam facit de futuris. Scit ademptum Christianis Byzantinum Orientisue Imperium; cùm inter Græcos & Latinos, æstuantibus religione animis, nulla firma pax sanciri aut stabilis concordia iniri potuisset. Hinc jam animo concipit Occidentis etiam Imperium: quod discerptum novit ab aliquot Regibus & Regulis: qui à communi aliquo Rectore non pendentes, arbitrato suo grassentur in inferiores. Quibus grassationibus intra paucos annos plures confecti sint Christiani; quàm vel ipse ex omnibus suis Regnis ad victoriæ suæ designationem posset educere: vel Christianis ad ipsum profligandum planeque delendum forent necessarij. Istiusmodi rerum statu Romana olim Aristocratia corruit suis ipsius viribus: Pompejo æqualem, Cæsare superiorem ferre nolente; infestis est armis concursus; donec unius dominatu forma reipublicæ mutaretur.

Neque una & simplex est discordia Christianorum, uti olim Romanorum, sed multiplex & varia. Nam ad communem dominandi affectum, miscentem & turbantem omnia, si unius alicujus vi & autoritate non cohereatur, accedunt capitalia, planeque fatalia, tum religionum, tum nationum dissidia. Religionis varietate distracti nostrates non plus possunt, quàm in diversa nitentes equi uni currui juncti; ut verissimè dixerit Lactantius, religionem non à relegendo, ut Cicero voluit, sed à religandis animis nomen traxisse. Turcica superstitio tantam non recipit opinionum varietatem: totaque ad rem bellicam est accommodata: quippe cùm intimis omnium sensibus hæreat infixum; unicuique à Deo præfinitum & genus, & tempus mortis, quod si in ipso pugnae discrimine nec dum adsit, vel unum innumeros profligaturum Christianos, sin autem hora fatalis jam præstò sit, ex prælio mox evoluturos in

Hhh

cælum,

coelum, ibique eò majores paratas sibi voluptates, quò plures occiderint aut læserint inimicos. Nationum autem odia etsi naturalia sunt, ob naturarum, morum, linguarum, studiorum dissimilitudinem; quam ad amicitias vel constituendas vel retinendas aptam esse negat Aristoteles: eum tamen affectum minuit temperatque Turcis prudentia quædam bellica: qua nullum soleant fastidire hominum genus, in quo virtutis aliqua significatio appareat. Qua quidem re barbari planè imitantur veteres Romanos, qui ad se quavis ratione allectis & attractis, cujusvis nationis magnanimis viris, orbem complexi sunt terrarum.

Ad dictam prudentiam bellicam hoc accedit, quod redundantem, & generatione excrecentem hominum multitudinem, non sistant domitori inutiliter: sed contra inimicos, præsertim Christianos, tanquam in colonias ablegant. Inde Regnum illud duplicem accipit commoditatem: alteram, ut domini minus multi sint facinorosi, quales parit multitudo in angusto solo minimè apto plurimis alendis: expurgatâ autem tanta hominum quasi sentina, cæteri copiosius & tranquillius domi vivunt: alteram; ut Imperij fines indies magis magisque proferantur, & novæ quotidie exstructæ arces Christianis irrupturis objiciantur, omnisque eis facultas & spes recuperandi amissa regna præcidatur. Christianorum autem superfluum multitudinem partim capiunt monasteria, (excipio eos, qui non egestate, sed vera ducti pietate sese abstrudunt in religiosam solitudinem,) partim supplicia auferunt, partim pestis absumit. Vbi enim hominum, ibi & sordium crescit multitudo: sordes faciliè postea pestem concipiunt.

Iam vero in tanta prudentia bellica illud faciunt prudentissimè: quòd cum alijs isto fœdere, cum alijs interim Christianis bellum gerant: pervagato utentes stratagemate hostes disper-

dispersos figillatim invadendi. Non ignari, caudæ equinæ pilos seorsum faciliè evelli, & singulas sagittas vel à puero posse confringi: quibus exemplis Sertorius & Scylurus Scythæ sunt usi; ut quantum possit concordia, quamque infirma sit discordia, docerent. Tantam autem concordiam in tam vasta Imperij Turcici mole maximè conservat metus. Qui Ciceroni malus est diuturnitatis custos; sed barbaris illis regnum facit adamantinum: propterea quod metus stabilis sit & durabilis in servilibus ingenijs: amor autem mutabilis, etiamsi multa beneficia dederis. Metuunt mancipia alieno arbitrio: amant ferè suo tantùm: igitur magis in tyranni manu est ut timeatur, quàm ut ametur & laudibus vehatur. Ex timore constans surgit obedientia: quæ magnum Imperij Turcici est firmamentum: cujus testes sunt pervulgatæ illorum & percelebratæ hæ voces: *Unus in cælis Deus, unus in terris Princeps.* Alta autem ingenia, cujusmodi multa alit Christiana Respublica: abjecto metu potentiorum, miscent & turbant omnia regnandi cupiditate: existimantes, omnia deberi suæ virtuti & sapientiæ tam exaggeratæ, ut nec terra, nec mare, imo nec cælum ipsum eis jam magnum videatur. Utinam verò istiusmodi infinitæ humani ingenij mentes, immensis Philosophiæ finibus possent includi: melior profectò, tranquillior, & constantior foret orbis Christiani status. Nunc autem ut orbis cælestes perpetua quadam vertigine rotantur, statisque temporibus in idem, unde discesserant, punctum revertuntur: ita cælum humanum, cerebrum inquam altè spectans, nonquam quiescit, sed semper volvitur revolviturque, motuque suo eadem consilia, eadem bella, easdem occasiones, eisdem tyrannides, eosdemque omnis generis felices infelicesque rerum eventus subinde tanquam in orbem reducit. *Quant-*

Hhh 2

obrem

obrem Plato & Aristoteles dixerunt, naturales quoque rerum publicarum esse conversiones: ductâ ratione ex analogia seu proportionem: quæ inter rem publicam & singulos homines, quibus res publica constat, perspicitur. Singulorum corpora hominum cum è contrarijs elementis constent, eodem semper statu permanere non possunt: sed in ea principia, ex quibus coaluere, redeant aliquando oportet: ut suæ quidque naturæ in mundo reddatur: ut quod igneum est, igni: quod aëreum, aëri: quod aqueum, aquæ: quod terrestre suscepit, id totum terræ restituatur. Itaque omnis etiam res publica, ex varijs, disparibus, discrepantibus naturis conflata, & ad temperiem quandam redacta, in seipsa habet interitus sui principium: quod legibus aliquandiu compressum & occultum, erumpit tandem per ambitionem superbiam invidiam avaritiam: sicuti in Græcorum & Romanorum factum Imperio scimus. Et quemadmodum maxima quæque flumina ab exiguis orta fontibus, augentur subinde multorum rivorum & mediocrium adventu fluviorum, auctaque in immensum & ipsa à mari absorbentur: sic magna imperia & regna fieri solent minorum majorumque regionum accessione: id quod fieri vix potest sine multorum injurijs & oppressione: ad summum tandem perducta fastigium, à potentiori quopiam rapta transferuntur ad alienam stirpem. Cujusmodi rapina partim apertè exercetur, ut nunc à Turcis & Scythijs: partim honesto aliquo prætextu velatur. In quo religionis velum obtinet principem locum: quandoquidem omnis religio pietatis se putet munere fungi aliorum cultibus delendis. Vnde perpulchrè Carneades apud Romanos, audientibus Catone & Galba censoribus, disseruisse fertur: si justitiam & æquitatem spectare vellent, ad restim, quod ajunt, ad casus quidem cer-
rè, res

tè, res eis redituras esse. Non enim à posteris jure possideri, quæ majores eorum per fas nefasque accumulaverant. Omnem autem Romanorum potentiam, omnes opes ex rapinis alienorum esse congestas. Prætexebant illi quidem varias bellorum causas: sed veram causam fuisse scimus infinitam habendi & regnandi cupiditatem; quæ, Plutarcho teste, hisce gradibus assurgit; *qui vinculus est, cupit esse liber: qui liber est, vult esse dominus: qui dominus est, optat esse Princeps: qui Princeps est, desiderat esse Rex: qui Rex est, expetit esse Deus, tonare quodammodo & fulgurare cupiens.* Quid multa? ita certè vivitur in mundo: ut, qui plus armis possit, satis se habere causæ putet ad alios opprimendos: sitque idem inter homines, quod inter pisces in mari, inter aves in aëre, inter feras in sylvis; ut imbecilliores prædæ sint fortioribus. Hoc veteres quidam admirati, hominem esse quoddam Deorum ludibrium dixerunt: quòd Deus & natura ludere videantur cum genere humano, uti pueri cum molli cera: quam nunc in hominem, nunc in bestiam, nunc in corbem, nunc in aliam atque aliam fingunt formam: confundentes priores, ac sæpè quoque formas meliores, ut novas faciant quantumvis deteriores. Quem fortunæ ludum contemplatus Seneca Poëta Tragicus pulchrè depinxit hisce verbis;

*Nulla fors longa est: dolor, ac voluptas
Invicem cedunt, brevior voluptas.
Ima permutat brevis hora summis.
Nemo confidat nimium secundis,
Nemo desperet meliora lapsus.*

Hhh 3

Atque

Atque hanc Philosophiam ex Diogenis dolio (liquore tantum, non natura vacuo) depromptam putatote. Melior procul dubio ex divinis literis, atque ex aliorum etiam officinis Philosophorum afferri doctrina posset. Verum non stat mihi nunc aut in Theologorum infinitas possessiones exspatiari, aut Philosophari hoc loco multis. Ad rem ergo. Ob causas commemoratas, & ipse Turcarum Tyrannus jam animo & spe, ut dixi, orbem Christianum expugnavit: & non pauci in Polonia atque Transylvania Christiani desperant nostræ reipublicæ incolumitatem. Desperatio autem illa præcipue est ob hostium multitudinem & potentiam: quæ comprimi non posse videatur, nisi conjunctis Christianorum Principum omnium opibus & viribus: ejusmodi verò conjunctio optanda magis, quàm speranda credatur; cum in multis semper aliqui soleant esse, qui vel stoliditate vel improbitate ab officio retrahantur. Stoliditatis est, ardente pariete vicino, expectare donec propriæ incendantur ædes: improbitatis autem, ob privata quædam sive commoda sive incommoda deferere bonum commune.

At vos, ô Germani, reliquique cordatiores Christiani, nequaquam terrore isto animi vestri magnitudinem inflecti sinetis: sed quanto propius nos tantus hostis accedit, tanto magis de concordia inter vosmetipsos constituendâ, de egregijs militiæ ducibus perquirendis, de milite scribendo, primo quoque tempore laborandum statueris. Asianarum gentium major semper fuit multitudo, sed minor in bellis virtus. Id quod & Græci & Romani, maximè verò Alexander & Pompeius sunt experti. Idem hodie in Vngaria experiuntur milites Cæsariani: qui numero longè
infe

inferiores, conferta acie impetu in hostes facto, magnam eorum multitudinem sæpè profligant; quorum tamen plerique sunt Europæi, robustissimi exercitissimique latrones. Magnum profectò imbecillitatis Turcicæ in tanta hominum multitudine, & virtutis Vngariæ in tanta militum paucitate, argumentum est; quod centum jam & eò amplius annis uni Vngariæ Regno subiugando tantus Tyrannus incumbit: ipseque Solymannus omnium Ottomanorum bellicosissimus, quinquies in Vngariam dicitur totam ferè suam potentiam contulisse: nec tamen eam totam in potestatem suam potuit redigere: nec posterì ejus potuerunt. Omnino incomparabile propugnaculum Germaniæ fuit Vngaria: estque adhuc aliqua parte. Quæ si à vobis deseratur, eadem prorsus erit conditio nostratum, quæ nunc est Vngarorum: atque haud scio, an Germania tamdiu resistere ac repugnare Turcis possit, quàm hæcenus resistit & repugnavit Vngaria. Ea totâ subactâ, liber Turcis erit excursus in Germaniam: ipsique Vngari quasi deserti & contempti à Germanis, omni animi impetu irruent cum Turcis in nostrates: eosque opprimere, exscindere, spoliare, justum, gloriosum, & memorabile facinus esse ducent. Nam ut satis jam populosa & armata sit Germania: tunc quidem certè quotidianis latrocinij, insidijs, velitationibus, prælijs minutis, & majoribus, ad eandem redigetur paucitatem, ad quam nunc Vngaros videmus redactos.

Hoc autem tempore tota adhuc spes defendendæ Germaniæ in ipsis nostris hæret Germanis, si ex ijs collectus exercitus alatur in sinibus; non ad annum, sed aliquot annis, & tamdiu, donec perpetuus Christiani nominis

nis hostis à cervicibus nostris repulsus, & in Thraciam vel in ipsam etiam usque Asiam fuerit retrusus. Cujus negotij totius cardo in eo vertitur: ut incatur ratio, qua nunquam deficiens cogatur pecunia ad exercitum continenter in finibus alendum. Non inepta fortasse fuerit ratio, si præter Principum & Rerumpublicarum stipem in belli sumptus collatitiam, deni quique tum cives tum rustici alant quotannis unum militem: sique ditiores etiam Nobiles, Generosi, Illustres Domini, ex inutilibus delictijs aliquid detractum conferant in commune. Quâ pecunia necessitate expressa efficietur, ut & diutius suis illis frui fortunis possint, & longius simul vitam producant, detracto gulæ non necessario cibo & potu. Posteaque decidendum aliquid erit ex superbo quoque cultu corporis muliercularum: eademque monendæ, ne gravatim laboranti & periclitanti patriæ subveniant. Flagitante reipublicæ necessitate Romani olim nec uxores, nec flamines suos, & sacerdotes immunes à contributione esse voluerunt. Et Imperator Antoninus cognomento Philosophus, omnem Imperatoriam suppellectilem vendere, ac splendore aulico carere maluit, quàm Imperio, quod à barbaris infestabatur, deesse.

Hæc generatim tantùm de pecuniæ ratione potui scribere. Pragmatici homines quibus summa sapientia est, privatim acquirendæ pecuniæ intelligentia, meliores sine dubio norunt rationes colligendæ publicè pecuniæ. Diligenter verò inquiratur in rationes Belgarum, quibus per tot annos cum Rege invictissimo bellum gerentibus (non facio alienam litem meam, sed quid ex ea decerpi possit boni narro) satis semper fuit pecuniæ. Incatur igitur eadem

dem ratio : qua illi sustinuerunt tanti & tam diuturni belli sumptus: neque prudenti parcendum pecuniæ, ubi libertas periclitatur: cum verissimum sit, quod vulgo jactatur: *Non bene pro toto libertas venditur auro.* An verò tota Germania minus possit, quàm Belgium? An minus etiam, quàm nunc Hollandia, & Selandia?

Cumulatâ pecuniâ belli nervo; reliquum erit, ut quærantur HOMINES; partim tales prorsus, quales Diogenes clarissimo die quærebat accensa laterna, nec tamen inveniebat, partim etiam quales ubique sine laterna videbat. Primi generis sunt ingeniosi, prudentes, magnanimi, & regendis alijs apti: qui immortalem gloriam mortali corpore studeant comparare: aspèrnamque putent hanc nostræ mortalitatis colluvionem: ex qua brevi alioqui discedendum sit; si non in bello, at in pace, fatali planè necessitate. Alterum hominum genus omnes eos complectitur, qui ferè ventris tantum causa vivunt: qualium, ut Plinius ait, maxima pars est mortalium: hi percolando cibo & potu, dolióve suo pertuso implendo occupati, nihil altum, nihil magnificum, nihil hominis præstantiâ dignum in vita designare possunt. Etsi enim verè nobilis etiam & ingenuus homo, non minus sine cibo potuque possit vivere, quàm vel asinus vel homo stolidus: dolet tamen, tanta ventris importunitate, tam sæpè, in rebus propriè ad hominem, ad religionem, ad doctrinam, ad rerum gerendarum gloriam pertinentibus, interpellari. Ex quâ naturarum differentia, tum nobilitatis, tum ignobilitatis ratio, in orbem Christianum atque etiam olim in Imperium Romanum profluxit. Quicquid enim optima parens rerum natura sapientissimè facit, id mens humani ingenij, si modo

sit ejusmodi, ut ex cogitatione conferri ad rem possit, diligentissimè imitatur. Facit autem natura ex ignobili elemento nobilius, & contra, ex nobiliori ignobilius; ut ex aqua aërem, ventos, tonitrua, fulmina: & vicissim ex aëre aquam fabricatur. Quod naturæ opus Christiana Respublica effingit; quando ex rusticis & civibus intelligentibus, beneque pro aris & focis defendendis dimicantibus, facit nobiles: & hos rursus, si à virtute deficiant & natales suos dedecorent, ad ignobilium deprimunt conditionem.

Iam horum tam nobilium, quàm ignobilium animos religionis controversiis exulceratos sanare poterit instans periculum, & consentiendi summa necessitas: ut belli saltem tempore *sint unum, maneat unum, moriantur & unum*: pro quibus ipse Christus est mortuus; quosque jungit unum fœdus, unumque baptisma. Non me fugit quàm difficile sit, animi vulnus dissentientibus de religione opinionibus inflictum dissimulare. Sed quid facias? Finge tu qui meliore te donatum religione putas, rem tibi esse cum ægroto valdè impatiēte: cui in multis sit rebus connivendum: si prudenter agere nec charitatem scindere velis. Si convicijs Evangelicus afficeris; cogita illud tui Erasmi; *Fugax ætas, & vitrea valetudo non quibuscumque rebus impendenda: sed quædam despicienda sunt, & animus ad magna erigendus. Verè magni est animi, quædam injurias negligere, nec ad quorumlibet convicia habere vel linguam, vel aures. Si Catholicus aliquid pateris, volve animo illud tui Marfilij Ficini: Ad maiora ego debeo esse paratus. Didici enim à Zenone, & Socrate, ne ipsam quidem mortem esse pertimescendam: didici à Thalete, & Heraclito, cuncta mortalium sive bona sive mala, dum oriri videntur, occidere: didici à Pythagora & Platone, dormire*
in

in corpore animum; & quacunque hic agere aut pati videmur, nihil aliud esse quàm somnia: didici denique à Christo Opt. Maxim. nobis defixis in omnem aeternitatem oculis, cunctas mortalis huius vitæ injurias esse negligendas. Et verò irreligiosis nostris de religione altercationibus infirmamus illam ipsam sanctissimam Christi religionem: prodimus hosti externo rempublicam Christianam: ludificandos nos ad indignum modum Turcis & Iudæis præhemus: deridendos nos Ethnicis omnibus propinamus. Hi Augustini adhuc tempore Christianis imputarunt Romani Imperij dilacerationem, ejusque brevi secuturam ruinam: quid nunc quæso illi dicturi essent? Quid verò Symmachus idolorum Pontifex? Is apud Ambrosium, persuadere Arcadio, Honorio, Valentiniano Imperatoribus volens, unicuique nationi suam esse religionem relinquendam; *Omnes, inquit, gentes aspirant ad arcana divini numinis, sed non iisdem modis, cum non omnes ejusdem sint ingenij, sed varijs viis ad eundem tendunt DEVM.* An non ille suam nunc Idololatriam, dissentientium Christianorum exemplo corroboraturus esset?

Sint igitur animi liberi & vacui perturbationibus: nihil non justè ac prudenter, quod ad rem Christianam pertineat, judicetur: omnia præsentia & futura pericula suo pondere examinentur: non dubito, quin decretâ *ἀμνηστία* bonâ fide in gratiam redituri, & conjunctis viribus atque opibus omnibus, in comunem hostem sitis pugnaturi. Nullâ unquam cum hoste isto esse vobis vera pax & concordia potest: nec bello, nec pace tuti eritis ab ejus insidijs. Et si enim non semper infert vobis bellam: semper tamen occasiones quarit vos opprimendi. Negligit omnem animi culturam, à Musis & Gratijs alienissimus: ut nullam vivendi

Iii 2

caus-

causam ijs relinquat, qui ingenio quàm ventre malunt vivere. Contemptis artibus liberalibus unam colit rei militaris disciplinam: qua opprimemini tandem (experientia credite) nisi provideritis. Accidit etiamnum vobis, quod finitimis Romæ populis; qui apud Livium conqueruntur de Roma: castra potius quàm urbem in medio positam, quæ pacem omnium & tranquillitatem turbaret. Tollit omnem nobilitatem; ne supersint, qui impatientia servitutis & contemptu propriæ salutis aliquando ipsum tollant tyrannum. Imperium suum non æquitate, sed hastæ longitudine metitur: nimirum omnem eum agrum suum esse censet, quem vi & armis occupare possit. Fide non stat in dictis atque conventis: fœdera eatenus servanda existimans; quatenus tyrannidi suæ augendæ conducunt. Sic non ita pridem hic Amurathes fœdus rupit Persis: sic nunc idem frangit Christianis. Durissima premit servitute omnes Christianos, qui Christo nuncium remittere, & Mahometi nomen dare suum recusant: non liberis eorum, non uxoribus, non supellestili parcit miles: quidvis quovis tempore in ædibus illorum impune & tentat & perficit. Unus omnia tenet: cæteri omnes ejus mancipia ad pecudum utilitatem abjecta. Ut valde mirandum sit, & auditu horrendum: esse quosdam in Germania Christianos, qui dictarent, se Turcico Tyranno malle parere, quàm Catholicorum societatem amplecti. Colludit nunc ille quibusdam Christianis tantisper: dum devictis potentioribus, eos quoque veram servire servitutem cogat. Exemplo sint Græci, omnesque alij, qui ad sacra Mahometis necdum defecerunt.

Eadem plane nunc est ratio Turcarum & Christianorum, quæ olim fuit Persarum & Græcorum: illi barbari, hi huma-


humanitate perpolitī: illi ducebantur superstitione, hi ratione: illi multitudine, hi arte pugnabant. Xerxes quinquages centenis hominum millibus in Græciam invasit; nec tamen victor, sed turpissimè victus fuit. Facessat proinde animorum pusillitas, & desperatio ob hostium multitudinem: quando non tam multitudo vincit, quàm ordinum ex arte militari instructio, & pugnandi vincendique pertinacia, ex conscientia bonæ causæ nata: quibus virtutibus nostrates longè antecellunt Turcis. Græci olim & Romani prodigi vitæ fuerunt odio servitutis, amore patriæ, atque commodorum miseræ hujus vitæ: & vos Christiani, quibus patria est æternitas, veræ divitiæ divinitas, mortalem hanc vitam immortalitati antefertis?

Sed jam facio finem; infinite rogans magnificè generosum benignissimumq; D. Anselmum de Vels in Intrzing, Sacratissimæ Cæsareæ Majestati à Consilijs Camera Aulæ, patronum incomparabilem: ut breve hoc scriptum suo tueri patrocinio contra malevolos dignetur. Invidum enim mortalium ingenium arrodit & lacerat omnia; ne à sanctissimis quidem viris abstinens, nedum à me, quem calumniatoribus valde opportunum reddidit superioribus annis iniquitas fortunæ. Quocirca optabam etiam magnifici D. Jacobi Curtij ab Senfftenaw, non tantum genere, sed ingenio & doctrina clarissimi viri, Sacræ Cæsar. Majest. à secretis Consilijs, & Imperij Procancellarij, patrocinium: verum non ausus sum præsens præsentem tantum Heroem compellare: nunc tamen Diogenis hoc dolum ad ædes illius devolvendum curavi. Vtenim nec magni momenti: nec tanti & tam eruditi Domini cognitione dignum: volubilitate tamen sua & strepitu (inania siquidem majorem quàm plena edunt sonum)

num) excitabit fortasse & pertrahet in eam speculam : ex
quadivus Hieronymus universam terram sub pedibus posi-
tam optabat videri, ut Heliodoro suo ostendere posset toti-
us orbis ruinam, gentes gentibus regnis regna collisa, alios
torqueri, alios cœcari, alios absorberi fluctibus, alios ad fer-
vitutem trahi, hic nuptias illic planctum, illos nasci, hos mori,
alios diffuere deliciis, alios mendicare. Quarum rerum
memoria si laboranti reipublicæ subveniri non possit à viro
sapiente; at luctus ipsi minuitur, & animo ejus præstans
illa divinaque sapientia ingeneratur, quâ (ut Ciceronis u-
tar verbis) perceptas penitus & pertractatas habeat res hu-
manas: qua nihil, cum acciderit, admiretur: nihil antequam
e venerit, non evenire posse arbitretur. Omnia autem ho-
mini, quantumvis sapienti & potenti, evenire tandem posse,
cum ipsa loquitur experientia (videmus enim eos etiam,
qui sapientissimi & potentissimi habentur, paullo momen-
to prostratos extremis malis confici) tum non reticet cla-
rissimi Astrologi admirabilis illa sententia: qua cœlo quies
terræ circularis motus tribuitur. Stat quodammodò cœlum
ob tam statas leges motuum, certasque vices revolutionum:
terra autē volubilis cernitur infinitis turbis bellis alijsque mi-
seriis. Vnde magni quidam Philosophi dixerunt: cum cœlum
aspicimus facile nos divinā agnoscere providentiam, sed cum
ad terram oculos reflectimus, omnia fortunę arbitrio relictā,
omnia videri cœco casu volvi. Qua orbis humani volubilita-
re, in bello civili inter Cæsarem & Pompeium orto offensus
Cato, Philosophus Stoicus, magnam esse in rebus divinis
caliginem exclamasse, sibi que ipse mortem conscivisse dici-
tur. At Christianus Philosophus altius erectus, omnia
vitæ incommoda divinæ adscribit providentiæ: quæ com-
modis

modis incommodisque permiscendis, vitam bonorum temperare soleat: ut dissipatas per secundam fortunam animi partes recolligat per fortunam adversam: ut cum humanum corpus deteriore post mortem sit conditione quam belluarum, (nemo enim ex mortui hominis vel amicissimi corpore aliquid cupit habere: ex bestiarum autem cadaveribus expetuntur permulta, ut pelles, cornua, dentes,) aliquid saltem animi studeat viventibus relinquere.

F I N I S.



HENRICI TVRRII VICECOMITIS
DE TOVRENNE

AD REGEM CHRISTIANISSIMVM

DE BELLO TVRCICO

ORATIO

Habita Marsalij 31. Augusti 1663.

Si quidquam in vita mihi jucundum unquam evenit,
id omne cedit voluptati, quam flexa jam in senium
ætate percipio; quum te florentissimo exercitu om-
nium Regni tui Procerum, & quod vivens nemo
subjectum oculis habuit, octo amplius millium ex Gallicâ no-
bilitate, Te Tuaque castragratuitâ operâ sequentium, comita-
tu & obsequio cinctum, urbs hæc non armato impetu, sed solo
imperatricis tubæ sonitu, victorem sponte aperta recepit, ac
totius Lotharingiæ dominum volens libensque, atque etiam ul-
tro gæstiens suo in reliquis Provinciæ urbes exemplo, agnoscit,
veneratur, ac secundis in omnia, quæ Regno ætatiq; tuæ mul-
tò optimiori sub spe pollicentur fata adjudicaturaque sunt, vo-
tis & omnibus prosequitur. Enimvero quid ad summam hu-
manæ felicitatis porro tibi desit Rex Christianissime, quid op-
tare, quid desiderio quamvis improbo concipere ac concupis-
cere potes amplius, quum quod jam possides habes, tuâque
in manu situm est? Hoc unum dicam audacter, Regum cle-
mentissime, ut me aliosque benè consulentes audias. Intra vi-
gesimum quintum ætatis tuæ annum nihil non quod voto ef-
fingi vel à fortuna exoptari queat, prono effectû consecuto tibi,

Kkk hoc

hoc unum est, quod non fortuna sed mens recta & à Deo illuminata adstruere possit, ut felicitate tuâ bene utaris. Atque ut hesternidiei experimento, cum in hanc urbem introisti, nobili sub spectaculo apparuit, quantum tibi bellatorum suppetat: tantundem tibi optimorum consiliatorum adesse, vel confessus hic probat. In quo summâ cum animi voluptate intueor adfidentem Estræum collegam meum, octuaginta annorum stipendijs emeritis sese tamen non minus impigre, quàm juvenum quemquam, tibi ad res seu manu seu consilio gerendas offerentem. Maeste virtute, & hoc tam insigni crudæ & necdum se oblitæ senectutis specimine, fortissime Heros: cujus nulla obliviscetur memoria temporum: digne, ut quod vir æque ac juvenis omnibus belli pacisque artibus annis faceres magnum, nunc antequam vita concedas, inter omnia Christiana imperia Galliæ Regnum spectes maximum. At cum te imitari, nobis collegis tuis non ex decoro duntaxat sed ex debito nostro sit; allaborabo, ut in me utilia Regi regnoque, non secus ac factis præstiti nunc etiam verbis suadenti, eadem nec dissimilia tibi lineamenta agnoscas.

Verùm antequam ad rem ipsam aggrediar, pauca de me præmittenda sunt: nã quod consilij tibi, O Regum invictissime, dandi libertatem usurpo, scis illam à te mihi datam. Ut sæpenu-mero miratus sit nonnemo me, quamvis diversorum à te sacerorum professione discrepem, tamen vel in arcanis deliberationum mecum communicandis, vel in rerum non levis momenti mandandis muneribus, perrarò fuisse præteritum. Quam ego profitear religionem, in propatulo ac palam est: nec illa tamen me tam religiosum aut tam timidum facit, quin tibi libere ingenueque suadeam etiam ea quæ ex ejusdem usu religionis minus esse videntur. Hæc nempe Gallicorum spirituum est sinceritas: quæcunque sacra sequamur, una nobis

ex

ex omnibus res secundum divinum numen sacrosancta est maxime, regni populiue salus & tua & gloria & utilitas. Nec à longinquis argumentis arcessenda probatio est. Inclitæ memoriæ virum, Dominum de la Noue, qui avo tuo, post parricidalem Henrici Tertij cædem, quâ ratione facillime Regni Gallici successio, tum inter Catholicos ac Nos, qui Reformati vocamur, intestino dissidio scissos, capeffenda esset, in arcano inter ipsos Reformatos consultante, brevissimis verbis reliquorum sententias varia censentiū præscidit, nunquam eum Regem Galliarum fore nisi Catholicus fieret asseverans: vel si lubet me, specta. Nam ut tuis auspiciis in Germaniâ nuper bellantem nemo Catholicorum illic in se acerbiorum, quam fas belli permitteret, me fuisse incusavit: ita tu recens adeo meministi, cum de armis Romano Pontifici inferendis deliberatio esset, me tot inter Pontificios pene solum extitisse, qui bello illo abstinendum sententiam ferret. Nec me ita censuisse poeniter, id saltem consecutum, ut pateat omnibus, me quæ in consilium asseram, non à privatis dictata affectibus proferre, sed publicæ utilitatis momentis exigere. Malè proinde iis sit, qui me aliosque idem mecum de religione sentientes, intempestivis cum Catholicis odijs collidere gestiunt. Nam magni illius Mornæi Plessæi, qui quoad vixit Reformatæ in Gallia religionis, quâ togâ qua sago, columen fuit, affirmata Avo tuo opinio certum mihi instar dogmatis est, quærenti: num Pontificios salvari crederet; haud dubie respondentis, nam infinitam Dei benignitatem, eosque ab eâ excludere temerarium esse, & utcumque prolixi & non necessarij circuitus navigatione utantur, in eundem tamen portum, quo nos plana navigatione pervenimus, tandem & eos recipi.

Quid igitur in tanto Catholicorum consensu unus vel cum paucis diversa de religione sentiens, tibi suasurus sum? Hoc

K k k 2

nitui,

nimirum: ut in Turcam bellum pares, & quam acerrimè gerendum cures. Quà de re orantem me quæso ita audias, ut ulla unquam de re, ad solidam Gallici nominis gloriam ac decus in perpetuum stabiliendum, disceptantem quemquam audisti. Cum totus Christianus orbis civilibus turbis involutus, diraque inter se laniens furens, apertum exteris hostibus, & cæca rabie in sua viscera sapiens, indefensum latus præberet, mirum fuit, Turcas statim ac quisque eorum nascitur exitiabili in Christianos odio imbutos educatosque, in tantâ Imperij Turcici opulentia & magnitudine, aut non intellexisse occasionem aut non æstimasse, ac temperasse ab injuriis, quibus nullo unquam tempore opportuniore ac magis pro libitu eorum expositi fuimus. At nunc cum nullum pæne Christianis inter se, quàm socero tuo Hispaniarum Regi cum Lusitanis, bellum sit, cætera pactis fœderibus composita, nondum quidem obductâ cicatrice sed plagis utcumque percuratis, in solidi iterum concordisque corporis robur coalescere incipiant; haud minus mirum videtur, quid sit, quod Turcæ Christianos, quos inter se bellantes vincere proclive fuerat, non tum aggressi sint, sed nunc pacatos aggrediantur. Haud me fugit, quæ Gallos nequiter calumniandi penes quosdam libido, quid criminis nobis imponere volupe sit, hoc nempe: nobis potissimum auctoribus Turcarum in Cæsarem arma esse commota. Quam ego criminationem non ullâ orationis defensione, sed re ipsa confutandam censeo. Et egregie refutabis, si ad id, ad quod te hortor, ex templo te accingas; nec in longiorem diem proferas, sed è vestigio repræsentes; & eo specimine in hanc belli Turcici arenam rei Christianæ opitulaturus descendas, ut nullum sinistra rumoribus nullum suspicatio silentio locum relinquas.

Nec iverim tamen inficias, posse aliquos esse è nostris, qui non quidem Turcas ad Cæsarem bello apperendum per te concii-

concirari debere, sed armis jam sponte ipsorum motis tantisper tibi cunctandum, & ope Cæsari ferendâ supersedendum putent, dum ille redactus ad incitas ultrò supplices tibi manus tendat, agnoscatque in te beneficij potentiam, fateaturque se saluum nisi per te esse non posse. At ego sophisma hoc Politicum impium esse judico & invisum Deo; usque adeo, ut credam, si res eò deventura sit, quo ea, ut deveniat, optant callidi isti periculorum alienorum insidiatores & otiosi spectatores, ut nimirum Cæsari suis exuto nullum supersit nisi ad Gallorum misericordiam perfugium, Deum tibi quoque vires necessarios ademturum, quibus vel illum vel sanè te ipsum à periculis, callidâ dissimulatione in majus, quam quæ unus sustentare valeas, auctis explices, sed eadem ruinâ, quam à proximo amoliri supersedisti, tu etiam ipse, maturus videlicet pœnæ à divinæ vindictæ legibus invento tam impio debitæ, involvaris, & cum innoxiiis noxius pereas. Nam commentum hoc: fovere aut favere turbis ut in turbido pisceris; à Stygio genio suppeditatum contrario prorsus effectu damnabit evertetque Deus, teque etiam ad propria tuenda inopem nudumque destituet, qui tuum ex alienis calamitatibus lucrum ac compendium quassisti. Age ergo, O Rex Christianissime, procul hanc vafritiem abige, & quod à te beneficium Christianus orbis expectit, & quam opem res trepidæ Cæsaris desiderant, occupa præstare, nec ullum temporis intervallum suspende. Præterquam enim quod jucundius & in animo accipientis perennius est illud beneficium, quod obviam venit, quod ex se non rogatu alieno nascitur, & quod prævenit interpellantem; non gloriose duntaxat Christianæ reipublicæ discriminibus succurres, sed tutius quoque exorti incendij flammæ, in alieno quam in tuo, in longe remotis quam propioribus tibi finibus, exstingues.

Kkk 3

Iam

Iam cum istis veteratoribus, qui in benefaciendo non Regem sed mercatorem te sed cauponem agere cuperent, facessant & illi, qui ex hac tua Lotharingicâ expeditione nescio quid te porro in vicinos aggressurum, aut gratuito fingunt, aut malè suspicaces metuunt, aut ultrò te facere velint; ut tanto majus tibi imperioque tuo odium concilietur, quanto invisus est, cum hostem non habeas, aut si habeas prætereas, in amicos grassari. Quasi vero in numero hostium Rex Christianissimus eos non habeat, qui Christum, qui Christi gregem tantâ rabie oppugnant, ut ignominia sibi ducant, esse quemquam in terris qui Christum colat. Sunt enim verò haud dubij hi hostes tibi; nec minus illi, qui ne veros hostes agnoscas amicos pro hostibus obijciunt, teque in eos infestum infensumque ferri cupiunt, quorum cum confessis obsequijs uteris, stultum fuerit per injurias extorquere quod jam ultrò ab his habeas. Nam quid in Germaniâ uspiam est, quod te non revereatur, in Italiâ quod non colat, in Belgio quod non suspiciat, in Britannis quod non observet, in Hispanijs quod non honoret? Quis vero hoc Regum ante te ullus consecutus est, ut Christianas omnes oras amore reverentia obsequio ac cultu, qui tibi ab omnibus quos nominavi, adde & à Suecis Danis ac Polonis, competit, devinctus haberet? Hæc vera Regnorum Imperiorumque gloria, hæc ingenua regis & ad divinam prope accedentis maiestatis effigies & exemplar est. non per vim ire possessum quæ cupias, sed per venerationem benevolentiam, & ejusmodi affectum qui lætè libenterque obsequenti- bus etiam animi sui vultum induat, habere addicta. Multò quippe certior est ab amicis, quos meritis & inpen- sis officijs, quam à subjectis quos metu continet, fides; & ille denum magnus est, cujus magnitudinem magnitudine suâ quamplurimi substruunt, ut tutelæ ille suæ præsidijque umbram largius possit

sit spargere. Quæ si tu recte intelligis, Rex maxime, si opes tuas inde æstimas, ut non tam quod velis posse te, sed amicos fœderatos vicinosque idem quod te ipsum & subjectos tibi populos velle, & ut efficiatur a vere, cernas: nam tu jure tuo, non adventitio & in aliis sitæ opinionis suffragio felix es; ac felix in perpetuum eris, quamdiu in hoc animi sese sibi sine fūco ostendentis habitu perseverabis. Sed non deses, non otiosa, non sibi soli propria ac beata, & domi tuæ custodita sit hæc felicitas: exeratur, usum sui præbeat, fructum spargat, seque cum totius humani generis felicitate communicet.

Quàm vasta verò, quàm ingentia sese exemplorum spatia tibi pandent, ut felicitatem hanc tuam, alios reddendo felices & quasi in opere habens, augeas & extendas! Vti immensus cœli ambitus à sole, ita infinitus terrarum mariumque tractus à te ut illustretur, tuis radiis splendescat, tuâ ope foveatur, appetit. Sed infesto adsitum periculo ac properi subsidij necessitate, nihil est quod æque colluctatur ac sub magno discrimine pavescit, atque Ungariæ solum, Turcicarum illa vetus & exercita calamitatum arena. Tum proxime huic adhærescens Germania. Quibus ex oris (proh dolor!) indices alios super alios miseriarum illuc ex improvviso longè lateque sese effundentium nuncios accipimus: quibus nisi commoveamur, indigni sumus qui Christiani vocemur. Huc ego te voco, his duabus provincijs sub extremi confinio exitij laborantibus, ut cæteris rebus omnibus relictis subvenire matures, hortor. Non quidem ut ipse expeditioni intersis (quanquam & hoc non degeneris à majoribus tuis, à Ludovico præsertim Sancto esset exempli, qui semel in Ægyptum iterum in Africam trajecto exercitus res magnas gloriosius suscepit quam gessit) aut è Laribus tuis, unde in omnia regimen, excedas; sed delecta copiarum quæ jam sub signis tibi robora (hoc etenim solum à te postu-

postulatur) periclitantibus submittas, paratus ingravescenti discrimini totâ Regni mole obviam ire.

Atque si mihi nunc operæ esset, de toto belli quo Turcicæ vires convellendæ sint genere differere, autore uterer eodem, quem supra nominavi, Domino de la Noüe: cujus hæc super re scripta extant typis vulgata, plena militaris prudentiæ. Verùm ego pro eo qui nunc est rerum statu quæ sentiam profabor. Germania omnis in decem descripta est partes, quos Circulos vocant; Austriacum, Burgundicum, Rhenanum triplicem, duplicem Saxonicum, Franconicum inde, Bavaricum, & Suevicum. Ex his ego Circulis octo illos quos posteriùs nominavi segregem (nam priores duos Cæsari eximios peculiaresque relinquam) conscribique ab eis oportere ac sub signis haberi putem, 21 millia peditum, 4000 non minus equitum gravioris armaturæ: statoque stipendio ali, ac sub severissimâ disciplinâ (quam, si stipendia militi rite atque ordine exsoluta procedant, facillimum erit conservare) haberi. Ad quod stipendium definito tempore repræsentandum, sumtusque alios bellicos tres florenorum Germanicorum milliones necessarij. Nec arduum fuerit, ex collatione tot qui sub his circulis censentur populorum, id æris colligere; dummodo æqua in omnes partita sint onera, & pro facultatum modo quivis conferat, nec plus justo graveretur qui minus potest. Nam si in tantâ mortalium, qui his Circulorum finibus incolunt, multitudine, quilibet unus non plus quam unicum quotannis florenum pendat: (quis autem ille mihi tam erit afflictus & miser, qui duodecim mensium spacio tantulum æris vel mendicando, vel esuriendo si aliter nequeat, non facile corradat? tres isti milliones sub manu nascuntur. Hic verò facere nequeb, quin admoneam Circulorum hominum Principes Regulos Dynastas ac Magnates, ne totum tributum

ORATIO DE BELLO TVRCICO

479

tributi hujus onus soli plebi imponant immunes ipsi, & quod luxu expendant publicæ necessitati subtrahentes, sed præcipuum in sercipiant, sumtusque aulae & domesticos alios super-
vacaneos contrahant ac refecent, nec infeliciū subditorum sanguinem ac medullas exsugant, ipsi soli pingues opulenti ac beati: id quod Deus in illos commeritis supplicijs dirè olim vindicaturus est. His Germanicis agminibus si Tu, O Rex, sex peditum duo equitum, Sueci quatuor peditum millia quingentos equites, Vngari autem ac Transilvani tria peditum quinque equitum millia, (quos suo tamen ære conscriptos alant) junxerint; formidabilem Turcis exercitum, triginta sex millia nempe peditum duodecim equitum, in aciem educere poterimus, sat validam quæ cum centum Turcarum millibus aperto campo confliat.

Stipendij autem annui & quod præterea sumtuū fieri necesse, summa ad quinque milliones excrescet: quorum Germania dixi tres, Tu unum cum dimidio, millionem alterum dimidium Suecus Danusque tum Hanseaticæ societatis affines urbes pendant, & in commune conferant. Qua in re tibi imprimis auctor sum, ut ad prompte conferendi alacritatem alijs facem præluceas. Inibi enim locorum, cum de pecunia promenda agitur, oppidò lentæ impenseque continentes sunt manus nostræ; quas non facile nisi magno sub exemplo, ut officium suum faciant, excites & laxes, atque eo sine confestim decies illud Ludovicæorum nummum centenorum millium, quæ tua est portio, præsentī pecuniā partim Francofurti, partim Lipsiæ & Vratislaviæ, per mercatores collybo transmissum in promptu esse, sed depositi fide tantisper custodiri cures, donec reliqui, præsertim Germani, periculo proximi, adeoque & necessitati ut semetipsos adjuvare properent propiores, tantæ pecuniæ aspectu incitati ea quæ ab illis proficisci debent explere

LII

fatagant.

fatagant. Et quam facile hoc decies centies millies representa-
tu tibi, O Rex, si cum Fouquetio uno ærarij tui diribitore ratio-
nem ponas, & paululo duntaxat pecudem hanc auream atton-
deas? Neque enim dignius & religiose magis illam hujus Ægi-
sthi & Cornificij, nundinatricem beatarum nocturnarum, nostrarum
forum obsidetricem pecuniam, quæ nisi intercepta fuisset non
unius in Danaës sinum per imbrem aureum defluxisset, expia-
re & tuam illic expressam effigiem luci reddere potes; quàm si
pulveris Cyprij coëmtione dehonestatam nitrato defrices, ab-
latamque Veneri Marti tradas, & castris, non castratam, sed à
castratis, quorum ille gregem per solam vocis maricidio redem-
tæ commendationem acceptum & pretiosum alere solebat, vin-
dicatam dedices.

Effervescet extemplò, cum quod tuæ portionis est mili-
tum, condicto loco in expeditionem paratorum, atque tanto
cum stipendio instructorum comparebit, & reliquorum pari in
re par eoque impensius studium, cum major eorum quam tua
res hic agatur. Nec multi laboris erit, ut quilibet ex illis quos
nominavi Germaniæ Circulis, bis mille sexcentos pedites, equi-
tes quingentos armis æque militari ornatos, breve intra tem-
pus ad signa sistat. Nec Sueci, nec Danus, & Vrbes fœderis
Hanseatici, quod ad eos pertinet submittere militum & pecu-
niæ ad tuum aliorumque exemplum cessabunt; & licet ultimi
terrarum ultimi in opera sedulo patriæ navandâ non erunt.

Huic ego exercitui, quamprimum aut totus aut dignâ ad-
res gerendas specie compositus atque ordinatus sub signis e-
rit, iter per Saxoniam agrumque Brandenburgicum ac Silesi-
am, qua proximum in superiorem Vngariam & à latere adsitam
Transilvaniam (quo minus Austriacas, de quibus post mihi ser-
mo erit, provincias proprio milite onustas prægravet) rectâ
capeffendum suaserim, sedemque bello Cassoviam deligendam;
sum-

summam autem imperij Electori Brand. burgico committendam De cuius virtutibus multa profari nunc opera non sit; nec dubitandum, qui ut haënus ita etiam in expeditione hac Turcica locum principem dignis Principe factis egregie sic implerurus, acceptus futurus Cæsari, acceptus tibi, ipsis etiã Pontificiis acceptus bellator. Ne de ijs qui de religione mecum sentiunt, dicam; ut sunt maiorem partem Vngari. De quibus mihi certò hoc polliceor, quum ad hoc usque temporis segnius Cæsare evocante (fortè ob hunc ipsum religionis respectum) ad arma infutrexerint, quam primum hunc ducem ad fines suos adventare inaudierint, plenis agminibus in castra ejus convoluturos. Alteras à Brandenburgico qui teneat, Te penes sit, vel Principem Harcourtium, vel me si dignum putes, eligere. Neque ego neque Harcourtius iussa detrectabit; ut qui quo ego animo Bullonica, eodem Lotharingica domus funebria spectarit, uterque melioris spem fortunæ merito nobis nostro alibi, & ubicumque tu volueris, locorum pignoraturus. Non desunt Suecis, non Danis, quorum operâ utantur, selecti belli duces. Eadem Germanis, eadem Vngaris virorum fortium & expertorum facultas. Nihil proinde ut desit, quam ut Tu primus occipias ostendere, quid tibi sit animi. Te auctorem, Te auspicem nemo erit quin sequatur.

Hunc quem oratione mea concinno, non minus autem, si res serio studio agatur, re ipsa concinnatu facilem, exercitum superiori Vngariæ præsidere velim. Nec ullus dubito, non longi intra temporis spatium tam secundo rerum eventu bellatum iri, ut non tantum pars illa Vngariæ, sed Transilvania Moldavia ac Valachia, opulentissimæ regiones, Turcicæ tyrannidis exemptæ pedicis, nobis sint accessuræ. In Vngariâ verò inferiore alium exercitum, ex Austriaco Burgundiaque circulis Bohemiaque & Silesiâ coactum habeat Cæsar: (viginti nempe peditum

tria equitum millia) cui & conscribendo, & stipendio stato sustentando, illæ ipsæ sat habiles & sufficientes sunt Provincia. Quibus si Helvetij, incommuni fidei Christianæ discrimine per tuam vel solam auctoritatem haud exoratu difficiles, duo millia peditum suæ nationis, Rex porro Hispaniarum quinque millia peditum mille equites, Principes ac Respublica Italiæ (Pontifice Venetisque exceptis, quorum opera alibi locorum, ut post indicaturus, æque utilis erit) tria peditum millia equites mille, Ordo tandem in Germania Teutonicus liberaque Imperij nobilitas mille itidem equites, Croati ad extremum & illius oræ Vngari quatuor peditum totidem equitum millia addant, Cæsarque ipse suo ductu præsens res administrandas suscipiat, aut non temere ulli alij quàm ex Austriacâ aliâve inter primarias in Germaniâ familia nato Principi committat; eccui erit dubium, quin hæc quadraginta quatuor millium summam exæquant res copiarum totâ Turcâ quæ ad illud Danubij latus est Vngariâ sint exacturæ? Hic pro stipendio annuo & reliquis militiæ expensis quatuor cum dimidio Germanicorum florenorum miliones habeantur necesse est. Duo cum dimidio à Cæsare ex Austriaci Burgundiacique circulatorum collationibus ac tributis suppeditandi; unus cum dimidio, quæ eadem sit, O Rex portio summa est, à socero Tuo Hispaniarum Rege; qui deficit alter dimidius millio, à reliquis quos memoravi expeditionis socijs exsolvendus.

Pontificem belli à te impendentis metu liberum (nam rem cum eo transactam dat possessus à te Avenio, & tua Parmæ Mutinæque impensa acceptaque beneficia, ut benefactorem malint amicum habere quam vicinum, multò minus amant Larium suorum inquilinum) quid impediet, quo minus, quam nunc coactam habet levissimam militum manum, brevi navigationis per Adriaticum trajectu copijs Venetis jungat? hæcque unâ sociatæ
Dyrta-

Dyrrachium aut Aulonis in Epiro portum Turcis (nil tale, ut nunc res sunt, opinantibus, constareque tibi propositum arma in Pontificem inferendi credentibus) tentent, ut si res successum habeat, ora illius habitatores plerique Christiani prostrare Turcicam servitutem, & sinum Turcici Imperij armis nostris patefacere queant.

Valebit haud dubie tua & apud Batavos & Anglos autoritas: exhortantis ut quidquid mari possunt (sunt autem navales ijs immensi apparatus) infestâ navigatione inferant Africæ littoribus, & infames illic piratarum, (sub quibus tot ex utraque natione capti miserrimi hominum immanem dictu servitutem serviunt) nidos & lustra excindant. Præsertim cum perfidis pactis toties ab eis sibi impune usque adhuc illudum, mariaque omnia atque ipsum adeo Oceanum, ad oras usque Britannicas ac Batavicas, prædatorijs horum Barbarorum navigijs audacissimè pererrari cernant; ut nusquam non locorum Christiano cuius plena periculis & anxia metu sit navigatio. Nec verò Galli ipsi, interna que maris nostri & in Oceanum obversa Galliæ littora, ab eorum latrocinijs libera sunt. Vnde decorum tibi erit, & quidquid maritimæ potentia tibi suppetit cum classe Batavicâ atque Anglicâ pariter in hostem emittere, & à focero quoque tuo ut idem faciat impetrare; quippe cujus regiones longissimo terrarum littorumque tractu latronum horum incursum multo latius sunt exposita.

Lusitanis profecto, si idem focer tuus ad pacem eis aut annorum aliquot inducias concedendas reipublicæ Christianæ bono se permoveri patiatur, quid optatius contingat, quàm metu Catholici Regis liberos posse se quidquid habent virium ad communem Christiani nominis causam tuendam conferre, & incensa à consanguineis populis odia in Turcas & Mauros effundere, & per horum excidia insepultis Regis olim sui cineribus parentare.

Nec minor de Polonis spes est, qui utique in reliqui or-

LII 3

bis

bis Christiani contra Turcas conjurati confessu non quiescent; sed in eodem sacramento nec inter extremos esse volent: præsertim cum refractarius ille Regi suo miles, qui secessione suâ res Polonicas hæstenus in ambiguo tenuit, pernumerato stipendio pacatus jam injustos ferri hostes, jam legitima mereri vulnera, impense ardeat. Quid si & Mosci & Poloni ut concilientur, communi totius Christiani nominis deprecatione ac supplicijs à se impetrari sinant? quo promptius ipsi Cosaccis Ponti Euixini accolis sociati in viscera Turcici imperij invadant: Moscus autem diversâ parte, quâ fines ejus à Turcicis propius absunt, nova belli mole in eos incumbat; ipsumque adeo Persam, professum ac perpetuum Otomannorum hostem, ad manum secum jugendam, & per invisæ gentis exitium satianda innata in Turcos Persis odia commoveat & concitet.

Hujusmodi te cogitationibus, O Rex, succinge. In hujusmodi successu tentanda discrimina te arma. Ad talia te experimenta facienda ducem atque auctorem præsta. Atque adeo temetipsum à te præsentem interroga: quibus scilicet confederis arvis, quas terras premas. Has nempe, ex quibus Gottofredus Bullionæus, non ille earum ut tu opum sed fortunæ permodicæ Princeps, ausus est tamen animi sui magnitudinem ac spes suas in penitissimos Orientis ac Palæstinæ fines proferre. Ac protulit pertulitque re ipsa, per infinita terrarum spatia ducto voluntario ducentorum amplius millium bellatorum exercitu, ac tandem Hierosolymitanâ & urbe & regno potitus, gloriosissimū tibi prævit imitationis exemplum; ut eo minus extra hujusmodi cogitationes sis, quo major es sed ad paria ac sublimiora aspires. Nec tamen ad id gloriæ fastigium ut pervenias, necesse tibi te domo commovere; sed quod velis, quod tibi in voto sit, efficaciter velle. Nam si constanter quidquid id sit, hoc præsertim quod ipse Deus concitat, velis, poteris quoque, modò tibi ipsi posse videaris.

Iam

Iam primum Germaniæ Ordines omnes, ad quorum latus
laxavit belli periculosissimi incendium, tuam implorant opem: te
adjutorem protectorem auxiliatorem suum respiciunt, tibi se sa-
lutemque patriæ commendant. Major ex illis pars peculiari te-
cum sociata foedere, ut ex fide quoque tua sit eis opulari. Ca-
teri, atque illi præcipuè qui Augustanæ confessionis nomine cen-
sentur insignibus, vel me teste, beneficiis à te affecti (quæ reticeo,
ne exprobrare videar) à te tuâque autoritate nunquam dissentient;
sed tuis suffulti subsidiis, tuo animati ductu & exemplo, arma-
bunt quidquid quisque habet virium & egregium brevi militem
sacramento adactum producent. Tum autem Cæsar ipse conso-
brinus tuus, tam arcto sanguinis nexu junctus tibi, quid à te non
jure merito exspectet? in tanto suo & totius reip. Christianæ adeo
nunc valido ictu percussæ discrimine? Quam tu per omnium fa-
cultatum tuarum, quam per proprij si res postulet sanguinis effu-
sionem, eo pacto quo filius matri civis patriæ mortalis Deo ob-
stringitur, tegere ac tueri obligatus es. Poterisne tu secundum
Vngariam Turcarum faucibus immerfam, Austriam quoque ab
ijsdem omnibus barbaricæ & inhumanæ atrocitatis tormentis di-
laniatam, siccis oculis, immoto ad commiserandum pectore,
nullo subveniendi astu ac fervore, nullo ad innoxiorum tot po-
pulorum cogitatu etiam fœdas calamitates, doloris sensu intueri,
immemor tui ipsius, immemor Austriaci sanguinis, quo dimidio
à matre promanante & ipse vivis & quo itidem dimidio qui ex te
vivent victuri sunt?

Venit nunc in mentem mihi quadringenties mille Ludovicæ-
orum illud nummum, à Cardinali Mazzarinio in Turcici usum
belli supremis Cæsari tabulis legatum; cum ille sub propinquæ
jam mortis disciplinâ doctus esset, & docere posset alios, si qui
audiant, quæ maximè laudatæ & rite impensæ sint opum Eccle-
siasticarum erogationes. Hanc tu pecuniam cur domi custodi-
tam

tam teneas, cur non emittas, quo ire iussa est, quo ipsamet tendere gestit? Cur hoc novissimæ voluntatis suæ fructu defunctum, hominem qui omnibus in te vivens moriensque officiis defunctus est, fraudes? Nescio quem ad te excusandum Tui si eos consulas Theologi, tuæ conscientiæ arbitri & rectores colorem dicere aut quid obrendere queant. Mearum sane in religione partium Theologos si interrogas, negabunt legatam Cæsari pecuniam in tam acceptum Deo usum, in tantâ necessitate, sine gravi à te piaculo retineri posse; imò moram quoque, quod tardius solveris, condigno fœnore redimendam ac supplendam.

Eja ergo, quid cunctaris, quid deliberas, quid in tu te oblivionem immergis? Res Christiana tota in te suspenso hæret vultu; tuum nutum, tua operitur auspicia. En paratus tibi lectissimus miles. Ex quo quid erit negotij sex non amplius pedum duo equitum millia segregare, & in tam gloriosi incepti expeditionem præmittere, donec si opus fuerit tota Regni mole subsequare? Par rebus gerendis præsentis pecuniæ vis in manu tibi; plura inexhaustæ tributis Galliæ pollicentur. Et hic belli nervus, hæc rerum anima, hic omnium actionum spiritus est, huic omnia obediunt obsequuntur, & ejus subsidio sustentata sese factu facillima reddunt. Germanus, Suecus, Danus, Polonus, Anglus, Batavus, & quidquid usquam Christianæ noræ est, Italus ac Hispanus ipse, non concedent tibi. Et quivis eorum appropinquabit, si inter primos esse nequeat, saltem ne postremus sit. Quid autem Gallica nobilitas? quo se animorum ardore tua post iussa incitabit, ad hoc bellum tam gloriosum, tam necessarium nomini Christiano propinquo ab interitu vindicando? Crede mihi, crede orbis universi famæ & voci: hortent Turcæ vel solum Gallorum nomen. Nam oraculo eis proditum, & ipsi prona fide credunt: Gallorum virtute & armis Imperij Ottomannici statum eversum iri; magnisque pene quotidie lamentis, cum in templorum

rum suorum adytis Machometo suo supplices, id solum ut in longinquum fata ipsis imminetia proroget, (nam ut omnino effugiant, nulla ipsis fiducia aut spes) impetrare contendunt, contestatum nobis & certum reddunt; ac magno emant ne ad nos emanaverit. Hoc tu oraculum verum maturumque & eventu ipso comprobatum facito, Ludovice. In hæc te facta natum esse præsumito. Multis antiquitus expeditionibus inclaruerunt per Orientem Gallorum arma: ac proinde quisquis ibi Christianus audit Gallus seu Francus nominatur; insigni documento, quanti populis illis Galli fiant, quorum nomine totius Christiani orbis universitatem insigniunt.

Potuit Gottofredus Bullionæus Solyma, potuit Baldunus Flander Byzantium expugnare: quota parte opum tecum comparandi? Ne desis exemplo, qui vicibus immensum super es. Aude & te dignum ostendere, qui posteritati inter exempla sis.

Ea es ætate, quæ M. Alexandrum ingentibus belli facinoribus vel maxime exercitum intentumque habuit. At ille orbis prædator, tu vindex eris. Ille sibi, tu Christo vinctus. Terris ille omnibus, tu secundum terras cælo potiri contendis. Non unus illi orbis; nec tibi sufficiet, ad superos, sed tum demum ut vovemus transgressuro, cum ille totus à te domitus doctusque Christum adorabit, ne mortalitatem tuam prius expleas quàm immortalibus mortalia omnia beneficiis affeceris; tum, cum inter Christianos lætum erit Turciam in Turcia quærere, excisis Machometismi vestigiis Christianorumque in oriente servitute commutata in imperium, ut ijsdem ergastulis constrictos Turcas includant, quibus nunc ab his, sub intolerabilibus hu-

M m

manæ

448 TOVRENNII COMITIS ORATIO
manæ patientiæ tormentis ac suppliciis continentur.

Horum calamitosorum voces te audire, horum luri-
da & deformia ora intueri te, O Rex, finge. Illosque vel
solos Gallos tuos cogita, quorum infinitus numerus vel in
Africâ penes piratas, vel alibi apud Turcas, non servit (hu-
manum hoc) sed bestiarum in morem habetur afflictaur &
premitur. Horum, à te passis manibus opem dulceque li-
bertatis nomen inclamantium, quin te miserescat, quin eis
opitulatum eas, scio te vitæ usura tibi interdicturum. Tan-
ta in te pietas: tantus in tuos amor: tanta erga illos caritas;
ut hujus potissimum virtutis in te ad Christi exem-
plum exprimendæ incenso ardore & studio, di-
gnum te Christianissimi Regis nuncupatio-
ne ac nomine ostendas.

F I N I S.



INDEX SCRIPTORVM HOC VOLVMINE CON- TENTORVM.

- I. *Lazari Soranzij Ottomannus sive de Impe-
rio Turcico.* pag. 1.
- II. *Achillis Tarducci Turca vincibilis in
Vngaria.* pag. 163.
- III. *Anonymi cujusdam dissertatio de statu Im-
perii Turcici, cujusmodi sub Amurathe
III fuit: deque ejus evertendi modo. p. 313.*
- IV. *Augerii Gislenii Busbequii exclamatio sive
de re militari contra Turcam instituenda
consilium.* pag. 323.
- V. *Ioannis Comitis Tarnovii de bello cum jura-
tissimis Christiana fidei hostibus Turcis ge-
rendo disputatio.* pag. 361.
- VI. *Lazari Suendij quomodo Turcis sit resisten-
dum consilium.* pag. 379.
- VII. *Felicii Petancii libellus de itineribus aggre-
diendi Turcum.* pag. 399.
- VIII.

*IIIX. Christiani Franci dolium Diogenis, strepitu
suo collaborans dynastis Christianis, bellum
in Turcas parantibus. pag. 413*

*IX. Henrici Turrij Vicecomitis de Tourenne ad
Regem Christianissimum de bello Turcico
oratio. pag. 431.*

005647156

